

THE  
UNIVERSITY  
OF CHICAGO  
LIBRARY

(تقریض)

افاخم وکلای دولت علیہ دن شیخ الادبا دولتلو  
احمد جودت پاشا حضر تریںک لطفاً اهدا و احسان  
بیوردقلری تقریض بلیغانہ در

مجمع لطائف آثار و مغبوط سوائف اعصار اولان دور دلارای جدید  
وعصر فیض بخشای حمید حضرت ظل الہیدہ نوبنو نہادۃ دستکاء تألیف وتصنیف  
اولان آثار جدیدہ لاحقہ و علوم وفنونک تمیز وتقسیم انواع واصنافی ومؤلفینک بیان  
اسامی وتعریف اوصافی حقندہ شیرازہ بستۃ تدوین اولان آثار سالفہیہ علاوۃ فائقہ  
اولق اوزرہ منسقہ جنبان حصافتمندی معادن ہیئت فیہ سی باش کاتبی سرکر افندی  
ایلہ طاہر افندی بالاتفاق «مخزن العلوم» نامیلہ بر مجموعہ تصنیفہ تشمیر ساق ایلش  
اولدقلرینسہ دار برقطعہ مفصل ومطبوع بیان نامہلری مطالعہ اولندی ومجموعہ نک  
برجزئی چشم امعان ایلہ او قوندی جزو دن کلہ استدلال ایلہ شایان تقدیر واستحسان  
کورندی چونکہ مقدما بویولده موضوعات العلوم وکشف الظنون کبی مجامیع  
موضوعات واسامی علوم وفنون تدوین اولتمش ایسہدہ صکرہ بو وادیلر متروک  
اولش ونیجہ زمانردن بروکلوب کچن مؤلفینک تراجم احوالی مجهول قلمش ایکن  
انلرک اجمال احوالی ایلہ مؤلفاتی مجامیع مذکورہ نک مندرجاتی ایلہ مزج وجملہ سی  
بو مخزن علومہ درج اولنہ جغہ نظراً جبر نقصان طریقہ اشتات معارف وعلوم  
اسلامیہ بی جامع بر مجموعۃ جلیلة المنافع اولہ جنفی اکلاشلدی لکن درجۃ تفوق  
وتفاضلی تمامندہ آثار سالفہ ایلہ بالمقابلہ معلوم اولہ زق «کم ترک الاول للآخر»  
دینیلہ جکی ظاہر اولغلہ جناب حق آتامنی میسر قیلق دعاسی دعای واجب الادای  
حضرت پادشاهینک تکرارینہ کریزکاه ایدلدی

الفقیر

الی الطاف ربہ الحکیم القدیر

احمد جودت



(تقریض)

قدمای بندگان سلطنت سنیہ دن واصحاب فضائل  
وکالاتدن قسطمونی و طرابلس غرب ولایتلری قیو  
کتخداسی سعادتلو ابراهیم راشدافندی حضرتلرینک  
اثر خامہ بلاغت علامہلری اولان ہدیۂ تقریضیہ در

مخزن العلوم نام مناسبیله موسوم اولان اشبو نسخہ شایان تقریض و تقدیر  
و خزینہ ہایونده و نزد ارباب فنونده زیور دولاب اعتبار اولمغه جدیر ایدوکی  
مطالعہ سیلہ استفادہ ایدہ جک اصحاب فہومہ غیر ستیردر.

مقدمہ سندیہ بسط و تحریر اولندیغی اوزرہ بو نسخہ مرغوبہ نک بروجہ مستحسن  
بولہ جمع و ترتیبہ بذل ہمت ایدن و دیباجہ سندیہ استملری مسطور بولنان ذاتلر  
اسلاف و معاصرین معارف قرینلرک اثار نافعہ لرینی بوصورتلہ انامہ اعلام ایللری  
اہل دانش غندندہ حق سزاوار ستایش برسی جمیل مالاکلامدر.

حررہ احوج العباد الی الطاف ربہ المنان

ابراہیم راشد بن نعمان





(تقریض)

صدور عظام فضائل آسمان کاتبی زاده سماحتلو  
خیر الله افندی حضرتلرینک احسان بیوردقلری  
تقریض عالیاریدر

علمای کرام حضراتنک نیچه عصرلردن برو کتبخانه عالی ترین ایدن تألیفات  
کثیره سندن و علوم و فنونه دائر معلومات نافعه دن باحث و «مخزن العلوم» اسمیه  
موسوم اولان بو کتابک سایه ترقیاتوایه حضرت پادشاهیده تألیف اولنسی باعث  
تشکراتدر .

کتاب مذکورک اصحاب علوم و معارفه و ارباب تبعاته و طالب علم اولنلره فوائد  
عظیه بخش ایده جکی نزد اولی الهاده غیر خفی در .  
علم کتبک اهمیتنی جمله دن اول تقدیر ایدن علمای اسلامیه جانبندن وقتیه  
او یولده بعض اثار معتبره تألیف و تدوین بیورلمش ایهده انلرک صورت ترتیباننده کی  
نفع وفائده دائره خصوصیتده قالدقندن بشقه او وقتدن شمعی به قدر تألیف بیوریلان  
کتابلر او اثرلرک خارجنده قالدینی غیر منکر اولدینی حالده بو کتاب او خصوصده کی  
نقصانی دخی اکمال ایده جکی حسیله محررلری اولان ایکی هنرور حمیت کسرتک ابراز  
ایلدکلری شو خدمت وطنیه لری الحق سزاوار تقدیر وستایشدر .

حرره کاتبی زاده



ARA/FORD/A

(تقریض)

افخم ادبای عثمانیہ دن مجلس نافعہ باش کاتبی و جریدہ  
بحریہ باش محرری سعادتلو حمید و ہی بی افندینسک  
محصول خامہ اعجاز نماری اولان ہدیہ برکزیدہ در.

وقیلہ ترقیات علیہ غریبہ یہ امالہ انظار غبطہ و تحسر ایدنلر متوالیاً بدائع نمای  
ظہور اولقده بولنان آثار فیہ حاضرہ مزایله قریر العین اولدجہ بالتدریج صرف لحاظہ  
اشتیاق ایلورلرکہ بو حال عظمت کالات عصریہ مزک حالاً حاز اولدینی موقع  
ترقینک آتیا خیرہ ساز عیون اهل غرب اولہ جغنه براعت استہلالدر.

مثلاً تاج سرفضای روم کاتب چلبی مرحوم «کشف الظنون» نامندہ کی اثر  
محسنات آوری ایلہ کتابخانہ شرقی تزیین و دہا بعض مؤلفین فضائل قرین بونہجده  
برقاچ اثر فوائد کستر تألیف و تدوین ایلشدر ایسده فنون حاضرہ غریبہ میانندہ  
«بیلوغرافی» دینلوب محرز اہمیت مخصوصہ اولان فن عمیق الغورک کوندن کونہ  
اعتلا یافتہ اعتبار و اتساع اولقده بولنسی او خصوصہ کی نقصانمزی مدرک اولان  
حقائق پروران نزدندہ جدی برحس غبطہ کارانہ تولید ایلکدہ ایدی.

اخیراً سرآمدان ارباب تتبع و تدقیقندن اولان ایکی ہنرور حیتمند شونقصانی اکالہ  
خامہ زن اہتمام و «مخزن العلوم» عنوانیلہ حقیقہ مخزن علوم اطلاقہ شایان بر اثر  
بہتر تلفیق و تصنیفہ صارف اقدام تام اولملریلہ عامہ معارف پروران عثمانیان طرفندن  
بحق مظهر پسند اولدیلر.

ہتلی موفور، سعلری مشکور اولسون!

یا لکز شرقک دکل، غربک بیلہ خزائے الکتب معارفی زینت یاب ایدہ جک اولان  
شو اثر عالی من کل الوجوه سزاوار تشکرات اصحاب معالیدر.

کلاک اقدام سرکر و طاہر  
اولدی الحق مجامع الافضال

ابتدی بر مخزن علوم انشا  
دینسہ اس الاساس علم بجا

اضغف عباد

حمید و ہی

(تقریض)

اجلہ رجال دولت علیہ دن شورای دولت بدایت محکمہ سی  
رئیس کمالات انیسی سعادتلو سعید بک افندی حضر تلیرنک  
احسان بیوردقلری تحفہ کرانہای تقریضدر

ظاہری و باطنی کافہ اسباب و وسائط ترقیاتی زیر حمایت فیوضاتوایہ حضرت  
پادشاہیلرندہ بولندیران پادشاہمز افندمز حضر تلیرنک عصر معارف حصر  
تاجداریلرندہ بویله بر «مخزن العلوم» نشر اولنسی سزاوار تشکر اتدر .  
علوم و معارفک اقسامی و ہر شعبہ علوم و معارفک کتب متنوعہ سنی و ہلہ  
نظر حیرت و تقدیر ارباب تتبعہ عرض ایدن بر اثرک قیمتی وارستہ بیناتدر .  
غریبہ بویولده کتابلر ہر آن وزمان زیور ایدی علما و دہاتدر .  
فیض معارفی شرقدن المش اولان غریبونک بویولده کی آثارینہ بمائل بزده آثار  
جدیدہ چیقما مش اولسی اقبح تأخر اتدر .  
قدما مزک بویولده دخی بعض آثاری موجود ایسده انلر شوزمانہ نسبتہ من المنسیاتدر .  
کتب و مؤلفین کتب مجموعہ سی حقیقہ کنز معارف و علوم و المغلہ بو مجموعہ ایچون  
«مخزن العلوم» وصفی البق صفاتدر .  
بویله بر اثر مفید وجودہ کتورمک ہمتدہ بولنان سرکز و طاہر افندی لیرک  
ہمت و اقداملری بشقہ جہ جالب تقدیر اتدر .  
معارف عمومیہ و خصوصیہ ایچون بو کتابک ہر صحیفہ سی مرآتدر . نہ مرآت کہ  
صور نمای جزئیات و کلیاتدر .  
وار اولسون اول ضیای فطانت کہ کاشف مخازن مشکلات و مضی ظلام معضلاتدر !  
ہمان جناب حق سایہ شاہانہ دہ مؤلفلری نائل مکافات ایلسون دعاسی وجیہ  
ہر قدر شناس انصافستاتدر .

لایق وصف و ثنا بر اثر اولدی ظاہر  
یازدیلر ہمت و اقدام ایلہ سرکز طاہر

اعجز عباد

سعید

(تقریض)

اجله علمای عثمانیہ دن و مدرسین کرام معالی اتسامدن  
اماسیہ وی کاتب زادہ الحاج مصطفی رفعت افندی  
مرحومک ارتحاللرندن اول اهدا واحسان بیوردقلمی  
تقریض دایندیر عالیلریدر

سایه معارفوائه حضرت پادشاهیده بودفعه ترتیب و تحریر اولنمش اولان  
«مخزن العلوم» نامنده کی کتاب، ارباب علم و کمال ایله هوسکاران معارف ایچون برمرآت  
مؤلفاتدرکه او آینه دن محبوب قلوب زمره علم اولان کتب علیه صور نمای چشم  
اشتیاق اوله رق بوندن حاصل اوله جق فوائد و محسناتک تعیین درجات عالیه سی  
قابل دکلدر.

هله «مخزن العلوم» ک حسن تحریر و ترتیبی بشقه جه موجب محسنات اولسیله  
بویله بر اثر فوائد کسترایله خدمت وطنیه ده بولنان سرکر و طاهر افندیلرک مساعیسی  
بالوجوه سزاوار تقدیر و تشکر در.

کاتب زادہ

مصطفی رفعت



(تقریض)

اعاظم ادبای عثمانیه دن عزتو معلم ناجی افندینک  
احسان بیوردقلری نئیقه بلیغه تقریضیه در

مخزن العلوم مؤلفلری افندیلر حضراته

افندیلر حضراتی

«مخزن العلوم» نامیله تألیفه همت بیوردیغکز اثر عظیم، عالم انسانیتی متتدار  
ایده جک آثار نافعه دندر. عرض تبریکات فائقه ایله برابر حصه کمترا نه مه دوشن قسم  
شکرانی تقدیم ایله کسب مفخرت ایلرم.

بواثر محترم نامکزی ابقا ایچون کافیدر. حتی زمان کچدکجه اهمیتی ارته جقدر.  
بوکون مثلاً (کاتب چلبی) عنوانی بتون دنیا لسان احترام ایله یاد ایدیور.  
احتمال که دهات علمای عثمانیه دن اولان اوبیوک ذاتک حائز اولدینی مزیت جلیله  
بولدینی زمانده شمدیکی درجه لرده تقدیر ایدلمه مشدر.

«مخزن العلوم» ک ترئینده نه قدر زحمت چکمش اوله جغکز پک جزئی ملاحظه  
ایله اکلاشیلیر. آندن کال سهولته استفاده ایده جک ذوات سزه فصل عرض تشکرات  
ایتمسونلر؟

جمیعت عثمانیه نیک بلکه کافه جمعیات انسانیه نیک معنا محتاج اولدینی بر خدمتی  
بویله صورت مکمله ده ایفا ایله آره مزده ممتاز اوله رق بتون عثمانیلری مباحی و کندکزی  
لایق الطاف جلیله پادشاهی ایلدیکز.

جناب حق سحیکزی مشکور ایلسون!

معلم ناجی

# مخزن العلوم

(قسم اوّل) علوم وفنونه دائر مباحثی، (قسم ثانی) لسان عربی و فارسی و ترکی اوزره (۱۳۰۰) سنه دن برو علمای کرام و فضلاى ذوی الاحترام حضراتی ایله سائر ارباب فنون و معارف جانبندن تألیف بیوریلان اثار علیه و فیه نك اسامیسی ایله تواریخ تألیفیه و معلومات اجمالیه سنی و اسامی مؤلفینی، (قسم ثالث و قسم رابع) مؤلفات عتیقه و جدیدیهی حروف هجاً اوزره و تواریخ اعتباریه ارايه ایدن فهرستلری، (قسم خامس) مؤلفین کرامك اسامیسی حروف هجاً اوزره بالترتیب اکثر مؤلفینك تراجم احوالی ایله علوم وفنونه دائر تألیفاتی، (قسم سادس) مرکز سلطنت سنیه ده و علی العموم ممالك اجنبیه ده اسامی کتب حقنده کی تألیفات و سائریه دائر کتبخانه لرك مواقعی ایله کتب موجوده سنی و ممالك اجنبیه ده اسامی کتب حقنده کی تألیفات و سائریه دائر معلوماتی حاوی بر خزینه علوم و کتب در.



## قسم اوّل علوم وفنونه دائر مباحثی حاوی در



اثر

سابقا اماسیه نفوس مأموری  
سید عبدال زاده محمد طاهر

معادن هیئت فنیه سی باش کاتبی  
سرکز اورپیل یان

هر حق مؤلفلرینه عائد در



کتابه مخصوص اولان اشبو امضالر ایله مضی اولمیان نسخله ره ساخته نظر یله باقیلوب  
متجاسرلری مسؤلد

معارف نظارت جلیله سنك رخصتی ایله طبع و تمثیل اولمشدر

استانبول

(آ. آصادوریان) شرکت مرتبیه مطبعه سی — باب عالی جاده سنده نومرو ۵۲

۱۳۰۸

(تقریض)

اماسیه اشرا فندن و مدرسین کر آمدن کنقر وی فضیلتلو خواجه  
صالح صبری افندی حضر تلرینک تقریض عالیلریدر

عصر معارف حصر جناب پادشاهیده «مخزن العلوم» اسمی ایله موسوم اولان  
کتابک مقصد ترتیب و تحریری علمای کرام و فضلال ذوی الاحترام حضراتنک  
انواع علومه متعلق تألیف بیوردقلری کتابلره دائر معلومات مجمله و مفیده اعطاسی  
قضیه سندن عبارت اولسنه نظراً ارباب علوم ایله خواهشکران معارف ایچون  
بر فهرست عمومینک وجودینه درکار اولان لزوم و احتیاجی دافع آثار جدیده دن کورلمسیله  
بویله مکمل و حسن صورتله مرتب بر اثرک موقع انتشاره وضعی باعث تشکرات  
و کتاب مذکوری ترتیب و تحریر ایدن ارباب معارفدن سرکز و طاهر افندیلرک  
بو بابده مصروف و رایکان اولان همتلری شایان تقدیر اندر .

الفقیر

صالح صبری

# مخزن العلوم

بسم الله الرحمن الرحيم

الحمد لله رب العالمين  
والصلوة والسلام على سيد المرسلين  
محمد وآله وصحبه اجمعين  
اما بعد

جناب خداوند آسمان وزمین ، پادشاه حکمت رهین ، شهریار کرامت  
قرین ، ملک حمید وکزین ، زیور اریکه تمکین ، خلیفه مکین و متین ، السلطان  
ابن السلطان السلطان « الغازی عبد الحمید خان ثانی » افندمنر حضرتلرینی  
الی آخر الدوران سریر آرای شوکت و شان بیورسون آمین .

ارباب فضل و کمالک معلومی اولدینی اوزره علوم و معارف نقلی و عقلی  
اوله رق ایکی جدولدن جریان ایدن آب زلال معرفت در . اشبواب زلال معرفت ،  
کلزار سعادت دنیویه و اخرویة نك سبب نشو و طراوتی در .

علوم و معارف هر فرد ، هر ملت ، هر قوم ایچون موجب فیض و نجات  
اولور .

دوام جمعیت عالم ، بقای انتظام بنی آدم ، قواعد علمییه مراعات ایله  
حصوله کلور .

هر شیده جلب منفعت و دفع مضرت علم و معرفت ایله حصول پذیر اولور .



BP161

.074

v.1



علمیه نك عمومى مطالعه ايتك شويله طورسون، برعلمه متعلق اولان مؤلفاتك مطالعه سنه بيله انسانك عمرى وفا ايتمه جكي و بلكه برعلمه متعلق اولان مؤلفاتك كثرتى، انسانك عمر طبعيسى ايله اصلا قياس قبول ايتمه جك درجه ده بيوك برنسبتسزلك ايچنده اولدينى ادعا اولنسه مبالغه ايدلمش اوله من.

بناءً عليه كتب مؤلفه نك اساميسى ايله معلومات اجماليه سنى حاوى اولان كتاب وفهرستلر ك لزوم وجودى وقتيله علمائى كرام حضراتى جانبندن مطالعه و تقدير بيوريله رق اولبابده متعدد و معتبر فهرستلر تحرير بيورلمش ايسه ده او فهرستلر ك صورت تحرير و ترتيبى خصوصيت حالنده اولوب عمومك استفاده سنى متكفل اولمدينى كې مذكور فهرستلر ك تاريخ تاليفلرندن بو آنه قدر گذران ايدن برايكى عصر ظرفنده ولاسيما عصر معارف حصر جناب پادشاهيده كرك مركز سلطنت سنيه ده و كرك طشره لرده تاليف بيورلمش اولان مؤلفاتك او فهرستلردن خارج قالدېنى پيش نظر مطالعه يه التدقه ازمته سالفه ده تاليف اولنان فهرستلر ك كفايتسزلكى بر مرتبه ده ظاهر اولور.

كتب مؤلفه يه كسب و قوف ايتك خصوصى برمدتن برو اوروپاده غايت مهم و معتابه بر علم صره سنه كچه رك « بيبليوگرافى » ناميله بر موقع مخصوص احراز ايلمش و بو علمك اهميتى پك زياده تقدير اولنمه باشلايوب بوبابده برچوق كتابلر طبع و نشر اولنمقده بولنشدر.

حاصل كلام كتب مؤلفه دن باحث اولان كتاب وفهرستلر ك فوائد و محسناتى دركار اولمسيله مجرد وطنه بر خدمت عاجزانه ده بولمق ارزوسى وولى نعمت بيمتمز شوكتلو پادشاهمن افندمن حضر تارينك ترقى علوم و معارف خصوصنده

مرآت عقلك جلاسی علم و معرفت، انسانك شرف و عزیزی فضیلت در.  
تهذیب اخلاق و تربیه افکار، انجق علوم و معارف ایله حاصل اولور.  
نوع بشرک میدانہ کتورمش اولدینی بونجه مخترعات محیره العقولک سبب  
اختراعی علم و معرفت در.

الحاصل علوم و معارفك فضائلنی تعریف ایتك خصوصنده انسانك لسان  
وقلمی قاصر در.

علوم و معارفك زمانلرجه ضبط و حفظنه و هر عصرده تعمیم انتشارینه  
خدمت ایدن وسائط مهمهك برنجیسی مؤلفات اولدینی آشکار اولوب بیک  
اوج یوز بو قدر سنه دن برو علمای کرام و فضلالی ذوی الاحترام حضراتی  
جانندن علوم و فنونه دائر ترتیب و تألیف بیوریلان کتابلر انجم سماکی لایعد  
ولا یحصی در.

هر عصر و زمانده علمای کرام حضراتی جانندن کتبخانه عالمه یادکار  
برایلان کتابلرک اسامیسی ایله مراتب و درجاتنه و مؤلفین کرامک اسم  
و کنیه لرینه و بلاد و امصارینه و تواریخ ارتحالرینه و تراجم احوالنه کسب  
و قوف ایتك علما ایچون میل طبعی ایجابندن اولدینی کی برعلمه انتساب  
و اختصاص ایلک خواهشده بولنانلرک او علمه متعلق تألیفاتدن خبردار اولملری  
لازم کله جکی و برعلمه متعلق کتاب تألیفی ارزو اولندقدده او علمه دائر اولان تألیفاتنه  
واقف اولق ماده سی دخی تألیفی ارزو اولسان کتابک هر صورتله مکملیتنه  
خدمت ایده جکی مسلمات اموردن اولدینی حالده بونجه سنه لردن برو بلاد  
و امصار اسلامیده فحول علما و جمهور فضلا جانندن تألیف بیوریلان آثار

بشقه‌جه بر فائده مطالعه قلم‌سنة مبنی اشبو کتاب بروجه آتی التی قسم اوزرینه ترتیب اولمشدر .

(قسم اول) علوم وفنونه متعلق مباحثی حاوی در .

(قسم ثانی) انواع علوم اعتباری ایله اسمی کتب بیاننده اولوب هر بر علمه متعلق اولان مؤلفات ایچون بشقه‌بشقه فصللر تخصیص اولنه‌رق کتب مؤلفه، متعلق اولدقلری فصللرده کوسترلش و تألیف بیوریلان کتابلرک بیان اسمی صره‌سندده مؤلفین کرامک اسم وکنیه ونسبتلری ایله تاریخ ولادت ویاخود ارتحاللرندن ومؤلفاته دائر بعض معلومات اجمالیه‌دن بحث اولمشدر .

(قسم ثالث) کتب مؤلفه‌بی حروف هجا اوزره کوستر فهرستی حاوی در .

(قسم رابع) کتب مؤلفه‌بی تاریخ اعتباریله ارائه ایدن فهرستی حاوی در .

(قسم خامس) مؤلفین کرام حضراتنک حروف هجا اوزره اسمی ایله هر بر مؤلفک انواع علومه دائر مقدار تألیفاتی واکثر مؤلفینک تراجم احوالی مشعر در .

(قسم سادس) مرکز سلطنت سنیه ایله سائر ممالک شاهانه‌ده بولسان اکثر

کتبخانه‌لرک کتب موجوده‌سندن و اوروپاده علم کتبه دائر نشر اولنان مؤلفاتدن و بویولده سائر معلومات مفیده‌دن بحث ایدر .

بالاده رقمزده خامه عرض وتبسیان اولدینی اوزره اون اوچ عصردن برو

علما وفضلا و حکما وادبا ومورخین و سائر ارباب علوم وفنون حضراتی

جانبدن تألیف بیوریلان کتابلر ستاره سماکی بی حد و شمار اولدینی جهتله

اشبو کتابده جمله‌سنک درج وتزییری خیال محال اولمسیله بحر عماندن قطره

هرآن عیون آرای جهان اولان مساعدات جلیله وتشویقات متوالیه ملوكانه لری  
اثاری اشبو فهرست عمومینک جمع وترتینه باعث شوق وغیرت اولمش وبعونه  
تعالی اکمالی میسر اوله رق «مخزن العلوم» تسمیه اولمش و بونک باشلوجه  
مأخذلری مفتاح السعادة وکشف الظنون وسائر کتب معتبره ومتنوعه دن  
ومرکز سلطنت سنیه ایله مصر وبیروت کبی بیوک محالرده کائن مشهور  
کتبخانه لر فهرستلرندن عبارت بولمشدرد.

اشبو کتابک جمع وتحریرینه مباشرت اولنمزدن اول صورت ترتیبی مطالعه  
اولندقدده اسامی کتب بیانندن مقدم علوم وفنونه دائر مباحث ومقالات درج  
وتزبیرنده مناسبت کورلمسنه واسامی کتب قسمنده کتابلرک انواع علوم  
اعتباری ایله فصول مخصوصه ده کوسترلمسی ایله برابر کتب مؤلفه یه ومؤلفین کرام  
حضراتنک اسامیسنه دائر معلومات مجمله ومفیده اعطاسی جمله حسن ترتیدن  
عد وشمار اولنمسنه وموئلفاتک حروف هجاً اوزره ترتیبی صورتی برکتابک قنغی  
علمدن بحث ایلدیکنه دائر معلومات استحصالنجه مدار سهولت اوله جمنه  
وموئلفاتک تاریخ اعتباریله ترتیبی دخی هر عصرده ترقیات علمیهنک درجاتی  
قولایلقه تعیین ایتمک کبی فائده یی انتاج ایده جکنه ومؤلفین کرام حضراتنک  
اسامیسی حروف هجاً اوزره ترتیب اولنه رق هر بر مؤلفک اسامیسی زیرینه  
انواع علومه دائر تألیف بیوردیغی کتابلرک کوسترلمسی وتراجم احوالنندن  
معلومات ویرلمسی فائده مخصوصه حاصل ایلیه جکنه ومرکز سلطنت سنیه ایله  
سائر ممالک شاهانه ده بولنان مشهور کتبخانه لرک واقعی ایله کتب موجوده سنندن  
واوروپاده اسامی کتبه دائر تألیف اولنان کتابلردن معلومات ویرلمسنده دخی

# بحث

(۱)

## ﴿ منشأ علوم ﴾

معلوم اولدینی اوزره انسان، حس و حرکت و غذا و سائر لوازم ضروریه ده حیوانات سائرہ ایله متشارك اولدینی حالده مالک اولدینی فکر و ادراک ایله سائر حیواناتدن ممتازدر. کذلک انسانک دنیا و عقبایه متعلق امورنده ابنای جنسی ایله تعاون و تناسره احتیاجنی ییلسی و معبود حقیقی یی اثبات و توحید ایتسی و انبیای عظامک طرف باریدن تبلیغ بیوردینی اوامر و نواهی یی قبول و تصدیق اییلسی نور فکر ایله حاصل اولور .

حیواناتک جمله سی ، انسانه اوجوهه فکر سببی ایله مطیع و مستخر اولوب نوع بشر، اوسبب ایله مخلوقاتدن جمع کثیر اوزرینه تفضل و تقدّم ایدر. بوحالده انسانک فکری، علوم و صنایعک منشائی اولور.

فکر، اول بر ادراک مطلق درکه او ادراک، نفس مدرکده اشیایه حس و شعوردن عبارتدر .

ادراک مطلق، کافه موجوداتدن حیواناته مخصوص برصفت اولوب بوصفت، نباتات و جماداتده موجود دکلدرد .

جناب خالق کائنات، حیواناتده حس و ادراک ایچون بش عدد حاسه ظاهره خلق ایلمش و جلب منفعت و دفع مضرت طریقی حواس مذکورہنک استعمالی ایله تعیین بیورمشدر.

حواس ظاهره (سمع) ایشتمک، (بصر) کورمک، (شم) قوقلامق، (ذوق) طاتمق، (لمس) طوتمق حاسه لرندن عبارتدر.

(حس سمع) ایله صوت و صدالر ایشیدیلور . (حس بصر) ایله اشیا کوریلور،

و شمس تابانیدن ذره قیلسدن اولمق اوزره تتبعات عاجزانه من درجه سنده  
جمع و ترتیب اولنان اشبو کتابی قارئین کرامه عرض و تقدیم ایله افتخار ایدر  
و بویله بر کتاب یاقی حد و اقتدار منک فوقنده اولدینی حالدہ مجرد وطنه  
بر خدمت عاجزانه ده بولمق نیت خالصه سی ایله میدانہ کتوریلان بویله بر اثرده  
کوریلہ جک خطا و نقصان لک ارباب فضل و عرفان عنندنده مظهر عفو اوله جعنی  
امید ایلرز.  
ومنه التوفیق



(بطن ثانی) دخی بطن اوّل ایله بطن ثالث بیننده دهلیز [۱] کبی متوسط اوله رق بطن اوّل و بطن ثالثدن زیاده طاردر.

بطون ثلثه نك هر بری دخی اوج طبقه اوزرینه مرتّب اولوب طبقه اولیّه «مقدّمه» و طبقه ثانیّه «متوسط» و طبقه ثالثیه «مؤخر» دینور.

جرم دماغده مرتّب اولان بطون ثلثه دن هر بری قلبدن دماغه صعود ایدن روح نفسانی ایله مملو اوله رق هر برنده بردرلو حس و ادراک حاصل اولمغله نفسک قوای مدرکسی انلرده موجود در.

جرم دماغده مرتّب اولان بش قوّتک برنجیسی (حس مشترک)، ایکنجیسی (خیال)، اوچنجیسی (قوة واهمه)، دردیجیسی (قوة حافظه)، بشنجیسی (قوة مفکره) در.

§. — ۱ (حس مشترک) جرم دماغده بطن اوّلک مقدّمده واقع برقوّت اولوب انسان، حواسّ ظاهره دن بصر ایله مشاهده ایتدیکی اشیایی و سامعه ایله استماع ایتدیکی اصوات و کلماتی و ذائقه ایله طاندینی طعموی و شامّه ایله قوقلادینی رایحه لری و لمس ایله حس و ادراک ایلدیکی اشیانک احوالی او قوّه حس مشترک واسطه سیله ادراک ایدر. زیرا ظاهر بندنه اولان حواسّدن هر بری الحق بر حاسّه یه مخصوص اولان شیئک ادراکانه آلت اولوب بر حاسّه ایله حس اولنه جق شی، حاسّه اخی ایله ادراک اولنر. مثلاً حس بصر ایله الحق لون و ضیا و سائر محسوسات بصریه مشاهده اولندینی کبی قوّه سامعه ایله دخی یالکر اصوات و نغمات و حروف و کلمات ایشیدیلوب بالعکس بصر ایله مسموعات و سامعه ایله مبصّرات ادراک اولنر. اما بطن اوّلک مقدّمده موضوع اولان قوّه حس مشترکده بونلرک جمله سی، وقت واحده دفعه حاصل اولوب ادراک اولنمغله کویا حواسّ ظاهره، حس مشترک دینیلان قوّتک خارجاً جاسوسلری منزله سننده اوله رق حواسّ مذکوره خارجدن اخذ ایتدکلی صور محسوساتی حس مشترک ایشال و تسلیم ایدرلر.

§. — ۲ (قوة خیال) جرم دماغده بطن اوّلک مؤخرنده واقع بر قوّتدرکه حس مشترکده مرسوم اولان صور محسوساتی حفظ و ضبط ایتکله حس مشترک خزینه سی مقامنده اولسیله طول زمان ایله منسی اولان محسوساتی نفس انسان، وقت حاجتده قوّه خیال واسطه سیله تذکر ایدر.



(حس شمّ) ایله رایجه لر حس اولنور، (حس ذوق) ایله اطمعه واشربه نك طاتلی و آجی کبی طعمی بیلنور، (حس لمس) ایله دخی اشیانك حرارت وبرودت کبی احوالی محسوس اولور. انسانك مار الذکر حواسّ ظاهره سندن بشقه جِرم [\*] دماغده بش عدد قوّه باطنه ده موجوددرکه انسان، کندو ظاهر بدننده موجود ومركز اولان آلات حسیه ایله ادراك ایتدیکی احوالی، قوای باطنیه تسلیم ایدوب ادراکات باطنه واسطه سیله حقائق اشیا به کسب معرفت ایدر.

محققین علمای کرام ایله حکما عنندنه انسانك نفس وروحي اجزای کثیفه جسمیه دن مجرد اولوب تحصیل کالاتده جسم وبدنه وجسم بدننده اولان آلات حسیه به محتاج بر وجود روحانی در.

روح، برسلطان صاحب فرمان منزله سنده وجسم وبدن دخی او سلطانك مملکتی وحواسّ ظاهره، اومملکتك اعیان وارکائی وحواسّ باطنه، اوسلطانك مقررینی اولوب سلطان روح، اعیان وارکائی حسن استعمال ایله دنیا وعقبایه متعلق اولان امورینی تسویه وتکمیل ایدوب سعادت دارینه واصل ونائل اولور.

حواسّ باطنه حقنده بعض علمای اسلامیّه جانبندن بیان بیوریلان معلوماتك خلاصه سی بروجه آتی درج صحیفه تذکار اولنور.

حواسّ باطنه نك مجموعی جِرم دماغده واقع اولوب جِرم دماغ دخی مخروطی الشكل بر عضودر.

رأسك جهت طولنده واقع بر عضوده اوچ عدد خالی محل اولوب اومحلالره، «بطون دماغ» تسویه اولنور.

(بطن اوّل) رأسك جانب اعلا سنده جمله بطونك اعظم واوسعی در.

(بطن ثالث) رأسك طرف اسفلنده واقع اولوب بطن اوّل دن اصغر در.

[\*] (جرم)، چمك كسری ایله جسد معناسنده، جمی اجرام كلور. جرم كله سی اجسام عالیده استعمال اولنور. فلکیاته اجرام سماویه اطلاق او اعتباره مبنی اولقی کرکدر.

باشك عضولرینه جسد تعبیر اولندیغی کبی جرم دخی دینور. نتهکیم لسان حقنده صغیر الجرم وکبیر الجرم دنیشتدرکه بشو کلام، لسانك جرم وحجمی کوچك وجرم وخطاسی بیوکدر معناسنی افاده ایدر.

جنسك سياستنه متعلق اصول و آدابى اوفكر ايله تحصيل ايدر. قوه فكرينه شو  
ايكنجى مرتبهسى اكثرثا احكام تصديقيه اولوب تجربه طريقه شيا فشيا حاصل اولدوقده  
فائده تامه ومصلحت عامه نك حصولنه توصل اولنور. فكرك بو مرتبهسنة (عقل تجريي)  
دينور.

فكرك اوچنجى مرتبهسى اول برفكر دقيقدركه بر مطلوب كلئيه مجرد يا علمى ويا ظنى  
افاده ايدوب عملردن بر عمل اكاتعلق ايتمز. فكرك بو مرتبهسنة (عقل نظرى) تسميه  
اولنور. حقائق اشيا و اعيان خارجيه نك نفس الامرده واقع اولدينى اوزره اجناس  
وفصول و علل و اسبابنى مفيد اولان قوه فكريه بو مرتبه ايله كامل اولوب حقيقت  
انسانيه نك معناسى اولان عقل محض، نفس مدركه اولور.

انسان و سائر حيواناتدن صادر اولان افعال و اثار، كندو قصد و اراده لرى و جناب  
حقك اندرده خلق ايلديكى قدرت ايله حاصل اولور. بو افعالك بعضيسى منتظم و مرتب  
و بعضيسى غيرمنتظم و غيرمرتبدر. منتظم و مرتب اولان افعال و اعمال، منحصراً نوع  
بشره مخصوص اولوب غيرمنتظم اولان افعال و اعمال دخى سائر حيواناته مختصدر.

انسان، اعمال عقل و فكر ايله بر شى ايجاد ايتك مراد ايتدكده اول شيك قريب  
و بعيد اولان اسباب و عللنه و اجزاسنه و اركانه و شروطنه و سائر مباديسنه تظن ايتدكن  
صكره اوشييك ايتداسندن انهاسنه قدر اقتضا ايدن اسباب و مبادئى بى ترتيب و تقدير ايدرك  
لايق اولدينى وجهله مطلوبى اولان فعلى تكميل ايدر.

هر فعلك حصولى او فعلك اجزا و مباديسنك جمع و ترتيبنه موقوف اولغله او فعلك  
تمام و ختامى علل و اسبابندن متأخردر. فعلك اجزاسنده دخى تقدم و تأخره رعايت  
لازم اولغله مقدم اولان سببى تأخير و مؤخر اولان سببى تقديم ايتك ممكن اولمز. برفعلك  
مبدائى و سببى دخى اخر بر مبدأ ايله سببه موقوف اولور بو حالده سبب اولك حصولى سبب  
ثانيدن مؤخر اولوب سبب ثانى دخى سبب ثالثه و سبب ثالث، سبب رابعه توقف ايدرك  
سلسله اسباب ايكي اوچ مرتبه ويا دهها زياده مراتب ايله علل و اسبابك فكر واسطه سيله  
نهايتنه واريلوب مطلوب اولان فعلك تحصيل و ايجادينه مباشرت اولدوقده فكرك منتهاسى  
اولان سبب اخير ايله عمله بدأ و شروع اولوب بعده سبب اخيرك معلولى اولان سبب  
ثانى و اندن صكره سبب ثالثه تنزل اولنه رق ابتدائى امرده خاطر كذار اولان سبب اول

§. — ۳ (قوة واهمه) جزم دماغه مرتب اولان بطن ثالث مقدّمده و طبقه اولاسنده واقع بر قوت اولوب حس ظاهر ايله محسوس و معلوم اولان اشیانك احوال جزئیّه و اغراض مخصوصه سی اوقوت واسطه سیله ادراك اولنور . بر آدمك كندی حقنّه دیگر آدمدن محبت و یا عداوت حس ایتمی و والدینك اولادینه و اولادینك دخی كندولرینه میل و محبتی ادراك ایلسی و قیونك دخی تصادف ایتدیكى قوردك كندوسنه خصومت و عداوتی حس ایدوب اندن محتب اولسی قوة واهمه یه مثالدر . زیرا قوة واهمه ايله محسوسات میاننده واقع اولان احوال جزئیّه ادراك اولنغله حیواناتده دخی قوة مذكوره موجوددر . اما انسان ، قوة واهمه ايله معانی جزئیّه یی احساس ایتدیكى كبی نفس ناطقه و قوة عقلیه سی ايله معانی کلیه یی دخی ادراك ایدر . مثلاً مطلقاً عداوت و محبت لفظلرینك معانی کلیه سنی انسان ، عقل ايله بیلور . لكن حیوانات اندن غافل اولوب بلکه تصادف ایلدیكى اشیای مخصوصه نك حال و شاتی معاینه ايله ادراك ایدر یوقسه انسان كبی اشیای کلیه یی و احكام مطلقه یی ادراكدن بالكلیه قاصر و عاجزدر .

§. — ۴ (قوة حافظه) بطن ثالث آخرنده واقع بر قوت اولوب قوة واهمه ايله ادراك اولنان معانی جزئیّه اوراده حفظ اولنور . اشبو قوة حافظه ، صور و هیه نك خزینه سی مقامنده اولسیله صحیفه حافظه ده مرتسم و منتقش اولان معانی ، وقت حاجتده اوخزینه دن اخذ ايله اقتضاسی وجهله استعمال اولنور .

§. — ۵ (قوة مفكره) بطون دماغك وسطنده بولنان بطن ثانیده واقع بر قوت دركه حس مشترك و قوة واهمه ايله ادراك اولنان صور محسوسانده و معانی جزئیّه ده ترکیب و تحلیل صورتی ايله تصرف ایتسیله سائر قوای دماغیه نك اشرفی در .

حواس انسانیه دن اولان فكر ، اوچ مرتبه اوزرینه مرتب اولوب هر مرتبه بر نتیجه یی انتاج ایدر .

فكرك برنجی مرتبه سی ، خارجده ترتیب طبیعی و یا ترتیب وضعی ايله مرتب اولان اموری تعقلدركه انسان ، ابتدا اول اموری ذهناً تعقل و ملاحظه و بعده تحصیل و ایجاد مبادرت ایدر . قوة فكریه نك اكثرثیا بو مرتبه سی تصورات اولور . انسان ایچون جلب منفعت و دفع مضرت حصوله مدار اولان (عقل تمیز) بوندن عبارتدر .

فكرك ایکنجیسی اول بر فكردركه انسان ، انبای جنسیله اولان معامله سنه و انبای

ایشته بالاده بیان اولدینی اوزره نفس انسانی، حقائق کلیه بی ادراک ایله حیوانات سائرهن ممتاز وامورده تدیر وتصرف ایله سرفرازدر. لکن انسان ایچون حقائق اشیایه علم واطلاع، ملائکه کرام کی بالفعل حاصل اولدینی کی جمله حوادث کنه وغورینه دخی انسانک قوه عقلیه سی دفعه واصل اولیوب حقائق اشیایه علم حصولی، حواس ظاهره وباطنه واسطه سیه خارجدن اکتساب اولنان صور محسوساتک واحوال جزیه سنک تدریجاً مشاهده وملاحظه سنه موقوف اولغله انسان، بطون دماغیه نک وسطنده واقع اولان قوه مفکره سنی اشیای مکتسبه نک کاه ترکیب وترتیبی وکاه تحلیل وتفریق امرنده استعمال ایدرک مستعد اولدینی کالات علمیه بی تحصیل ایدر. اما انبیای کرام ورسل عظام علیهم السلام حضراتنک انوار علوم ایله منور وحقائق اشیانک صور کلیه سی جوهر فطرتلرنده مرسوم ومصور اولسیله جناب خالق تعالی حضرتلرینک ذات وصفاته وعالم روحانی وجسمانیده موجود اولان اشیانک حقائق وماهیاته واحوال واغراض کلیه سنه فیض ربانی وامداد صمدانی ایله عالم اولملری حسیله انبیای عظام ورسل کرام علیهم السلام حضراتنک علمری ذکر اولنان آلات بدنیه وقوای حسیه کی وسائطه احتیاجدن وارسته دز.

علوم لدنییه اصحابی اولان اولیای کرامک علمری دخی صور مشروحه اوزره اولدینی وشو نعمت آلهیه نک سعادی مؤمنینه عالم برزخده حصوله کلدیکی علمای کرام جانبندن بیان بیورلمشدر. سائر افراد ناس، علم ربانی وادراک روحانی یه کندو طبیعتلری ایله وصولدن عاجز وظلمت بدنیه لری انوار معارف آلهیه ایله کندو اره لرینه حائل وحاجز اولغله نفس وروحک طرف اسفل اولان جسم وبدن جانبیه میل وحركت ایدوب حواس ظاهره ایله محسوسات خارجیه یه نظرله حس وادراک ایتدیکی صوردن قوه خیالیه وحافظه سنده محفوظ ومضبوط اولان معلوماتی قوه مفکره سی واسطه سیله قوانین منطقیه اوزره ترکیب وترتیب ایدرک تصور وتصدیق نوعلرندن مجهوللرینی تحصیل ایدر. افراد ناس ایچون شو صورتله حاصل اولان علوم ومعارفک جمله سی، آلات بدنیه استعانه سیله وقوه متخیله وساطتیه خارجده موجود اولان محسوسات جزیه دن اکتساب اولنوب قواعد مخصوصه وقوانین مضبوطه تحتنده داخل اولغله دائره سی واسع دکلدز. زیرا منطق کتابلرنده تحقیق اولدینی اوزره برشیک تصویری ویا برشی ایله شیء آخرک اوزرینه حکم وتصدیق مجهول اولدقده اول مجهول اولان شیئی بیلک ایچون ذهنده معلوم ومحفوظ اولان مبادی یه

ایله او عمل ختامپذیر اولور. مثلاً بر سقف ایجاد و احدائی مراد اولندقدنه اوسقفك احدائه توقف ایدن علت و سبیلردن ابتدا حائط و جدارلری وارد خاطر اولور و بعده حائط و جدارلرك اساسنه انتقال اولمغله ترتیب فکریده اواساس، علل و اسباب اخیره اولور. فکر انسان، فعل و عملده ابتدا اساس و بعده جدار ایله بدأ ایدوب اندن صکره ترکیب سقف، عمل آخر اولور. اشبو مفهوم (فعل و عملك اوّلی، فكرك اخرى در و فكرك اوّلی، عملك اخرى در) دیو بین العلما مشهور اولان قولك معنای صحیحی در.

ایمدی انسانك فعل و عملك خارجده حضولی بعضیسی بعض اخره متوقف اولان علل و اسبابنده اجاله فکره مقصور اولوب فکر و تأملدن صکره اوفعل و عمله میادرت اولنور. فكرك اوّلی، عملك اخرى و عملك اوّلی، فکرده متأخر اولوب روح انسانی، علم و عملی جامع و مظهر الهام یزدانی اولمغله علل و اسباب میاننده، ترتیه و نظام عالمه مطلع اولمسيله انسانك افعال و اعمالی منتظم اولور. حیواناتده حس و حرکت موجود ایسهده فکر و تأمل مفقود اولمغله کندولرندن صدور ایدن افعال و ائاری ترتیب و تنظیم ایتمه حیواناتك افعالی حلیه کالدن خالی در. زیرا حیوانات، مجرد سمع و بصر و سائر احوالده حواس ظاهره بی اعمال ایله آنجق محسوسات جزئییهی حس و ادراك ایدوب مدرکاتی تنظیم و ترتیب ایتك اقتدارندن عاری در.

و قناکه عالم کون و فسادده معتبر اولان حوادث فعلیه نهج نظام اوزره افعال بشره مقصور اولوب رابطه انتظامدن خارج اولان فعللر، نوع بشرك افعال منتظمه سینه تابع اولدقدنه حیواناتك افعالی، انسانك افعالی تحتده مندرج اوله رق بوجهتله حیواناتك کافه سی نوع انسانه مسخر اولدی.

فکر و نظر، نوع بشره مخصوص بر سر ربّانی و نور روحانی درکه انسان، جنس قریبده و حس و حرکته مشارك اولدینی سائر حیوانلردن او خاصه ایله ممتازدر. اشبو فکر و نظر ایله انسان، اسباب و مسببات میاننده واقع اولان روابط و علاقه و قوفی و مبادیهی علم و شعوری مرتبهده واصل سر منزل کمال اولور. و قوف اسبابده مراتب ناس، مختلف و متفاوت اولمغله بعض ناس بر شیئك ایکی ویا اوچ مرتبه علل و اسبابنه واقف اولوب زیاده سنی ادراك ایتمهده عاجزدر. بعض ناس دخی بش ویا التی مرتبه علل و اسبابه واقف اولوب انسانیتی درجه علیاده اولور.

# بحث

(۲)

## ماهیت علم

علمك ماهیتی تعریف و بیان اولنزدن اول علی الاطلاق ماهیت کله سنك ممكن مرتبه تعریف و بیاننه ابتدار اولنور.

(ماهیه الشی) و تعبیر اخرله (مابه الشی) هُو هُو دیمکدر . هُو هُو دیمك « اوشی عینی اوشی دز » معناسنی مفید اولور.

ماهیت کله سنك « ما » کله سنه منسوب اولدینی دخی روایت اولندی . بوحالده ماهیت کله سنك اصلی « مائیة » اولوب کلمه مذکورده نك « ما » لفظندن مأخوذ اولان مصدره مشته اولماسی ایچون « همزه حرفی » « ها » حرفه قلب اولنمشدر . اشبو ماهیت کله سنده راجح اولان صورت « ماهو » کله سنه نسبتدن عبارت اولوب ایکی کله برکله حکمنده اعتبار ایدلمشدر .

ماهیت کله سی اکثریا امر متعقله اطلاق اولنور . نه کیم انسان لفظندن ، وجود خارجیدن قطع نظرله حیوان ناطق تعقل اولنمی انك مثالیدر .

امر متعقله ، « ماهو » ایله اولان سؤالک جوابی اعتباریله « ماهیت » و خارجاً ثابت اولمق حیثیتندن « حقیقت » و اعیارندن تمیز ایتك حیثیتندن « هویت » واکا لوازمی حمل اولنق حیثیتندن « ذات » و لفظندن استنباط اولنق حیثیتندن « مدلول » و محل حوادث اولمق حیثیتندن « جوهر » اطلاق اولنور .

ماهیت اوچدر . بریسی (ماهیت نوعیه) و دیگرى (ماهیت جنسیه) و دیگر بریسی دخی (ماهیت اعتباریه) در .

(ماهیت نوعیه) افرادنده علی السویه اولور . ماهیت مذکورده فرد واحدده نه شی اقتضا ایدر ایسه فرد اخرده دخی اوشیئی اقتضا ایدر . مثلاً انسان لفظی ، افرادندن اولان زیدده مقتضی اولدینی شیئی عمروده دخی اقتضا ایدر . ماهیت نوعیه ماهیت جنسیه نك مخالفی در .

مراجعت اولنوب علی التدریج فکر و ترتیب ایله مجهوله علم و ادراک حاصل اولور. بوتقدیرجه انسانک علی، اشیای مجهوله یی بیلکه مناسب شیلری ذهناً تحری ایدوب علی وجه الایق ترکیب و ترتیب ایدرک بدل مقدور ایله اسباب معلومه و مبادئ معروفهیه منتهی اولوب آنی مجاوز ایلر. اگر اسباب علمدن اولان «مبادئ» ده و یاخود «مبادئ» نك ترتیب و ترکیبده خطا واقع اولور ایسه او خطا سببی ایله «معلوم» ده دخی خطا واقع اولور. و بین العلماء کثرت اختلافات واسئله و معارضات و قوعی بو حالدن نشأت ایدر.



قالمقله برابر تعریف مذکورده علم کله‌سندن مشتق اولان معلوم کله‌سنگ ذکر و ایراد اولنمسی دوری [\*] استلزام ایلدیکنه و «علی ماهوبه» کله‌سی دخی معرفت معناسندن عبارت اوله‌رق زائد اولدیغنه مبنی تعریف سابق مثللو بو تعریف دخی بین‌العلماء مدخولدر .

### §-۳ «هو الذی یوجب کون من قام به عالماً» تعریفی در.

یعنی علم، اول برشیدرکه اول شی ایله قائم اولان کیسه‌نک عالم اولمسنی ایجاب ایدر دیو تعریف اولنمش ایسه‌ده اشبو تعریفده عالم کله‌سنگ ذکر و ایراد اولنمسی تعریف ثانی کبی دوری استلزام ایلدیکي جهته بو تعریف دخی بین‌العلماء نامقبولدر .

### §-۴ «هو ادراک المعلوم علی ماهوبه» تعریفی در.

یعنی علم، «معلوم» ی «علی ماهوبه» ادراک ایلدکن عبارتدر دیو تعریف اولنمش ایسه‌ده بو تعریفده دخی دور وحشو اولدقندن بشقه ادراک کله‌سی علمدن مجاز اولدیغندن بو دخی علما بیننده مدخولدر .

[\*] (دور، دوران)، لغتده دونمک و طولانمق معناسنه‌در. چرخ کبی. علمده مصطلح اولان دور بختنه کلنجه (دور)، ایکی شیدن هر برینک شیء آخر اوزرینه توقف ایتمسندن عبارتدر.

دور، اقسام عدیده منقسمدر. اقسام مذکوره دخی دور اضافی، دور حکمی، دور مساوی، دور تقدسی‌در.

(دور اضافی)، ایکی شیئ وجودده تلازمندن عبارتدر. اول برحیثیته که ایکی شیدن بریسی انجق دیگر شی ایله اولور.

(دور حکمی)، اقرار ایله حاصل اولور. مثلاً وفات ایدن برکیسه‌نک برادری متوفا ایچون ابن موجود اولدیغنی اقرار ایلدکده نسب ثابت اولمقله برادری وارث اوله‌ماز. چونکه ابنک وراثتی برادرک عدم وراثتی مؤدی اولور.

(دور مساوی)، ایکی متضایفدن یعنی بربرینه میل ایدن ایکی شیدن هر برینک دیگر ی اوزرینه توقفندن عبارتدر.

(دور تقدسی)، برشیئک مرتبه واحده‌ده و یا خود یرقاج مرتبه‌ده مایتوقف علیهی اوزرینه توقفندن عبارتدر. برمرتبه‌ده حاصل اولان دوره، دور مصرح و برقاج مرتبه‌ده اولان دوره، دور مضمحل اطلاق اولنور.

شمس، کوکب نهاری ایله تعریف اولنسه و (نهار) فوق الافق شمسک طلوعی زمانیه تعریف اولندقدده شو تعریف دور مصرحه مثال اولور.

دور مضمحل مثالی دخی معنائک فهمی لفظک دلالتنه و لفظک دلالتی علم وضعه و علم وضعک دلالتی لفظک دلالتی واسطه‌سیله معنائک فهمنه توقف ایدر دیو تعریفدن عبارتدر. اشبو دور مضمحل دورک اقبجی اولور.



(ماهیت جنسیه) افرادنده علی السویه اولمز . مثلاً حیوان لفظی، انسانده ناطقک مقارنتی اقتضا ایدر و انسانک غیریسنده بومقارنتی اقتضا ایتمز .

(ماهیت اعتباریه) اول برماهیتدیرکه انک ایچون وجود اولمیوب انک وجودی معتبرک عقلنده اعتبارک دوام ایلدیکی مدبجه باقیدر . مثلاً «کم» ک یعنی عددک ماهیتندن واقع اولان سئواله «کیت» ایله جواب ویریلورکه مذکورکیت ، ماهیت اعتباریه ذهنیه دن عبارتدر .

علی الاطلاق، ماهیت علمک تصوّری ضروری میدر؟ ویاخود عسیر التعریف اولان نظری میدر؟ ویا غیر عسیر التعریف اولان نظری میدر؟ بومسئلهده بین العما اختلاف اولندی .

علی الاطلاق، ماهیت علمک تصوّری ضروری اولدیغنه امام فخرالدین رازی حضرتلری ذاهب اولدیغی کبی عسیر التعریف اولان نظری قسمندن اولدیغنه دخی امام الحرمین حضرتلری ایله امام ابی حامد غزّالی حضرتلری ذاهب اولمشلر ایسهده ماهیت مذکورهنک غیر عسیر التعریف نظری قسمندن اولسی صورتی بین العما ترجیح اولغشدر .

علمک تعریف ماهیتنه دائر بین العما جاری اولان مباحث ، آتیا ذکر و بیان اولنور .

### §-۱ علم «اعتقاد الشی علی ماهوبه عن ضرورة اودلیل» تعریفی در .

یعنی علم ، بر شیئه «علی ماهوبه» اعتقاد ایتمکدن عبارت اولوب اواعتقاد دخی یاالجای ضرورت ویاخود واسطه دلالت ایله حاصل اولور دیو تعریف اولغش ایسهده بر شیئک تعریفی او شیئک افرادینی جامع واغیارینی مانع اولق قاعده کلیه اقتضاسندن اولوب حال بوکه تعریف مذکورده ضرورت ویاخود دلیلدن حاصل اولان «ظن» داخل اولدیغی جهتله ماهیت علمک اشبو تعریفی قاعده مذکوریه موافق اولدیغندن بین العما مدخول ونا مقبولدر .

### §-۲ «معرفة المعلوم علی ماهوبه» تعریفی در .

یعنی علم، معلوم اولان شیئه «علی ماهوبه» معرفتدن عبارتدر دیو تعریف اولغش ایسهده علم خدایه معرفت اطلاق جائز اولدیغی جهتله علم خدا اشبو تعریفک خارجنده

تعریفك، ظنّه [۱] و جهل مركّبّه [۲] و تقلیدّه [۳] و وهمه [۴] شامل اولمسیله محققین حکما و بعض متکلمین عندنده اصح تعاریف اولدیفی ابن صدر الدین حضرتلرندن مرویدر.

### §-۹ «تمثل ماهیة المدرك في نفس المدرك» تعریفی در.

یعنی علم، ادراك اولسان شیئك ماهیتی ادراك ایدن کیسه نك نفسنده تمثل ایلمکدن عبارتدر دیو تعریف اولنوب اشبو تعریفك حکمی بالاده محرر سکنجی تعریفك حکم و شمولی کیدر. بو ایکی تعریف، حکما تعریفی اولوب وجود ذهنی اوزرینه مبنی در چونکه حکما عندنده علم، وجود ذهنیدن عبارتدر. مذکور ایکی تعریفدن اولکیسی ادراك کلیات و جزئیاته شاملدر. ایکنجی تعریفك ظاهری، کلیاته اختصاصی افاده ایدر.

### §-۱۰ «هو صفة توجب لمحلها تميزاً بين المعاني لا يَحتمل التقيض» تعریفی در.

یعنی علم، بین المعانی تقيض احتمالی اولیه جق صورتده محلنك تمیزینی موجب برصفتدر

[۱] (ظن)، تقيض احتمالی ايله برابر اعتقاد راجح معناسنده در. یقین و شك معنارنده دخی استعمال اولنور.

شك ايله ظن بیننده اولان فرق، «ظن» ك صفت راجحیتی حائز اولمسندن عبارتدر. (شك)، یکدیگرینه ضد و خلاف اولان ایکی شیئك بریسی اخره ترجیح ایتیمهرك شك ایدیجی کیسه ده حاصل اولان تردد و اشتباهدن عبارتدر.

ینه شك ایکی طرفی مساوی طویلان ایکی شی بیننده و قوفدن عبارت اولوب قلب انسان، او ایکی شیدن بریسنك ترجیحه میل اتمز. اگر او ایکی شیدن بریسی اخره ترجیح ایلرینه برابر مرجوح اولان جهت دخی ترك اولمز ایسه اكا ظن تعبیر اولنور. اگر احدها اخره ترجیح ايله برابر مرجوح اولان جهت دخی ترك اولنور ایسه اكا «غالب الظن» تعبیر اولنورکه بو غالب الظن یقین، منزله سنده اولور.

[۲] (جهل)، مطلقاً برشیته عدم علمدر.

جهل، بعض دفعه معدوم اولوب بو حالده شی اولماق لازم کلور دیو تعریف مذکوره اعتراض واقع اولش ایسه ده بو اعتراضك جوابنده شیئك وجود ذهنیدن عبارت اولدیفی بیان اولمشدر. (جهل مرکب)، واقعه غیر مطابق اعتقاد جازمدن عبارتدر. برشیثی بیلامك و او شیئی بیلمدرك بیلمك ادعاسنده بولمق جهل مرکبك مثالیدر.

(جهل بسیط)، جهل مرکب مفهومك خلافنه اوله رق عدم علم معناسنده در. مثلاً برکیسه بر شیئی بیلمز و او شیئی بیلمدیکنی دخی بیلمور اولدیفی حالده بوجهله، جهل بسیط دینور.

[۳] (تقلید)، حجت و دلیل سز اوله رق اخره قولی قبولدن عبارتدر.

[۴] (وهم)، حکمك طرف مرجوحنه اطلاق اولنور. طرف راجحنه ظن اطلاق اولدیفی کی. عند الحسکا و هم بر قوه مدرکه درکه محلی دماغده اولوب او قوت واسطه سیله معانی جزیه ادراك اولنور. صداقت زید و عداوت عمرو کی.

## §-۵ «تبیین المعلوم علی ماهوبه» تعریفی در.

یعنی علم، «معلوم» ی «علی ماهوبه» تبیین در دیو تعریف ایدلمش ایسه ده بو تعریفده  
دخی دور وحشو [\*] اولدیغندن وتبیین کله سی خفادن صکره ظهوری مشعر اولوب  
بو حالده علم خدا تعریفک خارجنده قالدیغندن بو دخی تعریف مقبول دکلدرد.

## §-۶ «اثبات المعلوم علی ماهوبه» تعریفی در.

یعنی علم، «معلوم» ی «علی ماهوبه» اثباتدر دیو تعریف اولنمش ایسه ده بو تعریفده  
دخی دور وحشو اولدیغندن واثبات کله سی مجازاً علمه اطلاق اولنشق حسبیه (تعریف الشی  
بنفسه) اولق لازم کلدیکندن بودخی تعریفات سائر قیلندن در.

## §-۷ «الثمة بان المعلوم علی ماهوبه» تعریفی در.

یعنی علم، «معلوم» ه «علی ماهوبه» وثوق واعتماددن عبارتدر دیو تعریف اولنمش  
ایسه ده بو تعریفده دخی دور وحشو اولدیغندن و خدانک کندو عکنده واثق اولمی  
محذوری لازم کلوب بونک دخی جناب حقه اطلاق شرعاً جائز اولدیغندن اشبو تعریف  
دخی مدخول وغیر مقبولدر.

## §-۸ «حصول صورة الشی فی العقل» تعریفی در.

یعنی علم، صورت شیئک عقلده حصولندن عبارتدر دیو تعریف اولنوب اشبو

[\*] حشو، لغتده یصدق ایچنه طولدیریلان پاموق و امثالی اشیا معناسنه اولوب اصطلاحده  
ذکر و ایرادی فائده دن خالی اولان زوائددن عبارتدر.  
حشو، ایکی در. برسی لفظی ودیکری معنوی در.  
حشو لفظی، زائدک متعین اولمسندن عبارتدر.  
حشو معنوی، یا معنای افساد ایدر و یا افساد ایتز.  
(تطویل) دخی لفظی و یا معنوی اولور.  
تطویل لفظی ده زائد غیر متعیندر.  
تطویل معنوی، معنای افساد ایتز.  
شو حالده (حشو) ایله (تطویل) بیننده ایکی جهتدن فرق حاصل اولور.

# بحث

(۳)

## ﴿ علمك ماهیتنه متعلق اختلافات ﴾

فلاسفه و بعض متکلمینک ذاهب اولدینگی وجهله بر شیئه علم، اوشیئک ذهنده وجودینی مستلزم می در؟ و یا خود جمهور متکلمینک ذهابی مثللو بر شیئه علم، عالم ایله معلوم بیننده ذهنده تعلق دن می عبارت در؟ بومسئله ده اختلاف اولندی.

مذهب اوله کوره بر شیئه علم حاصل اولدقده او غلدن امور ثلثه تحقق وتولد ایدر. امور مذکوره دن بریسی ذهنده صورت حاصله نك تحقق ایتمسی و دیگری ذهنده اوصورتک انتقاش و ارتسام ایلمسی و دیگری دخی اوصورتک قبولیه نفسک منفعل اولسیدر. صور مشروحیه نظراً علمک ذکر اولنان امور ثلثه نك قنغیسندن عبارت اولدیغنده اختلاف اولندی.

علما و حکمادن بر طاقی علمک، انجق ذکر اولنان امور ثلثه نك مجموعندن عبارت اولدیغنده ذاهب اولسلیله علمک مقوله کیف [۱] و یا انفعال [۲] و یا خود مقوله اضافه دن [۳] اولدیغنده اختلاف حاصل اولدی.

کتب متعلقه سنده بیان اولدینگی وجهله اصح اولان جهت، علمک مقوله کیف دن اولسندن عبارتدر.

وجود ذهنیه قائل اولنلردن بعض ذواتک بیانیه کوره ذهنده حاصل اولان صورت، (معلوم) ک شیخ وظلی در. دیگر بعض ذواتک بیانیه کوره دخی ذهنده حاصل

[۱] (کیفیت)، بر شیئده تقرر ایتمش اولان هیئت در.

[۲] (انفعال)، غیردن تأثیر سببیه متأثرده حاصل اولان هیئتن عبارتدر.

[۳] (اضافه)، ایکی شیئدن برینک تعقلی انجق اخر شیئک تعقلی ایله حاصل اولان حالت نسبیه متکرره دن عبارتدر. ابوت و بنوت کبی. یعنی پدر تعقل اولندقدن فرزند دخی متعقل اولور و فرزند تعقل اولندقدن پدر دخی متعقل اولور.

دیو تعریف اولنوب بوتعریف « العلم صفة ذات تعلق بالمعلوم » قولنك قائلی عندنده مختار ایسهده علوم عادیه تعریف مذکورك خارجنده قالمشدر. مثلاً زمان سابقده کوریلان جبل، الآن ذهبه منقلب و متحول دكل ایسهده خرق عاده جائز اولدیغندن انك نقیضی محتملدر.

### §-۱۱ « هو تمیز معنی عند النفس تمیزاً لا یحتمل النقیض » تعریفی در.

یعنی علم، نقیض احتمالی اولیه جق صورتده عند النفس تمیز معنادن عبارتدر دیو تعریف اولنوب اشبو تعریف، علمای علم کلامدن « ان العلم نفس التعلق المخصوص بین العالم والمعلوم » قولنك قائلی اولان کیسه عندنده تعریف مختاردر.

### §-۱۲ « هو صفة ینجلی بها المذکور لمن قامت هی به » تعریفی در.

اشبو تعریفك، ماهیت علمك احسن تعاریفی اولدیغی علامه سید شریف جرجانی حضرتلری جانبندن بیان بیورلمشدرکه معناسی « انه صفة یشف بها لمن قامت به ما من شانه ان یدکر انکشافاً تاماً لا اشتباه فیه » یعنی علم برصفتدرکه اوصفتك قائم اولدیغی کیسه ایچون اول برشی منکشف اولور اومنکشف اولان شیئك شانی اوشیدن اشتباه اولمیه جق صورتده انکشاف تام ایله ذکر و بیان اولنمقدن عبارتدر.

### §-۱۳ « حصول معنی فی النفس حصولاً لا یتطرق علیه فی النفس احتمال

کونه علی غیر الوجه الذی حصل فیه » تعریفی در.

اشبو تعریف، علمای علم کلامدن آمدی تعریفی اولوب ترجمه سی شودر. علم، برمعنانك فی النفس اول برصورتله حصولندن عبارتدرکه اندن غیر برصورتله معنا حصولنك احتمالی یوقدر.



# بحث

( ۴ )

## ﴿ علم مدون ﴾

علم لفظی، سابقاً ذکر اولنان شیرہ اطلاق اولندیگی کبی نحو وقفه مثلوا اسماء علوم مدونیه دخی اطلاق اولنور .

کذلک علم لفظی، مسائل مخصوصه یه ده اطلاق اولنور که «فلان یعلم النحو» ترکیبی بو اطلاقک مثالدر یعنی فلان کیسه نحوی بیلور دینلده او کیسه مسائل نحویه بیلور دیمکدر .

علم، بعضاً دلائلدن مسائلک تصدیقاتنه و بعضاً دخی تصدیقات مسائلک تکررندن حاصل اولان ملکه یه دخی اطلاق اولنور . بوملکه یه «ملکه استخراج» دینور . ملکه دخی تهیو التام دیمکدر . تهیو التام دیمک مراد اولنان شیئک استعمالی وقوغنده جوابه کافی اوله جق سرمایه معلوماته مالک اولمقدن عبارتدر .

علم لفظنک معنای حقیقی آنجق ادراکدر و بو ادراک ایچون بر متعلق اولوب اوده «معلوم» در . ادراکک حصولنه تابع وبقاسنه وسیله اولان شی ملکه در .

علم لفظنک بالاده ذکر اولنان شیرلدن هر برینه اطلاق یا «حقیقت عرفیه» و یا خود «حقیقت اصطلاحیه» و یا «مجاز مشهور» در .

علم، بعضاً مجموع مسائله و مبادئ تصویری و تقصیدییه و موضوعاته اطلاق اولندیگی جهته علومک اجزای ثلثه دن عبارت اولدیگی علما جانبدن بیان بیورلمشدر .

حقیقت و مجاز کله لری اوزرینه بوجه آتی بعض معلومات ایراد اولنور .

(حقیقه)، فعلیه وزننده اولوب «حق الشی» دن مأخوذدر که ثبوت معناسنه در . وزن مذکور فاعله معناسنده «حقیق» دیمکدر . حقیقت کله سنده کی «تا» حرفی علامه کله سنده بولنان «تا» حرفی کبی کله نک وصفیتدن اسمیه نقلی ایچون اولوب تاء تأیث دکدر .

«حق الشی» و تعبیر اخرله «مابه الشی» هو هو دیمکدر . انسانه نسبتله حیوان ناطق کبی .

اولان شی، «معلوم» که نفس ماهیتی اولوب لکن اوشی، وجود ظلّی غیر اصلی ایله ذهنه موجود اوله رق شو وجود اعتباریه اکا صورت تسمیه اولنور و بو جهتله وجود اصلی نکه اوزرینه ترتب ایدن آثار اشبو وجود ظلّی غیر اصلی اوزرینه ترتب ایتز و وجود اصلی به «عین» تسمیه اولنوب انک اوزرینه آثار ترتب ایدر و شو صورت ذهنیه، خارجه نسبتله «عین العین» اولوب ذهنه نسبتله «عین الصورة» یعنی عالمک نفس وذاتنده قائم اولان ظلّ و شجدرکه انکله «معلوم» منکشف اوله رق اکا علم دینور.

عالمک ذهننده موجود اولوب نفسنده قائم اولیان ماهیته «معلوم» اطلاق اولنور. علم ایله معلوم، بالذات متغایر در. ذکر اولنان شجی قائل اولنرک رأی وذهابنه کوره «معلوم» که مقوله جوهر دن و یاخود مقوله اخرا دن اولسیله برابر علمک مقوله کیف دن اولدیغنده اشکال و تردد یوقدر. چونکه علم ایله معلوم، ماهیته مختلفدر. اما ماهیاتک بانفسها ذهنده حصولی قائل اولنرک رأی وذهابنه کوره ماهیته «جوهر» و «عرض» که اتحادنده کی اشکال ایله برابر علمک مقوله کیف دن اولدیغنده اشکال وارد در. بعض مدققین، تبدل ماهیتی تجویز ایله بر شی وجود خارجی اعتباریه «جوهر اولوب وجود ذهنی اعتباریه او جوهرک کیفه منقلب اولدیغنی بیان ایدرک ملمحه ده واقع اولان شیئک ملمحه منقلب اولدیغنی مثال اوله رق ایراد ایلش و بو بحثک محاکمه سی متعلق اولدیغنی کتابلرده علمای کرام حضراتی جانبندن بسط و تفصیل بیورلش اولدیغندن بو محله بو قدر جکله اکتفا اولنمشدر.



مجازك مثالی اولوب بو مثالده ذکر اولنان مناسبت دخی موجوددر.

(مجاز)، «جَزَّ» لفظندن «مَفْعَلٌ» وزننده فاعل معناسنه اولوب متعدّی در. والی معناسنه اولان مولی کبی.

مجاز تسمیه اولتمسنگ سببی کلمه‌نک محل حقیقتدن محل مجازه متعدی اولمسندن عبارتدر.

معنای حقیقت ایله معنای مجاز بیننده مناسبت قیدی پنه‌ماده مناسبت اولیان ما وضع لهک غیریده استعمالدن احترازه مبنی در. چونکه حقیقت ایله مجاز بیننده مناسبت اولمدیغی تقدیرده «مجاز» تسمیه اولتمیوب «مرئجل» ویاخود خطا اولور.





(حق)، خدای متعال حضرت تیرینک اسماء شریفه‌سنددر. ثابت معناسنده دخی استعمال اولنورکه «الشی الحق» حقیقه ثابت اولان شیء دیمکدر.

(حق) صدق و صواب کله‌ری معنارنده دخی استعمال اولنور. نته‌کیم «قول حق» و «قول صواب» دینور.

(حق) لغتده انکارینه احتمال و مساغ اولمیان ثابت معناسندهدر.

(حق) اهل معانی اصطلاحنده واقعه مطابق اولان حکم معناسنه اوله‌رق اقوال و عقائد و ادیان و مذاهب اوزرینه اطلاق اولنورکه مقابلی باطلدر. اما صدق کله‌سنک خاصه اقوالده اطلاق شایعدر. صدق کله‌سنک مقابلی «کذب»در. بعض دفعه «حق»ده مطابقت واقع جانبندن و «صدق»ده مطابقت حکم جانبندن اعتبار اولنق حیثیتی ایله «حق» ایله «صدق» بیننده فرق اعتبار اولنمشدر. بوحالده «صدق الحکم» دیمک، حکمک واقعه مطابقتندن عبارتدر و «حق الحکم» دیمک واقعک حکمه مطابقتندن عبارت اولور.

(حقیقت)، اول برلفظک اسمیدرکه او لفظ ایله ماوضع له مراد اولنور. اصطلاحده حقیقت، ماوضع لهده مستعمل اولان کله‌دن عبارتدر اول براصطلاحه کوره‌که انکله مخاطب و محاوره جریان ایدر. بو اصطلاح مخاطب قیدی ایله اصطلاح مخاطبک غیری اولان اصطلاح آخرده ماوضع لهده استعمال اولنان مجازدن احتراز اولندی. صلاة لفظی کبی‌که عرف شرعده صلاة لفظی دعا معناسنده استعمال اولندیغی حالده اصطلاح شرعده ماوضع لهک غیری اوله‌رق دعا معناسنه استعمال اولنق حسیله مجاز اولور چونکه صلاة کله‌سی اصطلاح لغتده دعا معناسنه موضوع اولقله برابر اصطلاح شرعده ارکان معلومه واذکار مخصوصه معناسنه وضع و تعیین اولنمشدر.

(حقیقت)، معنای موضوعی اوزرینه باقی اولان لفظک کلیسیدر.

(حقیقت)، قطعاً و یقیناً ثابت اولان شیء دیمکدر. کله مذکوره محلنده مستقر اولان شیئک اسمی اولوب اطلاق اولندقدنه انکله «ذات الشی» مراد اولنورکه واضع لغت اوکله‌بی فی‌الاصل اوشی ایچون وضع ایلدی. مثلاً «اسد» لفظی بهیمه معروفه ایچون وضع اولنمشدر. بوحالده حقیقت، محلنده مستقر اولور و مجاز، محلنده غیر مستقر اولور.

(مجاز) کله‌سی اول برلفظک اسمیدرکه او لفظ ایله ماوضع لهک غیری معنا مراد اولنور و حقیقت ایله مجاز بیننده مناسبت اولق لازمدر. شجیع برکیسه‌یه اسد تعبیری،

- برشیئه ذات سببی ایله لاحق اولان عرض، انسانه امور غریبه ادراکنک حقوقی  
 کبی درکه بولحوق، واسطه ذات انسان ایله اولور.
- جزء اعظم اولق سببی ایله برشیئه لاحق اولان عرض، ذات انسانه تحیزک حقوقی  
 کبی درکه بوده واسطه جسمیت ایله اولور.
- جزء مساوی اولق سببی ایله برشیئه لاحق اولان عرض، انسانه تکلمک حقوقی  
 کبی درکه بوده واسطه ناطقیت ایله اولور.
- امر خارج مساوی اولق سببی ایله برشیئه لاحق اولان عرض، انسانه تعجبک  
 حقوقی کبی درکه بوده امور غریبه بی ادراک ایتک واسطه سی ایله اولور.
- اشبو کتابک مباحث آتیه سنده علومدن علی الانفراد بحث اولندیغی صرمده هر علمک  
 موضوعی ایله هر علمه متعلق معلومات ممکنه درج و بیان اولنمش اینه ده بومحله حسب المناسبه  
 اکثر علومک موضوعاتی ذکر وتعداد اولنمشدر.
- علم تفسیر شریفک موضوعی «کلام الله» در.
- علم قرأتک موضوعی «صور نظم قرآن» در.
- علم حدیث شریفک موضوعی «اقوال و افعال نبویه» در.
- علم امارات نبوتک موضوعی «امارات نبوت» در.
- علم اصول فقهک موضوعی «ادلّه شرعیّه کلیه در».
- علم شروط و سجلاتک موضوعی «من حیث الکتابه» احکام ثابته در.
- علم فرائضک موضوعی «ترکه و وارث» در.
- علم حروف و اسمانک موضوعی «حروف هجائیّه» در.
- علم تصوفک موضوعی «تخلیه ظاهر و تخلیه باطن» در.
- علم باطنک موضوعی «قلب انسان» در.
- علم اخلاقک موضوعی «نفس انسان» در.
- علم جغرافیانک موضوعی «ارض» در.
- علم تاریخک موضوعی «امم و طوائف» در.
- علم انسابک موضوعی «انساب ناس» در.
- علم ادب درسک موضوعی «تعلیم و تعلم» در.
- علم تصریفک موضوعی «صیغ مخصوصه» در.

# بحث

(۵)

## ﴿ موضوع علم ﴾

علومك يكدیكړندن تميز ایتمی موضوعاتك يكدیكړندن تميز ایتسیله حاصل اولور. هر بر علمك موضوعی او علمده اعراض ذاتیه سندن بحث اولنان شیلردن عبارتدر. اعراض، عرضك جمعی در.

على الاطلاق عرض، اول بر موجود در كه موضع و محله محتاج اولور. لون كې كه جسم ايله قائم اولور.

عرض، يا قارّ الذات و يا خود غير قارّ الذات اولور.

قارّ الذات اولان عرض اول بر شیدر كه انك اجزاسی موضع و محله اجتماع ایدر بیاض ايله سواد كې.

غير قارّ الذات اولان، عرض اول بر شیدر كه انك اجزاسی موضع و محله اجتماع ایتمز. حركه و سكون كې.

عرض لازم، اول بر عرض در كه موضع و محلندن انفكا کی. ممتنع در. كتابتك انسان ماهیتندن انفكا کی ممتنع اولدینی كې.

عرض مفارق، اول بر عرض در كه موضع و محلندن انفكا کی ممتنع دكلدر. بنوع عرض، يا سریع الزوال اولور و يا خود بطی الزوال اولور.

سریع الزوال اولان عرض، انسانه حجابتندن عارض اولان قرمز یلق و خوفدن عارض اولان صاریلق كې در.

بطی الزوال اولان عرض، اختیارلق و كنجلك كې در.

عرض ذاتی، اول بر شیدر كه دیگر شیئه لاحق اولور و بوده لاحق اولدینی شیئك

ذاتی و یا جزء اعمی و یا جزء مساویسی و یا خود امر خارج مساویسی اوللق سیلریله در.

- علم الہینک موضوعی، حوادثک موجود اولدینی حیثیتی ایله «وجود» در .  
 علم تعبیر رؤیانک موضوعی، تخیلات نفسانیہ ایله امور غیبیہ پینندہ کی «مناسبت» در .  
 علم ریاضینک موضوعی، مادہ دن تجریدی ممکن اولان «امور مادیہ» در .  
 علم ارتماطیقینک موضوعی «خواصّ عددیہ» در .  
 علم حسابک موضوعی «عدد» در .  
 علم ہندسہ نک موضوعی «کم» در .  
 علم تعدیلک موضوعی «تداخل ساعات» در .  
 علم طبعینک موضوعی «جسم» در .  
 علم حیوانک موضوعی «حیوان» در .  
 علم نباتاتک موضوعی «نباتات» در .  
 علم طبک موضوعی «بدن انسان» در .  
 علم اطعمہ نک موضوعی «طعام» در .  
 علم تشریحک موضوعی «اجزای بدن» در .  
 علم کمالہ نک موضوعی «چشم انسان» در .  
 علم اوزانک موضوعی «دراہم و اوقیہ و رطل» در .  
 علم ریافہ نک موضوعی «امارۂ ما» در .  
 علم قیافتک موضوعی «قیافت انسان» در .  
 علم اختلاجک موضوعی «بدن انسانک اختلاجی» در .  
 علم عیافہ نک موضوعی «فراری حیوان ایزی» در .  
 علم ملاحہ نک موضوعی «سفینہ و دریا» در .  
 علم فراسہ نک موضوعی «اشکال اعضا» در .  
 علم آلات ظلیہ نک موضوعی «مقادیر ظلال» در .  
 علم تدبیر منزک موضوعی «اعتدال احوال مشترکہ» در .  
 علم تعابینک موضوعی «صفوف عساکر» در .  
 علم احتسابک موضوعی «ادارۂ اہل بلدہ» در .  
 علم موسیقینک موضوعی «نغمات» در .  
 موضوعات علومک قواعد اساسیہ سی بحثہ کلنجہ سعادت انسانہ ہر شیئک حقایق

علم اشتقاقك موضوعی، «مفردات کلمات» در .  
 علم احاجی و اغلو طاتك موضوعی، بحسب الظاهر قواعد عربیه به مخالفت حیثیتی ایله  
 «الفاظ» در .

علم لغتك موضوعی، «مدلولات مفردات» در .  
 علم ادبك موضوعی، لفظاً و خطاً سهو و خطادن احتراز حیثیتی ایله «كلام عربی» در .  
 علم بیانك موضوعی، وضوح دلالت حیثیتی ایله «لفظ عربی» در .  
 علم بدیعك موضوعی، «محاسن كلام عربی» در .  
 علم محاضراتك موضوعی، معنا و ترکیبده مقام حال و شانہ مناسب اولمق اعتباریله  
 «ایراد كلام» در .

علم تصحيفك موضوعی، بلغادن وارد اولان «كلمات مصحفه» در .  
 علم مبادی الشعرك موضوعی، ترغیب و تریبی حاصل ایدن مقدمات تخیلیه ایله  
 «شعر» در .

علم قرض الشعرك موضوعی، شعرك حسن و قبحی اعتباریله «كلمات شعریه» در .  
 علم كتابتك موضوعی، «نقش بسائط حروف» در .  
 علم انشائك موضوعی، كلام منشورك بلیغ و فصیح اولمسی و مقامه لایق عبارات حسنہ ده  
 آداب معتبره یی مشتمل بولمسی حیثیتی ایله «كلام منشور» در .  
 علم ترسلك موضوعی، هر طائفه نك طبعنه ملایم اولان اصطلاحات و احترازی واجب  
 اولان عبارات حیثیتی ایله «كاتب» و «مکتوب» و «مکتوب الیه» در .  
 علم عروضك موضوعی، من حیث الوزن «مرکبات موزونه» در .  
 علم املای خطك موضوعی، خطوط عربیه نك نقوشنه عارض اولان احوال اعتباریله  
 «بسائط حروف و خطوط» در .

علم خطك موضوعی، «تصویر حروف هجائی» در .  
 علم تركيب اشكالك موضوعی، «اشكال بسائط حروف» در .  
 علم منطقك موضوعی، مجهوله موصل اولمق حیثیتی ایله «معقولات ثانیه» در .  
 علم مناظره نك موضوعی، مدعانك ادله ایله غیر اوزرینه ثابت اولمسی حیثیتی ایله  
 «ادله» در .

علم حکمتك موضوعی، اعیان و اذهاندہ موجود «اشیا» در .

تعریفی کبی در . یعنی «منطق بر علمدرکه او علمده معلوماتک احوالندن بحث اولنور» دیمک اولوب بوحالده علم منطقک موضوعی «معلومات» اولور .

غایت اعتباری ایله اولان تعریف، ینه علم منطقک «آلة قانونیة تعصم مراعاتها الذهن عن الحظاء فی الفكر» تعریفی کبی در . معناسی «منطق بر آلت قانونیهدرکه او آلت قانونیهه مراعات ایتمک، فکرده خطا وقوعندن ذهنی حفظ ووقایه ایدر» دیمکدرکه بوحالده علم منطقک غایتی «عصمة الذهن» اولور .

برشیئه ویاخود اشیایه متعلق ومعتدّ به تناسب ایله متناسب اولان حاللر، یا او شیئک ویا او اشیانک ذاتیاتنده مشارکت سببی ایله ذاتی اولور ویا او شیئک ویا اشیانک ذاتیاتنده مشارکتی اولدینفی جهته عرضی اولور .

امر ذاتی اولان احوال، مقدار مطلقده مشارکتی اولان خط، سطح، جسم تعلیمی در . اشبو خط و سطح و جسم تعلیمی ذاتیاتندن اولان مقدار مطلق ایله متشارك اولغله علم هندسه نك موضوعی اولان علی الاطلاق «مقدار»ك احوال ذاتیه سندن اولور .

امر عرضی اولان احوال دخی احکام شرعییه موصولق خصوصنده علم اصول فقه ایله متشارك اولان «کتاب» و «سنت» و «اجماع» و «قیاس» کییدرکه احوال مذکوره امر اجنبی یعنی امر خارجی واسطه سی اولمقسنزین ماهیته ملحق اعراض ذاتیه دن اولور . یعنی اصول فقهک موضوعی اولان «احکام شرعیه»ك اعراضندنر .

اما جمیع مباحث علمک راجع اولدینفی احوال، یا نفس الامرده راجعدر یا نفس الامرک تحتنده جزئی اولور یاخود نفس الامرک عرض ذاتیسی اولور .

نفس الامرده راجع اولان احوالک بیانی ایچون «عدد، یا زوج اولور ویا فرد اولور» دیو علم حسابدن بر مثال ایراد اولندقدده زوجیت وفردیت، عددک احوال ذاتیه سندن اولور . ذات اولان شیئک یعنی «عدد»ك زوج ویا فرد اولسی عددک احوالی اولور .

نفس الامرک تحتنده جزئی اولان احوالک بیانی ایچون «اوچ، فرددر» دیو بر مثال ایراد اولندقدده «اوچ»ك فرد اولسی عددک احوالی اولور وفردیت دخی عددک تحتنده اولان جزئیاتندن اوله رق بوضورتله عدد، کلّی اولور .

نفس الامرک عرض ذاتیسی بیان ایتمک ایچون «مفرد، یا اوّل در ویا مرکب در» دیو بر مثال ایراد اولندقدده «مفرد»ك اوّل ویا مرکب اولق احوالی، عرض ذاتی در .

واحواله طاقت بشریه مقدارنجه کسب معرفت ایتکه متوقف اولدیغندن واشیانک حقایق و احوالی ایسه متکثر و متنوع بولندیغندن اوائل زمانده علما جانبندن اشیانک ضبط حقایق و احواله و تسهیل اسباب تعلیمنه تصدی و اعتنا اولوب برشیئه و یاخود اشیا به معتدبه تناسب ایله متناسب اولان حاللر طاقم تدوین اولنهرق هر بررلری برر علم اعتبار ایدلش و هر بر علمده احوال ذاتیه سندن بحث اولنان شیر او علمه موضوع انخاذا اولنمشدر. چونکه بر علمک مسائلی او علمک موضوعنه رجعت ایدر و بو حالده علمک موضوعی مسائل علمک مایخل الیهی اولور.

علمای کرام جانبندن موضوع علمک تعریفده «ما یبحث فیہ عن عوارضه الذاتیه» دینلشدر. بوندن مقصد موضوع علمک مسائل علمه مرجع و موضع اولمسندن عبارتدر. بوحاله کوره تدوین اولنان احوالده کافئه طائفه موضوعده اشتراک سببیه علم منفرد اولوب بنفسه موضوع آخرده متشارك اولدیغی طائفه دن ممتاز اولور. بناءً علیه علمک جمله سی نفسلرنده یکدیگرندن موضوعلریله تمایز ایدر.

کذلک هر بر علم، غایت و محمول کبی شیء آخرله دخی یکدیگرندن ممتاز اولور.

علمک صور مشروحده اوزره تمایز ایتسی امر استحسانیدن عبارت اولوب یوقسه هر بر مسئله یی رأساً بر علم عد و شمار ایله تعلیم و تدوین ایلکده عقل ایچون بر مانع اولمدیغی کبی موضوعده غیر متشارك اولسه بیه علم واحد اعتبار اولنمقده عقل ایچون مانع یوقدر. مسائل متکثره نك وجه آخرله موضوعده متشارك اولمسنك مثالی بر طاقم امور ایله دیگر امور اوزرینه حکم ایتمکدن عبارتدر.

ایضاحات مسروده دن اکلا شلدیغنه کوره مسائل متشاركه سی مدوّن اولان هر علمک حقیقتی موضوع واحدده اولدیغی کبی هر علم ایچون موضوع و غایت دخی واردر.

موضوع و غایت اعتباریله هر علم ایچون مسائل متکثره یی ضبط ایدن شیء «جهت وحدت» اولوب مسائل متکثره، او جهت وحدت اعتباریله علم واحد عد اولنور.

جهت وحدتک اولکیسی «جهت وحدت ذاتیه» و ایکنجیسی «جهت وحدت عرضیه» اولوب بواجلادن علملر بعضاً موضوع و بعضاً غایت اعتباریله تعریف اولنور.

موضوع اعتباری ایله اولان تعریف، علم منطقک «علم یبحث فیہ عن احوال المعلومات»

موضوعی ایله ایراد اولنورکه او موضوع، بدن انسان در. بدن انسان ایسه علم طبیعی نك موضوعندن نوع اولوب علم طبیعی نك موضوعی جسم مطلقدر. امر عرضی نك مثالی موجود ایله مقداردرکه «موجود» علم الهی نك موضوعی اولوب «مقدار» دخی علم هندسه نك موضوعی در. «مقدار» موجوددن اخص و «موجود» مقداردن اعم در. «مقدار» ك موجوده اخص اولسی «موجود» ك مقداره عرض عام اولسندن نشأت ایتشدر.

(قسم رابع) موضوعلر یکدیگرینه مابین اولوب لکن امر ثالث تحتنده مندرج اولمقدن عبارتدر علم هندسه ایله علم حسابك موضوعلری کبی که بوموضوعلرک ایکسیده «ک» ك تحتنه داخل اوله رق متساوین تسمیه اولنور.

(قسم خامس) موضوعلرک من وجه مشترک اولمقدن عبارتدر. علم طب ایله علم اخلاقك موضوعلری کبی که بو علملرک موضوعلری قوای انسانیده متشارکدر.

(قسم سادس) موضوعلر بیننده تباین اولمقدن عبارتدر. علم حساب ایله علم طبك موضوعلری کبی که «عدد» ایله «بدن انسان» بیننده اشتراک اولدیفی کبی مساوات دخی یوقدر. (تنبيه) برعلمده موضوع اولان شی، برهان ایله طلب وتحصیل اولنمز. چونکه هر علمده مطلوب اولان شی اعراض ذاتیه موضوعه دن عبارتدر. برشی نفس وذاتنه عرض اوله میوب بلکه بذاته ظاهر اولور یاخود فوقنده اولان علم آخر ایچون مبرهن علیه اولور.





اما عرض غریب تعبیر اولنان عرض، امر عجیب واسطه سیله ماهیته لاحق اولان عرضدن عبارت اولوب او عرض یا ماهیتدن خارج و ماهیتدن اعمّ اولور و یا خود ماهیتدن اخصّ اولور که علومده بو عرضدن بحث اولنمز. مثالی شودر که مهندس، مستدیر اولان خطمی احسن در؟ و یا مستقیم اولان خطمی احسن در؟ و یا خود دائره، خط مستقیم ضدی میدر؟ دیو نظر ایتمز. چونکه حسن و تضاد، هندسه نك موضوعی اولان «مقدار» ك غریبی در یعنی مقدار ك عرض بعیدی در و او عرض یعنی حسن و تضاد، مقداره ملحق اولان عرضدر. لکن بو عرضك مقداره عرض اولسی مقدار اولسندن ناشی دكلدر بلکه بو عرض یعنی حسن و تضاد، مقدار ك اعمّ اولان وصفی در که مقدارده بولندیفی کبی سائر ذاتیاتده دخی بولنور. بونك دیگر بر مثالی دخی طبیب طرفندن جراحتك مستدیر و یا غیر مستدیر اولدیغنه نظر اولنماسیدر. چونکه جسمه استداره لحوقی، جسمده جریحه اولق حیثیتیه اولیوب بلکه استداره، جرحدن اعمّدر که جریحه ده بولندیفی کبی جریحه نك غیریسنده دخی بولنور.

بعدا بر علمك موضوعی علم اخره موضوع اولق جائز اولدیفی کبی بر علمك موضوعی علم اخرك موضوعندن اخصّ و یا اعمّ اولق دخی جائز اولور. كذلك بر علمك موضوعی دیگر علمك موضوعنه مباین و امر ثالثك تحتده مندرج اوله بیلور. كذلك بر علمك موضوعی دیگر علمك موضوعنه مباین و امر ثالثك تحتده غیر مندرج اولوب لکن موضوعلر من وجه مشترك و موضوعلرك ایکیسیده یکدیگرینه مطلقا مباین اولق صورتلری دخی جائز اوله رق صور مشروحه دن اقسام سته حاصل اولور.

(قسم اول) بر علمك موضوعی، علم آخر موضوعك عینی اولوب الحق موضوعلردن هر بررلری قید اخرك غیری اولان بر قید ایله مقید اولق مشروطدر اجرام عالم کبی. اجرام عالم من حیث الشکل علم هیئتك موضوعی ومن حیث الطبیعة علم سما و علم عالمك موضوعی اولور که ذکر اولنان حیثیتر ایله احدها اخردن تمیز ایدر.

(قسم ثانی) و (قسم ثالث) بر علمك موضوعی اخر علمك موضوعندن یا اخصّ و یا اعمّ اولمقدن عبارتدر. موضوعلر نیننده عمومیت و خصوصیت یا امر ذاتی و یا امر عرضی اولور. امر ذاتی، اعمّ ك اخصّ جنس اولسندن عبارتدر. بونك مثالی مقدار ایله جسم تعلیمی در که «جسم تعلیمی» اخصّ اولوب «مقدار» دخی جسم تعلیمی نك جنسی و علم هندسه نك موضوعی در. «جسم تعلیمی» مجسماتك موضوعی اولور. دیگر بر مثال دخی طبك

# بحث

(۷)

## ﴿غایت علوم﴾

بر فعلك اوزرینه بر اثر ترتب ایدرایسه او اثر اوفعلك نتیجه وثمره سی اولمق حیثیتی ایله اكا «فائده» تسمیه اولندیغی کبی اثر مذکور فعلك نهایتنده اولمق حیثیتی ایله «غایت» تسمیه ایدیلور.

فعلك فائده سی و غایتی ذاتاً متحد و اعتباراً مختلف در.

فعل اوزرینه ترتب ایدن اثر، فاعلك اقدامنه سبب اولور ایسه فاعله قیاساً «غرض» و «مقصود» تسمیه اولنوب فاعلك فعلنه قیاساً «علت غائیة» تسمیه اولنور. غرض و علت غائیة دخی بالذات متحد و بالاعتبار مختلف در.

فعل اوزرینه ترتب ایدن اثر، فاعلك اقدامنه سبب اولمز ایسه انجق فائده و غایت اولور. بوحالده غایت، علت غائیة دن اعم در. بوضورتده علمك غایتی اول برشیدرکه او علم اوشی ایچون طلب اولنور.

علوم غیر آلیه نك غایتی علوم مذکوره نك ذات و نفسنك حصولدن عبارتدر. چونکه علوم غیر آلیه اوزرینه اخر منافع ترتب ایتسه بیله علوم مذکوره نك سالف الذکر کندو ذات و نفسنك حصولی مقصود اولور. اما علوم آلیه نك غایتی غیرى علمك حصولدن عبارت اولوب ذات و نفسی دکلددر. چونکه علوم آلیه کیفیت عمله متعلقدر. بوندن مقصود ایسه عملك حصولی در. او عمل كرك مقصود بالذات اولسون و كرك مقصود بالذات اولیوب امر آخر ایچون اولسون، علومك غایت خیره سی اولور.



# بحث

(۶)

## ﴿مسائل علوم﴾

مسائل علوم، قضیه لردن عبارت در که هر بر علمه او قضیه لرك محمولاتی دلیل ایله موضوعاته نسبت ایتمکله حاصل اولور.

مسائل متشار که سی مدوّن اولان علمک کلیسی موضوع واحدده در. بوحالده علمک موضوعی، مسائل اولور. او مسائل ایسه علمک هیئت بسیطه سندن عبارتدر.

مسئله نك موضوعی بعض دفعه نفسنده علم ایچون موضوع اولور. کلامک کلیسی ایکی اسم دن و یا خود بر اسم و بر فعلدن مرکب در دیو بر مثال ایراد اولندقه کلام مذکور، علم نحوک موضوعی اولور.

بعض مسئله نك موضوعی او مسئله نك عرض ذاتیسی ایله علمه موضوع اولور. بر شیئه مباین اولان مقدار، اول شیئه مشارکت ایدن مقدارک کلیسنه مباین در دیو علم هندسه دن بر مثال ایراد اولندقه مسئله نك موضوعی، مباین اولان «مقدار» در و مباین دخی مسئله نك عرض ذاتیسی در.

بعضاً موضوع علمک نوعی، مسئله نك موضوعی اولور. «اسم یا ثلاثی اولور و یا ثلاثی نك مزیدی اولور» دیو علم صرفدن بر مثال ایراد اولندقه علمک موضوعی کله اولوب اسم، کله نك نوعی اولور و بعضاً مسئله نك موضوعی علمه عرض ذاتیسی ایله موضوع اولور. «مستقیم اوزرینه واقع اولان هر بر خط مستقیم ک ایکی حادث زاویه لری یا قائم اولور لر و یا خود قائمه معادل اولور لر» دیو علم هندسه دن بر مثال ایراد اولندقه مثال مذکورده واقع اولان خط، مقدارک نوعی اولوب مستقیم دخی انک عرض ذاتیسی در.

بعضاً مسئله نك موضوعی موضوع علمک عرض ذاتیسی در. کذلک «هر بر مثلثک زاویه لری قائمینه مساوی در» دیو علم هندسه دن بر مثال ایراد اولندقه مثلث، مقدارک اعراض ذاتیه سندن اولور.

[نوع اول] الفاظ قرآنیہ، یاخود لفظاً و اسناداً سنت نبویہ نیک بیانہ ویا قرآن عظیم الشانک تفسیر و تاویلنہ و یاخود قرآن عظیم الشان ایله سنت نبویہ دن مستفاد اولان احکام اصلیہ اعتقادیہ ایله احکام فرعیہ عملیہ نیک اثباتہ و یاخود اصولن فروعک استنباطنہ مدار وصول اولان قواعد کلیہ ویا اصول وفروعی کتاب وستندن استخراجہ مدخلی اولان فنون ادبیہ دائر علمای کرام حضراتی جانبندن تدوین بیوریلان علومدن عبارتدر.

[نوع ثانی] اشیانک ماهیتی و عملیاتنک کیفیتنی کندو عقلیرینہ موافق صورتہ تحقیق ایتمک ایچون فلاسفہ نیک تدوین ایلدکلری علمدر.

علامہ مشارالیه حضرتلری طرفندن علم قرائت، علم حدیث شریف، علم اصول حدیث، علم تفسیر شریف، علم کلام، علم فقه، علم اصول فقه، علم ادب، علوم متشرعہ عدادندہ کوسترلمش و علم تصوف، طائفہ صوفیہ دن خواص ایچون بر علم مخصوص در دیو بیان بیورلمش در. علم مناظرہ و علم خلاف و علم جدل، علوم متشرعہ صرہ سنده تعداد اولندیغنی کبی علوم فلاسفہ عدادندہ دخی کوسترلماشدر. مناظرہ دن غرض، اظهار صواب اولندیغنی کبی جدل و خلافدن غرض دخی الزام اولغله متشرعین جانبندن علم خلافده کتابلر تصنیفیله مسائل فقیہه انلر اوزرینہ بنا اولنمشدر. حکمانک علم خلافده تدوین کتب ایلدکلری معلوم اولدیغندن علم خلاف، علوم شرعیہ دن عد و شمار اولنحق مناسب کورلمشدر.

حکما، مباحث حکمیہ یی علم مناظرہ اوزرینہ بنا ایلشدر ایسده بینلرنده علم مناظرہ یی تدوین ایتماشلردر.

(§۲-۳) «فوائد خاقانی» نامیله موسوم اولان کتابده بیان اولندیغنی اوزره ایکی مشهور قسمدن عبارتدر.

(قسم اول) علومک یا نظری ویاخود عملی اولسندن عبارتدر. نظری، کیفیت عمله غیر متعلق و عملی، کیفیت عمله متعلق در.

(قسم ثانی) علومک یا غیر آلیه ویاخود آلیه اولسندن عبارتدر. آخر شیئک تحصیلنه آلت اولیه رق نفسنده مقصود بالذات اولان علملره علوم غیر آلیه و آخر شیئک تحصیلنه آلت اوله رق نفسنده مقصود بالذات اولیان علملره علوم آلیه اطلاق اولنور.

نفسنده آخر شیئک تحصیلنه آلت اولان علم ایچون کیفیت عمله متعلق اولمق و کیفیت عمله متعلق اولان علم ایچون نفسنده آخر شیئک تحصیلنه آلت اولمق لابد و لازمدر. آلیت، عملیت معناسه در.

کذلک نفسنده آخر شیئک تحصیلنه آلت اولیان علم، کیفیت عمله متعلق دکلدر.

# بحث

(۸)

## تقسیمات علوم

علم، معنای واحدند و حقیقت واحدند عبارت ایسده جهات مختلفه دن اقسام کثیره به منقسم اولور.

علم، من جهة قدیم و محدث قسملرینه و من جهة تصوّر و تصدیق قسملرینه و من جهة دخی اقسام ثلثه به اقسام ایدر.

اقسام ثلثه، قسماً نفسده ثابت اولور و قسماً حس ایله ادراک اولنور و قسماً قیاس ایله بیلنور.

علم قدیم، جناب حق ذاتی ایله قائم اولوب عبادک محدث اولان علومنه مشابیه دکلدر. علم محدث، اوچ قسمه منقسمدر. قسم اوّل علم بدیهی، قسم ثانی علم ضروری، قسم ثالث علم استدلالی در.

علم بدیهی تقدیم مقدمه به محتاج اولمز. انسانک کندو وجودینه علی و کلک جزو دن اعظم اولدیغنه علم کبی که بونلر علم بدیهی نک مثالیدر.

علم ضروری کذلک تقدیم مقدمه به محتاج اولمیان علمدر. بوده حواس خمس ایله حاصل اولان علمدن عبارتدر.

علم استدلالی تقدیم مقدمه به محتاج اولان علمدر که بوده صانعک ثبوتنه و اعراضک حدوثنه اولان علمدر.

کذلک علم، اختلاف موضوعات جهتندن اقسام کثیره به منقسمدر. او اقسامک بعضیسنه علوم و بعضیسنه صنایع تسمیه اولنور که علمای کرام حضراتنک کوسترمش اولدقلری صور تقسیمات بوجه آتی ذکر و بیان اولنور.

(§-۱) علامه حفید حضرتلرینک تقسیمی اولوب اوده علوم مدونه نک ایکی نوع اوزرینه اولمسندن عبارتدر.

و بونلرك غيريسنه متوقف اولمق سزین وحی الهیه منتقی و انبیای عظام علیهم السلام حضراتندن مستفاد اولورکه بومثللو علملره علوم دینییه دینلیدیکی کبی علوم شرعییه دخی تعبیر اولنور و یاخود تجربه و سماعه و بونلرك غيريسنه توقف ایدرکه اومثللو علملر، علم طب و حساب کبی علوم غیر دینییه دن معدوددر.

علم طب، بقای ابدان ایچون و علم حساب دخی معاملات و قسمت و صایا و مواریت و امثالی ایچون ضروری اولدیغندن محموددر. اگر علم، محمود العاقبه اولمز ایسه مذموم اولور سحر و طلسمات و شعبذه علملری کبی. یاخود علوم غیر دینییه مباح اولور کذب و دروغدن خالی اولان علم اشعار و تواریح ابنیا علیهم الصلوٰه و السلام و امثالی علملر کبی. علملره صور مشروحه اوزره اولان تفاوت، علومک غایاتی اعتباری ایلدر یوقسه علم، نفسنده علم اولمق حیثیتی ایلدزم و انکاردن عاریدر چونکه هر برشیته علم، اوشیئک جهلندن اولیدر.

(§—۴) شفاء متألم صاحبک ذکر و بیان بیوردینی اوزره هر بر علم یا مقصود بالذات و یاخود غیر مقصود بالذات اولور.

مقصود بالذات اولان علم، علوم حکمییه در. علوم حکمییه دخی یا اعتقادیاته و یاخود عملیاته متعلق اولور. اعتقادیاته تعلق ایدن، حکمت نظرییه در. عملیاته متعلق اولان، حکمت عملیه در. حکمت نظرییه، اعلی و ادنی و اوسط قسملرییه منقسمدر.

قسم اول علم الهی و قسم ثانی علم طبیعی و قسم ثالث ریاضی در. نظر، یا ماده دن مجرد اولان اموره و یا ذهنده و خارجییه امور مادییه تعلق ایدرکه اکا علم طبیعی دینور و یاخود نظر، یالکز ذهنده مواددن تجردی صحیح اولان اموره تعلق ایدرکه اکاده علم ریاضی اطلاق اولنور. علم ریاضی اقسام اربعیه منقسمدر چونکه نظر ریاضیده حد مشترک اوزرییه بینلرنده ملاقات اولان بر طاقم جزؤلرك فرضی یا ممکن اولور و یاخود ممکن اولمز و بونلردن هر بریسی دخی یا قارّ الذات اولور و یاخود غیر قارّ الذات اولور.

علم ریاضینک مارالذکر اقسام اربعه سندن اولکیسی هندسه، ایکنجیسی هیئت، اوچنجیسی عدد و دردیجیسی موسیقی علملری در.

حکمت عملیه ایکی قسمدر بریسی علم سیاسی و دیگری علم اخلاقدر چونکه نظر، یا حال انسانه مختص اولور یاخود حال انسانه مختص اولمز. حال انسانه مختص اولیمان نظر، علم سیاسی در. علم سیاسی یا امر دنیا و عقباده کافئه خلقتک اصلاحنه متعلقدرکه بوده علم شریعتیه

نفسنده کیفیت عمله متعلق اولمیان علم، آخر شیئک تحصیلنه آلت اوله مز. بناءً علیه نظری  
و غیر آلیه کله لری معنای واحدن عبارت اولور .

نظری و عملی، اوچ معناده استعمال اولنور.

(اولاً) علومک تقسیم مطلقنده ذکر و بیان اولنان صورتدن عبارتدر. منطق و حکمت  
عمایه و طب عملی و علم خیاطه جمله کیفیت عمله متعلق اولدینی جهتله عملی قسمته داخلدر.  
عملی قسمی یا ذهنی و یا خارجی اولور. مثلاً علم منطق ذهنی در و علم طب خارجی در.

(ثانیاً) حکمتک تقسیمده استعمال اولنان صورتدن عبارتدر. حکما، علم حکمتی، «اعیان  
موجوده نك احوالی علی ماهی علیه طاقت بشریه مقدارنجه بیلکدن عبارتدر» دیو تعریف  
ایلدکن صکره اعیان مذکورده نك مقوله افعال و اعمالدن اولوب ذکر اولنان افعال  
و اعمالک یا قدرت و اختیار بشر ایله وجوده کلدیکنی و یا خود قدرت و اختیار بشر ایله  
وجوده کلدیکنی بیان ایله اولکیسنه حکمت عملیه و ایکنجیسنه حکمت نظریه اطلاق ایلدیلر.  
حکمت عملیه اطلاق امر دنیا و عقبانک نظام و صلاحنه مؤدی اولسی حیثیتی ایله در.

(ثالثاً) صناعتک تقسیمده استعمال اولنان صورتدن عبارتدر. یعنی کیفیت عمله تعلق  
ایدن علم یا عملی در یا نظری در. عملی، ممارسه عمل حصوله توقف ایدر. نظری، ممارسه  
عمله توقف ایتمز. شو معنا اعتباریله فقه و نحو و منطق و حکمت عملیه و طب عملی،  
قسم عملیدن خارجدر. چونکه بونرک حصولی مزاوله اعماله محتاج دکلددر. علم خیاطه  
و علم حیا که و علم حجامه ایسه ممارسه و مزاوله به متوقف اولدیغندن عملی قسمته داخلدر.

(§-۳) «فوائد خاقانیه» ده ذکر و بیان اولندیغنی اوزره علم، حکمی و غیر حکمی  
قسملرینه منقسمدر.

غیر حکمی اولان علملر، دینی و غیر دینی قسملرینه منقسمدر. دینی قسمی دخی محمود  
و مذموم و مباح قسملرینه انقسام ایدر.

اقسام مذکورده نك وجه ضبطنه کلسجه علم، ازمنه و امکانه نك تغیری و یا خود دول و ادیانک  
تبدلی ایله متغیر و متبدل اولمز و یا خود ذکر اولنان تغیر و تبدل ایله متغیر و متبدل اولور.  
ذکر اولنان تغیرات و تبدلاتدن عاری اولان علملره علوم حکمیه تسویه اولندیغنی کبی  
مرور زمان ایله ثابت اولملری حسیله علوم حقیقه دخی اطلاق اولنور.

ازمنه و امکانه و دول و ادیانک تبدلی ایله متبدل اولان علملر یا تجربه و سماعه

ا کا علم شرعی دینور ویاخود یالکر مقتضای عقل حیثیتله درکه اکاده علم حکمی دینور.  
تعریفات مذکوریه نظرآ علوم ایچون اصلار تعین ایدرک هر بر اصلک انواعی و یوانواعک  
فروعی اولمغله اصولاً وفروعاً کافه علوم، موضوعات واسامی اعتباریله انواع کثیره به بالغ اولور.  
صاحب مفتاح السعاده علمی صور مبسوطه اوزره تقسیم ایلدکن صکره علومک  
اصول وفروعی وجه آتی اوزره ذکر وتعداد ایلشدر.

## § — ۱ علوم خطیه.

- (۱) علم ادوات الخط.
- (۲) علم قوانین الكتابة.
- (۳) علم تحسین الحروف.
- (۴) علم کیفیت تولد الخطوط عن اصولها.
- (۵) علم ترتیب حروف التهجی.
- (۶) علم ترکیب اشکال بسائط الحروف.
- (۷) علم املاء الخط العربی.
- (۸) علم خط المصحف.
- (۹) علم خط العروض.

## § — ۲ الفاظه متعلق علوم.

- (۱۰) علم مخارج الحروف.
- (۱۱) علم اللغة.
- (۱۲) علم الوضع.
- (۱۳) علم الاشتقاق.
- (۱۴) علم التصریف.
- (۱۵) علم النحو.
- (۱۶) علم المعانی.
- (۱۷) علم البیان.
- (۱۸) علم البدیع.
- (۱۹) علم العروض.
- (۲۰) علم القوافی.
- (۲۱) علم قرص الشعر.
- (۲۲) علم مبادئ الشعر.
- (۲۳) علم الانشا.
- (۲۴) علم مبادئ الانشا وادواته.
- (۲۵) علم المحاضرة.
- (۲۶) علم الدواوين.
- (۲۷) علم التواريخ.
- (۲۸) علم الامثال.
- (۲۹) علم وقایع الامم ورسومهم.
- (۳۰) علم استعمالات الالفاظ.
- (۳۱) علم الترسل.
- (۳۲) علم الشروط والسجلات.
- (۳۳) علم الاحاجی والاعلوطات.
- (۳۴) علم الالغاز.
- (۳۵) علم المعمی.
- (۳۶) علم التصحیف.
- (۳۷) علم المقلوب.

{فروع علوم عربیه دن معدود اولان علملر}



راجعدر ویاخود امرناسك قیامی و كلاً اجماعیهك اجتماعی حیثیتیه دركه اوده احكام سیاسیه و تعبیر آخرله احكام سلطانیه دن عبارتدر.

نظره جماعت معینهیه مختص اولور ایسه اكا تدبیر منزل اطلاق اولنور.

مقصود بالذات اولیان علم، آخر عللرده خطادن عصمت و سالمیت طلبنه بر آلتدر. بوآلت ایله یامعانیده خطادن عصمت طلب اولنور یاخود لفظ ویا كتات جهتندن معاینك ادراكنه توصل اولنور. اولکیسی علم منطقدر. ایکنجیسی علم ادب ایله نفسنده دلالات لسانییه ایله دلالات بیانیه دن بحث اولنان علدر. دلالات لسانییه، یا دلالات افرادیه ایله دلالات ترکیبیه مختص اولور ویاخود افراد و ترکیب بیننده مشترك اولور. دلالات افرادیه یا مفرداتدن باخندر كه علم لغتدر یاخود مفرداتك صیغه لرندن باخندر كه علم صرفدر. دلالات ترکیبیه یا کلام موزونه مختص اولور ویاخود کلام موزونه مختص اولمز. کلام موزونه مختص اولان علم، اكر مقاطع ابیاته اختصاص ایدرایسه علم قافیه واکر مقاطع ابیاته اختصاص ایتمز ایسه علم عروض تسمیه اولنور.

کلام موزونه مختص اولیان علم، معنائك اصلنی تأدیه خصوصنده یا خطادن عصمتی موجب اولور كه علم نحو در ویاخود اصل معنائك تأدیه سنده خطادن عصمتده مدخلی اولمز كه اوده علم بلاغتدر. سالف الذكر افراد و ترکیب بیننده مشترك اولان علم فصاحت دینور. کلامك مقتضای حاله تطبیقنده خطادن عصمت طلبنه واسطه اولان علم معانی دینور و دلالتك انواعیله خفی و جلی اولدیغنی بحث و تعریف ایدن علم بیان دینور. اما علم فصاحت ترکیب مفرداتده من حیث التحسین خطادن عصمت طلبنه اختصاص ایدر ایسه علم بدیدر.

(§-۵) مفتاح السعاده صاحبك ذكر و بیان ایلدیکی تفسیدر. شویله كه اشیا ایچون مراتب اربعهده یعنی «كتابت» و «عبار» و «اذهان» و «اعیان» ده وجود اولوب اشبو مراتب اربعه دن كل سابق لاحقنه وسیله اولور. چونكه خط، الفاظه و الفاظ، اذهاندكه معنایه و اذهاندكه معنا، اعیانه دلالت ایدر. وجود عینی ایسه وجود اصلی و حقیقی در. وجود ذهنیك حقیقی ویاخود مجازی اولدیغنده اختلاف اولنش ایسه ده وجود لفظی، وجود ذهنی، قطعاً مجازی در. ائمدی كتات و الفاظ و اذهانه تعلق ایدن عللر علوم آلیه دنددر. اعیانه تعلق ایدن علم، یا عملی ویاخود نظری در. عملی اولان علم، اوعلدر كه انكله ذاتك حصولی مقصود اولیوب اخر علمك حصولی قصد اولنور. نظری ایسه ذاتك حصولی قصد اولنان علدر. عملی و نظری قسملرندن هربری یاشریعتدن مأخوذ اولق اعتباریله دركه

(١٠٤) علم الاهتدا بالبرارى والاقفار.

(١٠٥) علم الريافة .

(١٠٦) علم الاستنباط .

(١٠٧) علم نزول الغيث .

(١٠٨) علم العرافة .

(١٠٩) علم الاختلاج .

{ فروع علم احكام نجوم }

(١١٠) علم الاختيارات .

(١١١) علم الرمل .

(١١٢) علم الفال .

(١١٣) علم القرعة .

(١١٤) علم الطيرة .

{ فروع علم سحر }

(١١٥) علم الكهانة .

(١١٦) علم النير نجات .

(١١٧) علم الخواص .

(١١٨) علم الرقى .

(١١٩) علم الغزائم .

(١٢٠) علم الاستحضار .

(١٢١) علم دعوة الكواكب .

(١٢٢) علم القلفطيرات .

(١٢٣) علم الخفاء .

(١٢٤) علم الحيل الساسانية .

(١٢٥) علم كشف الدك .

(١٢٦) علم الشعبذة .

(٨١) علم الفراسة .

(٨٢) علم تعبير الرؤيا .

(٨٣) علم احكام النجوم .

(٨٤) علم السحر .

(٨٥) علم الطلسمات .

(٨٦) علم السيميا .

(٨٧) علم الكيما .

{ فروع علم طب }

(٨٨) علم التشريح .

(٨٩) علم الكحالة .

(٩٠) علم الاطعمة .

(٩١) علم الصيدلة .

(٩٢) علم طبخ الاشربة والمعاجين .

(٩٣) علم قلع الاثار من الثياب .

(٩٤) علم تركيب انواع المداد .

(٩٥) علم الجراحة .

(٩٦) علم الفصد .

(٩٧) علم الحجامة .

(٩٨) علم المقادير والاوزان .

{ فروع علم فراست }

(٩٩) علم الشامات والخيلائن .

(١٠٠) علم الاساير .

(١٠١) علم الاكتاف .

(١٠٢) علم عيافة الاثر .

(١٠٣) علم قياقة البشر .

- (٣٨) علم الجناس.
- (٣٩) علم مسامرة الملوك.
- (٤٠) علم حكايات الصالحين.
- (٤١) علم اخبار الانبياء عليهم السلام.
- (٤٢) علم المغازى والسير.
- (٤٣) علم تاريخ الخلفاء.
- (٤٤) علم طبقات القراء.
- (٤٥) علم طبقات المفسرين.
- (٤٦) علم طبقات المحدثين.
- (٤٧) علم سير الصحابة.
- (٤٨) علم طبقات الشافعية.
- (٤٩) علم طبقات الحنفية.
- (٥٠) علم طبقات المالكية.
- (٥١) علم طبقات الحنابلة.
- (٥٢) علم طبقات النحاة.
- (٥٣) علم طبقات الاطباء.
- § — ٣ اذهانده معقولات ثانيه دن
- باحث اولان علملر.
- (٥٤) علم المنطق.
- (٥٥) علم آداب الدرس.
- (٥٦) علم النظر.
- (٥٧) علم الجدل.
- (٥٨) علم الخلاف.
- § — ٤ اعيانه متعلق علوم.
- (٥٩) علم الالهى.
- (٦٠) علم الطبيعى.
- (٦١) علوم الرياضيه.
- { اقسام علوم رياضيه }
- (٦٢) علم العدد.
- (٦٣) علم الهندسة.
- (٦٤) علم الهيئة.
- (٦٥) علم الموسيقى.
- { فروع علم الهى }
- (٦٦) علم معرفة النفس الانسانية.
- (٦٧) علم معرفت النفس الملكية.
- (٦٨) علم معرفة المعاد.
- (٦٩) علم امارات النبوة.
- (٧٠) علم مقالات الفرق.
- { فروع علم طبيعى }
- (٧١) علم الطب.
- (٧٢) علم البيطرة.
- (٧٣) علم اليزرة.
- (٧٤) علم النبات.
- (٧٥) علم الحيوان.
- (٧٦) علم الفلاحة.
- (٧٧) علم المعادن.
- (٧٨) علم الجواهر.
- (٧٩) علم الكون والفساد.
- (٨٠) علم قوس قزح.

- (١٧٢) علم الجبر والمقابلة .  
 (١٧٣) علم حساب الخطائين .  
 (١٧٤) علم حساب الدور والوصايا .  
 (١٧٥) علم حساب الدراهم والدنانير .  
 (١٧٦) علم حساب الفرائض .  
 (١٧٧) علم حساب الهواء .  
 (١٧٨) علم حساب العقود بالاصابع .  
 (١٧٩) علم اعداد الوفق .  
 (١٨٠) علم خواص الاعداد .  
 (١٨١) علم التعابي العددية .  
 {فروع علم موسيقى}  
 (١٨٢) علم الآلات الجمية .  
 (١٨٣) علم الرقص .  
 (١٨٤) علم الغنج .

### § — ٥ علوم حكيمية عملية .

- (١٨٥) علم الاخلاق .  
 (١٨٦) علم تدير المنزل .  
 (١٨٧) علم السياسة .  
 {فروع حكمت عملية}  
 (١٨٨) علم آداب الملوك .  
 (١٨٩) علم آداب الوزارة .  
 (١٩٠) علم الاحتساب .  
 (١٩١) علم قود العساكر والجيش .  
 {علوم شرعية}  
 (١٩٢) علم القراءة .  
 (١٩٣) علم تفسير القرآن .  
 (١٩٤) علم رواية الحديث .  
 (١٩٥) علم دراية الحديث .  
 (١٩٦) علم اصول الدين المسمى بالكلام .  
 (١٩٧) علم اصول الفقه .  
 (١٩٨) علم الفقه .  
 {فروع علم قرائت}  
 (١٩٩) علم الشواذ .  
 (٢٠٠) علم مخارج الحروف .  
 (٢٠١) علم مخارج الالفاظ .  
 (٢٠٢) علم الوقوف .  
 (٢٠٣) علم علل القرآن .  
 (٢٠٤) علم رسم كتابة القرآن .  
 (٢٠٥) علم آداب كتابة المصحف .  
 {فروع علم حديث}  
 (٢٠٦) علم شرح الحديث .  
 (٢٠٧) علم اسباب ورود الحديث وازمته .  
 (٢٠٨) علم ناسخ الحديث ومنسوخه .  
 (٢٠٩) علم تأويل اقوال النبي عليه الصلاة والسلام .  
 (٢١٠) علم رموز الحديث و اشاراته .  
 (٢١١) علم غرائب لغات الحديث .  
 (٢١٢) علم دفع الطعن عن الحديث .  
 (٢١٣) علم تليق الاحاديث .  
 (٢١٤) علم احوال رواة الاحاديث .

(١٤٨) علم الآلات الرصدية.

(١٤٩) علم المواقيت.

(١٥٠) علم الآلات الظلية.

(١٥١) علم الأكر.

(١٥٢) علم الأكر المتحركة.

(١٥٣) علم تسطيح الكرة.

(١٥٤) علم صور الكواكب.

(١٥٥) علم مقادير العلويات.

(١٥٦) علم منازل القمر.

(١٥٧) علم جغرافيا.

(١٥٨) علم مسالك البلدان.

(١٥٩) علم البرد ومسافاتها.

(١٦٠) علم خواص الاقاليم.

(١٦١) علم الادوار والاكوار.

(١٦٢) علم القرائات.

(١٦٣) علم الملاحم.

(١٦٤) علم المواسم.

(١٦٥) علم مواقيت الصلاة.

(١٦٦) علم وضع الاسطرلاب.

(١٦٧) علم عمل الاسطرلاب.

(١٦٨) علم وضع الربع المجيب والمقنطرات.

(١٦٩) علم عمل ربع الدائرة.

(١٧٠) علم آلات الساعة.

{فروع علم عدد}

(١٧١) علم حساب التحت والميل.

(١٢٧) علم تعلق القلب.

(١٢٨) علم الاستعانة بخواص الادوية.

{فروع علم هندسه}

(١٢٩) علم عقود الابنية.

(١٣٠) علم المناظرة.

(١٣١) علم المرايا المحرقة.

(١٣٢) علم مراکز الاثقال.

(١٣٣) علم جر الاثقال.

(١٣٤) علم المساحة.

(١٣٥) علم استنباط المياه.

(١٣٦) علم الآلات الحربية.

(١٣٧) علم الرمي.

(١٣٨) علم التعديل.

(١٣٩) علم البنكومات.

(١٤٠) علم الملاحه.

(١٤١) علم السباحة.

(١٤٢) علم الاوزان والموازين.

(١٤٣) علم الآلات المبنية على ضرورة عدم

الحلاء.

{فروع علم هيئت}

(١٤٤) علم الزيجات والتقويم.

(١٤٥) علم حساب النجوم.

(١٤٦) علم كتابة التقاويم.

(١٤٧) علم كيفيت الارصاد.

- (٢٥٨) علم حقيقت الفاظ القرآن ومجازها .
- (٢٥٩) علم تشبيه القرآن واستعاراته .
- (٢٦٠) علم كنايات القرآن وتعريضاته .
- (٢٦١) علم الحصر والاختصاص .
- (٢٦٢) علم الایجاز والاطناب .
- (٢٦٣) علم الخبر والانشاء .
- (٢٦٤) علم بدائع القرآن .
- (٢٦٥) علم فواصل الآی .
- (٢٦٦) علم خواتم السور .
- (٢٦٧) علم مناسبة الآيات والسور .
- (٢٦٨) علم الآيات المتشابهات .
- (٢٦٩) علم اعجاز القرآن .
- (٢٧٠) علم العلوم المستنبطة من القرآن .
- (٢٧١) علم اقسام القرآن .
- (٢٧٢) علم جدل القرآن .
- (٢٧٣) علم ماوقع في القرآن من الاسماء والكنى والالقباب .
- (٢٧٤) علم مبهمات القرآن .
- (٢٧٥) علم فضائل القرآن .
- (٢٧٦) علم افضل القرآن وفاضله .
- (٢٧٧) علم مفردات القرآن .
- (٢٧٨) علم خواص القرآن .
- (٢٧٩) علم مرسوم الخط و آداب كتابته .
- (٢٨٠) علم تفسيره وتأويله وبيان شرفه .
- (٢٨١) علم شروط المفسر و آدابه .
- (٢٨٢) علم غرائب التفسير .
- (٢٨٣) علم طبقات المفسرين .
- (٢٨٤) علم خواص الحروف .
- (٢٨٥) علم الخواص الروحانية من الاوفاق .
- (٢٨٦) علم التصريف بالحروف والاسماء .
- (٢٨٧) علم الحروف النورانية والظلمانية .
- (٢٨٨) علم التصريف بالاسم الاعظم .
- (٢٨٩) علم الكسر والبسط .
- (٢٩٠) علم الزايرجه .
- (٢٩١) علم الجفر والجامعة .
- (٢٩٢) علم دفع مطا عن القرآن .
- { فروع علم الحديث }
- (٢٩٣) علم المواعظ .
- (٢٩٤) علم الادعية .
- (٢٩٥) علم الآثار .
- (٢٩٦) علم الزهد والورع .
- (٢٩٧) علم صلاة الحاجات .
- (٢٩٨) علم المغازی .
- { فروع علم اصول الفقه }
- (٢٩٩) علم النظر .
- (٣٠٠) علم المناظرة .
- (٣٠١) علم الجدل .
- { فروع علم الفقه }
- (٣٠٢) علم الفرائض .
- (٣٠٣) علم الشروط والسجلات .
- (٣٠٤) علم القضاء .
- (٣٠٥) علم حكم التشريع .
- (٣٠٦) علم الفتاوى .

- (٢١٥) علم طب النبي عليه الصلاة والسلام .
- (٢٣٥) علم العالي والنازل من اسانيده .
- (٢٣٦) علم المتواتر والمشهور .
- (٢٣٧) علم بيان الموصول لفظاً والموصول معناً .
- (٢٣٨) علم الاماله والفتح .
- (٢٣٩) علم الادغام والاظهار والاخفاء والاقلاب .
- (٢٤٠) علم المد والقصر .
- (٢٤١) علم تخفيف الهمزة .
- (٢٤٢) علم كيفية تحمل القرآن .
- (٢٤٣) علم آداب تلاوته وتاليه .
- (٢٤٤) علم جواز الاقتباس .
- (٢٤٥) علم ماوقع فيه بغير لغة الحجاز .
- (٢٤٦) علم ماوقع فيه من غير لغة العرب .
- (٢٤٧) علم غريب القرآن .
- (٢٤٨) علم الوجوه والنظائر .
- (٢٤٩) علم معاني الادوات التي يحتاج اليها المفسر .
- (٢٥٠) علم المحكم والمتشابه .
- (٢٥١) علم مقدم القرآن ومؤخره .
- (٢٥٢) علم عام القرآن وخاصة .
- (٢٥٣) علم ناسخ القرآن ومنسوخه .
- (٢٥٤) علم مشكل القرآن .
- (٢٥٥) علم مطلق القرآن ومقيد .
- (٢٥٦) علم منطوق القرآن ومفهومه .
- (٢٥٧) علم وجوه مخاطباته .
- (٢١٦) علم المكي والمدني .
- (٢١٧) علم الحضري والسفري .
- (٢١٨) علم النهاري والليلي .
- (٢١٩) علم الصيفي والشتائي .
- (٢٢٠) علم الفراشي والنومي .
- (٢٢١) علم الارضي والسماوي .
- (٢٢٢) علم اول منزل وآخر منازل .
- (٢٢٣) علم سبب النزول .
- (٢٢٤) علم منزل على لسان بعض الصحابة رضى الله عنهم .
- (٢٢٥) علم متكرر نزوله .
- (٢٢٦) علم متأخر حكمه عن نزوله ومتأخر نزوله عن حكمه .
- (٢٢٧) علم منزل مفرداً ومائلاً .
- (٢٢٨) علم منزل مشيعاً ومائلاً مفرداً .
- (٢٢٩) علم ما انزل منه على بعض الانبياء وما لم ينزل .
- (٢٣٠) علم كيفية انزال القرآن .
- (٢٣١) علم اسماء القرآن واسماء سوره .
- (٢٣٢) علم جمعه وترتيبه .
- (٢٣٣) علم عدد سوره وآياته وكمالاته وحروفه .
- (٢٣٤) علم حفاظه ورواته .

شرفی دخی جائزدر. چونکه علم، نفسنده لذیذ اولدیغندن لذاته طلب اولدیغنی کبی نفسک غیریسنده دخی لذیذ اولمسیله او غیر ایچون دخی طلب اولنور.

علمک نفس وذاتنده لذیذ اولمسی بحثیه کلنجه معلوم اهل علوم اولدیغنی اوزره علمک فوقنده بشقه برلذت یوقدر. چونکه لذت علم، لذت روحانیه ولذت محضه در.

لذت جسمانیه فی الحقیقه دفع المذن عبارتدر. نته کیم لذت اکل، دفع الم جوع ایدر. شو لذت، لذت روحانیه نک مخالفی اولوب لذت روحانیه لذاند جسمانیه دن الذ واشهی در. بونک ایچون امام ثانی محمد بن حسن شیبانی حضرتلری انحلال مشکلات علمی متعاقب حاصل اولان لذت روحانیه ایله متلذذ اولدقلری حالده «این ابناء الملوك من هذه اللذة سيما اذا كانت الفكرة في حقائق الملكوت واسرار اللاهوت» کلامی ایله اظهار اثر سرور بیورر ایدی.

امام مشارالیه حضرتلرینک اشبو کلام مسرت اتسامی لذت روحانیه نک لذاند جسمانیه دن الذ واشهی اولدیغنی مشعر در.

علمک عزل ونصبی اولماق ودوامنه هیچ برکیمه نک مزاحمه سی بولنماق کبی بر شرف و مزیت ولذتی ده واردر.

اکثر جهله، علمانک مظهر اولدیغنی شرفه نائل اولق عزمنده بولنور ایسه ده موانع بهمیه نیل مرآمدن کندولرینی منع ایلر.

علمک «لغیره» اولان لذاندی بحثیه عطف کلام ایدنجه علمک لغیره اولان لذاندی یا اخروی اولور ویا دنیوی اولور.

اخروی اولان لذت، علمک اعظم لذاند اخرویه وسعادت ابدیه حصوله وسیله اولمسندن عبارتدر.

سعادت ایکی قسمه منقسمدر. قسم اول جلب منفعت وقسم ثانی دفع مضرت در.

جلب منفعت ودفع مضرت یا دینی ویا خود دنیوی اولوب بو حالده درت قسم حاصل اولور که بونلر واسطه علم ایله تحصیل اولنور.

تعلیم وتعلم، علمک منافع دینیّه سندن اولدیغنی کبی منافع دنیویه سی دخی انسانک زمان اضطرابنده انیسی وغربته مصاحبی و خلوتده محدثی وهر ایشده مشاوری وهر خیر



# بحث

(۹)

## ﴿ علمك فضل و شرفی ﴾

علمك فضل و شرفی آیات قرآنیہ و احادیث نبویہ ایلہ موقع آرای اشتهار اولمشدر .  
مجتهدین کرام ذوی الاحترام حضراتندن امام شافعی حضرتلری «علم» بر شرفی حائزدرکه  
هر کیسه ایچون اوشرفدن ولو پک جزوی برشی بیله نسبت اولنسه او کیسه مسرور و ممنون  
اولور واکر اونسبت رفع ایدلسه مکدر و محزون اولور» دیو بیان بیورمشدر.

علمك شرفی، بحسب الموضوع و بحسب الغایة و بحسب الحاجة و بحسب وثاقة الحجّة  
متفاوتدر. مثلاً علم طبك موضوعی «بدن انسان» و علم تفسیرك موضوعی «کلام یزدان» درکه  
بوایکی علمك حائز اولدینی شرف، ظاهر و عیاندر .

علم اخلاقك غایتی معرفت فضائل انسانیهدن عبارت اولمسیله شرفی بدیهیدر.  
بحسب الحاجة حائز شرف اولان علم، علم فقه شریفدرکه انك تحصیلنه حاجت مس ایلش  
اولدینی ظاهردر.

بحسب وثاقة الحجّة حائز شرف اولان علملر، علوم ریاضیهدر.  
علم آلہیك موضوعی و غایتی شریف اولوب تحصیلنه حاجت مس ایتشددر.  
بعضاً ثمره ویا وثاقت دلائل ویا خود غایت اعتباریله ایکی علمدن بریسی علم اخردن  
اشرف اولور .

ثمره و نتیجهك شرفی، دلائلك قوتندن اولیدر.  
علمك اشرفی، جناب حقّه و ملائكه کرمانه و رسل عظام علیهم السلام حضراتنه  
اولان علمدرکه بوعلمك نتیجه و ثمره سی سعادت ابدیهدن عبارتدر .  
علم، كافه اشیانك الذّ و انفعیدر .

معلوم اولدینی اوزره بر شینك شرفی یالذاته ویا خود لغیره اولور. علم ایسه بوایکی

## بحث

(۱۰)

## ﴿مراتب علوم﴾

تعلیمه مراتب علومه رعایت اولنور. علمده وهرشیده امر اهم امر مهم اوزرینه تقدیم ایدیلور.

علمده اهم اولان شی، مقصدك وسیله و مقدماته سیدر. بوحالده مباحث لفظیه مباحث معنویه اوزرینه تقدیم اولنور. چونكه الفاظ، معانیك مقدماته سی اوله رق معانیك فهم وادراكنه وسیله در. بوضورته علم ادب، علم منطق اوزرینه تقدیم اولنوب بوندن صکره هرایکیسی ده اصول فقه اوزرینه و اصول فقه دخی علم خلاف اوزرینه تقدیم ایدیلور.

تعلیمده برعلمك دیگر علم اوزرینه تقدیم اولنمی اوچ سببه مبنیدر.

(سبب اول) مقدم اولان علمك تقدیم ایتدیکی علمدن اهم اولسندن عبارتدر. فرض عینك فرض کفایه اوزرینه تقدیمی انك مثالیدرکه فرض عین فرض کفایه دن اهمدر.

(سبب ثانی) برعلم اوزرینه تقدیم اولنان علمك تقدیم ایتدیکی علمه وسیله اولسیدر.

علم نحو علم منطق اوزرینه تقدیمی انك مثالیدر.

(سبب ثالث) برعلم اوزرینه تقدیم اولنان علمك موضوعی تقدیم ایتدیکی علم آخرك

موضوعندن جزؤ اولسیدرکه جزؤ، کلّ اوزرینه مقدمدر. بوضورته علم صرف، علم نحو اوزرینه تقدیم ایدر.

اکثریا بینلرنده وجوه تقدیمدن برشی اولدینگی حالده برعلمك دیگر علم اوزرینه

تقدیمی ادراک معقولات اوزرینه تمرین غرضنه مبنی درنته کیم متقدمیندن برطابقه طرفندن

علم حسابك تعلیمی علوم سائر اوزرینه تقدیم اولنمشدر واکثریا تحصیلنه زیاده حاجت

مس ایدن علمك دخی سائر علملر اوزرینه تقدیم اولنمش اولدینگی واقعدر. اکثر مصنفین کرام

حضراتی. تألیفاتنده علم نحوی علم صرف اوزرینه تقدیم ایله علم نحوه اولان احتیاجك

علم صرفه اولان احتیاجدن ازید اولدینگی تصور ایدیلر.

اوزرینه دلیلی واعداسی ایچون سلاخی اولسی ماده لرندن ودها سائر منافع مهمه سندن عبارتدر .

انسانی، رتب عالیه و منازل رفیعیه و حسن قبول عامه یه نائل ایدن شی علم و کمالدر .  
 علمک مضرت دینیّه یی دافع اولسی بختنه کلنجه مضرت دینیّه دخی ایکی قسمدر .  
 قسم اوّل «فعل نواهی» و قسم ثانی «ترك اوامر» در .  
 فعل نواهی، شهوات مضره یه منہمک اولق و ترك اوامر، اجرای احکام اوامرده تقصیر و تکاسل الیمکدر .

کذلک علم، مضرت دنیویّه یی دافعدر .  
 مضرت دنیویّه دخی ایکی نوعه منحصراولوب نوع اوّل، دفع مقاصد و جلب مفاسددر .  
 نوع ثانی، قانون شرع شریفه تطبیق حرکت ایتماکدن حاصل اولان مفاسدک مضرتی در .  
 علم، مارالذکر مضرت دینیّه و دنیویّه دن انسانی واقعی و عاصم اولور .



# بحث

(۱۱)

## ﴿ اسلامك اوائل احوالى ﴾

قوم عرب، اسلاميتك ظهورندن اوّل پرا كنده ومتفرق برطاقم اهايلدن عبارت اولوب بعضيلرى اسب وقسراق اوزرنده طولاشه رق برر صورتله تعيش ايدرلر وبعضيلرى اللرنده كي دوه وقيون وكچى سودلرى ايله رفاه حال اوزره كچورلر ايدى .

قوم عرب، حروفك صورت تركيب وتحريريني ييلديكي حالدله لسانلرنده كي وسعت وقوة خياليه لرنده اولان جودت سبيله ايجلرنده مشهور شاعرلر وار ايدى. كذلك اصول مدنيه واحوال انسانيه يي هيچ بر قومدن اوكرنماش اولدقلى حالدله شجاعت وسخاوت ايله آره لرنده نامدار كيمه لر بولنور ايدى. مهمان پرورلك وغريب نوازلق اصولنه هرشيدن زياده رعايت ايدرلر ايدى . قطع طريق ايله تعيش ايدنلر بيله خيمه لرينه كالان غربانك تلطفنده افراط ايدرلر ايدى. الحاصل فضائل انسانيه عادتلرى حكمنده اولوب بو استعداد اوزره وقت كچورمكه اولدقلى حالدله مشرق بطحادن طلوع ايدن آفتاب اسلام، خطه مقدسه حجازى و آز مدت ظرفنده پك چوق بلاد وامصارى ضيادار ايدرلك بين الاقوام اصول اسلاميه استمرار واستقرار ايلدى .

اوائل اسلامده علمائى كرام حضرائى سائقه احتياج ايله علم احكام شريعتيه وعلم لغته وعلم طبه اعتنا بيورديلر.



فروض کفایه تأکد وعدم تأکده اعصار وامصارک [۱] علمای اعتباریه اختلاف  
 ایدر. مثلاً بربلدهده فریضه‌یی تقسیمه مقتدر بر ویاخود ایکی عالم بولنوبده یکر می قدر فقیه  
 اولدینی صورتده او بلدهده علم حسابک تعلمی اصول فقهک تعلمدن آکددر. واجب العلم اولان  
 شی، فرض عیندر. فرض عین دخی شریعت شریفه نک شخص اوزرینه بالخاصه تعیین  
 بیوردینی شیلردر. اما اول شیلر که جماعت اوزرینه عملی شرعشریف واجب  
 بیورمشدر. جماعت ایچنده او واجب اولان شیلری بیلن بر شخص بولنوب اوشیلری  
 عامل اولقی ایله او فرضلر ذکر اولنان جماعتک سائر افرادندن ساقط اولور و بومثللو  
 شیلره فرض کفایه تسمیه اولنور. فرض کفایه‌دن اولان علملر، انتظام امر دنیا ایچون لازم  
 اولان علومدر. اوده کتاب الهی و سنت نبویه‌یی فهم و ادراک ایله انلری تحریفادن حفظ  
 ایلمکدن واقامه برهان ایله اعتقادیاتی بیلوب ازاله شبههیه قادر اولقدن و اوقات و فرائضه  
 و احکام فرعییه و حفظ ابدانه و اخلاقه و امور سیاسییه و قوف و معرفندن و ذکر و تعداد  
 اولنان علملردن هر برینک تحصیلنه سبب و واسطه اولان علم لغت و تصریف و نحو و معانی  
 و بیان و منطق و انساب و حساب ایله بونلردن بشقه حصول مقاصدک و سائط مهمه‌سندن  
 اولان سائر علومه کذلک کسب و قوف و مهارت ایتمکدن عبارتدر. اشبو علملرک تأکده  
 یکدیکنندن بحسب الحاجة درجاتی متفاوتدر.

ایشته تحصیلی فرض کفایه‌دن اولان شو علملری عالم و عامل اولان بر شخصک بر جماعت  
 ایچنده بولنسیله فرض مذکور او جماعتک سائر افرادندن ساقط اولور.



[۱] (امصار)، مصرک جمعی در. (مصور) دخی مصرک جمعی در. علی الاطلاق بیوک شهر  
 دیمکدر وبلده معروفة نک دخی اسمی در. «کوفه» شهری ایله «بصره» به مصران اطلاق اولنور.  
 (مصر) کله‌سی اصطلاح شرعه اول بربلدهیه اطلاق اولنور که او بلده نک اکبر مساجدی او بلده  
 اهالیسنی استیعابه کافی دکدر.


# محت

(۱۳)

## ﴿علوم اسلامیہ نك علوم اوائل ایله اختلاطی﴾

دولت امویہ عصرندہ علوم اوائل، نظر رغبت و اعتباردن دور و مهجور ایدی. دولت عباسیہ نك ظهورندہ خلفای عباسیہ دن ایکنجی خلیفه «ابو جعفر المنصور» زمانندہ علوم اوائل مظهر رغبت اولدی. چونکه خلیفه مشارالیه حضرتلری علم فقه شریفده ماهر و کامل اولدینی کبی علم فلسفیه و خصوصاً علم نجومه دخی راغب و بو علملرک اهل و اربانه محب ایدی.

خلفای عباسیہ دن یدنجی خلیفه «عبدالله المأمون بن الرشید» جد اعلاسنک مسلکنه سالک و علوم اوائله پک زیاده راغب اوله رق جد اعلاسنک آچدینی طریق تحصیلی توسیع و اتمام ایتکه قیام ایله ایجاب ایدن محللردن «افلاطون» و «آرسطو» و «جالینوس» و «اقلیدس» و «بطلیوس» ایله سائر مشاهیر حکمانک کتب حکمیہ سنی جلب ایتدیره رک ماهر مترجملر معرفتیه لسان عربیه نقل و ترجمه ایتدیردکن صکره موقع تعلم و تدرسه وضع ایتمش و اهل اسلام طرفدن دخی امر تعلمه میل و رغبت اولنمشدر. چونکه زمان اولده اهل اسلامک علوم اوائلی تعلمدن منع اولنسنک سبب و علتی قواعد و عقائد اسلامیہ نك تأسس و استقرار ایتسی ماده سندن عبارت اولوب بو مقصود ایسه اوزمانلرده حاصل اولدیغندن و بونکله برابر علوم حکمیہ نك اکثر مسائلی دخی دیاناته متعلق اولدیغندن علوم مذکورہ ایکنجی خلیفه عباسیہ زمانندہ مظهر رغبت اولمغه باشلاوب یدنجی خلیفه زمانندہ دخی اسباب تحصیلیه سی استکمال اوله رق اهل اسلامدن پک چوق حکیم ذوات یتشمش و سائر فنون دخی کسب اشتهار ایتمشدر.



## محت

(۱۲)

## مصنفین اسلامیه نك اوّلی

تدوین علم وتصنیف کتاب ایدن ذوات کرامك اوّلی هانکی ذات کریم الصفات اولدیغنده بین العلما اختلاف اولدی.

برروایت کوره مصنفین کرامك اوّلی هجرت نبویه نك یوز اللی بشنجی سنه سنده عازم کلزار خان اولان «الامام عبد الملك بن عبد العزيز بن جریج البصری» حضرتلری اولدینی کی تاریخ هجرتك یوز اللی بشنجی سنه سنده ارتحال دار بقا بیورمش اولان «ابوالنصر سعید بن ابی عروبة» حضرتلرنك اوّل مصنفین اولدینی دخی مرویدر. شوایکی روایتی «خطیب بغدادی» حضرتلری ذکر و بیان ایلدی.

ینه مصنفین کرامك اوّلی، تاریخ هجرتك یوز آلتمشنجی سنه سنده ترك حیات مستعار ایتمش اولان «ربیع بن صلیح» حضرتلری اولدینی «ابو محمد رامهرمزی» حضرتلری جانبندن روایت بیورلمشدر.

مشارالیه «ربیع بن صلیح» حضرتلرندن صکره «سفیان ابن عیینة» و «مالك بن انس» مدینه منورهده و «عبد الله بن وهب» مصرده و «معمر» ایله «عبد الرزاق» یمنده و «سفیان الثوری» ایله «محمد بن فضیل بن غزوان» کوفهده و «حماد بن سلمة» ایله «روح بن عبادة» بصرهده و «هشیم» واسطده و «عبد الله بن مبارک» خراسانده تدوین علوم وتصنیف کتب امر مهمنه صرف عنایت و بذل لطف و همت بیورمشلردر. رحمهم الله مصنفین مشارالیه حضرتلرنك نظر اعتنا و همتلری قرآن کریمك وحید شریفك معاقدی ایله معاینسنی ضبط ایتمك جهته مصروف ایدی. بعونه تعالی شو مقاصد عالیله جلوه نمای حسن حصول اولدی.

(قسم خامس) مسائل متفرقه نك جمع وضبطی در .

(قسم سادس) مسائل مختلفه نك ترتیب و تهذیبی در .

(قسم سابع) سهو و خطاسی کوریلان بر کتابك اصلاحی در .

ایشته امر تألیفات ذکر و بیان اولنان اقسام دائرہ سنده دوران ایدر .

هر بر مؤلفك تألیف ایده جکی کتابك بش فائده دن خالی اولماسی لایق ولازمدر .

فوائد مذکورہ ، اولاً مسائل مشكله نك استنباطی ، ثانیاً مسائل متفرقه نك جمعی ،

ثالثاً مسائل غامضه نك شرحی ، رابعاً صورت نظم و تألیفك استحسانی ، خامساً حشو

و تطویل ك اسقاطی ماده لرندن عبارتدر .

بر کتابك وضع و تألیفندن غرض و مقصود اولان شی نه ایسه زیاده و یا نقصان اولیه رق

حصوله کتورلسنه و الفاظ غریبه و انواع مجاز استعمالندن احتراز ایدلسنه و بر علمك دیگر

علمه ادخال اولنماسنه و حجت و برهان ایرادنده دور وقوع بولماسنه و حسن ترتیه و وجازت

لفظه و وضوح دلالت و اهل عصر ك احتیاجی ایله متناسب اولسنه و اختصاری ایجاب ایدن

محلده تطویلاتك عدم وقوعنه و تفصیل و ایضاحی لازم کلان محلده تفهیمات و تعریفاتك

وجه لایق اوزره اجراسنه و بونلرك امثالی احواله دقت و اعتنا اولنمسی امر تألیفك جمله

شرائطندن در .

هر کتابك اولنده امر تألیفده کی غرض و غایت ایله منفعت و براعت استهلال و علمك

نوعی و صاحب تألیفك اسمی و بحث اولنان علمك مرتبه سی و صورت تعلیمی ایله طریق

تحصیلی ذکر و بیان اولنحق مؤلفین کرام حضراتنك عادات حسنه سندن در .

غرض ، غایت معناسنه اولوب تصوّرده مقدّم و فعلده مؤخر اولور .

فائده و منفعت ، طبیعتی تشویق ایدر .

براعت استهلال دخی کتابك تفصیلاتنه اجمالاً دلالت ایدن عنوان در . بو عنوان ،

بعضاً تسمیه و بعضاً الفاظ و عبارات ایله اجرا اولنور .

علمك نوعی بیان اولنحق کتابك تریناتی جمله سندن در که موضوع دیمکدر . بونك ذکر

و ایراد اولنمسی کتابك مرتبه سی یلنمك مقصدینه مبنیدر .

صاحب تألیفك اسمی ذکر و بیان اولنحق دخی مؤلفك قدر و حیثیتی تعین ایتمك مقصدیله در .

کتاب ، بعضاً علومك بر نوعی و بعضاً دخی اجزاء علمدن بر جزئی شاملدر .

علمك مرتبه سی و صورت ترتیب و تعلیمی کی شیلردن بحث اولنحق دخی فوائد کثیره دن

خالی دکلددر .



# بحث

( ۱۴ )

## ❖ اقسام تدوین و مدونات ❖

ارباب فضل و کمالک معلومی اولدینی اوزره وضع و تألیف خصوصنده مصنفین کرام حضرتانک اختلاف رأی و غرضلری کتب علک تکثر ایتسنه باعث اولمشدر . لکن من جهة المعنی کتابلر ایکی قسمة منقسم و مختصر اولوب قسم اوّل اخبار مرسله یی و قسم ثانی قواعد علومى حاوی اولان کتابلردر .

اخبار مرسله یی حاوی اولان کتابلر کتب توارینخدن عبارتدر . اما اوصاف و امثال مقوله سی منظومات تحتند اولسلیله انلر دواوین شعرا ده مجموع و مقیددر . قواعد علومى حاوی اولان کتابلر من جهة المقدار اصناف ثلثیه منقسمدر .

صنف اوّل، کتب مختصره درکه بو مقوله کتابلر علومده منتهی اولنلر ایله حدت ذهنه مالک اولان بعض اذکیای مبتدئینه فائده بخش اولور . صنف ثانی، کتب مبسوطه درکه بیوک کتابلر دیمکدر . مطالعه ایچون منفعت بخش اولور .

صنف ثانی، متوسطاتدرکه نه مختصر ونه ده مفصل اولوب وسط حالده اولان کتابلر دیمکدر . بومثللو کتابلرک عمومه منافع کثیره سی واردر . امر تألیفات یدی قسمة اقسام ایدر .

(قسم اوّل) سابقا تألیف اولنلر ایش اولان مسائلک برنجی دفعه اوله رق جمع و تألیف اولنلسیدر .

(قسم ثانی) ناقص اولان برکتابک اتمام و اکمال ایدلسیدر .

(قسم ثالث) عبارات و مسائلی مغلق و مبهم اولان برکتاب ایچون شرح یازلسیدر .

(قسم رابع) بر بیوک کتابک معانیسی اخلاص ایدلمکسزین اختصار حاله قولسیدر .

شروح صورت ترتیب و تحریری اقسام ثلاثیه منقسم و منحصر در .

(قسم اول) لسان عذب البیان عربی اوزره تألیف بیورلمش اولان کتابلر اوزرینه (قال) و (اقول) کلهلری ایله یازیلان شرحلر درک «شرح مقاصد» و «شرح طوابع» و «شرح عضد» بوضورتله ترتیب بیورلمش اولان شروح جمله سندن در. اما متن کتاب بعض شرحلرده تمامیه یازیلوب بعض شرحلرده یازلمز. بعض شروحده متون کتبک یازلامسی سببی متن کتابک بلا تفریق و بلا امتیاز شرحده مندرج و محرر اولسندن عبارتدر.

(قسم ثانی) «قوله» کلهسی ایله یازیلان شرحلر درک «ابن حجر» و «کرمانی» حضرتلری ایله مشارالیهما امثالی ذوات کرامک بخاری شریف اوزرینه یازدقلری شرحلر اووجهله یازلمش شروح جمله سندن در. شوضورتله شرح یازمغه بذل لطف و عنایت بیورلمش اولان ذوات ستوده صفات حضراتی متن کتابی التزام بیورمیوب مواضع مشروحنه ذکر و بیانی ایله اکتفا ایتمشلر در. بونکله برابر بعض نساخ طرفندن کتابک متنی یا هامش شرحده و یا خود مسطر کتابده تحریر اولنور و بونک فائدهسی انکار اولنمز.

(قسم ثالث) عبارة متن ایله ممزوج اولان شرحلر که بومثللو شرحه «شرح ممزوج» تعبیر اولنور. شوضورتله مرتب اولان شرحلرده عبارة متن ایله عبارة شرح مزج اولنوب بعده متنک عباردهسی شرحک عبارده سندن یا «میم» و یا «شین» حرفلری ایله و یا خود فوق المتن برخط کشیدهسی ایله تمیز و تفریق ایدیلور که محققین علمای کرامدن اکثر شرّاحک امر شرحده عادت سنیهلری صورت مشروحدهن عبارتدر. لکن بوضورتک عبارة متن ایله عبارة شرحک اختلاطنندن و غلط وقوعندن سالم اوله مدینی علمای کرام حضراتی جانبندن بیان بیورلمشدر.

کتب مؤلفهیه شرح یازمق خصوصنده علمای کرام حضراتنک تعیین بیوردقلری آداب و شروططنن بریسی شارح اولان ذاتک شرح کتاب خصوصنده نصرت و همتی کمالیه صرف ایدرک شارح غیر ناقص اولمسیدر. لکن محل صحیحی بولمق ممکن اوله میان برشیئه تصادف اولندقدده اوشیئی یالکز تصریح و اصلاح ایله مصنف حقنده بوجهله عدم رعایتده بولنامق لازمدر. چونکه انسان، محل نسیان اولدیغندن خطا و نقصانندن عاری دکلدرد. انسانک خطاسی حائر اولدینی فضائل و کالاتک انکارینی موجب اوله مز. بوجهتله سلف ایچون تصریح طعن و تشنیع ایتکدن اجتناب ایلک مقتضای ادب خلف اولمسیله

## بحث

(١٥)

## ﴿ شرح کتب ﴾

معلوم اولدینی اوزره هر بر مؤلف، وضع و تألیف ایلدیکی کتابی شرحه حاجت مس ایتمکسزین فهم معانی و مسائل اولنق قصیدله تألیف ایلش اوله جنی طبعی ایسه ده آتیا ذکر و بیان اولان اسباب ثلثیه مبنی مؤلفاته شرحلر یازلغه لزوم و احتیاج کورلمشدر. اوللا مؤلف کتابک علماً حائز اولدینی حذق و مهارت سابقه سی ایله تألیف بیوردینی کتابک عبارات لطیفه و مختصره سی معانی مطلوبه به تمامیه دلالت ایلر ایسه ده علمده حذق و مهارت ایله جودت ذهنه مالکیت خصوصنده مؤلفک حائز اولدینی مرتبه عالیده بولنه میان ذواته او کتابک تعلم و تلذی متعسر اولسیله شو تعسرک دفع و ازاله سی مقصدیه کړک بالذات مؤلفلر طرفندن و کړک سائر علمای کرام حضراتی جانبندن شرحلر یازلغه بذل لطف و عنایت بیورلمشدر.

ثانیاً کتابلرده وضوح دلالتیه اعتماد ایله قیاسلرک بعض مقدّماتی حذف اولنق و یا خود اخر علمدن قیاسلر ایراد ایدلک و یا بعض اقیسه نک ترتیبی ترک و اہمال قلنق و بعض قضایانک تعلیلنده غفلت و وقوع بولق سبیلری ایله مقدّمات مهمه نک ذکر و بیانی و کتابک باحث اولدینی علمده تعریف اولنسی لازم کلان مباحثک ایرادی و مقدمات و قیاساتک ترتیبی و مصنفک کوسرتمدیکی علل و اسبابک ارأه سی و الحاصل کتابک تألیفندن مقصود اولان منفعتک حسن حصوله تعلق ایدن لوازمک ایراد و تذکاری خصوصلرنده کوریلان لزوم اوزرینه علمای کرام حضراتی جانبندن کتابلره شرحلر یازلقله مسائل علومک ازهر جهت تسهیلنه اعتنا بیورلمشدر.

ثالثاً کتب مؤلفه ده بعض الفاظک معانی تأویلیه احتمالی و یا خود الفاظ مجازیہ و دلالت التزامیه بولنسی و بعض تصانیفده حسب البشریه سهو و غلط و وقوع بولسی و بعض قضایای مهمه نک حذف اولنسی و یا خود برشیثک من غیر ضرورتی تکرار ایدلسی کبی واقع اولان نواقصک اکمال و اتمامی ایچون شرحلر یازلغه لزوم کورلمشدر.

## بحث

(۱۶)

## ﴿مؤلفین اسلامیہ نك اقسام واحوالی﴾

اصحاب علم و کمالك معلومی اولدینی اوزره تصانیف معتبره اربابندن اولان مؤلفین کرام حضراتی ایکی فرقه یه منقسم در .

فرقه اولی، علومده ملکه تامة ودرایت کافیه وتجارب وثیقه ورأی صائب وفهم ثاقب اصحابی اولوب بومثللو رجال کرام حضراتنك تصانیفی قوه تبصره ونفاذ فکر وسداد رأی محصولی اولمسیله حائز اعتبار واشتهاردر. فرقه مذکوره «نصیر» و «عضد» و «سید» و «سعد» و «جلال» وامثالی ذوات معتبره اولوب مشارالیهمن هر برینك مؤلفاتی کړك من جهة الالفاظ وكړك من جهة المعانی علما وفضلا جانبندن مظهر حسن قبول اولمشدر. فرقه ثانیه رجال کرامی دخی افکار ثاقبه اصحابندن اولوب کتب معتبره دن استنباط واستخراجنه موفق اولدقلى مسائلى ترتيب وتهذيب اليه اولبابده مصروف اولان همت علیه مخصوصه لری، اخلاف ایچون شاهراه استفاده اولمشدر. بومثللو ذوات کرامك بعضیلری تألیفات علیه سنی افاده ایچون یامیوب استفاده خصوصیه لرینه منحصر اولمق اوزره تحریر و ترتیب بیورمش اولدقلى جالده تألیفات مذکوره سائر اصحاب علومك دخی استفاده لرینه خدمت ایلشدر.

طالب علم اولنلر، فهم وادراکنه مقتدر اولدقلى مسائل علمی زمانك احتیاجنه کوره تحریر وتألیفه علمای کرام حضراتی جانبندن مأذون اولوب لکن بومثللو تألیفاتك هر حالده حسن ترتیب وتحریرینه وعند المطالعه نقصان ویا زیاده کورلديکی تقدیرده تصحیح واصلاحنه دقت واعتنا اولندقدن صکره نشری مشروطدر.


زمان سابقده بعض ذوات جانبندن تصنیف وتألیفك لزومی انکار اولمش ایسهده شوانکارك اهل عصر بیننده جاری اولان حسدن بشقه محمل صحیحی بولنه مامش وآتیاً محرر اولان نظم، لزوم تصنیفی انکار ایدن اومثللو ذاتك دعواسنه جواب رد اولمشدر.

متن کتابده تصادف اولسان او مثللو نقصانلری، شرحلرده « قیل » و « ظن » و « وهم » و « اعترض » و « اجیب » و « بعض الشراح والمحشی » و « بعض الشروح والحواشی » کبی کنایات ایله اکیل و اتمام ایتمک فضلاى متأخرینک دأب شریفلرندن در. علمای متأخرین حضراتی علمای متقدمین حقنده اعتراضی تجویز ایتمیوب تعظیبات فائقه اجراسیله ارائه طریق ادب بیوردیلر و او مثللو هفواتی ناسخینک غلطنه حمل ایله راسخین کرامک شان عالیلرینی اسناد خطادن محافظه ایلدکلری کبی بعض هفواتی دخی علمای متقدمین حضراتنک مباحثه و افادهده فرط اهتماملرینه حمل ایتدیلر. چونکه کتب متقدمینده مشهود اولان بعض هفواتک علمای کرامک حاشا عدم اقتدارلرینه حملی وجهاً من الوجوه جائز اولمديغندن اهل علومه طعن و تعریضک وجه مناسبتی اولیوب بوبابده طریق انصافدن اصلا عدول اولتماق بین العما جمله آداب علیهدن عد و شمار اولتمشدر .



وامور ذاتیه لرینی رؤیت ایچون تخصیص اولنان ایام تعطیل، جمعه و صالی کونلرندن عبارت ایکن مولانای مشار الیه حضرتلری بازار ایرتسی کوتی دخی ایام تعطیل اوزرینه ضم و علاوه ایدرک یوم مذکورى اعظم علمای متأخریندن سعد الدین تفتازانی حضرتلرینک تألیفات شریفه سندن طلبه علومک کتابت و مطالعه صورتیه تعللرینه حصر و تخصیص بیورمش اولدینی مرویدر.

اکابر علمادن «ابو اللیث» رحمه الله حضرتلرینک ذکر و بیان بیوردینی اوزره اهل علم ایچون جناب حقدن علی الدوام خوف و خشیت اوزره اولق و مخلوق خدایه رحم و شفقت ایتک و بلیهیه تحمل ایدوب صبری، اعتیاد ایلک و حلی، طبیعت ایدرک تواضعی عادت ایدنک و عفت و استقامتدن آریلیوب مطالعه علوم و کتب خصوصنده دوام کوسترمک و اظهار حق و صوابده حسن حرکتله فرد آفریده ایله منازعه و مجادله و مخاصمه ایتماک و کندو اموری ایله مشغول اولوب خصمندن اخذ انتقام فکر و قصدنده بولنماق لازم و مهمدر. خصمه رغم ایتک تحصیل علم و کمال ایله حاصل اولور. علما ایچون طعام و لباسده و مکان و ائانده و کافه اموره سلف صالحین مسلکینی اختیار ایلک لازمدر. چونکه مباح ایله تزین ایتک اگرچه محرماندن دکل ایسهده امر تزین و ترفهده انهماک ایلک دخی علما ایچون لایق دکلدر. شریعت شریفه نك بیان بیوردینی وجهله کسب و تجارت ایتک و مکان و طعام و لباس و نکاحده حال وسطی تجاوز ایتماک جمله آداب علمیه دندر.



شعر

قل لمن لا يرى المعاصر شيئاً و يرى للآوائل التقديماً  
ان ذاك القديم كان حديثاً و سيق هذا الحديث قديماً

ارباب فضل و دانش نزدنده معلوم اولديني اوزره افكار و انظار ايچون حد معين اولوب هر بر عالم و متعلم افكار و انظاردن بر حظه نصيبه مالك اولمغله زمان مقدر حلول ايلدكده هر كس نصيبني احراز و استيفا ايتمك طبيعي اولديغندن عقول و افكارده هيچ بر كيسه ايله مزاحمه ايتك موافق شيمه انصاف اوله من. چونكه عالم معنوي، بحر زاهر كي واسع اولوب فيض الهى ايچون انقطاع و آخر يوقدر.

علوم و معارف مواهب الهيه جمله سندن اولمسيه خدای متعال حضرتلرينك بعض متأخرين علمايه احسان بيورديني كالاتي متقدمين علمادن بر چوق ذوات كرامه احسان بيورماش اولمسي مستبعد و مستنكر دكلدر. بوسيدن ناشي «مترك الاول للآخر» قوله استناد و اغترار ايتك لازم كلز. بلكه قول صحيح «كم ترك الاول للآخر» قولى اولديني بعض علمای كرام جانبندن بيان بيورلمشدر. چونكه برشي ذاتي اعتباريله معتبر اولوب يوقسه قدم و حدودي اعتباريله دكلدر. «مترك الاول للآخر» قولى اهل علمك تحصيل علوم جهته اولان ميل و رغبتلريني كسر ايله علومك انجق اثار متقدمينه اقتصاريني مشعر اولديغندن متقدمين علما نزدنده مظهر حيز قبول اولماشدر.

علمای متقدمين حضراتي اصول علومك استخراج و تمهيدى ايله بر حيز مخصوص احراز ايتمش اولديني كبي علمای متأخرين دخي تفريع اصول ايله كسب شرف اشتهار ايلشدر.

بعض علمای كرام حضراتي جانبندن «هر بر حكمتك واضعي و هراذبك مؤلفي طبقات علمانك اخرى در وانلرك اثرلري لفظاً اهذب و لغةً اسهل و مذاهباً احكم و طريقةً اوضح» در ديو بيان بيورلمشدر.

اعاظم علمای اسلاميه دن و زمره متأخرين كبارندن علامه سيد شريف جرجاني حضرتلرينك مؤلفات بر كزيده لري علامه روم خواجه زاده مرحوم جانبندن هر آن مدح و ستايش ايله ياد اولنديني مرويدر. صحيحاً سيد شريف حضرتلرينك تاليفاتي، علمانك الكبيوك مرجع استفاده سي اولمش اولديني متفق عليه در.

اكابر علمادن مولانا شمس الدين فناري حضرتلرينك زمانه قدر طلبه علومك استراحت

سنت سنیہ نك رسول محترم صلى الله تعالى عليه وسلم حضرتلرینه صورت اسنادندن و خبرلرینه وثوق واعتماد حصولی ایچون سنت نبویه یی نقل و راویت ایدن ذوات کرام حضرتانك احوالندن باحث اولان علم دخی علم حدیث شریفدر.

احکامك اصولندن صورت استنباط واستخراجنی ارأه ایدن علم دخی علم اصول فقهدر. احکام الهمیه وقوف ومعرفت ثمره سی اولقی اوزره افعال مکلفینه متعلق فروعات شرعیدن باحث اولان علم، علم فقه شریفدر.

تکالیف شرعیه، افعال خارجییه تعلق ایلدیکی کبی افعال قلبیهیه دخی تعلق ایدر. افعال قلبیهیه تعلق ایدن تکلیف، ایمان واعتقادی واجب اولان شیلره اعتقاد ایتمکدر. بوده جناب حقك ذات وصفاته و نبوت و اخرته و قدره تعلق ایدن عقائدن عبارت اولوب عقائد مذکورنك ادله عقلیه وبراهین ایله اثبات واستدلالندن باحث اولان علم، علم عقائددرکه بوکا علم کلام دخی تعبیر اولنور.

قرآن عظیم الشان ایله حدیث شریفه علم حصولی، علوم عربیهده مهارت کاملهیه متوقف اولسی علوم عربیه نك تقدّم تعلنه باعث و علت اولمشدر. علوم عربیه دخی علم لغت، علم نحو، علم بیان و بونلرك امثالی عللردن عبارتدر.

علوم شرعیه، ملت اسلامیهده پك زیاده مظهر ترقی اولمش و بویولده علای کرام حضراتی ایله سلاطین عظام جانبندن پك چوق فداکارلقلر اختیار بیورلمشدر.

قوم عرب، بدایت اسلامده ودها اول زمانلرده علم وصنعت ایله مألوف اولمقلرندن عصرسعادتدن عصرتابعینك اخرینه قدر احکام شرعیه یی منع نبوتدن وافواه اصحاب کرامدن اخذ وتلقى وضبط وحفظ ایله امور دینییه ودنیویه لرینی بوضورتله حسن اداره ایدرك امر تعلیم و تدویندن استغنا حالنده اولورلر ایدی. مؤخرأ تفاسیر قرآنییه نك وضعنه واحادیث نبویه نك تفسیرینه ومعرفت اسانیده وتعديل روانه لزوم واحتیاج کورندی. شواحتیاج، احکام شرعیه نك اختلافات زمانیه وواقعات دهریه اراسنده عدم ضیاعی مقصودینه مبنی ایدی. دهها صکره کتاب وستندن احکامك استخراج واستنباطی بحسب الوقعات تکثر ایلدی ولسان ولقته فساد وخلل طریائی اماره لری سرنمای ظهور اوله رق قوانین نحویه نك وضعنه شدتله لزوم کورندی. علوم شرعیه نك جمله سی استنباط وتنظیر وقیاسده ملکاتدن عبارت اولوب ملکات مذکورنك حسن حصولنه مدار اولان علوم سائر نك یعنی قوانین عربیه



# بحث

(۱۷)

## ﴿ علوم اسلامیہ ﴾

امصار و بلادده متداول اولان علملر، ایکی صنف اوزرینه در. (صنف اوّل) طبیعی، (صنف ثانی) نقلی در.

طبیعی اولان علملر، انسانک قوّه فکر و نظری ایله حاصل اولورکه اکا علوم حکمیه تعبیر اولنور.

نقلی اولان علملر، شرعشریفک واضعندن مأخوذ اولان علومدن عبارتدرکه او علملره، علوم وضعیّه نقلیه اطلاق اولنور. اشبو علوم نقلیه نك جمله سی وضع شرعییه مستند اوله رق آنده عقل ایچون مدخل و مجال یوقدر. لکن اصولدن استنباط و استخراج اولنان مسائل فرعیده عقل ایچون مدخل و مجال واردر. چونکه جزئیات حادثه متعاقبه وضع مجرد سببی ایله نقل کلی تحتتده مندرج اوله میوب بونده وجوه قیاسه احتیاجک لزومی ظاهر در. لکن شوقیاس، خبردن تفرع ایدر یعنی اصل وضعییه مستند اولور و نقلدن تفرع ایلدیکندن نقله رجوع ایدر.

علوم عربیه، علوم شرعیه نك تابع و خادمیدر. چونکه لسان عربی، قوم عربک لسان مادرزادی اولوب قرآن کریم، اشرف السنه اولان لسان عذب البیان عربی اوزره شرف نازل اولمشدر.

علوم نقلیه نك اقسامی متکثر در. هر مکلف اولان یعنی هر عاقل و بالغ اولان کیمسه نك کندوسی ایله انبای جنسی اوزرینه مفروض اولان احکام الهیهی بیلسی واجدر. احکام مذکوره «نص» ویا «اجماع» ویاخود «الحاق» ایله «کتاب» و «سنت» دن مأخوذ در. بو حالده کتابدن یعنی قرآن کریمدن استفاده حصولی اوّلا الفاظ شریفه سنك بیانیه متوقف اولوب بونی متکفل اولان علم، علم تفسیر شریفدر.

قرآن عظیم الشانک نقل و روایتی رسول اکرم صلی الله تعالی علیه وسلم حضرتلرینه اسنادندن وقرائنده قرآنک اختلاف روایاتندن بحث ایدن علم دخی علم قرات در.

حدیث شریفندہ ذکر وتعداد بیوریلان فرائضدن عبارت اولیق اوزره بیان بیورلمشدر .  
 ذکر اولنان حدیث شریف، «توحید» و «صلاة» و «ذکات» و «صیام شهر رمضان»  
 و «حج البیت» فرضلرینک بیانندن عبارت اولوب فرائض مذکورہ کافہ مسلمین اوزرینہ  
 فرض در . بوصورت اکابر علمادن «الشیخ ابی طالب المکی» حضرتلری جانبندن اختیار  
 بیورلمشدر .

بعض علمای کرام حضراتی جانبندن ذکر اولنان فرائض خمسک وجوبی انحق بقدرالحاجه  
 اولدینغی علاوہ بحث اولنہرق «برکیمہ ضحوۃ نہارده بالغ اولسہ اوکیمہ ایچون جناب حق  
 صفاتی ایله استدلالاً بیلک وکله شہادتق معناسی ایله برابر تعلم ایتک واکر وقت ظہرہ قدر  
 برحیات اولور ایسہ احکام طہارت واحکام صلاتق کذلک تعلم ایتک واکر شهر رمضانہ  
 قدر برحیات اولور ایسہ احکام صومی و مالہ مالک ایسہ کیفیت ذکاتی اوکرنمک واکر  
 استطاعت حاصل اولور ایسہ احکام حج ومناسکی تعلم ایتک فرض» در دیو بیان ایله بوصورتک  
 قتاوای تاتار خانہدن نقل اولندیغنه اشارت بیورلمشدر .



ایله قوانین استنباطیه و قیاسیه نك و علم كلامك وضعنه لزوم كورنمش و بونلر جمله صنائع تحتہ اذخال ایدیلر ك كافه سی محتاج تعلیم بولنمش ایسه ده علوم مذکورہ نك تعلیم و تعلمنه قوم عربك اوزمانلرده كی حال بدویتی مساعد اولدینی جهتله علوم مذکورہ بالضرور مدنی و حضریله كسب اختصاص ایلش و اوزمانلرده حضریلر ، قوم عجم ایله سائر اهل حواضر دن عبارت بولنمش اولسیله حضریلر علوم وفنونه او عصرلرده بدویت حالده بولنلردن زیاده ترقی ایتشدر . بوجهتله علم نحوك اكثر مشاهیر ائمہ سی ایله حدیث شریفك عالم و حافظلری و اصول فقہك علماسی و علم كلامده حاذق و ماهر اولان ذوات كرامك جمله سی و اكثر مفسرین عظام حضراتی ایله سائر علوم وفنون اصحابی اولان مشایخ و مشاهیر كرام حضراتی جمله اهل حواضر و اهل فارس ایدی .

علوم عربیه ، علوم شرعیه نك مفتاحی و وسیله تحصیل اولدینی كبی علوم عقلیه و حكمیه نك دخی وسیله تحصیل در . چونكه علوم عقلیه و قتیله علمای اسلامیہ جانبندن لسان عربییه كملاً نقل و ترجمه و لنش و بلاد اسلامیده حكمیات و عقلیات دخی زیاده سیله ترقی ایتش اولسیله علوم حكمیه نك تحصیل دخی علوم عربیه نك تحصیلنه توقف ایلشدر .

لسان عربینك ارکان اصلیه سی درت در . برسی «علم لغت» و دیگری «علم نحو» و دیگری «علم بیان» و دیگر بری دخی «علم ادب» در . اشبو ارکان اصلیه یی یلك ضروری در . چونكه احكام شرعیه نك مأخذی ، لسان عذب البیان عربی اولغله اكا تعلق ایدن علمی تعام ایتك لازم و واجدر .

علوم عربیه نك اهم و اقدمی ، علم نحودر . حدیث شریفده شرفوارد اولدینی اوزره بالجمله مكلف اوزرینه تعلی فرض عین اولان علمك تعییننده بین العلما اختلاف اولندی .

مفسرین كرام و محدثین ذوی الاحترام حضراتنك قولنه كوره فرض عین اولان علم ، «علم كتاب» و «علم سنت» در .

فقهای كرام حضراتی دخی فرض عین اولان علی ، «علم بالحلل و الحرام» ایله تفسیر و بیان بیوردیلر .

متكلمین یعنی عقائد علماسی جانبندن فرض عین اولان علم ، «علم توحید و صفات» دیو بیان بیورلش و اهل تصوف جانبندن «علم قلب» ایله و اهل حق جانبندن «علم مكاشفه» ایله تفسیر اولنمشدر . اما حقیقت حاله اقرب اولان صورت «بنی الاسلام علی خمس»

حفظ و ازبر ایله ملکه علمیه حاصل اولسه بیله اومثاللو ملکه تمامیتی حائز اولیوب ملکات قاصره قیلندن در. «ملکه علمیه دن مقصود، حفظ و ازبر در» ظن و ذهابنده بولنانلر، فکر و ذهابلرنده غیر مصیب اعتبار اولنمشدر. تعلم علومدن مقصود انجق ملکه استخراج و ملکه استنباطدن و دلائلدن مدلولاته سرعت انتقالدن عبارتدر. ملکه استحضاردن عبارت اولان حفظ و ازبر، ملکه استخراج اضمحلال ایلدکده غایتله مقبول و معتبر اولدینی و یالکر حفظ ایله علمده مطلوب اولان ملکه استنباطیه نك حاصل اولیه جنی درکاردر. حفظ و ازبر، اسباب استحضاردن عبارت اولوب قوه حافظه نك جودت وضعفه عائد و راجع اولور. شوضف و قوت، امرجه خلقیه نك احوالندن در.



# بحث

( ۱۸ )

## ﴿ ملکہ علم ﴾

معلوم اولدینی اوزره علمده تفنن ایتک، قواعد علیهنک ضبط واحاطه سنده ومسائل علومه وقوف خصوصنده واصولندن فروهنک استخراج واستنباطنده ملکہ راسخه حصولی ایله میسر اولور.

ملکہ دینلان شی، فهمک غیری در وملکاتک جمله سی جسمانی وجسمانیاتک جمله سی محسوس در. بو حالده تعلیمه حاجت مس ایتسیله علوم، صناعی اولور. بواجلدن علمک جمله صناعتدن اولسنک سند ودلیلی معتبردر.

علم وصناعت تسمیه وتعبیر اولنان شیرک جمله سی ملکہ نفسانیه دن عبارت اولور. علم، جان ولسانه مختص اولور وصناعت دخی خیاطه کی بنان ایله عمله حاجت مس ایدر. بعض علمای کرام حضراتنک بیاننه کوره ذکر اولنان ملکیه مالک اولان کیسه ایچون حاصل اولان معلومات یا استقراء وتبّع ویا نظر واستدلال ایله اولور.

استقراء وتبّع ایله حاصل اولان معلومات، علم نحو وصنائع وفصاحت وبدیع مثلودر. نظر واستدلال محصولی اولان معلومات دخی علم کلامدر.

مارالذکر ایکی صورته حاصل اولان معلوماتک اولکیسنه «صناعت» وایکنجیسنه «علم» تسمیه اولنور.

«علامه زمخشری» تفسیر کبیرینک اولنده بونک عکسفی اختیار ایدرک معانی ایله بیاننه «علم» تعبیر ایدوب علم کلامه «صناعت» تسمیه ایلدی. بو مجشده ده بعض اقوال مختلفه وار ایسه ده ذکر و بیاننده فائده تصوّر اولنه مدیغندن ایراد اولنمادی.

معلوم اولدینی اوزره علمی حفظ وازبر ایتکه سعی وغیرت ایدنلر، علمده تحصیل ملکه ایتکه صرف همت ایدنلردن اکثردر. حال بوکه تعلم علومدن مقصد، علومده ملکه راسخه ونافعه نك حصولندن عبارتدر. علمی حفظ وازبر ایتکه ملکه تامه حاصل اولمز.

دکدر. مثلاً علم فقه شریفه متعلق کړک متن وکړک شرح صورتنده تألیف بیورلمش اولان کتابلرک مطالعه سنی بر طالب علم امل ایتمش اولسه شو امل، نتیجه بخش حسن حصول اوله مز. کذلک علوم عربیه به متعلق تألیف بیورلمش اولان کتابلرک مطالعه سنه صرف ازمان اولنسه ینه عمرک مدتی رسیده حد ختام اولوب تکمیلأ مطالعه کتب میسر اوله مز. بویولده اولان مطالعه سوداسی التزام مالایزم قیلندن اوله زق علمای کرام حضراتنک ارأه بیوردقاری صورتده تعلیم و تعلمه و تحصیل فضائله مانع در.

کثرت مختصرات دخی تعلیم و تعلمی اخلال ایدر. یعنی الفاظ قلیله ایله مسائل علمی حاوی اولان کتابلر موانع تحصیلدن عد و اعتبار اولندی. بومثللو کتابلرک مبتدی اولنلره فهمی عسیر و غیریسیردر. «ابن حاجب» ایله «ابن مالک» و متأخرین علمادن اکثر ذوات کرام، امر تألیفاتده طریق اختصاره ذاهب و سالک اولمشلر ایسه ده شو مسلك، مبتدی به مورث عسرت اولمشدر. اومثللو مختصر کتابلردن حاصل اولان ملکه، موضوعات بسیطه دن یعنی کتب مطوله دن حاصل اولان ملکه کبی تمامیتی حائر اولیوب ناقص و قاصر در. کتب مبسوطه، مسائلک کثرتله تکرر ایتسی و عبارتنک ضیق اولماسی کبی فوائدی حاوی اولدیغندن بویله بسیط اولان کتابلردن طالب علم ایچون ملکه تامه حصولی درکاردر. اگرچه مختصر کتابلرک تألیفی، حفظک تسهیلی غرضنه مستند ایسه ده شو غرضه علومدن مطلوب اولان ملکات نافعہ حصولی فدا ایدلک موافق حکمت کوريله مامشدر.



# بحث

( ۱۹ )

## ﴿ موانع تحصیل علم ﴾

هر امر خیر ایچون بر مانع اولدینی حالده تحصیل علوم ایچون موانع کثیره بولندیغی مسلدیر .

تحصیل علومک موانع وعوائق، زمان مستقبله و ذکایه اعتماد اولنق و بر علم تحصیل اولنقسزین اخر علم تعلّم ایدلمک و بر کتاب ختم ایدلمکسزین اخر کتاب دست تدرّس و مطالعهیه النّق و شدتله ضرورت و احتیاج ایچنده قالمق و متعلّم نزدنده مطوّل و مختصر پک چوق کتابلر بولنق ماده لرندن و بونلرک امثالی شیلردن عبارتدر .

زمان مستقبله اعتماد ایلک عاقل ایچون لایق دکلدر . چونکه هر کون ایچون اوکونه مخصوص مشاغل واردرکه بر کونک مشاغلنی فردایه تعویق و تأخیر ایلک جائز دکلدر . ذکایه اعتماد اولنق دخی اثار جهالتدن در . چونکه اذکیادن پک چوق کیمسه لر قوه ذکالرینه اعتماد ایتمک سببی ایله تحصیل کمالات علیه ایدمه مدیلر .

بر علده کسب معلومات ایتمزدن اوّل او علی ترک ایله اخر علمک تحصیلنه قیام اولنق کافّه علومدن محرومیته باعثدر . بر کتابدن اخر کتابه انتقال ایتمک دخی اوقیلدن در . امر تعیشده شدتله حال مضایقهده بولنق تحصیل علم و کمالک اک بیوک موانعندن در . چونکه بویله حال ضرورته دوچار اولنلر دائماً مهموم و مشغول القلب اولمقدن خالی دکلدر .

تقلّد اعمال دخی تعلیم و تعلّمک موانعندن در . چونکه دنیانک توجه ایتمسندن و امور وجهور درعهده اولنمسندن طولای حاصل اولان مشاغل کثیره تحصیل علم و کماله مانعدر . علومده کثرت مصنفات و تعلیمده اختلاف اصطلاحات، طالب علوم اولنلری تحصیلدن مانعدر . چونکه عمر انسان برفه دائر تألیف اولنمش اولان کتابلرک مطالعهسنه بیله کافی

تقلیل نه قدر دقت اولنسه علمدن او نسبتده حظّ و نصیب حاصل اولور. چونکه شمس فکر، سحاب اشتغالات خارجیه التده احتجاب ایتدکجه ادراک حقایق ایلک شب مظلّمه ذرّاتی کورمک کبی مشکلدرد.

§ ۵ — شرائط تحصیلدن بریسی دخی ترك کسل در. اسباب کسلدن بری موت وفوتک ذکر ی ایله اندن حاصل اولان خوف وحذر در. حال بو که تذکر موت، جمله اسباب تحصیلدن اولمغه سزادر. چونکه آخرت ایچون تهیئات، علم ایله عملدن بشقه برشی ایله حاصل اوله مز. بو حالدّه آخرت وموته مستعد بر حالدّه بولنق ایچون علمک تعلمّه و علم ایله اعمال خیریه ده بولمغه سعی و غیرته قصور ایتمک لازمدر. بصورتده موت وفوتده فرط خوف ایله ذکر اولنان استعدادک حصوله دقت واعتنا اولنماق ماده سی کارعاقل اوله مز. موتک کثرت ذکر ی لذّات فانیه نک انقطاعنه سبب اولوب لذّات باقیه نک انقطاعنه سبب دکلدرد.

§ ۶ — شرائط تحصیلدن بریسی دخی مدت عمرک آخرینه قدر تعلّم علم ایتمک عزیم و نیت و تعلّمه ثبات ایلکدر. تحصیل علمه صرف اوقات اولنمنک چاره سی علما جانبدن بوجه آتی بیان اولنشدرد. شویله که بر علم ایله اشتغالدن ملال حاصل اولدقده آخر علم ایله اشتغال اولنسی لازم کلور. نته کیم «ابن عباس» رضی الله تعالی عنه حضرتلرینک متعلّمینه تعلیم علوم ایله اشتغالدن کندولرنده ملال حس ایلدکلری زمان شعرا دیوانلرینی طلب بیوردقلری مرویدر.

§ ۷ — شرائط تحصیلدن بریسی، تعلّم علم ایچون متقی و حسیب و کبیر السن معلم ناصح اختیار اولنمقدرد. اوائل زمانده طلبه علومک معلم واستاذ بولق ایچون اقصای بلاد بعیده سیر و حرکت ایتملری او مقصده مبنی ایدی. چونکه متعلّم اولان کیمسه اولّا استاذندن سؤال اولنور. متعلّم اولان کیمسه بر ذات جلیل الصفات بولوب تحصیل علومه صرف اقدام ایلک و او ذات حقّده تعظیّات لازمه و احترامات لایقّه ده بولنق و او امر و نصایحی حسن تلقی و قبول ایدوب ردّ ایله مقابله ایتمک واستاذینک حقوقی ابوینک وسائر مسلمینک حقوقدن مقدّم یلک واستاذّه کرامک اولاد و متعلقاتی ایله جیرانی حقّلرنده دخی رعایت و احترامده قصور اولنماق جمله آداب علمیه دن در. بو آدابه عدم رعایت، نعمت علمدن موجب محرومیت اوله جنّی علای کرام جانبدن قطعاً بیان بیورلمشدر،



# بحث

( ۲۰ )

## ﴿ شرائط تحصیل علم ﴾

§ ۱ — ۱. علمك اكثر شرائط تحصيلي، حكيم مشهور «سقراط» دن نقل وروایت اولنان كلامده اجتماع ایلدیکی بعض علمای کرام جانبندن بیان بیورلمشدر.  
کلام مذکورک مآلی «طالب علم اولان ذاتک شائب، فارغ القلب، علمه محب، صدوق، منصف، متدین، امین، وظائف شرعییه غیرتارک، محرّماتدن مجتنّب، زمانسک رسوم وعاداتنه واقف و غیرمخالف، حسن خلق ایله متخلق، شفیق ورحیم اولسی واکول و بی حیا وموت وفوتدن افراط درجه سنده خائف و قدر حاجتدن فضله اموالی جامع اولماسی» ماده لرندن عبارتدر.

§ ۲ — ۲. شرائط تحصیلدن بریسی دخی طالب علمك اخلاق مذمومه دن عاری اولمسیدر. بو ماده شرائط تحصيلك اوّل و اقدمی در. علمای متقدمین، طالب علم اولنلرك اخلاقی تحقیق و تجربه بیوررلر ایدی. اکر طالبلری اخلاق مذمومه اصحابندن بولورلر ایسه او مثلولره خلق ارمه سنده آلت شرّ و فساد اولمالری ایچون تعلیم علم ایتزلر ایدی. اکر عندالتجربه طلبه علومى اخلاق حسنه اصحابندن بولورلر ایسه اومقوله کیسه لره علومى تعلیم و تدریس ایدرلر و انلری اکمال تحصیل ایتکسزین حال ناقصیت ایله صالیورمز لر ایدی. رحمهم الله.

§ ۳ — ۳. تحصیل علمك جمله شرائطندن بریسی دخی متعلّمك مخلص اولمسیدر. یعنی متعلّم اولان کیسه نك تعلم علم ایتدکدن صکره علمى ایله عمل و جاهل اولنلری تعلیم و غافل اولنلری ایقاظ و لازم کلنلری ارشاد ایلک کبی نیت خیریه ده بولنمسی و بعد التعلّم مظهر قبول عامّه اولمق و تکبر ایتک و خلقتک اموالی برر صورتله جلب و جرّ ایلک کبی عقلاً و شرعاً مذموم و مردود اولان نیت و فکرلرده بولنماسی ماده لرندن عبارتدر.

§ ۴ — ۴. شرائط تحصیلدن بریسی دخی موانع وعوائقک تقلیلی کیفیتى در. موانعک

اصول شرعشریفه مخالف اولان علومك مطالعه سی، انجق ردّ و تزییف ایچون در. علوم فلسفه، مساعدۀ ذهن و زمان ایله حاصل اولوب شومساعدۀ مفقود اولدقده مبدأ و معاد و معاملات و عبادات و اخلاق و عادات علمری ایله اکتفا اولنق اولی در.

§. — ۱۰ اقران و امثال ایله مذاکره و مناظره دخی تحصیل و تعلّم شروط معتبره سندن در. چونکه «نهال علمك سبب نامسی آب زلال مذاکره و مناظره در» دیو علمای کرام جانبندن بیان بیورلمشدر. لکن مذاکره و مناظره نك طلب ثواب و اظهار صواب مقصدی ایله اجرایی مشروط در. طبع سلیم اصحابندن اولنلر ایله اجرا اولنان مذاکره قلیله نك فوائد کثیره یی منتج اولدینی مسلمدر. طالب علم اولان ذات ایچون دقایق علییه متأمل اولق و تأملی اعتیاد ایتك لازمدر. چونکه تأمل و تفكرك فوائد علییه حصولنده و كشف مشکلات خصوصنده اولان محسناتی منکر دکلدر.

§. — ۱۱ علمه جد و همت دخی شرائط تحصیلدن در. انسان، جناح جد و همتی ایله شواهد کالاته طیران ایدر. علمی ضبط و قید ایتك و برکونك مشغولیت علییه سنی فردایه عوق و تأخیر ایلامك و مسائل علومدن تحریر ایلدیکی شیرلی حفظ و ازبر ایتك جمله جد و همتدن در.

§. — ۱۲ مراتب علومه رعایت دخی شروط تحصیلدن در. هر بر علم ایچون حد و مرتبه اولدیغندن مراتب علومی ییلك و هر بر علمك حدینی تجاوز ایتامك لازمدر.

§. — ۱۳ شرائط تحصیلک بریسی دخی علوم آلیه در. معلوم اولدینی اوزره علوم متداوله ایکی صنفه منقسم اولوب بر صنفی علوم شرعیه و حکمیه کبی ذاتی مقصود اولان علومدر. دیگر صنفی دخی علوم عربیه و علم منطق کبی ذاتی مقصود اولیان علملردر. ذاتی مقصود اولیان علملره علوم آلیه اطلاق اولنور. اشبو علوم آلیه، علوم شرعیه و حکمیه نك وسیله حصولی در. علوم مقصوده ده توسیع کلام و تقریر مسائل و استکشاف دلائل ایتکده ملکه نافعۀ حصولنجه فوائد کثیره اولدینی انکار اولنه مز. اما علوم عربیه ذاتی مقصود اولان علومدن معدود اولدیغندن انده اوقدر توسیع کلام و تقریر مسائله حاجت یوقدر. علوم عربیه ده طلب تجر ایتك و نحو ایله عمری محو ایتك جائز اولیوب طالب علم اولان ذاته علوم آلیه دن حصول مقصده کافی معلومات استحصالنندن صکره افکار و اهیه ایله تضییع اوقات ایتیوب ذاتی مقصود اولان علومی تحصیله مباشرت

§ ۸ — تدرّس اولئان بر علمك اخره تعليم وتفهم صورتنده وياخود صورت اخزله تكرار ايدلسى و او علم اوزرينه تأليف اولئان كتب مفيدهنك مطالعهسى ايله ملكه راسخه حصوله اهتمام واعتنا اولئسى شرائط تحصيل جمله سندن اولدينى كېي طالب علمك تدرّس ايلديكى علمده حاصل اولان ملكه سندن زياته كندوسى ايچون ملكه حصوله امكان اولماق اعتقادنده بولئسى دخی نعمت علمدن محروميتك اسباب قويه سندن معدوددر.

§ ۹ — فنونك اغراض ومقاصدينه نظر اولنه رق برفنك مسائل مجموعهسى ويا اكثر مسائل اجمالاً بعد المطالعه طبيعت، اخر فنك مطالعه سته ميل ايدر ايسه انك دخی تحصيلنه قيام اولئسى ومائل دكل ايسه او يولده اختيار زحمت اولئامسى شرائط تحصيل جمله سندن در. چونكه ناسك جمله سى تعلّم وتحصيله قابل وصالح اولدينى كېي بر علمك تعلّم وتحصيله قابل وصالح اولئلك جمله سى دخی كافه علومك تحصيله قابل دكلدر. اكر طالب علم اولان ذات، موافقت اسباب ومساعدة ايام ايله بالجملة فنونده تجرّ ايلك طلبنده بولئور ايسه علومك كافه سى يكديكرينه متعاون وبعضيى بعضيسنه مرتبط اولسيله او مثالو املاك حصولى دركارددر. لكن بر علمده ملكه نافعه حاصل اولئزدن اوّل ديكر علمك تحصيله قيام ومباشرت اولئق علومك جمله سنده تجرّ ايلك املنك اسباب مانعه سندن وجهه علومدن محروميتي ايجاب ايدن احوالندن در. بر علمه ميل ورغبت و اخر علمره عداوت ايتك مقتضى جهالتدن اولوب انسانه واجب ولازم اولان شى، هر علمدن وهر فندن بر مقدار معلومات حاصل ايتكه سعى وغيرت ايلكدر. كذلك بعض علومى مذمت ايلك دخی جائز دكلدر. بعض كيسه لر هر علمك اصل و ميزانى وهر ذهنك سبب انجلاسى اولان علم منطق ايله على الاطلاق علوم حكميه ي ذم ايلديلر و علم نجومك بعض اقسامى فرض كفاهه وبعض اقسامى دخی مباح اولدينى حالده انك دخی مذمتده بولئديلر ومقالات صوفيه يعنى قلوب مطهره اصحابندن اولان اهل حالك اقوالنى دخی هدف تعريض ايلديلر. حال بوكه بو مثالو ردّ وانكارك هيچ بريى جائز دكلدر. او مثالو بعض علومى ردّ وانكار ايدئلك زعمه كوره علم، فى نفسه مذموم اولسه بيله تحصيلى فوائددن خالى دكلدر. اوفوائدك بريى مذموم اولان علمك قائلى ردّ وانكار قضيه سندن عبارتدر. (تنبيه) علوم فلسفه نك مطالعه سى ايكي شرط ايله حلال اولور. (شرط اوّل) عقائد اسلاميه دن غافل اولماق وعلوم شرعيه ده اصحاب رسوخدن اولمقددر. (شرط ثانى) علوم فلسفه ده قواعد شرع شريفه مخالف مسائله تصادف اولئدقده تجاوز اولئوب او مثالو مسائل مخالفه نك ردّ وتزييفنه اعتنا ايلكدر. چونكه

# بحث

( ۲۱ )

## ﴿ ادب تعلم ﴾

ماهیت انسانیّه ده بالقوه موجود اولان مزیت و فضیلت، علم و معرفت ایله وجودنمای حصول اولور.

جناب حقك ماهیت انسانیّه و دیعه بیوردینی فضیلتك ظهورینه وسیله اولان آداب علومك اکتسابندن روگردان شوق و اقدام اولمق کبی اقبح برشی اولمدیغی جهتله رسول اکرم صلی الله تعالی علیه وسلم حضرتلری علمك اکتسابنه خلقی تشویق و ترغیب بیورمشلردر.

انسان، تعلم علمه قابلدر. چونکه انسانك سائر حیواناتدن تمایز ایتمسینه سبب اولان فکری، بالطبع ادراکات و معلوماتك تحصیلنه راغب اولمسیله انسان، کندوسنجه حاجت کوردیکی علملردن باشلایوب واحداً بعد واحد تحصیل ایدرك و امر تحصیلده ترك اھمال و تکاسل ایله رك فضائل انسانیّه بی بصورتله حاصل ایدر و ماهیتنده بالقوه موجود اولان استعداد و فضیلتك قدرینی تقدیر ایتمیانلر دخی فکرلرینی تحصیل احتیاجلری امرنده آتاعب ایتمیوب او شرفدن محروم اولورلر. چونکه شرف و فضیلت انجق تحصیل کالات ایله وجوده کلور.

امر تعلیم و تعلم امور ذهنیه دن اولوب وقایع زماندن مستفاد و متحصل اولان علمه «علم تجربی» و اعمال فکر و نظر ایله حصوله کلان علمه دخی «علم قیاس» اطلاق اولنور. بعض اسبابدن ناشی قدما، علمی مشافهه تعلیم ایدرلر ایدی. مرور زمان ایله کوریلان لزوم و احتیاجه مبنی تدوین علومه صرف نقود همت بیورلمشدر.

معلوماتك جمله سی امور ثلثه ایله معروف اولور. امور مذکورده دن اولکیسی «اشارت» و ایکنجیسی «لفظ» و اوچنجیسی «خط» در.

«اشارت» مشاهدیه، «لفظ» حضور مخاطبه و سماعه توقف ایدر. خط، نه مشاهده

ایتمک لازمدر. بوجهته علوم عربیه ایله کثرت توغل، ذاتی مقصود اولان علومک جمله موانعندن عد و شمار اولندی.

اصول و فروعی ایله تحصیل علوم ایتمک اگرچه زحمتلی کورینور ایسه ده حصولنده زحمت چکیلان شیئک، انسان ایچون باعث شرف عظیم اوله جنی مسلمدر. الیوم اثار علیه لری منابع استفاده اولان ذوات کرام حضراتی، حائز اولدقلری اوبیوک شرفلری، حضور راحت ایله حاصل ایتیموب مالاً و بدناً پک چوق فداکارلقلر اختیار وصیف وشتا زحمتلرینه وانواع مشکلاته تحمل ایله بلاد بعیده یی کشت وگذار ایدرک مشاهیر علمایه ملاقات شرفی ایله تکمیل علوم و معارف و تحصیل کمالات ایلدکن صکره دخی تضییع اوقات ایتمکی تجویز بیورمیوب برطرفدن نشر علوم و فنونه و دیگر طرفدن اخلافک استفاده لری ایچون امر تألیفاتیه صرف نقود همم بیورمشلردر.

ایشته علومده کسب ملکه و مهارت ایتمک و علوم ایله تهذیب ذات و صفات و تربیه افکار اینلک و اخلافه اثار علیه براقق صور مشروحه ایله حاصل اوله جنی غیر خفی در.



# بحث

(۲۲)

## ﴿ شروط نشر علوم ﴾

معلوم اولدینی اوزره نشر علم ایتک، عبادتک افضل و اشرفی در.

ناشر علم اولان ذاتک مشفق و ناصح اولسی و طلبه علمی اخلاق ردیه دن و فوق الاستحقاق نائل شرف اولمق شوق و املندن و فوق الطاقة اشتغالدن زجر و منع ایلسی و تحصیل علم ایله ریاست و مباهات قصد و امل ایدن طلبه یی او مثللو امللرندن زجر و منع ایتیموب ریاست و مباهاتک انجق علم و کمال ایله حاصل اوله جغنی بیان ایله متعلملری تحصیل علم و کماله تشویق و ترغیب ایتیمی نشر علمک آدابندن در. جناب حق، ریاستی علم و شرعک حفظی ایچون خلق ایتمشدر. بواجلن «لولا الریاسة لبطل العلم» دینلشدر که مالی «ریاست اولسیدی متاع علم، بازار ترقی و اعتبارده رواج لایقنی بولمز ایدی» دیمکدر. متعلمک، زجر و منعی واجب اولان شیدن زجر و منع اولنسی قصد و مراد اولندقد زجر تصریحی جهتی اختیار اولنیوب زجر تعریضی ایله اکتفا اولنق نشر علومک جمله شرائط و آدابندن در. طالب علم اولنره، ابتدا دین و دنیالرنجه اک زیاده محتاج اولدقلری علملر تعلیم اولنق و امر تعلیمده مراتب عقول و استعدادده کوره احسن ترتیه رعایت ایدلک و حائز مرتبه رشد و استعداد اولنلردن کتم علم اولنماق و نا اهل اولنلره تعلیم و اشاعه ایله اضاعه علم ایدلماک نشر علومک جمله شرائط و آدابندن در.

فن من الجهال علماً اضاعه

ومن منع المستوجبین فقد ظلم

بیت مذکورک مالی اوزره نا اهل اولنلره علم ایله سماحت اولنسی علی اضاعه ایلک اولسلیله شرعاً مذموم اولدینی کبی قابل علم اولنلردن دخی علمک کتم اولنسی او مثللو کیسه لر حقنده ظلم ایلک اولسلیله بو دخی شرعاً مذموم در.

ونده حضور و سماعه توقف ایتیموب نفعاً بونلردن اعمّ و اشرف اوله رق نوع انسانه مخصوصدر. بوسیدن ناشی متعلّم اولان ذاتک انواع خطوطدن هیچ اولمز ایسه برنوع خطی کوزلجه ییلسی اهم و الزمدر. چونکه «خط» و «قرائت» ایله اثر نوعیت ظاهر اوله رق انسان، شو اثرک بالفعل ظهوریله سائر حیواناندن کسب امتیاز ایدوب انکله حفظ علوم و کمالات ایدر، وبر زماندن دیگر زمانه اخبار و حوادث و وقایعی انتقال ایتدیرر.

طبیعت انسانیه نك قرائت و کتابته حد ذاتنده قابلیتی مسلم ایسه ده تحصیل ملکه ایچون سعی و غیرت لازمدر. اشبو سعی و غیرت، اهل و اربابندن اخذ و تعلم ایله تمرّن و تدرب ایتمکدن عبارتدر.

انسانده بالقوه موجود اولان فضائل و کمالات، علوم و صنایعه تدریجاً حاصل اولان معلومات ایله قوّه حالندن قورتیلور و معقولات و محسوساتی ادراک ایتمکده ملکات راسخه حاصل اوله رق او فضائلدن تامیله استفاده اولنور. ماهیت انسانیه ده وجودی قوه حالنده اولان کمالاتک بالفعل حاصل اولسی انجق تعلم و اکتسابه توقف ایدر. بو حالده شرف و فضائل، تعلم و اکتسابک نتیجه سی اولور.

علمدن و تعلیم و تعلّم مقصود معرفة اللهدر. معرفة اللهک غایة الغایات و رأس انواع سعادات اولدینی جمله نك معلومی در.. بوکا «علم الیقین» تعبیر اولنور که اصحاب کراماندن اولان مشایخ صوفیه بو علمه اختصاص و انتساب ایلشله و علومندن مقصد اقصى معرفة الله اولغله بو مسئله ده دهن کشای بحث و ترغیب ایلشله دردر.

سلفدن مروی اولدینی اوزره اکثر ذوات کرام حضراتی کندولرنجه مقصد اقصى و مطلب اعلی حاصل اولدنده علوم ایله اشتغال ایتمکی ترك و تعطیل ایلشله دردر.



صور مشکلات ایتماک و منتهی اولنلره دخی مسائل واضحیه ایله تکلم ایتماک واسئلهیه شدت و حدت ایله جواب ویرمامک و طلبه علوم اوزرینه القای اغلوطات اولنماق و طلبه نیک فهم مشکلات و معضلاته اقتداری کورلیدیکی حالده کمال اهتمام ایله اومثللو مشکلاتنی حل و تفهیم ایتماک واستعدادلری دقائق علیهیه کافی اولیانلره دین و دنیا لرنبجه اهم اولان علملر تعلیم اولنهرق اومثللولره تجارت و نوافل طاعات ایله اشتغال ایتماق خصوصی توصیه اولنحق نشر علمک شرائط مهمه سندن در. اما طلبه علومک حائز اولدقلری استعداد و اقتدارک مراتب و درجاتنی علی وجه اللائق معلوم اولمق اوزره مدت تجربه و امتحانک اوج سته قدر امتدادی لازمدر.

جمله آداب علیهدن بریسی دخی ناشر علم اولان ذاتدن بر مسئله سؤال اولنوبده ناشر علمک اومسئله ده شک و شبهه سی وار ایسه «لادری» ایله جواب ویرمسی ماده سی در. «لادری» کلامی، علمک نصفی در. چونکه جهل، عدم علمدر. عدم علمه علم ایسه علمدن معدود اولدیغی جهتله «لادری» قولنک قائلنه نصف علم نسبت اولنحق صحیح اولور.





اهل تصوّفك کلماتی عوام ناسه اشاعه دن اجتناب اولمق دخی جمله آدابدن در. چونکه کلمات صوفیه نك قواعد شرعیه تطبیقده عوام ناسك درکار اولان عجز وقصورلری فساد اعتقاده باعث و الحاد وزندقه بادی اولور. بو حالده عوام ناس علم عبادات ظاهریه تشویق و ارشاد اولمق و انلره بر صورتله شبهه عارض اولوبده او شبهه یی کلام اقناعی ایله ازاله ایدوب حقائق ودقائقدن بحث و بیان اولنماق لازمدر. اما قواعد شریعتده ثابت قدم اولان اذکیا و البایه ذکاری دفعاتله تجربه اولندقدن صکره کشف حقائق ایتمك جائزدر. (تنبيه) طالب علم اولنلره اهل تصوّفك مقالات خفیه المعانیسندن و احوال غریبه سندن فهم و ادراک لرینك مساعد اولمدینی اموری انکار ایتمكدن زیاده سیله اجتناب ایلک واجب و لازمدر.

ناشر علم اولنلرک اقوالی افعالنه مخالف اولماق لازمدر. اقوالی، افعالنه مخالف اولان کیسه لر دن هرکس تنفر ایدر. چونکه اکثر اشخاصک نظر دقتلری، قائلک احوالی جهته مصروفدر. اگرچه محققین و عقلا، قائلک قولنه نظر ایدرک قائلک حالنه نظر ایتزلر ايسه ده بو مثللو ذوات، جمعیات ایچنده نادر الوجود اولور. بو حالده ناشر علم اولان ذاتک قولى فعلنه موافق و صفات ممدوحه ایله متصف اولسی لزومی ظاهردر.

عالم اولان ذات ایچون حال اتقاده اولمق یعنی شرع شریفه تمامیه تطبیق افعال و حرکات ایتمك لازمدر. ناشر علم اولنلرک حال اتقا اوزره اولملری متعللرجه ظاهراً و معنأً استفاده کامله حصوله باعثدر.

معلم و مدرّس اولان ذات ایچون وقت تعلیم و تدریسده کظم غیض ایلک یعنی زمان تعلیمه حاصل اولان غضب وحدتی بر صورتله اطفا و تسکین ایتمك و هزلیاتدن و مبالاسز طور و حرکتدن و ضحک و خنده کبی احوال دن اجتناب ایلک لازمدر.

معلمک فهم و درایتی امتحان قصیدله لطیفه مشروعه ایتمکه حذر اولمدینی علمای کرام جانبندن بیان بیورلمشدر.

علمده مجادله و حق قبول ایلک خصوصنده مکابره ایتمك اصلاً جائز اولمدینی کبی کرک تعلیمده و کرک بحث و مناظره ده بر علمی بر علمه ادخال ایتمك دخی جائز دکلدرد.

صغاری یعنی صغیر السن اولنلری تعلّم علمه و سیما حفظ و ازبره تشویق و ترغیب ایلک و صفاره فهم و ادراک لرینك تحمیلی درجه سنده تعلیم علوم ایتمك و مبتدی اولنلره ارائه

«قراآت سبع» عنوانی ایله معروف اولان یدی عدد طریق مخصوص، السنه ثقات اوزرینه بین الامه متناقل ومتواتر اولمشدر. طرق مذکوره، اصحاب کرام رضی الله تعالی عنهم حضراتندن نقل وروایت ایله مشهور اولان مشایخندن جم غفیر وجمع کثیره انتساب ایله معروف اوله رق اصول قرائت اولمشدر.

بعد ذا طرق مختلفه قراآندن نیجه طریق دخی «قراآت سبع» اوزرینه علاوه والحاق اولنوب لکن ائمه قرائت نزدنده قوت نقل وروایتده قراآت سبع مرتبه سنه بالغ اولماشدر. بعض ناس «طرق سبع» ک تواترنده جمهوره مخالفت ایدرک طرق مذکوره نك ادایه متعلق کیفیات حروفیدن عبارت اولمسیله سماعاً اخذ وروایتی ممکن اولدیغنی بیان ایلدیلر، لکن اداده تواترک انقطاعنی نظم قرآن عظیم الشانک، تواترینه مانع عد ایتدیلر. اکثر ناس، بورایدن اباء ایدوب قرآن کَریم الفاظ واداسیله متواتر در دیدیلر. طائفه اخی دخی «قراآت سبع» دن (مد) و(تسبیل) کبی ادای حروفک غیری روایاتک تواترینه ذاهب اولوب کیفیت ادایه سمع ایله وقوف ممکن اولماقوله ادا متواتر دکلدرد دیدیلر؛ بو قولک صحته بعض علمای کرام حضراتی جانبندن اشارت بیورلمشدر.

قراا وحفاظ، طرق قرائتی نقل ایدوب هر عصرده تداول ایتدیرمکدن خالی اولمیدیلر. وقتاکه علوم؛ صدوردن سطورده نقل ایله جمع وتدوین اولندقدده قرائت دخی فن مخصوص عد اولنوب سائر علوم کبی صحائف اوراقه کتب وتسطیر اولمغله صنعت عالیهدن صنعت مستقله و علم منفرد اولدی.

موالی بنی عامردن «مجاهد» فن قراآنده ماهر وکامل ایدی. کذلک «ابو عمرو دانی» دخی فن قراآنده حدکماله بالغ اولوب مشارلپک فن مذکوره متعلق تألیف وتصنیف بیوردیغنی کتابلردن «تیسیر» نامنده اولان کتابی زیاده نافع ومفید اولمغله اهل قرائت اوکتابی مأخذ اتخاذ ایلدیلر. «ابو عمرو» ک زمانه قریب عصرده «شاطبه» نام بلدهدن «ابو القاسم بن فیره» نشأت ایدوب «ابو عمرو دانی» نك کتابلرینی تهذیب وتلخیصه سعی مالاکلام ایلدی وقواعد فن قراآتی حالا بین القرا «حرزالامانی» اسمی ایله موسوم اولان قصیده لامیه مشهوره سنده کشیده سلك نظم ایلش و«قراآت سبع» ک اسامی روات [۱] وشيوخه [۲] دخی رمز و اشارت بیورمشدر.

[۱] روات، راتک ضمی ایله «راوی» کله سنک جمعی در. (راوی) لغة روات ایدیغی یعنی ناقل اخبار معناسنه در.

[۲] شیوخ، اشیاخ، شیخ کله سنک جمعی در. شیخ، مقتدابه معناسنه در. کبیر السن اولنره و علم وکالده ماهر وحاذق اولان ذواته و حال اتقا اوزره بولنان کیسه لره شیخ اطلاق اولنور.

# بحث

( ۲۳ )

## ﴿ علم قرائت ﴾

علم قرائت، وجوه اختلافات متواتره حیثیتی ایله کلام اللهك صور نظمندن باحث اولوب علوم عربیه دن استمداد واستعانه ایدر.

(مبادی) — علم قرائتک مبادیسی، مقدّمات تواتریه در.

(غرض) — اختلافات متواتره نك ضبطنه تحصیل ملکه ایتمکدن عبارتدر.

(فائده) — کلام اللهك تطرّق تحریف وتغییردن مصون ومحفوظ اولمسی در. کذلک علم قرائت، حد شهرته واصل اولان اختلافات غیرمتواتره حیثیتی ایله دخی صور نظم کلام اللهدن بحث ایدر. بوحالده علم قرائتک مبادیسی یاقدمّات مشهوره اولور ویاخود موثوق به اولان احاددن مروی مقدّماتدن عبارت اولور.

قرآن کریم؛ جناب حقک کلام قدیمی اولوب روح الامین یعنی جبریل علیه السلام [۱] وساطتیه سیّد المرسلین صلی الله تعالی علیه وسلم افندمز حضرتلری اوزرینه منزل ومصحف شریفده مکتوب وصدورده محفوظ وامت بیننده متواتر ووقت بعثت نبی علیه السلام حضرتلرندن الی یومنا هذا علی وجه التواتر منقولدر.

صحابه کرام رضوان الله تعالی علیهم اجمعین حضراتی خواجّه عالم صلی الله تعالی علیه وسلم حضرتلرندن بعض الفاظ شریفه قرآنییه وادایه متعلق کیفیات حروفی اخذ ایدرک انلردن

[۱] «جبریل» جیم حرفنک فحی ویاخود کسری ایله و بلا همزه و «جبرائیل» بعد الالف همزه ایله و «جبرائیل» ایک یای ایله و بلا همزه و «جبرئیل» برهمزه و بر یا ایله بلا الف لغت اولوب ملائکه کرامدن انزال وحی شریفه مأمور اولان جبریل علیه السلامک اسم شریفی در. بروایت کوره «جبریل» کله سنک اصلی «کوریال» اولوب تعریباً تغیر اولمشدر. بروایت کوره «ایل» لفظی، لغت عبرانیه اوزره لفظه جلاله معناسنه اولوب «جبریل» کله سی عبدالله دیمکدر. دیگر بروایت کوره «جبریل» کله سی خادم الله معناسنه در.

# بحث

( ۲۴ )

## ﴿ علم تجوید ﴾

علم تجوید، [۱] قرآن عظیم الشانک مخارج حروف و صفات حروف جهتیه تحسین تلاوتندن و صفات حروفک حقّی ادا ایله صورت ترتیل [۲] نظم مبیندن باحشدر .  
 صفات حروف، «تفخیم» [۳] و «ترقیق» [۴] و «ادغام» [۵] و «وقف» [۶] و «اظهار» [۷] و «اخفا» [۸] و امثالی صفتلردن عبارتدر .  
 علم تجوید فن قرائتک ثمره و نتیجه سی در . بوعلمه کسب و قوف ایتمک علم موسیقی کبی لسان ایله تمرّن [۹] و افواه معلیندن تلقف [۱۰] و تدرّب [۱۱] ایله حاصل اولان ملکه دن عبارتدر .

- [۱] «تجوید» لغتده برسنه یی حسن حاله وضع ایتمک و اهل قرائت و تجوید اصطلاحنده حروفک حقّی ادا ایلمک معناسنه در .
- [۲] «ترتیل» حروف و کلماتی آچیق صورتده ذکر ایتمک معناسنه در . ترتیل اوزره قرائت، الفاظک معانیسی سهولته فهم و ادراکه باعث اولور . سرعتله قرائت ایتمکدن فائده مذکوره حاصل اولور .
- [۳] «تفخیم» لغتده تعظیم معناسنه در . اهل تجوید اصطلاحنده حرفی تغلیظاً او قومق معناسنده استعمال اولنور .
- [۴] «ترقیق» لغتده برشیئی تلین ایتمک و کلامی حسن صورتله ادا ایلمک معناسنه در . اهل تجوید اصطلاحنده، حرفی اینجه او قومق معناسنده استعمال اولنور .
- [۵] «ادغام» لغتده برشیئی برشیئه ادخال ایتمک و اصطلاحده حرف ساکنی حرف متحرکه وصل ایلمک معناسنه در .
- [۶] «وقف» لغتده حبس و امساک و اصطلاحده قطع الصوت معناسنه در .
- [۷] «اظهار» لغّه برشیئی آشکار ایلمک معناسنه در . اهل تجوید اصطلاحنده ایکی حرفک بینی تباعداً منفصل اولقدن عبارتدر .
- [۸] «اخفا» لغّه برشیئی ستر ایتمک، کیزله مک معناسنه در . اهل تجوید اصطلاحنده اظهار ایله ادغام بیننده برحالتدر .
- [۹] «تمرّن» لغتده استمرار و ملازمت ایتمک و عادت ایدتمک معناسنه در .
- [۱۰] «تلقف» اغزدن سوز آملق و ایشتک و سرعتله اخذ ایتمک معناسنه در .
- [۱۱] «تدرّب» التّمق، الفت کسب ایتمک معناسنه در .

امام «شاطبی» حضرتلرینک ذکر اولنان قصیدهسی قواعد فن قراآتی جامع اولمغله ناس، انک حفظنه اعتنا ایلدی.


بعض زمانلرده علم قرآن کریمه فن رسم دخی ضم وعلاوه اولنه رق منظوم ومنثور کتابلر تألیف اولندی.

فن رسم، قرآن عظیم الشانه مخصوص بر فن جلیل درکه مصاحف شریفهده حروف شریفه قرآنیه نك اوضاع مکتوبه ورسوم خطیهسی او فن ایله معلوم اولور. زیرا مواضع مخصوصهده حروف کثیره واقع اولمشدرکه او حروفک رسم کتابتی، خطک متعارف اولان قانوننه مغایر در.

رسوم مصاحف شریفه اوضاع خطه وقانون کتابته مخالف اولوب ضبطنه احتیاج حاصل اولمغله علمای کرام حضراتی علوم قرآن کریمی جمع وتألیف ایلدکلری ائنده فن رسمی دخی مرسوم صحیفه تدوین ایلدیلر.

مغرب دیارنده ریاست علم قرآن «ابوعمرودانی» یه منتهی اولدقده مشارالیه حضرتلری فن رسمده دخی کتابلر تألیفنه بذل عنایت بیورمشدر. مشارالیه حضرتلرینک تألیف ایلدیکی کتابلرک اشهری «کتاب مقنع» درکه کتاب مذکور جمله طرفندن قبول اولنوب مندرجاتنه اعتقاد اولمشدر.

بعده «ابو القاسم شاطبی» حضرتلری «کتاب مقنع» ی «رأیه» اسمیه معروف اولان قصیده مشهوره سنده کشیده سلك نظم ایدوب قصیده مذکور نك حفظ واتقانه جمله طرفندن اهتمام مالا کلام اولندی.



# بحث

(۲۵)

## ﴿ علم تفسیر شریف ﴾

(تفسیر) کلهسی «فسر» دن مأخوذ و «فسر» کلهسی «سفر» دن مقلوب اولوب کشف و اظهار معناسنه در.

بعض اهل ادبک بیانیه کوره «فسر» ایله «سفر» لفظاً یکدیگری ایله متقارب اولدینی کبی لغة دخی یکدیگری ایله متقارب در. اما «فسر» معنای معقولی اظهارده و «سفر» اعیانی ابصاره ابرازده استعمال اولنور.

بعض علمای کرام حضراتنک بیانیه کوره «تفسیر» و «تأویل» کلهلری معنای واحدن عبارت اولوب «کشف المراد عن المشکل» دیمکدر. یعنی لفظ مشکلدن کشف مراد ایتمکدر. (تأویل) کلهسی «اول» کلهسندن مشتق و مأخوذ اولوب «رجوع» معناسنه در. بو اشتقاق وجه مناسبتی صاحب تأویلك آیت کریمه بی محتمل اولدینی معنا جهته صرف وارجاع ایلمسندن عبارتدر.

تأویل کلهسنک سیاست معناسنه اولان «ایاله» لفظندن مشتق و مأخوذ اولدینی دخی مرویدر. بو اشتقاق وجه مناسبتی صاحب تأویلك تصرف کلام ایله کلامک معناسنی موضعنه وضع ایلمسندن عبارتدر.

برروایته کوره تأویل کلهسی درایته [۱] و تفسیر کلهسی روایته [۲] تعلق ایدر.

کذلک تفسیر کلهسنک اکثر استعمالی الفاظ و مفرداتده و تأویل کلهسنک اکثر استعمالی معنا وجهلرده و تفسیر کلهسنک استعمالی کتب الیهیه ایله کتب الیهیهنک غیریسنده و تأویل

[۱] درایت، قواعد نحویه و قواعد عقلیه دن مقتبس اولان علم معناسنه در.

[۲] روایت، نقله و سماعه مستنداً کشف و تبیین معانیدن عبارتدر. آیت کریمه نك سبب نزولدن خبر ویرلک کبی که بو خبر، انجق اصحاب کرام حضراتندن نقل و سماعه مستند اولور. ابو مثللو اخباره علم روایت دینور.

اصول مخارج حروف اوچ عضودن عبارتدر.

اعضای مذکوره «حلق» و «لسان» و «شفه» در. اشبو اعضادن هربرینک اوّل، اوسط، اخری اعتباریله رأی مختار اوزره مخارج حروف (۱۷) عدده بالغ اولور.

«حلق» دن یعنی بوغازدن خروج ایدن حروفک مقداری التي عدددن عبارتدر. حروف مذکوره نك ايكیسی بوغازك اسفلندن خروج ایدن «ها» و «همزه» حرفلرندن و ايكیسی دخی بوغازك وسطندن خروج ایدن «عین» و «حا» حرفلرندن و دیگر ايكیسی دخی بوغازك اولندن خروج ایدن «غین» و «خا» حرفلرندن عبارتدر. اشبو التي عدد حرفه «حروف حلق» اطلاق اولنور. بو حرفلر خنجره نك رأسنده اولان کوچك ديلك بوغازه ضرب و صدمتندن حاصل اولور.

بعض حروف دخی اطراف لسانی «اضراس» تعبیر اولنان یان دیشلرینه ضرب ایتکدن حصوله کلور. «ضاد» کبی

بعض حروف وسط لسانک اوست چکده ضربندن حاصل اولور. «جیم» و «شین» و «یا» حرفلری کبی.

بعض حروف ایکی شفه نك بربرینه انضمامی ایله حاصل اولور. «میم» ایله «با» حرفلری کبی.

بر حرفک مخرجی بیلوب اجرا ایتکده قاعده بودرکه تکلمی مراد اولنان حرفک اولنه برهمزه مکسوره کتوریلوب اول حرفک آخری اسکان اولندقدنه محله قرار ایدر ایسه مخرجی او محله. مثلاً «با» تکلمنده «اب» دیمک کبی که بو حرفک شفه ده قرار ایتسیله «حرف شفوی» اولدینی معلوم اولور.

«حلق» و «لسان» و «شفه» دن هربرینک اوّل و آخر و اوسطی سبی ایله و اطرافنک برر محله ملاقات و مصادمه ایتسی حسیله اصوات انسانییه کیفیات مختلفه عارض و بوجهتله حروف متنوعه حاصل اولوب «حس سمع» ده یکدیگرندن ممتاز اولورلر.

حروفی نطق و تکلمده جمله انسانلر حال مساوات اوزره اولیوب بر طائفه مخصوص اولان بعض حروفی آخر طائفه نطق و تکلم ایتمز.



واسطه سیله فخر کائنات علیه افضل التحیات حضرت لرینه منزل و مصحف شریف دقتنی [۱] میانده مکتوب و صدورده محفوظ و مضبوطدر .

قرآن کریم ، امت بینده متواتر اولوب وقت بعثت نبی صلی الله تعالی علیه وسلم حضرت لرندن الی یومنا هذا علی وجه التواتر منقولدر .

قرآن کریم ، بلغای عدنان [۲] و فحای قحطانه [۳] مخصوص اسالیب بلاغت اوزره شرف نازل اولغله جمله قبائل عرب، مفردات و تراکینک معانی لطیفه سنی فهم و ادراک ایدرلر ایدی .

قرآن کریم ، ام سالفیه منزل اولان بعض کتب آلهیه کبی دفعه نازل اولیوب وقایع کونیه حسبله علی التدریج شرف نازل اولمشدر .

آیات قرآنیه نک بعضی عقائد ایمانیه و بعضی افعال مکلفینه مخصوص احکام عینییه متعلقدر .

فخر کائنات صلی الله تعالی علیه وسلم افندمز حضرت لری مجمل و مشکل اولان آیات قرآنیه نک معانی جلیله سنی اصحاب کرامه تعریف بیوررلر ایدی .

صحابه [۴] کرام رضوان الله تعالی علیهم اجمعین حضراتی دخی معنای مرادی واسباب

[۱] (دفعه)، دالک قحی و فانک تشیدی ایله یان، طرف معناسنه در . دقتن دینور . دقتن دیمکدن مراد، مصحف شریف جلدینک ایکی طرفندن عبارتدر .

[۲] عدنان، سلمان و زننده ابو معددرکه برقبیله عظیمه پذیردر .

[۳] قحطان، سلمان و زننده ابن عامر بن صالح درکه برقبیله نک پذیردر . نسبتنده قحطانی دینور . غیر قیاسی اولهری اقحاطی دینور اعرابی کبی .

[۴] صحابه، فی الاصل مصدردر . رسول اکرم صلی الله تعالی علیه وسلم حضرت لرینک اصحاب کرامته اطلاق اولنور . لکن صحابه کله سی اصحاب کله سندن اخصدر . یعنی خصوصیت معناسنی افاده ایدر . چونکه صحابه کله سنک رسول محترم صلی الله تعالی علیه وسلم حضرت لرینک اصحابنه استعمالی غالب و اکثردر . اصحاب رسول علیه الصلاة والسلام حضرت لرینه بو لفظ علم کبی در . یعنی اسم خاص اولمشدر . بوسیدن طولانی صحابه کله سی اصحاب کرامه نسبت اولنور . صحابی، اول برزات عالیقدره اطلاق اولنورکه اوزات رسول محترم صلی الله تعالی علیه وسلم حضرت لرینه بعد النبوة حال حیاتلرنده شرف ملاقاتلری ایله مشرف اولوب نبوتلرنه ایمان ایتمش و ایمان اوزرینه ارتحال دار بقا ایلشدر .



کله سنک استعمالی کتب آلهیده واقع اولدینی دخی بعض کتابلرده نکاشته خامه تحقیق و بیان اولمشدور .

بعض علمای کرام حضرتانک تعریفنه کوره تفسیر کلهسی وجه واحدن غیری معانییه احتیاجی اولیان برلفظی بیاندن عبارت اولوب تأویل کلهسی دخی معانی مختلفهیه متوجه اولان لفظی، دلیل ایله معانی مختلفهدن برجهته توجیه ایلمکدن عبارتدر .

بعض علمای کرام حضرتانک تعریفنه کوره دخی تفسیر کلهسی قطعاً بیان معنادن و تأویل کلهسی دخی صورت قطعیتدن عاری اوله رق معانی محتملهدن بریسنک ترجیحندن عبارتدر .

علم تفسیر شریف، طاقت بشریه مقدارنجه وقواعد عربیه اقتضاسنجه نظم قرآن کریمک معانی شریفهسندن بحث ایدن علم جلیلدر .

(مبادی) — علم تفسیر شریفک مبادیسی علم لغت، علم نحو، علم تصریف، علم اشتقاق، علم معانی، علم بیان، علم بدیع مثللو علوم عربیه ایله علم قرائت، اصول دین یعنی اصول کلام، اصول فقه، علم جدل، علم اسباب نزول، علم فقه، آیات قرآنییهی مفسر اولان احادیث شریفه و امثالی علملردور .

(غرض) — علم تفسیر شریفدن غرض، نظم جلیلمک معانی شریفهسنه بقدر طاقه البشریه و بحسب قواعد العربیه کسب وقوف و معرفندن عبارتدر .

(فائده) — علم تفسیر شریفک فائدهسی، احکام شرعیه نک علی وجه الصحه استنباطنه قدرت و ملکه حصولی در .

(موضوع) — علم تفسیر شریفک موضوعی، منبع حکمت و معدن فضیلت اولان «کلام الله» در .

(غایت) — علم تفسیر شریفک غایتی، سعادت دنیویه و اخروییه نائل و واصل اولمق ایچون قرآن کریمک معانی شریفهسنی فهمه و حکم جلیلمی استنباطنه توصلدر .

علمک شرف و جلالتی، موضوع و غایتنک شرفی اعتباری ایله اولوب شو حوالده علم تفسیر شریفک موضوع و غایت اعتباری ایله جمیع علومک اشرف و اعظمی اولدینی ثابت اولور .

قرآن کریم، جناب حقک کلام قدیمی اولوب روح الامین یعنی جبریل علیه السلام

علمای متأخریندن «ابو محمد بن عطیه» حضرتلری جمله تفاسیر متقدمینده نقل اولنان آثاری حاده تحقیقاتدن اصرار ایدرک جذالت لفظی واصابت معنایی جامع اولان تفسیر مشهوری تألیف وتصنیف ایله آثار معروفه فی او تفسیر شریفده درج وضبط ایلشدر. اندن صکره «امام قرطبی» ظهور ایدرک طریق تحقیقده «ابن عطیه» نک اثرینه [۱] اقتدا واتباع ایله بر تفسیر شریف جمع وتالیف بیورمشدر .

(قسم ثانی) روایات واثاره مقصور اولیوب لغاته کسب معرفت ومقتضای حاله رعایت ایله تأدیة معناده قواعد بلاغی متضمن ولسان عربییه راجع اولان علومی مبیندر. تفسیر شریفک بو قسمی اگرچه لسان عربییه متعلق اولان علوم جمع وتدوین اولندقدن صکره اختیار اولنش ایسده نقل آثار، مقصود بالذات اولغله بو مثللو تفسیرلر نقل ائاردن دخی خالی اولمامشدر .

قسم ثانی تحتیه داخل اولان تفاسیر مؤلفه نک احسنی، اهل خوارزم عراقدن علامه «زمحشری» یه منسوب «تفسیر کشاف» درکه عمده تفاسیر ومقبول فحول ونحاریر [۲] در. مدینه تبریز علماسندن «شرف الدین طیبی» نام فاضل همام «تفسیر کشاف» ی شرح وتحشیه ایدرک برکتاب لطیف وتالیف وتصنیف بیورمشدر. فاضل مشار ایله کتانبده «کشاف» ک اعتزاله متعلق کلماته تعرض وآیات قرآنیده واقع اعجاز بلاغی اهل سنت رأینه تطبیق ایلش وکتاب مذکورک علوم عربیه وفنون بلاغته فائق الامثال وایراد حجج ودلائل وسرد کلامده حد کماله واصل اولمش اولدینی بعض محققین علما طرفندن ذکر و بیان بیورلمشدر.



[۱] اثر، همزه نک کسری وئا حرفنک سکونی ایله لسان ترکی اوزره «ایز» معناسندهدر. اثر، برذاتک سالک اولدینی مسلکه سلوک ایتک یعنی او ذاتک قول وفعله تابع اولوق معناسنه استعمال اولنور.  
[۲] نحاریر، نحیرر لفظنک جمعیدر. نحیرر، مسکین وزنی اوزره عالم متقدم اولان ذاته اطلاق اولنور .

نزول آیاتی و مقتضیات احوالی بیلوب لسان مجز بیان نبویدن نقل و روایت ایله تابعین [۱] کرام حضراتنه تعریف ایدرلر ایدی .

تابعین کرام حضراتی دخی اصحاب کرامدن قرآن عظیم الشانه متعلق اخذ وتلقی ایتدکلی معلوماتی تبّع تابعینه نقل وروایت ایدرلر ایدی .

سلسله اسناد، صدرأ عن صدر اسلافدن اخلافه منتقل ومنتهی اولوب افواه رجالدن مسوع و صحابه کرام و تابعین ذوی الاحترام رضی الله عنهم حضراتندن منقول اولان آثار کثیره صحائف کتبه درج و تسطیر اولندیغی وقتنه قدر معانی قرآنیه افواه رجالدن اخذ وتلقی و سلفدن خلفه نقل اولتقدن خالی اولدی .

و قناکه معانی قرآنییه متعلق نقول و آثار، صحایف کتبه درج و املا اولندقدن امام «طبری» و «واقدی» و «ثعالبی» وانلرک امثالی اعلام مفسرین کرام حضراتی نقل آثار ایله تفسیره تصدی ایلدیلر .

بعذا لسان عذب البیان عربییه متعلق اولان علوم دخی جمع اولنوب اوضاع لغات ایله احکام اعرابه و بلاغت ترکیبیه دأر کتابلر تألیف اولندی .

قرن اولده احوال لسان، حسن سلیقه ایله طائفه عربیه مخصوص ملکه دن عبارت اولغله اوضاع لغات ایله احکام اعراب و بلاغت ترکیبیه امرنده نقل و کتبه احتیاج کورلر ایدی . مؤخرأ اختلاط اقوام سببیه لسان عربییه خلل طاری اوله رق احکام لغات کتب اهل لساندن اخذ وتلقی اولنسنه لزوم کورلدی و قرآن کریمک تفسیرنده لسانه متعلق اولان علملره حاجت مس ایلدی .

فن تفسیر ایکی فسمه منقسمدر .

(قسم اول) سلفدن منقول اولان آثاره مستند تفسیر نقلی در . بومثللو تفاسیر شریفه ده نقل و روایت اولنان اخبار، اعتقاد و عمله دأر احکام دینه دن اولمیدیغندن یالکز نقل و روایت ایله اکتفا اولندی . مؤخرأ ظهور ایدن اسلاف مفسرین کرام حضراتی دخی آثار منقولده ده تحقیق اسانیده قیام ایتیه رک یالکز آثار منقولیه ی کتب تفاسیره درج و تحریر ایلدیلر . و قناکه ناس، سمت تحقیقه رجوع و تصحیح اسانیده شروع ایتمه باشلادیغنده بلاد غربده

[۱] تابعین، تابع لفظنک جمعی در . اصطلاحده تابع، اول برذات شریفه اطلاق اولنورکه اوزات، رسول محترم صلی الله تعالی علیه وسلم حضرتلرینک اصحاب کرامی ایله ملاقات ایلشدر .

عزم کلزار جنان بیورمش اولان «جابر بن عبدالله الانصاری» حضرتلری و تاریخ هجرتک (۴۴) نجی سنه سنده ارتحال کلشنسرای جنان ایتمش اولان «ابوموسی عبدالرحمن بن قیس الاشعری» حضرتلری و تاریخ هجرتک (۶۳) نجی سنه سنده عالم بقایه ارتحال بیورمش اولان «عبدالله بن عمرو بن العاص السهمی» حضرتلری و تاریخ هجرتک (۴۵) نجی سنه سنده ارتحال دارجنان بیورمش اولان کاتب النبی «زید بن ثابت الانصاری» حضرتلری طبقه اولی مفسرین کرام کرامت اتسامندن در رضوان الله تعالی علیهم اجمعین.

(طبقه ثانیه) رجال کرامی تابعین کرامدن اولان اهل تفسیردر.

تابعین کرامدن اهل تفسیر اولان ذواتک بر قسمی «ابن عباس» حضرتلرینک اصحابی و مکة مکرمه علماسی ایدی.

تاریخ هجرتک (۱۰۳) نجی سنه سنده ارتحال داربقا بیورمش اولان «مجاهد بن جبرالمکی» حضرتلری دخی تابعین کرام اصحاب تفسیرندن اولوب امام شافعی حضرتلری ایله امام بخاری حضرتلری «مجاهد» حضرتلرینک تفسیر شریفنه اعتماد و اعتبار بیورمشلردر.

تابعین کرامدن اولوب تاریخ هجرتک (۹۴) نجی سنه سنده ارتحال بیورمش اولان «سعید بن جبیر» حضرتلری و تاریخ هجرتک (۱۰۵) نجی سنه سنده مکة مکرمه ده ارتحال دارجنان ایتمش اولان «مکرمه مولی بن عباس» حضرتلری و تاریخ هجرتک (۱۰۶) نجی سنه سنده کذلک مکة مکرمه ده ارتحال داربقا بیورمش اولان «طائوس بن کيسان الیمانی» حضرتلری و تاریخ هجرتک (۱۱۴) نجی سنه سنده ارتحال دار نعیم بیورمش اولان «عطا بن ابی رباح المکی» حضرتلری دخی اهل تفسیر شریفندن در. رضوان الله تعالی علیهم اجمعین.

تابعین کرامدن واصحاب تفسیردن اولان ذوات معالی صفاتک بر قسمی دخی «ابن مسعود» رضی الله عنه حضرتلری اصحابی و کوفه علماسی ایدی. تاریخ هجرتک (۱۰۲) نجی سنه سنده ارتحال بیورمش اولان «علقمه بن قیس» حضرتلری و تاریخ هجرتک (۷۵) نجی سنه سنده عزم کلزار جنان ایتمش اولان «اسود بن یزید» حضرتلری و تاریخ هجرتک (۹۵) نجی سنه سنده عالم بقایه ارتحال بیورمش اولان «ابراهیم النخعی» و تاریخ هجرتک (۱۰۵) نجی سنه سنده ارتحال ایلش اولان «شعبی» حضرتلری دخی «ابن مسعود» حضرتلرینک اصحابندن در.

تابعین کرام ذوی الاحترامدن واصحاب تفسیردن اولان ذوات معالی سماتک بر قسمی دخی

## ﴿طبقات المفسرین﴾

مفسرین کرام حضراتی طبقات عدیده رجال کرامندن عبارتند.

(طبقه اولی) اصحاب کزین رضوان الله تعالى عليهم اجمعین حضراتی در. خلفای راشدین یعنی حضرت «ابی بکر» و حضرت «عمر» و حضرت «عثمان» و حضرت «علی» رضوان الله تعالى عليهم اجمعین حضراتی ایلہ «ابن مسعود» و «ابن عباس» و «ابی بن کعب» و «زید بن ثابت» و «ابو موسی الاشعری» و «عبدالله بن زبیر» و «انس بن مالک» و «ابو هریره» و «جابر» و «عبدالله بن عمرو العاص» رضوان الله تعالى عليهم اجمعین حضراتی اهل تفسیر اینچند طبقه اولی رجال کرامندن در.

خلفای راشدیندن «علی بن ابی طالب» رضی الله تعالى عنه حضرتلرندن تفسیره متعلق اولان روایت، سائر خلفای کرام رضی الله تعالى عنهم اجمعین حضراتندن واقع اولان روایتلردن اکثردر.

«ابن مسعود» رضی الله تعالى عنه حضرتلرندن تفسیر شریفه متعلق واقع اولان روایت حضرت «علی» رضی الله تعالى عنه طرفندن واقع اولان روایتدن اکثردر.

اصحاب کرامندن «ابن عباس» رضی الله تعالى عنهما حضرتلری «ترجمان القرآن» و «حبر الامه» و «رئیس المفسرین» اولوب مشارالیه حضرتلرندن تفسیر شریفه دائر واقع اولان روایت اکثر و اوفر در. لکن روایات واقعه طریقلرینک احسنی، تاریخ هجرتک (۱۴۳) نجی سنه سنده ارتحال دار نعیم بیورمش اولان «علی ابن ابی طلحه الهاشمی» حضرتلرینک طریق روایتی اولوب امام بخاری حضرتلری «صحیح بخاری» نامیله مشهور اولان حدیث شریف کتابنده طریق مذکوره اعتماد بیورمشلردر.

تفسیر شریف روایت اولنان اصحاب کرامندن برذات عالقدر دخی «انس بن مالک بن النضر» رضی الله تعالى عنه حضرتلری در. مشارالیه تاریخ هجرتک (۹۱) نجی سنه سنده بصره ده ارتحال دار نعیم بیورمشدر.

تاریخ هجرتک (۷۳) نجی سنه سنده مکه مکرمه ده ارتحال دار بقا بیورمش اولان «عباده بن عمر بن الخطاب» حضرتلری وینه تاریخ هجرتک (۸۴) نجی سنه سنده مدینه منوره ده


## { علم شروط المفسر وادابه }

علم مذکور، قرآن عظیم الشانک تفسیرینہ متعلق شروط و آدابدن باحث اولوب علمای کرام حضراتی طرفدن تحت نظر اہمیتہ آلتش و کتب تفاسیر شریفہ دہ اولبابہ دہ معلومات مهمہ ذکر و ایراد بیورلمشدر.



## { علم معانی الادوات التي يحتاج اليها المفسر }

علم مذکور، مفسرین کرام حضراتنک محتاج اولدقلری معانی ادواتدن باحثدر. ادواتدن مراد، «حروف» ایله حروفہ مماثل و مشاکل اولان «اسما» و «افعال» و «ظروف» اولدینی علمای کرام حضراتی جانبندن بیان اولنمش و علم مذکورہ دائر کتابلر تصنیف بیورلمشدر.



## { علم المکی والمدنی }

( من الآيات )

علم مذکور، آیات کریمہ قرآنیہنک محل نزولندن واکا متعلق بعض معلوماتدن باحثدر.

معلوم اولدینی اوزره آیت کریمہ یا مکی اولور و یا خود مدنی اولور. یعنی آیات قرآنیہ جبریل علیہ السلام واسطہ سیلہ رسول محترم صلی اللہ تعالیٰ علیہ وسلم حضرت تلرینہ یا مکہ مکرّمہ دہ و یا خود مدینہ منورہ دہ شرف نازل اولمشدر.

تفاسیر شریفہ دن استنباطاً قرآن عظیم الشانک ترتیب شرف نزولی ایله مکی و مدنی اولان سور شریفہ آتیا ذکر و بیان اولنور.



« زید بن اسلم » حضرت تریسک اصحابی در . « عبدالرحمن بن زید » و « مالک بن انس » حضرت تری کی .

كذلك تاریخ هجرتك ( ۱۲۱ ) نجی سنه سنده ارتحال دار بقا بیورمش اولان « حسن البصری » حضرت تری و « عطاء بن ابی سئمة » و تاریخ هجرتك ( ۱۱۷ ) نجی سنه سنده ارتحال دار بقا ایتش اولان « محمد بن كعب القرازی » حضرت تری و ینه تاریخ هجرتك ( ۹۰ ) نجی سنه سنده ارتحال بیورمش اولان « ابو العالیه رفیع بن مهران الرباحی » حضرت تری و « ضحاک بن مزاحم » و تاریخ هجرتك ( ۱۱۱ ) نجی سنه سنده ارتحال ایدن « عطیه بن سعید الاوفی » حضرت تری و تاریخ هجرتك ( ۱۱۷ ) نجی سنه سنده وفات ایدن « قطادة بن دعامة السدوسی » حضرت تری و « ربیع بن انس » حضرت تری تابعین کرامدن واصحاب تفسیردن ایدی .

( طبقة ثالثة ) صحابة کرام و تابعین ذوی الاحترام حضراتك اقوال شریفه سنی جمع ایله کتب تفاسیر شریفه تألیف و تصنیفه بذل عنایت بیورمش اولان « سفیان بن عینه » و « وکیع بن الجراح » و « شعبة بن الحجاج » و « یزید بن هارون » و « عبدالرزاق » و « ادم بن ابی ایاس » و « اسحق بن راهویه » و « روح بن عبادة » و « عبد الله بن حمید » و « ابو بکر بن ابی شیهة » و سائر ذوات کرام در .

( طبقة رابعة ) اهل تفسیری دخی « عبدالرزاق » و « علی بن ابی طلحة » و « ابن جریر » و « ابن ابی حاتم » و « ابن ماجه » و « الحاکم » و « ابن مردویه » و « ابو الشیخ بن حبان » و « ابن منذر » حضراتی کی ذوات کرامدر .

تفسیر شریفه متعلق معلومات مفیده بی جمع و درج و اسانیدی حذف ایله کتب تفاسیر شریفه تألیفه بذل همت بیورمش اولان ذوات کرامک بر قسی دخی « ابو اسحق الزجاج » و « ابو علی الفارسی » و « مکی بن ابی طالب » و « ابو العباس المهدوی » حضرت تری کی ذوات کرام در .

علمای متأخریندن دخی پک چوق اهل تفسیر اولوب بعض ذوات کرام ، نقل روایات و اختصار اسانید مسلکئی و بعض ذوات کرام دخی قواعد عربیه و فنون ادبیه مسلکئی اختیار ایله قرآن عظیم البرهانی تفسیره همت و عنایت بیورمشلردر .

## ﴿ سور جليله مكيه ﴾

اسمى سور جليله	عدد آيات جليله
(سورة الحاقة)	٠ (٥٢)
(سورة معارج)	٠ (٤٤)
(سورة نبا)	٠ (٤٠)
(سورة نازعات)	٠ (٤٦)
(سورة انفطار)	٠ (٢٩)
(سورة انشقاق)	٠ (٢٥)
(سورة روم)	٠ (٦٠)
(سورة عنكبوت)	٠ (٦٧)
(سورة مطففين)	٠ (٣٦)

## ﴿ سور جليله مدنيه ﴾

(سورة بقره)	٠ (٢٨٧)
(سورة انفال)	٠ (٧٥)
(سورة آل عمران)	٠ (٢٠٠)
(سورة احزاب)	٠ (٧٣)
(سورة ممتحنه)	٠ (١٣)
(سورة نسا)	٠ (١٧٥)
(سورة زلزال)	٠ (٨)
(سورة حديد)	٠ (٢٩)
(سورة محمد صلى الله تعالى عليه وسلم)	٠ (٣٨)
(سورة رعد)	٠ (٤٣)
(سورة رحمن)	٠ (٧٨)
(سورة هل آتى على الانسان)	٠ (٣١)
(سورة طلاق)	٠ (١٢)
(سورة يسنه)	٠ (٨)
(سورة حشر)	٠ (٢٤)

## ﴿ سور جليله مكيه ﴾

اسمى سور جليله	عدد آيات جليله
(سورة يوسف)	٠ (١١١)
(سورة حجر)	٠ (٩٩)
(سورة انعام)	٠ (١٦٥)
(سورة الصافات)	٠ (١٨٢)
(سورة لقمان)	٠ (٣٤)
(سورة سبا)	٠ (٥٤)
(سورة زمر)	٠ (٧٥)
(سورة مؤمن)	٠ (٨٥)
(سورة حم السجده)	٠ (٥٤)
(سورة شورى)	٠ (٥٣)
(سورة فاتحه)	٠ (٧)
(سورة زخرف)	٠ (٨٩)
(سورة دخان)	٠ (٥٩)
(سورة جاثية)	٠ (٣٧)
(سورة احقاف)	٠ (٣٥)
(سورة ذاريات)	٠ (٦٠)
(سورة غاشيه)	٠ (٢٦)
(سورة كهف)	٠ (١١١)
(سورة نخل)	٠ (١٢٨)
(سورة نوح)	٠ (٢٨)
(سورة ابراهيم عليه الصلوة والسلام)	٠ (٥٢)
(سورة انبيا عليهم الصلوة والسلام)	٠ (١١٢)
(سورة مؤمنون)	٠ (١١٩)
(سورة سجده)	٠ (٣٠)
(سورة طور)	٠ (٤٩)
(سورة ملك)	٠ (٣٠)



## ﴿ سور جلیله مکہ ﴾

اسامی سور جلیله	عدد آیات جلیله
(سورۃ قریش) . . . . .	(۴)
(سورۃ قارعه) . . . . .	(۱۱)
(سورۃ قیامہ) . . . . .	(۴۰)
(سورۃ ہمزہ) . . . . .	(۹)
(سورۃ مرسلات) . . . . .	(۵۰)
(سورۃ ق) . . . . .	(۴۵)
(سورۃ بلد) . . . . .	(۲۰)
(سورۃ طارق) . . . . .	(۱۷)
(سورۃ مقرر) . . . . .	(۵۵)
(سورۃ ص) . . . . .	(۸۸)
(سورۃ اعراف) . . . . .	(۲۰۶)
(سورۃ جن) . . . . .	(۲۸)
(سورۃ یس) . . . . .	(۸۳)
(سورۃ فرقان) . . . . .	(۷۷)
(سورۃ فاطر) . . . . .	(۴۵)
(سورۃ مریم) . . . . .	(۹۸)
(سورۃ طہ) . . . . .	(۱۳۳)
(سورۃ واقعہ) . . . . .	(۹۶)
(سورۃ شعرا) . . . . .	(۲۲۷)
(سورۃ نمل) . . . . .	(۹۳)
(سورۃ قصص) . . . . .	(۸۸)
(سورۃ اسری) . . . . .	(۱۱۱)
(سورۃ یونس) . . . . .	(۱۰۹)
(سورۃ ہود) . . . . .	(۱۱۳)

## ﴿ سور جلیله مکہ ﴾

اسامی سور جلیله	عدد آیات جلیله
(سورۃ غلق) . . . . .	(۱۹)
(سورۃ ن) . . . . .	(۵۲)
(سورۃ مزمل) . . . . .	(۲۰)
(سورۃ مدثر) . . . . .	(۵۶)
(سورۃ تبت) . . . . .	(۵)
(سورۃ شمس) . . . . .	(۱۶)
(سورۃ اعلیٰ) . . . . .	(۱۹)
(سورۃ لیل) . . . . .	(۲۱)
(سورۃ فجر) . . . . .	(۳۰)
(سورۃ ضحیٰ) . . . . .	(۱۱)
(سورۃ انشراح) . . . . .	(۸)
(سورۃ عصر) . . . . .	(۳)
(سورۃ عادیات) . . . . .	(۱۱)
(سورۃ کوثر) . . . . .	(۳)
(سورۃ تکاثر) . . . . .	(۸)
(سورۃ ماعون) . . . . .	(۷)
(سورۃ کافرون) . . . . .	(۶)
(سورۃ فیل) . . . . .	(۵)
(سورۃ اخلاص) . . . . .	(۴)
(سورۃ نجم) . . . . .	(۶۲)
(سورۃ عبس) . . . . .	(۴۱)
(سورۃ قدر) . . . . .	(۵)
(سورۃ بروج) . . . . .	(۲۲)
(سورۃ تین) . . . . .	(۸)

مفسرین کرام کرامت اتسام حضراتندن بعض ذات عالیقدرک بیانہ کورہ سورہ شریفہ «ماندہ» سورہ جلیلہ «توبہ» اوزرینہ مقدمدر .

بعض روایتہ کورہ سورہ فاتحہ شریفہ بر دفعہ مکہ مکرمہدہ وبر دفعہ دخی مدینہ منورہدہ شرف نازل اولمشدر .

«سورہ فاتحہ» شریفہنک اسماء کثیرہسی اولوب آتیآ ذکر و بیان اولنور .

اسماء شریفہ، «فاتحہ الکتاب» «فاتحہ القرآن» «ام الکتاب» «ام القرآن» «القرآن العظیم» «السبع المثانی» «الوافیة» «الکنز» «الکافیة» «الاساس» «النور» «سورة الحمد» «سورة الشکر» «الشفاء» «الشافیة» «سورة الدعاء» «سورة الصلاة» «سورة تعلیم المسئلة» «سورة المناجات» «سورة التفویض» در



### { علم الارضی و السماءی }

(من الآيات)

علم مذکور، فروع علم تفسیر شریفدن اولوب ارضی و سماءی اولان آیات کریمہنک شرف نزولندن بحث ایدر.


ارضی اولان آیات کریمہ مکی ومدنی اولان سور شریفدن عبارتدر. سماءی اولان آیت کریمہ، «سورة بقره» نک خاتمہسی اولان آیت کریمہلردن عبارت اولوب رسول اکرم صلی الله تعالی علیه وسلم حضرتلرینہ لیلہ معراجده شرف نازل اولمشدر.



### { علم اوّل منازل و آخر منازل }

(من الآيات)

علم مذکور، فروع علم تفسیر شریفدن اولوب قرآن عظیم الشانک اوّل و صکرہ شرف نازل اولان آیات کریمہسندن باحثدر .



## ﴿سور جلیله مدنیہ﴾

اسامی سور جلیله	عدد آیات جلیله
(سورہ تحریم) . . . . . (۱۲)	
(سورہ صف) . . . . . (۱۴)	
(سورہ جمعہ) . . . . . (۱۱)	
(سورہ تغابن) . . . . . (۱۸)	
(سورہ فتح) . . . . . (۲۹)	
(سورہ توبہ) . . . . . (۱۳۰)	
(سورہ مائدہ) . . . . . (۱۲۰)	

## ﴿سور جلیله مدنیہ﴾

اسامی سور جلیله	عدد آیات جلیله
(سورہ فلق) . . . . . (۵)	
(سورہ ناس) . . . . . (۶)	
(سورہ اذا جاء) . . . . . (۳)	
(سورہ نور) . . . . . (۶۴)	
(سورہ حج) . . . . . (۷۸)	
(سورہ منافقون) . . . . . (۱۱)	
(سورہ مجادلہ) . . . . . (۲۲)	
(سورہ حجرات) . . . . . (۱۸)	

مکّہ مکرمہ مدہ رسول محترم صلی اللہ تعالیٰ علیہ وسلم حضرت تیرینہ اک صکرہ ہانکی سورہ [\*] شریفہ نک نازل اولدیغندہ بین الاکابر اختلاف اولندی.

«ابن عباس» رضی اللہ تعالیٰ عنہ حضرت تیرینک بیان شریفہ کورہ مکّہ مکرمہ مدہ اک صکرہ نازل اولان سورہ شریفہ، «سورہ عنکبوت» در.

اکابر دن «ضحاک» و «عطا» حضرت تیرینک بیان تیرینہ کورہ سور شریفہ مکّہ نک اخی سورہ شریفہ مؤمنون در.

ینہ اکابر امتدن «مجاهد» حضرت تیرینک بیانہ کورہ مکّہ مکرمہ مدہ شرف نازل اولان سور شریفہ نک اخی، سورہ جلیله «مطفّین» در.

مکّہ مکرمہ مدہ شرف نازل اولان سور جلیله قرآنیہ نک ترتیب نزولی وجہ مشروح اوزرہ اولہرق مجموعی (۸۳) عدد سورہ شریفہ یہ بالغ اولمشدر.

[\*] (سورہ)، ہمزہ ایله ویاخود ہمزہ سز اولہرق یازلق جائزدر. برروایتہ کورہ ہمزہ وضع اولنسی «سورہ» نک «سور» لفظندن اخذ اولنسی اعتباری ایله در. «سور»، کاسہ دہ باقی قالان صو معناسنہ در. بوحالہ «سورہ» قرآن عظیم الشاندن برقطعہ معناسنی مفید اولور. «سورہ» نک بلاہمزہ یازلمسی دخی «سور المدینہ» دن مأخوذ اولوق اعتباری ایله در. شو اعتبارک وجہ مناسبتی «سور المدینہ» شہری احاطہ ایلیدیکی کبی سورہ قرآن دخی آیات قرآنیہ دن برقسمنی احاطہ ایلسندن عبارتدر.

سور قرآنیہ نک اقل مقداری اوج آیت در. آیت، قرآن کریم دن برطائفہ اولوب ریانتک اقل مقداری التی حرفدر.

{ علم ما تأخر حكمه عن نزوله }  
 { وما تأخر نزوله عن حكمه }  
 (من الآيات)

علم مذکور، علم تفسیر شریفک جمله فروغندن اولوب حکم جلیلی شرف نزولندن مؤخر و شرف نزولی حکم شریفندن مؤخر اولان آیات جلیله قرآنیهدن بحث ایدر.



{ علم ما نزل مفرداً }  
 { و ما نزل جمعاً }  
 (من الآيات)

علم مذکور، علم تفسیر شریفک جمله فروغندن اولوب مفرداً و جمعاً شرف نازل اولان آیات جلیله قرآنیهدن باحث در.



{ علم ما نزل مشیّعاً }  
 { و ما نزل مفرداً }  
 (من الآيات)

علم مذکور، علم تفسیر شریفک جمله فروغندن اولوب رسول اکرم صلی الله تعالی علیه وسلم حضرت تدرینه جبریل امین علیه السلام و ساطتیه مفرداً و یاخود ملائکه کرام حضراتی طرفندن مشیّعاً شرف نازل اولان آیات کریمه دن باحث در.



{ علم ما انزل من الآيات على بعض }  
 الانبياء و ما لم ينزل

علم مذکور، بعض انبیای کرام علیهم الصلوٰۃ والسلام حضراتنه شرف نازل اولان آیات کریمه دن و قبل النبی علیه الصلوٰۃ والسلام سائر انبیای کرام علیهم الصلوٰۃ والسلام حضراتنه نزولی واقع اولیان آیات جلیله دن باحث در.




## { علم اسباب نزول القرآن }

علم مذکور، علم تفسیر شریفک جمله فروغندن اولوب سور شریفه و آیات کریمه‌نک اسباب نزولندن و شرف نزولنک وقت و مکانی ایله احوال سائرهنندن باحثدر.

(مبادی) — علم مذکورک مبادیسی، سلفندن منقول اولان مقدّمات مشهوره‌در.  
(غرض) — علم مذکورک غرضی، آیات کریمه‌نک اسباب نزولی ایله احوال سائرهننی ضبط ایتمکدن عبارتدر.

(فائده) — علم مذکورک فائده‌سی، قرآن کریمک معانی شریفه‌سنه و معانی قرآنیهن احکام شرعیهنک استخراج و استنباطنه کسب و قوف و معرفت ایتمکدر.

قرآن عظیم الشانک اسباب نزولی و احوال سائرهنسی معلوم اولمدقجه تفسیری ممکن اوله‌می‌هنجی علای کرام حضراتی طرفندن بیان بیورلمشدر.



## { علم ما نزل علی لسان بعض الصحابه }

(رضی الله تعالی عنهم)

علم مذکور، علم تفسیر شریفک جمله فروغندن اولوب بعض صحابه کرام حضراتنک لسان شریفلرینه جاری اولدینی وجه اوزره نزول ایدن آیات کریمه‌دن باحثدر.



## { علم ماتکرر نزوله }

(من الآیات)

علم مذکور، علم تفسیر شریفک جمله فروغندن اولوب بعض آیات قرآنیهنک تکرر نزولندن باحثدر.



## { علم النهارى والليلی }

علم مذکور، علم تفسیر شریفك جمله فروغندن اولوب آیات کریمهك نهاراً ویا لیلاً شرف نزولندن باحذر .

علمای کرام معالی اتسام حضراتی طرفندن ذکر و بیان بیورلدیغی اوزره اکثر آیات قرآنیه نهاراً شرف نازل اولمشدر . لیلاً شرف نازل اولان آیات جلیله قرآنیهك (۱۵) آیت کریمیه بالغ اولدیغی «امام سیوطی» حضرتلری «اتقان» نامنده کی کتابنده ذکر و بیان ایلمشدر .



## { علم الصیفی و الشتائی }

( من الآیات )

علم مذکور، علم تفسیر شریفك جمله فروغندن اولوب صیف وشتاده شرف نزول ایدن آیات کریمه قرآنیه دن باحذر .



## { علم الفراشی و النومی }

( من الآیات )

علم مذکور، علم تفسیر شریفك جمله فروغندن اولوب فراشی و نومی اطلاق اولنان بعض آیات جلیله قرآنیهك رسول اکرم صلی الله تعالی علیه وسلم حضرتلرینه صورت نزولندن باحذر .



## { علم بیان الموصول لفظاً و المفصول معناً }

علم مذکور، علم تفسیر شریفك جمله فروغندن اولوب لفظاً موصول [۱] و معناً

### { علم فواصل الآی }

علم مذکور، علم تفسیر شریفك جمله فروغندن اولوب آیات جلیله قرآنیك فواصلندن باختر.

بعض علمای کرام جانبندن ذکر و بیان بیورلدیغی اوزره فاصله، آیت کریمه قرآنیك اخرنده بولنان کلمه شریفه در. شعرده قافیه کی.

فاصله ایله رأس آیت کریمه بیننده فرق واردر.

فاصله، مابعدندن منفصل کلام دیمکدر. مابعدندن منفصل اولان کلام، بعضاً آیت کریمهك رأسی اولور و بعضاً دخی آیت کریمهك رأسی اولمز. رؤس الآی یعنی آیات کریمهك ابتداری بعضاً مابعدندن منفصل کلام اولور و بعضاً مابعدندن منفصل کلام اولمز.



### { علم الآیات المشتبهات }

بو علم، آیات جلیله مشتبهدن باحث اولوب علم تفسیر شریفك جمله فروغندن در. بو علمده مؤلف اوّل امام کسائی حضرتلری در. امام سخاوی حضرتلرینك دخی اثر منظومی واردر. سائر علمای کرام حضراتی طرفلرندن دخی بو علمه دائر کتابلر تألیف بیورلمشدر.



### { علم الحضری والسفری }

( من الآیات )

علم مذکور، علم تفسیر شریفك جمله فروغندن اولوب آیات حضریه [۱] و سفریه [۲] دن باختر.

آیات حضریه، کثرت اوزره اولوب آیات سفریهك (۴۰) بو قدر عدده بالغ اولدیغی «امام سیوطی» حضرتلری «اتقان» نامنده کی کتابنده زیور صحیفه بیان ایلشدر.



[۱] حضری، بلده و وطنده اقامت ایدن کیسهیه اطلاق اولنور.

[۲] سفری بلده و وطندن اخر محله سیر و سفر ایدن کیسهیه اطلاق اولنور.

آیات حضریه و سفریه دن مراد، رسول اکرم صلی الله تعالی علیه وسلم حضرتلرینه حال حضر و یا حال سفرده شرف نازل اولان آیات جلیله در.

## { علم خواتم السور }

علم مذکور، فواتح سور شریفہ کی معانی<sup>۱</sup> بدیعہ بی شامل و ادعیہ و وصایا و فرائض و تحمید و تہلیل و مواعظ و وعد و وعید مشتمل اولدیغندن قرآن عظیم الشانہ متعلق مباحث مهمہ صرہ سندہ علمای کرام انارالله تعالیٰ مضاجعہم الی یوم القیام حضراتی طرفلرندن خواتم سور شریفہ دن دخی بحث و بیان بیورلمشدر.



## { علم المحکم والمتشابه }

(من الآیات)

علم مذکور، محکم و متشابه اولان آیات جلیلہ قرآنیہ دن باحث اولوب علم تفسیر شریفک جملہ فروغندن در.

«محکم» واضح المعنی اولان آیات جلیلیہ اطلاق اولنور. «متشابه» معناسی خفی اولوب استخراج مراد اولنہ مدیغندن حقیقی جناب علام الغیوب حضرتلرینک علنہ حوالہ اولنان آیات کریمہ اطلاق اولنور.



## { علم الوجوه والنظائر }

علم مذکور، علم تفسیر شریفک جملہ فروغندن در.

«وجوه»، متعدد مغالرده استعمال اولنان لفظ مشترک اطلاق اولنور. «امر» لفظی کی.

برروایتہ کوره «نظائر» الفاظده و «وجوه» معانیده استعمال اولنور.

کلمہ واحده نک یکر می و یا خود یکر میدن اقل و یا خود یکر میدن اکثر وجهه ارتقا یتسی حیثیتی ایلہ بعض علمای کرام حضراتی «وجوه» و «نظائر» ک دلائل اعجازدن اولدیغنی و وجوه مذکورہ نک کلام بشرده بولندیغنی ذکر و بیان ایلشدر.

«وجوه» و «نظائر» کلملری لفظ واحدک معنای واحد اوزرینه قصر اولنیوب معانی متعددہ غیر متضاده اوزرینه حملندن عبارت اولوق اوزره مفسردر.



مفصول [۱] اولان آیات جلیله قرآنیهدن حل مشکلات ایلک خصوصنده عظیم النفع اولدیغندن اهل تفسیر غندنده مهم ومعتابه برعلم جلیلدر .



### { علم مناسبة الآيات والسور }

قرآن عظیم الشان، وجوه اعجاز و اسالیب بلاغی متضمن اولدیغی کبی سور شریفه و آیات کریمه نك مناسبات و ترتیبات و روابطی دخی اسلوب اعجاز اوزره اولدیغندن علمای کرام حضراتی طرفندن قرآن عظیم الشانک اشبو قسم مهمنك بیاننه دخی اعتنا اوله رق کتابلر تألیف بیورلمشدر .



### { علم فواتح السور }

علم مذکور، علم تفسیر شریفك جمله فروغندن اولوب فواتح سور شریفه دن باخندر . اهل بیان غندنده « حسن ابتدا » بلاغندن معدود اولسیله ابتدای كلامك نظماً و سبکاً اعذب و اسلس و معناً اصح و اوضح و فن بلاغته هر صورته اوفق اولسی مطلوب اولوب فواتح سور جلیله نك ایسه احسن و ابلغ و اكمل صورته اولدیغی واضح و آشکاردر . مطالع و فواتح قرآنیه نك جمله سی و باخصوص سورة فاتحه شریفه انواع بلاغی حاویدر .

فاتحه شریفه، علم ذات و صفات و علم نبوت و علم معاد و عبادات و علم سلوک و علم قصص کبی قرآن عظیم الشانک علومنی شامل و حسن الفاظ و مقاطع ایله جمیع مقاصد عالییه یی مشتملدر .


اکابر علمای کرامدن « ابن ابی الاصبغ » حضرتلری علم فواتح سور بیاننده « الخواطر السوانح فی اسرار الفواتح » اسمی ایله موسوم اولان کتابی تألیف ایدرك فواتح سور شریفه نك انواعنی و بحثه تعلق ایدن معلومات نافعیه یی ذکر و بیان ایلشدر .



«نافع» ك راویلی «قالون» و «ورش» در. «ابن كثیر» ك راویلی «بزی» و «قبل» در. «ابو عمرو» ك راویسی «دوری» و «سوسی» در. «ابو عمرو» ك راویسی «هشام» و «ابن ذكوان» در. «عاصم» ك راویسی «شعبه» و «حفص» در. «حمزه» ك راویسی «خلف» و «خالد» در. «كسانی» ك راویسی «ابوالحرث» و «دوری» در.

مشایخ قرآنك سائر راویلی دخی وار ایسه ده مختار اولان صورت هر بر شیخ قرآ ایچون ایکی راوی اولمقدن عبارتدر.

(قسم مشهور) ، سندی صحیح اولوب درجه تواتره واصل اولیان قراآت در .  
(قسم احاد) ، سندی صحیح اولوب اصول عربیه مخالف اولان قراآتدر.  
(قسم شاذ) ، قراآت تابعین در. «اعمش» و «یحیی بن وثاب» و «ابن جیر» حضراتی ایله امثالنك قراآتی کی.



### { علم مفردات القرآن }

علم مذکور، آیت کریمه نك احکام جلیله و معانی شریفه سی کی احوالندن باحث اولوب علم، تفسیر شریفك جمله فروغندن در.



### { علم بدائع القرآن }

علم مذکور، علمای کرامدن «ابو الحیر» حضرتلری جانبندن علم تفسیر شریفك جمله فروغندن اولق اوزره ذکر و بیان بیورلمشدر.

اکابردن «ابو الاصبع» حضرتلری، بدائع قرآنییه متعلق مستقلاً تألیف بیوردینی کتابده آیات جلیله قرآنیهدن بدائع کثیره ذکر و تعداد بیورمش و علمای متأخرین حضراتی طرفندن دخی «ابو الاصبع» حضرتلرینك تعداد ایتدیکی انواع اوزرینه ده پك چوق انواع بدائع زیاده اولنمش در .



«وجوه» ك مثالی «هدی» كه سنك قرآن كريمده (۱۷) وجهه ارتقا ايلسندن عبارتدر. وجوه مذكوره نك برنجیسی «ثبات»، ايكنجیسی «بيان»، اوچنجیسی «دين»، دردنجیسی ايمان»، بشنجیسی «دعا»، التجیسی «رسل كرام عليهم السلام»، يدنجیسی «كتب»، سكرنجیسی «معرفت»، طقوزنجیسی «نبی»، اوتجیسی «قرآن»، اون برنجیسی «استرجاع»، اون ايكنجیسی «حجت»، اون اوچنجیسی «توحيد»، اون دردنجیسی «سنت»، اون بشنجیسی «اصلاح»، اون التجیسی «الهام»، اون يدنجیسی «ارشاد» در.

«نظار» ك مثالی دخی قرآن كريمده شرف واقع اولان هر «بروج» كه سی دركه كوكب معناسنه در. لكن «فی بروج مشیده» نظم جلینده کی «بروج» كه سی كوكب معناسنه اولمديغندن مستثنا اوله رق «قصور حصینه» معناسیله مفسردر. ثانیاً قرآن كريمده هر «صلاة» كه جلیله سی «عبادت» و «رحمت» معناسنه در. اما «صلوات» و «مساجد» مستثنا اوله رق «اماكن» معناسی ايله مفسردر. ثالثاً «قوت» لفظ جلیلی «طاعت» معناسنه در. لكن «كل له قانتون» كه طیه سی مستثنا اوله رق «مقرون» معناسی ايله مفسردر. و بونرك امثالی دخی اوقیلدن در. متقدمیندن و اكابر كرامدن «مقاتل بن سلیمان» و اكابر متأخریندن «ابن الجوزی» و «ابن الدامغانی» و «ابو الحسن محمد بن عبد الصمد المصری» و «ابن فارس» حضراتی ايله سائر ذوات كرام حضراتی جانبندن علم وجوه و نظاره دائر كتابلر تألیف بیورلمشدر.



### { علم المتواتر و المشهور }

#### من القراءات

علم مذکور، قرآن عظیم الشانك اقسام قرآنندن باحث اولوب علم تفسیر شریفك جملة فروغندن در.

كتب علم قراآته ذكر و بیان اولندیفی اوزره اكابر كرامدن «القاضی جلال الدین البلقینی» حضرتلرینك روایتنه كوره قرائت، «متواتر» و «مشهور» و «احاد» و «شاذ» قسملرینه منقسمدر.


(قسم متواتر)، قراآت سبعدر. قراآت مذكوره، «نافع» و «ابن کثیر» و «ابو عمرو» و «ابن عمرو» و «عاصم» و «حمزه» و «كسائی» قراآتی در. مشارالیهم حضراتندن هر برلرینك ايكیشر راویلری واردر.

## { علم خواص القرآن }

علم مذکور، علم تفسیر شریفک جمله فروغندن اولوب آیات جلیله قرآنیہنک خواصندن باحث در.

اکابردن «تمیمی» و «امام غزالی» و متأخریندن «یافعی» حضرتلری کبی ذوات کرام معالی اتسام حضراتی قرآن عظیم الشانک خواص شریفه سنه متعلق کتابلر تألیف ایدرک خواص قرآنیہی و منافع عظیمه فرقانیہی و بوبخسته متعلق سائر فوائد و معلوماتی ذکر و بیان بیورمشلردر.

(خاصه) [۱] نك سند صحیحی تجارب صالحین در. قرآن عظیم الشانک خواصنه متعلق بعض احادیث شریفه بی امام سیوطی حضرتلری «اتقان» اسمی ایله موسوم اولان کتابنده ذکر و بیان بیورمشدر. امام یافعی حضرتلرینک «درالنظیم فی خواص قرآن العظیم» اسمی ایله مسمی اولان کتابنده خواصه دائر معلومات مفیده مذکور و مسطوردر.



## { علم جدل القرآن }


علمای کرام حضراتی جانبندن بیان بیورلدینی اوزره قرآن عظیم الشان، انواع براهین و ادله بی حاوی در.

اکابر کرامدن «نجم الدین الطوفی» حضرتلری کبی بعض ذوات معالیمات طرفلرندن بو علم اوزرینه مستقلاً کتابلر تألیف بیورلمش و مؤلفاتده براهین و ادله علی وجه التفصیل ذکر و بیان اولمشدر.



## { علم مقدم القرآن ومؤخره }

علم مذکور، علم تفسیر شریفک جمله فروغندن اولوب بعض الفاظ جلیله قرآنیہنک مقدم و بعض الفاظ جلیلهنک مؤخر ذکر و بیاننده اولان وجوه مناسباتدن و اسباب تقدیم و تأخیردن باحث در.



[۱] خاصة الشيء، «ما يوجد فيه ولا يوجد في غيره» تعريفي ایله معرفدر. یعنی برشیئک خاصه سی او شیده بولنوب او شیئک غیریسنده بولناز دیمکدر.

### { علم اعجاز القرآن }

علم مذکور، قرآن عظیم البرهانك اعجازندن باحث اولوب فن تفسیر شریفك جمله فروغندن در.

اعظم علمای کرام حضراتی طرفلرندن بو علمه متعلق کتابلر تألیف بیورلمش در.

معجزه، خرق عاده اولان امره اطلاق اولنور.

علمای کرام حضراتی جانبندن ذکر و بیان بیورلدیغی اوزره معجزه، یاحسیه اولور و یاخود عقلیه اولور.

(معجزه حسیه) معجزات بنی اسرائیل کی در. چونکه قوم بنی اسرائیل قلت بصیرتلی اولدیغندن معجزه حسیه، حاللینه موافق ایدی.

معجزه عقلیه، امت مرحومه محمدیه علیه الصلوٰة والسلام معجزاتی کیدر. چونکه امت ناجیه محمدیه نك فرط ذکاسی حسیله معجزه عقلیه، حاللری ایله متناسب در.

شریعت شریفه محمدیه صلی الله تعالی علیه و سلم الی یوم القيامة باقی اولوق حسیله ذوی البصائر فهم و ادراکی ایچون معجزه عقلیه، امت محمدیه صلی الله تعالی علیه و سلم حضرتلرینه مخصوص در.

قرآن عظیم الشانك اعجازینه تعلق ایدن مباحث و مسائل، کتب تفاسیر شریفهده و متعلق اولدیغی کتابلرده علی وجه الاكمل بسط و بیان اولنمش در.



### { علم دفع المطاعن عن القرآن }

علم مذکور، علم تفسیر شریفك جمله فروغندن اولوب ارباب ضلالتك قرآن کریم اوزرینه بحسب اللفظ و المعنی ایراد ایلدکلری شبهاتك صورت رفغندن باحث در.

(مبادی) — علم مذکورك مبادیسی، علوم عربیه ایله اصول کلامدن مأخوذ در.

(غرض) — علم مذکورك غرضی، او مثللو مطاعنك دفعنه تحصیل ملکه در.

(فائده) — علم مذکورك فائدهسی، عقائد ضعفادن وهمی دفع ایتکدر.



### { علم مبهمات القرآن }

علم مذکور، علم تفسیر شریفك جمله فروغندن در .  
مبهماتك مرجعی نقل محض اولوب آنده رأيك مجالی اولدیغی و مبهمات قرآن ایچون  
سبیلر اولدیغی علمای کرام جانبندن بیان اولنش و علم مذکور، عظمای امتدن «سهیل» و «ابن  
عساکر» و «القاضی عز الدین بن جماعة» حضراتی مثللو ذوات کرام طرفلرندن تدوین  
و تصنیف بیورلمشدر .



### { علم منطوق القرآن و مفهومه }

علم مذکور، علم تفسیر شریفك جمله فروغندن در .  
(منطوق) محل نطقده لفظك دلالت ایتدیگی شیدن عبارتدر . (مفهوم)، انك خلافته در  
یعنی محل نطقده اولیه رق لفظك دلالت ایتدیگی شیدن عبارتدر .  
بعض علمای کرامك بیاننه کوره لفظ، یا منطوقنه دلالت ایدرکه اکا «دلالت منطوق»  
تسمیه اولنور . یاخود مفهومنه دلالت ایدرکه اکا «دلالت مفهوم» اطلاق اولنور . یاخود  
اقتضا ایلدیگی شیئه دلالت ایدرکه اکا «دلالت اقتضا» دینور . یاخود مقولنه دلالت ایدرکه  
اکاده «دلالت اشارت» تعبیر ایدیلور .



### { علم مطلق القرآن و مقیده }

علم مذکور، علم تفسیر شریفك جمله فروغندن در .  
(مطلق) اول برشیدرکه ماهیت، اول شی اوزرینه بلاقید دلالت ایدر . «مقید» انك  
خلافته در .



### { علم مشکل القرآن }

علم مذکور، علم تفسیر شریفك جمله فروغندن اولوب حق تعالی و تقدس حضرتلرینك



### { علم اقسام القرآن }

اقسام کله سی جمع اولوب مفردی قَسَم کلودرکه عین معاسنه در .


قَسَم، تحقیق و تأکید خبر ایچون در . قوم عربك عادتلی، تأکید مراد ایلدکلری کلامده قسم ذکر و ایراد ایتمکدن عبارت اولوب قران عظیم الشان دخی لغت عرب اوزره شرف نازل اولمسیله قرآن کریمده دخی قسم ذکر و بیان بیورلمش و علمای کرام حضراتی جانبندن اقسام قرآنیه جمع و تألیف اولنهرق اقسام القرآن انواع علوم قرآندن عد و اعتبار لشمدر .



### { علم افضل القرآن وفاضله }

اشبو علم، علم تفسیر شریفك جمله فروغندن اولوب قرآن کریمك افضل وفاضلندن باحثدر .


علمای کرامدن برفرقه، بعض سور شریفه یی بعض سور شریفه اوزرینه افضل اولمق اوزره بیان ایله افضل اولان سور شریفه نك فضائلنه متعلق احادیث شریفه ذکر و ایراد ایلش و «امام ابوالحسن الاشعری» و «القاضی ابوبکر الباقلانی» و دیگر بعض ذوات کرام دخی قرآن عظیم الشانك مجموعی کلام الله اولمسی جهته تفضیلدن مفضل علیهك نقصی توهم اولنماق مقصدیله کلام شریف ایچون افضل وفاضل ذکر اولنمسنك منعی جهته ذاهب اولمشددر .



### { علم فضائل القرآن }

علم مذکور، علم تفسیر شریفك جمله فروغندن اولوب قرآن عظیم الشانك فضائلندن باحثدر .

قرآن عظیم الشانك فضائلی بیاننده اعظم علمای کرام حضراتی طرفندن مخصوصاً کتابلر تألیف بیورلمش و فضائل قرآن عظیمه متعلق احادیث شریفه کتب مؤلفده جمع و ایراد اولنمشددر .



### { علم کیفیت تحمل القرآن }

علم مذکور، قرآن عظیم الشانک حفظی و تعلیم و تعلیمی لزومندن و بوکا متعلق مسائل مهمه‌دن باحث در .

علمای کرام حضراتی جانبندن بیان بیورلدینی اوزره قرآن عظیم الشانک تحریفندن محافظه‌سی و سلسله تواترینک عدم انقطاعی ایچون قرآن کریمک حفظی امت مرحومه اوزرینه فرض کفایه اولدینی کبی تعلیمی دخی فرض کفایه‌در .



### { علم کیفیت انزال القرآن }

علم مذکور، علم تفسیر شریفک جمله فروغندن اولوب قرآن عظیم البرهانک کیفیت انزالندن باحث در .

قرآن کریمک انزالی حقنده اولان روایاتک اصحّ و اشهری قرآن عظیم الشانک لیه قدرده جمله واحده اوله‌رق سمای دنیایه شرف نزولندن و علی حسب الاختلاف رسول اکرم صلی الله تعالی علیه و سلم حضرتلرینه منجماً [۱] شرف نازل اولمسندن عبارتدر .



### { علم جمع القرآن و ترتیه }


علم مذکور، علم تفسیر شریفک جمله فروغندن اولوب قرآن کریمک کیفیت جمع و ترتینندن باحث در .

علمای کرام حضراتی جانبندن بیان بیورلدینی اوزره رسول اعظم صلی الله تعالی علیه و سلم حضرتلری تشریف داربقا بیوردقدن صکره قرآن کریمک ترتیب مخصوص و مقبول اوزره جامعی اعظم صحابه کرامدن و خلفای راشدیندن « ابو بکر صدیق » رضی الله تعالی عنه حضرتلری در . اکابر صحابه کرامدن « عثمان بن عفان » رضی الله تعالی عنه

[\*] منجم، تفعیل باندن اسم مفعول اولوب مصدری تنجیم در . تنجیم، بر نسنه‌بی وقت وقت جسته جسته ادا ایلک معناسنه استعمال اولنور .




کلام شریفی اختلاف و تناقضدن منز و مبرّی اولوب لکن بعض اذهان قاصره اصحابی ایچون اختلاف و تناقضك توهمی ممکن اولسی جهتیه شوتوهمك دفعی ایچون علمای کرام حضراتی طرفندن مخصوصاً کتابلر تألیف بیورلمشدر .



### { علم غریب القرآن }

علم مذکور قرآن عظیم الشانك الفاظ جلیله غریبه سندن باحث در .  
 علم مذکور، اهل تفسیر ایچون علوم ضروریه جمله سندن معدود در .  
 علم مذکور و واقف اولق ایچون علم لغته کسب و قوف ایتمکه احتیاج واردر .  
 علمای کرام معالی اسمادن «ابو عبیده» و «ابو عمرو الزاهد» و «ابن درید» و «عزیزی» علم مذکوری تدوین ایلشدر در .  
 «مفردات راغب» کتابی الفاظ غریبه ایچون تألیف بیورلمش اولان کتابلرک احسنی در .  
 «ابو حبان» حضرتلرینك دخی علم مذکوره متعلق کتابی واردر .



### { علم اعراب القرآن }

علم مذکور «مفتاح السعادة» اسمی ایله مسمی اولان کتابده علم تفسیر شریفك جمله فروغ سندن عد اولنش و بعض علمای کرام حضراتی جانبندن دخی علم نحوه داخل اولدینی بیان بیورلمشدر .  
 اعراب، معانی بی ممیز اولدیغ سندن فن مذکور ایله معنایه و قوف حاصل اولور .  
 قرآن کریمك معانیسنه واقف اولق ایچون کله شریفه سنه و صیغه سنه و مبتدا و خبر و فاعل و مفعول و مبادئ کلام و جواب کبی احواله کسب و معرفت ایتمك واجبدر .  
 عظمای امتدن «ابو البقا العکبری» و «ابو حبان» ایله علمای کرامدن سائر بعض ذوات معالیمات حضراتی قرآن کریمك اعرابی امر مهمنه اعتنا ایدرک کتابلر تألیف بیورمشلر در .



(سورة قصص)	(سورة حديد)	(سورة طارقه)
(سورة عنكبوت)	(سورة مجادله)	(سورة اعلی)
(سورة روم)	(سورة حشر)	(سورة غاشیه)
(سورة لقمان)	(سورة متحنه)	(سورة فجر)
(سورة سجده)	(سورة صف)	(سورة بلد)
(سورة احزاب)	(سورة جمعه)	(سورة شمس)
(سورة سبا)	(سورة منافقون)	(سورة لیل)
(سورة فاطر)	(سورة تغابن)	(سورة ضحی)
(سورة یس)	(سورة طلاق)	(سورة انشراح)
(سورة صافات)	(سورة تحریم)	(سورة تین)
(سورة ص)	(سورة ملك)	(سورة علق)
(سورة زمر)	(سورة ن)	(سورة قدر)
(سورة مؤمن)	(سورة حاقه)	(سورة یسنه)
(سورة حم السجده)	(سورة معارج)	(سورة زلزال)
(سورة شوری)	(سورة نوح)	(سورة عادیات)
(سورة زحرف)	(سورة جن)	(سورة قارعه)
(سورة دخان)	(سورة مزمل)	(سورة تکاثر)
(سورة جاثیه)	(سورة مدثر)	(سورة عصر)
(سورة احقاف)	(سورة قیامه)	(سورة همزه)
(سورة محمد علیه الصلوة والسلام)	(سورة هل اتی علی الانسان)	(سورة فیل)
(سورة فتح)	(سورة مرسلات)	(سورة قریش)
(سورة حجرات)	(سورة نبا)	(سورة ماعون)
(سورة ق)	(سورة نازعات)	(سورة کوثر)
(سورة ذاریات)	(سورة عبس)	(سورة کافرون)
(سورة طور)	(سورة تکویر)	(سورة اذا جاء)
(سورة نجم)	(سورة انفطار)	(سورة تبت)
(سورة قمر)	(سورة مطفین)	(سورة اخلاص)
(سورة رحمن)	(سورة انشقاق)	(سورة فلق)
(سورة واقعه)	(سورة بروج)	(سورة ناس)

عنه حضرت تالرينك دخى جامع القرآن اولدينى بين الناس مشهور ايسهده كلام قديمك جامع اولى «صديق اكبر» رضى الله تعالى حضرتلى در .

قرآن كريمك جمع وترتيبى توقيفى در . يعنى ترتيب معلوم اوزره جمع وترتيبى رسول اكرم صلى الله تعالى عليه وسلم حضرتلرندن سماعاً اخذ وتعلم اولنشددر . رسول محترم صلى الله تعالى عليه وسلم حضرتلرينك دخى جبريل عليه السلام بدن اخذ بيورمش اولدينى رقفزده ثقات امت در . مصحف شريفه نقطه وضع ايتمش اولان ذات حقنده بين العلما اختلاف اولدى . بعض قوله كوره «ابو الاسود الدولى» وبرقوله كوره «حسن البصرى» و «يحيى بن يعمر» و «نصر بن عاصم الليثى» حضراتى واضع نقاط در .

مصحف شريفه ، «مصحف» تسميه ايدن ذات عالقدر ، «ابوبكر صديق» رضى الله تعالى عنه حضرتلى اولدينى علمائى كرام حضراتى طرفندن مروى در .

اكابر صحابه كرامدن وخلفائى اربعه دن «عثمان بن عفان» رضى الله تعالى عنه حضرتلرينك اطراف عالمه بش عدد مصحف شريف ارسال بيوردينى مشهور در و برروايت دخى «عثمان بن عفان» رضى الله تعالى عنه حضرتلرينك يدى عدد مصحف شريف تهيه ايدرك اشبو مصاحف شريفه نك بر عدد دى مكه مكرمه يه و بر عدد مصحف شريف دخى شام شريف ويمن وبحرين وبصره وكوفه طرفلرينه ارسال و بر عدد مصحف شريفى دخى مدينه منوره ده حفظ بيورمش اولنسدن عبارت در .



### {سور جليله قرآنيه نك جمع وترتيبى }

(سورة فاتحه)	(سورة يونس)	(سورة مريم)
(سورة بقره)	(سورة هود)	(سورة طه)
(سورة آل عمران)	(سورة يوسف)	(سورة انيسا عليهم الصلوة والسلام)
(سورة نسا)	(سورة رعد)	(سورة حج)
(سورة مائده)	(سورة ابراهيم عليه السلام)	(سورة مؤمنون)
(سورة انعام)	(سورة حجر)	(سورة نور)
(سورة اعراف)	(سورة نحل)	(سورة فرقان)
(سورة انفال)	(سورة اسرى)	(سورة شعرا)
(سورة توبه)	(سورة كهف)	(سورة نمل)

## { علم آداب تلاوة القرآن }

علم مذکور، علم تفسیر شریفک جمله فروعند در.  
قرآن کریمک تلاوتی ایچون علمای کرام حضراتی جانبندن آداب کثیره بیان بیورلمشدر.  
آداب مذکوره دن بعضیسی آتیا ذکر و بیان اولنور:

قرآن کریمی کثرتله قرائت و تلاوت ایتمک، قرآن کریمی حفظ و از بردن صکره  
نسیان ایتماک، قرائت ایچون آبدست المق، قرآن کریمی نظیف و طاهر اولان محله  
قرائت و تلاوت ایتمک، قرآن کریمی سمت قبله یه مستقبلاً قرائت ایتمک، اثنای قرائته  
خشوع [۱] و سکینت [۲] و وقار اوزره اولمق، قرآن کریمی قرائشدن اول اغزه مسواک  
طوتمق، قبل القرائه تعوذ ایتمک یعنی «اعوذ بالله من الشیطان الرجیم» کله سنی اوقومق،  
هر سوره جلیله نک اولنده «بسمه شریفه» یی قرائت ایتمک، قرآن کریمک قرائتی تدبیر  
و تفکر و تفهیم ایله جاری اولمق؛ قرآن کریمی تحسین صوت ایله قرائت ایتمک، قرآن  
کریمی بحسب الافضلیه مصحف شریفدن قرائت ایتمک، اثنای قرائته بر کیسه ایله مکمله  
ایچون قطع قرائت ایتماک، حین قرائته ضحک و عبث ایله اشتغال و لهویاته [۳] نظر  
ایتماک، قرآن عظیم الشانک، اثنای قرائته استماع اولنمق، عند القرائه ترک مکمله ایتمک،  
هر «سجده» آیت کریمه سنک تلاوتی متعاقب سجده ایتمک، قرائت ایچون اوقات محموده  
و ایام شریفه اختیار ایدمک قرآن کریمک آداب تلاوتندن در.

کلام قدیمک قرائتی ایچون اوقات و ازمنه نک افضل و اشرفی اولان نماز اثناسنده  
اولان زمان در. ثانیاً زمان لیل، ثالثاً کیجه نک نصف اخیری، رابعاً مغرب ایله عشا بیننده  
اولان زمانلر در.

قرآن کریمک نهاراً تلاوتی ایچون اشرف اولان اوقات، وقت صباح، یوم عرفه،  
یوم جمعه، یوم اثنین، یعنی بازار ایرتسی کونی، یوم خمیس یعنی روز پنجشنبه، شهر رمضان  
شریفک عشر اخیری، شهر ذی الحجه الشریفه نک اولی، علی الاطلاق شهر رمضان شریف در.

[۱] خشوع، خای معجمه نک ضمی ایله تواضع معناسنده در خضوع کبی .

[۲] سکینت، وقار معناسنده در.

[۳] لهو، لامک فتحی ایله لعب یعنی اویون معناسنده در. غافل اولمق و مشغول اولمق معنالنده

دخی استعمال اولنور.

{ علم ما وقع في القرآن  
بغير لغة الحجاز }


علم مذکور، علم تفسیر شریفک جملہ فروغندن اولوب قرآن عظیم الشانده بعض لغاتدن باحث در.

بعض علمای کرام حضراتی جانبندن علم مذکورہ دائر کتاب تألیف اولندینی امام سیوطی حضرت تهرینک «اتقان» اسمی ایله مسمی اولان کتابنده بیان اولنمشدر.



{ علم ما وقع في القرآن  
من غير لغة العرب }

قرآن کریمده واقع اولان بعض لغت لک لک لغت عربیه نک غیری اولدینی ذهابنده بولنا نلرک اقوالی «امام شافعی» و «ابن جریر» و «ابو عیبه» و «القاضی ابو بکر» و «ابن فارس» کبی عظمای امت مرحومه و علمای کرام حضراتی جانبندن قطعاً رد ایله قرآن کریمده لغت عربیه نک غیری اوله رق لغاتک عدم تواردی، آیت کریمه دن استدلالاً بیان و اثبات بیورلمشدر.



{ علم التصريف بالاسم الاعظم }

علم مذکور، بعض علمای کرام حضراتی جانبندن علم تفسیر شریفک جملہ فروغندن عد اولنمش و بو علمک انبیای عظام علیهم الصلوٰۃ والسلام حضراتی ایله اولیای کرامه مخصوص و منحصر اولدینی و نظام علمک تطرّق خلل و فساددن محافظه سی ایچون اسم اعظمک احاد ناسه کشفی اصلا حلال اولماسی حسبیله علم مذکورہ متعلق کتاب تصنیف اولنمدینی ذکر و بیان بیورلمشدر.



## { علم اسماء القرآن و اسماء سورہ }

علم مذکور، قرآن عظیم الشانک و سور شریفہ نک اسماء جلیلہ سندن باحث در . معلوم اولدینی اوزره کثرت اسم، شرف مسماہ دلالت ایدر . بواجلدن قرآن عظیم الشانک اسماء کثیرہ جلیلہ سی اولوب آتیا ذکر و بیان اولنور .

اسماء جلیلہ « کتاب » « قرآن » « فرقان » « ذکر ، تذکرہ ، ذکر ی » « تنزیل » « احسن الحدیث » « موعظہ » « حکم ، حکمت ، حکیم ، حکم » « شفا » « ہدی ، ہادی » « صراط مستقیم » « جبل » « رحمت » « روح » « قصص » « بیان ، تیان ، مبین » « بصائر » « فصل » « نجوم » « مثانی » « نعمت » « برہان » « بشیر ، نذیر » « قیم » « معین » « نور » « حق » « عزیز » « کریم » « عظیم » « مبارک » اسملرندن عبارتدر .

§ — ۱ « کتاب » لفظ شریفی ، قیام و صیام کلہ لری کبی مصدردر . کلہ مذکورہ نک « فعال » وزنندہ مفعول معناسندہ استعمال اولدینی دخی مرویدر ملبوس معناسنہ استعمال اولنان لباس لفظی کبی . علمای کرام حضراتی آیت کریمہدہ واقع اولان « کتاب » لفظ شریفندن استدلالاً « کتاب » لفظ جلیلندن مراد ، قرآن کریم اولدیغہ اتفاق ایلشلدردر . قرآن کریمہ « کتاب » لفظ شریفی ، وجوہ متعددہ اوزره شرفوارد اولمشدر . « کتاب » لفظی ، فرض معناسنہ اولہرق شرفوارد اولدینی مثللو حجت و برہان و اجل معنالرنندہ دخی شرفوارد اولمشدر . کذلک « کتاب » لفظی برشیئ جمع ایتک معناسندہ استعمال اولنور . عسکرہ « کتیبہ » تسمیہ و اطلاق اولنور بونک وجہ مناسبتی عساکرک صورت مجتمعدہ بولنلرندن عبارتدر . کذلک کتابہ « کتاب » تسمیہ اولنمی علوم و مسائلک کتابدہ اجتماع ایتمی مناسبتہ مبنی در .

§ — ۲ « قرآن » لفظ جلیلی ، آیات کریمہدہ متعدداً شرفوارد اولمشدر . ابن عباس رضی عنہ رب الناس حضرتلرینک بیان شریفہ کورہ « قرآن » و « قرائت » معنای واحدن عبارتدر . بعض علمای کرامک بیانہ کورہ « قرآن » کلہ شریفہ سی « قرأت الماء فی الحوض اذا جمعتہ » ترکیبندہ واقع اولان قرأت لفظنک مصدری اولوب « جمع ایتک » معناسنی مفید اولور . « سفیان ابن عینہ » حضرتلرینک قولنہ کورہ قرآن کریمہ « قرآن » تسمیہ اولنمی حروفک اجتماعندن « کلمات » و کلماتک اجتماعندن « آیات جلیلہ » و آیات جلیلہ نک اجتماعندن

قرآن کریمک ابتدای قرائتی ایچون لیلہ جمعہ اختیار اولنور . لیلہ خمیس ، ختم شریف ایچون اختیار اولنور . ختم شریف ، اول نهاده ویاخود اول لیلده اولمق افضل در .

اکابر کرامدن « ابن مبارک » حضرتلندن روایت اولندیغی اوزره وقت شتاده ختم شریفک ابتداسی کیجهنک اولی ووقت صیفده کوندزک اولی اولمق احسندر .  
یوم ختم شریفده صائم اولمق عادات حسنه‌دن در .

ختم شریفده «سوره ضحی» دن قرآن کریمک آخرینه قدر تکبیر اوقومق مستحب [۱] در . عقیب ختم شریفده دعا مسنون در . ختم شریفدن فارغ اولدقدن صکره ختم شریفک عقینده اخر ختم شریفه شروع ایتمک مسنون و مستحب در . عند الحتم «سوره اخلاص» ک تکریر قرا آتی بعض ائمہ کرام حضراتی طرفدن منع اولندیغی مرویدر . لکن ناس انک خلافده حرکت ایدوب شو حرکت دخی خبرده واقع اولدیغی اوزره «سوره اخلاص» شریفک ثلث قرآن کریمه معادل اولمسی جهتیه تکریر قرا آتدن ختم واحد مثوباتی حاصل اولمق غرضنه مبنی در .



### { علم آداب کتابه المصحف }

علم مذکور ، شرع شریفده آداب معتبریه وعند السلف آداب مستحسنیه توفیقاً مصحف شریفک کیفیت کتابتدن باحث در .

علم مذکور ، بعض علمای کرام حضراتی جانبندن علم تفسیر شریفک جمله فروغندن اولمق اوزره ذکر و بیان بیورلمش و بعض علمای کرام حضراتی عندنده دخی علم خطک جمله فروغندن عد و شمار اولنمشدر .



[۱] مستحب ، مقبول و مرغوب اولان شیئه اطلاق اولنور .

§ — ۷ «نزیل» و «انزال» کلمہ لری جهت اعلادن «تحریک الشی» معناسنه استعمال اولنور. کلمتین مذکور تین بیننده اولان فرق، نزیل کلمه سنک تدریجاً نزول معناسنه دلالت ایتسی وانزال کلمه سنک دفعهٔ نزول معناسنه دلالت ایلسی ماده سندن عبارتدر. چونکه «تفعل» بابنک بناسی تکثیر ایچوندر. کثرت نزول دخی علی سبیل التدریج اولقله حاصل اولور. آیت کریمهده شرفوارد اولدینی اوزره «نزیل» کلمه سی قرآن کریمک اسماء جلیله سندن در.

§ — ۸ «حدیث» کلمه سی «تحدیث» دن اسم اولوب اخبار معناسنهدر. آیت کریمهده شرفوارد اولدینی اوزره «حدیث» لفظ جلیلی قرآن عظیم الشانک اسماء شریفه سندن در. § — ۹ «موعظه» قلوب قاسیه یی تلین وعیون جامده یی ابکا وادماع واعمال فاسده یی اصلاح ایتمک معناسنه استعمال اولنوب جمعی «موعاظ» کلور. آیت کریمهده شرفوارد اولدینی اوزره «موعظه» لفظ جلیلی دخی اسماء شریفه کلام اللهندن در.

§ — ۱۰ «حکم» کلمه سی حانک ضمیله امر ومنع ایتمک معناسنهدر. آیت کریمهده شرفوارد اولدینی اوزره قرآن کریمک اسماء جلیله سندن در.

§ — ۱۱ «حکیم» عالم وصاحب الحکمة معناسنهدر. كذلك حکیم، امورده صاحب اتقان اولان ذاته اطلاق اولنور. آیت کریمهده شرفوارد اولدینی اوزره «حکیم» لفظ شریفی قرآن عظیم الشانک اسماء جلیله سندن در.

§ — ۱۲ «حکمة» کلمه سنک معناسنده بین العلما اختلاف اولندی. بعض علما کرام حضراتنک قولنه کوره «حکمت» لفظی «احکام» و «الزام» لفظندن مأخوذدر. دیگر برروایت کوره «حکمت اللجام» دن مأخوذدر. چونکه «لجام» [۱] دابه یی [۲] ضبط ایلدیکی کی حکمت دخی انسانی، سفاهتن زجر ومنع ایدر.

§ — ۱۳ «شفا» شینک کسری ومد ایلله دوا وعلاج معناسنهدر «شفا» لفظ شریفی دخی آیت کریمهده شرفوارد اولدینی اوزره قرآن کریمک اسماء جلیله سندن در. کلام قدیمک

[۱] لجام، لامک کسری ایلله دابه ناک اغزیننه اوریلان نسنهدر فارسیده لکام دینور. لجام «لکام» دن معربدر لجامک جمعی لجم کلور.  
[۲] دابه، بانک تشدید ایلله یریوزنده ماشی ومتحرک اولان حیوانه وبنک حیوانه دینور. جمعی دواب کلور.



«سور شریفه» و سور شریفه نك اجتماعندن «قرآن کریم» اولق مناسبتلرندن عبارتدر. قرآن کریم، علوم اولین و آخرین جامعدر. الحاصل «قرآن» لفظ جلیلی یا تلاوتدن و یا خود جمعیتدن مشتق و مأخوذدر.

§ — ۳ «فرقان» کلمه شریفه سی آیت کریمه ده شرفوارد اولدینی اوزره اسماء جلیله قرآنیهدن در. علمای کرام حضراتی اشبو کلمه جلیله نك تفسیرنده اختلاف ایلدی. قرآن کریمک یکرمی بوقدر سینه ظرفنده متفرقا شرف نازل اولسی حسیله «فرقان» لفظ جلیلی ایله تسمیه اولدینی روایت اولنه رق آیت کریمه دن ادله ایراد اولنمشدر. دیگر بر روایت دخی قرآن کریمک حق ایله باطل و حلال ایله حرام و مجمل ایله مبین و محکم ایله مأول بینلرینی تفریق ایلسی حسیله «فرقان» تسمیه سنده وجه مناسبت اولدینی بیانندن عبارتدر. کذلک بر روایت دخی «فرقان» نجات معناسنه اولوب خلقلک ظلمت ضلالتدن قرآن کریم ایله نجات بولسی حسیله «فرقان» تسمیه اولنمشنده وجه مناسبت اولدینی بیانندن عبارتدر.

§ — ۴ «ذکر» ذالک کسری ایله ایکی معناده استعمال اولنور. برنجیسی، بر شیئی تلفظ ایتک معناسنه در. ایکنجیسی بر شیئک ذهندن غائب اولسی ممکن اولماق حیثیتی ایله اوشیئی ذهنده احضار ایتک معناسنه در که نسیانک ضد و مقابلی در. ذکر، ذالک ضمیله انحق معنای ثانیده استعمال اولنور. ذکر کلمه سی «علی» کلمه سی ایله استعمال اولدینی وقت ذکر لسانی مراد اولنور، قلب ایله ذکر مراد اولنور ایسه «علی» کلمه سینه مقارن دکلدر. آیات کریمه ده شرفوارد اولدینی اوزره «ذکر» لفظ جلیلی قرآن عظیم الشانک اسماء شریفه سندن در.

§ — ۵ «تذکره» تجربه وزننده مقصود اولان شیئی تذکر ایتکه وسیله اولان شیئه اطلاق اولنور. کلمه مذکوره فی الاصل «تکمله» لفظی کبی مصدر اولوب بعده اسم اولمشدر. واسطه مخبره اولان ورقیه «تذکره» اطلاق اولنمی اسم اولسنه مبنی در. خدای متعال حضرتلری، قرآن کریمه اهل اتقا ایچون «تذکره» اولق اوزره بیان بیورمش اولق حسیله کلمه مذکوره اسماء شریفه کلام الله ن اولمشدر.

§ — ۶ «ذکری» ذالک کسر وقصر ایله «تذکیر» دن اسم اولوب یاد ایتک معناسنه در؛ قرآن کریمه «ذکری» کلمه شریفه سی شرفوارد اولغله اسماء شریفه کلام الله ن اولمشدر.

§ — ۱۹ « بیان » و « تبیین » و « مبین » کله لری آیات کریمه ده شرفوارد اولدینی اوزره اسماء جلیله کلام اللهند در. « بیان » کله سی مافی الضمیری اظهار ایدن نطق فصیح معناسه در. « تبیین » کله سی آشکار اولق و « تبیین » آشکار ایلک و « مبین » کله سی میمک ضمی و بانک کسری ایله ظاهر و آشکار اولق معنارینه در.

§ — ۲۰ « قصص » قصه نك جمعی در. قصه، خبر و حدیث معناسه در. آیات کریمه ده شرفوارد اولدینی اوزره « قصص » لفظ جلیلی دخی اسماء شریفه کلام اللهند در. قرآن عظیم الشانک قصص متقدّمینی دخی حاوی اولسی « قصص » کله شریفه سنک اسماء قرآن کریمدن اولسنه وجه مناسبت اولق اوزره علمای کرام حضراتی جانبندن ذکر و بیان بیورلمشدر.

§ — ۲۱ « بصائر » بصیرت لفظنك جمعی اولوب ادراک ایتمک معناسه اولدینی کبی حقّی اراهه ایدن ادله معناسه دخی مستعملدر. آیت کریمه ده شرفوارد اولدینی اوزره کله مذکوره اسماء شریفه کلام اللهند در.

§ — ۲۲ « فصل » لفظ شریفی آیت کریمه ده شرفوارد اولدینی اوزره قرآن عظیم الشانک اسماء شریفه سنندن در. جناب حقک، قرآن کریم ایله ناس بیننده حق ایله قضا بیورمسی حسیله « فصل » کله سی قضا معناسنده اولق اوزره روایت اولندینی کبی قرآن عظیم الشانک یوم قیامتده ناس بیننی فصل و تفریق ایتمسی حسیله کله مذکوره نك تفریق معناسنده اولدینی دخی مرویدر.

§ — ۲۳ « نجوم » نجم کله سنک جمعی در. نجم، لغةً یلیدیز، وقت، اصل، معنارنده استعمال اولنور. آیات کریمه ده شرفوارد اولدینی اوزره « نجوم » کله سی دخی اسماء جلیله قرآنیهدن در.

§ — ۲۴ « مثنی » مثنی کله سنک جمعی در. مثنی، میمک ونونک فتحه حرکه لری ایله ایکیشرایکیشریعی چفت چفت اولان نسنه معناسه در. آیات کریمه ده شرفوارد اولدینی اوزره قرآن کریمه مثنی اطلاق اولنمشدر. قرآن عظیم الشانده قصص و اخبارک مثنی صورتده شرفوارد اولسی تسمیه یه وجه مناسبت اولق اوزره علمای کرام جانبندن ذکر و بیان بیورلمشدر.

§ — ۲۵ « نعمت » اول برشیئه اطلاق اولنورکه او شی ایله غرضسنر و عوضسنر

درون قلبه اولان مرض شك و اشتباهه شفا ودوا اولسی قرآن کریمه شفا تسمیه اولنسه وجه مناسبت اولق اوزره علمای کرام حضراتی جانبندن بیان بیورلمشدر.

§ — ۱۴ «هدی» هانك ضمی ودالك فتحی ایله دلالت معناسنه مستعملدر. بوكله نك ضد و خلافی ضلالت در. آیت کریمه ده شرفوارد اولدینی اوزره «هدی» کله سی قرآن کریمك اسماء جلیله سندن در.

§ — ۱۵ «هادی» کله سی طریق مستقیه ایصال ایدیچی دیمکدر. مرشده اطلاق اولنور. آیت کریمه ده شرفوارد اولدینی اوزره کله مذکوره قرآن کریمك اسماء جلیله سندن در.

§ — ۱۶ «صراط» کله سی صاد حرفنك کسری ایله طریق واسع معناسنه در. سین وزا حرفلری ایله «صراط» و «زراط» دخی لغت در. آیت کریمه ده شرفوارد اولدینی اوزره کله جلیله مذکوره قرآن کریمك اسماء جلیله سندن در.

§ — ۱۷ «جبل» کله سی حانك فتحی ایله رسن یعنی اورغان معناسنه اولوب عهد و امان معنالرنده دخی استعمال اولنور. جمعی حبال واحبل کلور و بیون طمر لرینه جبل الوریدینور. آیت کریمه ده شرفوارد اولدینی اوزره اسماء شریفه کلام الله دن در. جبل محسوسه متمسك اولان کیسه بخره غرق اولمقدن وسائر مهالکدن نجات وسلامت بولدینی کبی قرآن کریمه معتصم و متمسك اولان کیسه نك دخی عقوبات دنیویه و اخروییه دن سالم اولدینی علمای کرام حضراتی طرفندن تسمیه وجه مناسبت اولق اوزره بیان بیورلمشدر. رسول اکرم صلی الله تعالی علیه وسلم حضرتلری قرآن کریمه «عصمت» تسمیه بیورمشدر. عصمت، منع و حفظ ایتمك معنالرینه اولوب قرآن عظیم الشانك خلقی معاصیدن واقی وعاصم اولسی «عصمت» تسمیه اولنسه وجه مناسبت اولق اوزره علمای کرام حضراتی جانبندن بیان بیورلمشدر.

§ — ۱۸ «رحمت» و «روح» لفظلری دخی اسماء شریفه قرآن کریمدن در.

قرآن کریم، خلقی جهالات و ضلالتدن تخلصه سبب اولدینی جهتله طرف باریدن رحمت و نعمت اولدینی کبی حیات ارواحه سبب اولق حسیهله «روح» تسمیه سنده وجه مناسبت اولدینی دخی علمای کرام حضراتی جانبندن ذکر و بیان بیورلمشدر. قرآن عظیم الشانه «روح» تسمیه اولدینی کبی جبریل علیه السلام ایله حضرت عیسی علیه الصلوٰه و السلامه دخی «روح» تسمیه بیورلمشدر.

عظیم الشانك اسماء شریفه سندن در. قرآن عظیم الشانك اعداسنی قهر والزام ومعارضینی معارضه دن منع ایلسی تسمیه نك وجه مناسبتی اولمق اوزره علمای کرام حضراتی جانبندن ذکر و بیان بیورمشدر.

§ — ۳۳ «کریم» لفظی اول بر ذاته اطلاق اولنورکه اودات، منفعتی بلا عوض اخر کیسه یه ایصال وایثار ایدر. کرم، لائق اولان شیئی غرضسز اوله رق احسان ایتمک معناسنه در. بر کیسه جلب منفعت ایتمک ومذمتدن خلاص اولمق قصد وغرضی ایله مالی اخر کیسه یه هبه واحسان ایلسه او کیسه «کریم» اطلاقه شایسته اوله مز. جناب حق، ذات اقدسنی، قرآن کریمی، موسی علیه السلامی، ثواب اجمالی، عرش اعظمی، جبریل علیه السلامی، کتاب سلیمان علیه السلامی «کریم» لفظ شریفی ایله تسمیه بیورمشدر.

§ — ۳۴ «عظیم» لفظ شریفی اسماء جلیله قرآنیهدن اولوب آیات کریمه ده شرفوارد اولدینی اوزره جناب حق، ذات پاکنی وعرشی وقرآن کریمی ویوم قیامت و زلزله ساعتی وخلق رسول محترم علیه الصلوة والسلامی وعلی وکید [۱] نسایی و سحره فرعونک سحرینی واجر وثوابی وعقاب منافقینی «عظیم» لفظی ایله تسمیه بیورمشدر.

§ — ۳۵ «مبارک» لفظ شریفی دخی اسماء جلیله قرآن کریمدن اولوب جناب خالق تعالی حضرتلری محل خطاب موسی علیه السلامی وشجره زیتونی وعیسی علیه الصلوة والسلامی ومطری ولیله قدری «مبارک» کله سی ایله تسمیه بیورمشدر.



### { علم معرفة العلوم المستنبطة من القرآن }

علم مذکور، قرآن عظیم الشانندن مستنبط اولان علومندن باحث اولوب علم تفسیر شریفک جمله فروغندن در.

علمای کرام حضراتی طرفندن بیان بیورلدینی اوزره قرآن عظیم البرهان، خبر اولین و آخرین شامل اولدینی جهته اصل العلوم اولوب «ابن مسعود» رضی الله تعالی عنه حضرتلری علم مراد ایدن کیسه ایچون قرآن عظیم الشانک کافی اولدینی بیان بیورمشدر.

«بیت»

جميع العلم في القرآن لكن  
تقاصر عنه افهام الرجال

[۱] کید، مکر وحیه وخیانت ایتمک معناسنه در.

احسان قصد اولنور. آیات کریمهده شرفوارد اولدینی اوزره قرآن کریمه «نعمت» تسمیه اولمشدر.

§ — ۲۶ «برهان» کلهسی حجت و دلیل معناسنهدر. جمعی براهین کلور. آیات کریمهده شرفوارد اولدینی اوزره کله مذکوره قرآن کریمک اسماء جلیلهسندندر. قرآن کریم برهان قاطع اولوب فصحای عرب، مثلی اتیان و ایراد ایتکده عاجز اولمشدر.

§ — ۲۷ «بشیر» کلهسی تبشیر ایدیچی و «نذیر» تخویف ایدیچی دیمکدر. آیات کریمهده شرفوارد اولدینی اوزره قرآن کریمه «بشیر» و «نذیر» تسمیه بیورلمشدر. قرآن کریم، اهل ایمان و اطاعتی جنت ایله مبشر و اهل عصیان و ضلالتی نار و عذاب ایله منذر اولمسیله تسمیهنک وجه مناسبتی ظاهر و آشکاردر. جناب حق، رسل عظامی دخی مبشرین و منذرین صفتلری ایله وصف بیورمشدر.

§ — ۲۸ «قیم» کلهسی لغة قافک فحی و یانک تشدید ایله امورک رؤیت و تسویهسنه قائم کیسه دیمکدر و قفک متولسی کبی. آیات کریمهده شرفوارد اولدینی اوزره «قیم» لفظ جلیلی قرآن عظیم الشانک اسماء شریفهسندندر. قرآن کریمک بیان و افادهده بذاته قائم اولسی تسمیهیه وجه مناسبت اولق اوزره علمای کرام جانبندن ذکر و بیان بیورلمشدر.

§ — ۲۹ «مبین» امین لفظندن مأخوذدر. قرآن کریم «مبین» کله شریفهسی ایله توصیف بیورلمشدر. قرآن عظیم الشانه تمسک ایدنلرک ضرر دنیا و عقبادن امین اولملری وصف مذکوره وجه مناسبت اولق اوزره علمای کرام حضرائی جانبندن بیان بیورلمشدر.

§ — ۳۰ «نور» لفظی نونک ضمی ایله ضیا کبی آیدینلق معناسنهدر. ضیا، نوردن اقوی و اتمدر. جناب حقل قول کریمنده ضیا لفظنی شمس و نور لفظی دخی قره اضافه بیورلمشدر. «نور» ک جمعی افعال وزننده «انوار» کلور. نور لفظی اسماء شریفه قرآنیهدن اولدینی کبی رسول محترم صلی الله تعالی علیه وسلم حضرتلرینه و دین اسلامه و تورات شریفه و انجیل شریفه و ایمانه دخی «نور» تسمیه اولدینی آیات کریمهده شرفوارد اولمشدر.

§ — ۳۱ «حق» کلهسی باطلک ضدی اولوب باطلی ازاله ایدر. «حق» قرآن کریمک اسماء شریفهسندن اولدینی کبی جناب حقل دخی اسماء حسناسندندر.

§ — ۳۲ «عزیز» کلهسی ایکی معنایه استعمال اولنور. بریسی قاهر و دیگری بهمتا و بی مثل معناسنهدر. آیات کریمهده شرفوارد اولدینی اوزره «عزیز» لفظ جلیلی قرآن

و «حشر» و «حساب» و «عقاب» و «جنت» و «نار» مباحثی استنباط ایلمشردرکه بو مثللو ذوات کرامه «خطبا» و «وعاظ» تسمیه اولنور.

علمای کرام حضراتندن بر جماعت دخی قصه یوسف علیه السلامی ناطق اولان آیات شریفه دن علم تعبیر رؤیایی استنباط واستخراج بیورمشلردر.

علمای کرام حضراتندن بر جماعت دخی آیت شریفه «مواریث» دن علم فرائض ایله حساب فرائضی واحکام وصایایی استخراج واستنباط ایلدیلر.

علمای کرام حضراتندن بر جماعت دخی آیات شریفه دن علم مواقیتی استنباط واستخراج بیوردیلر.

علمای کرام حضراتندن بر جماعت دخی آیات جلیله قرآنیه دن علم معانی و علم بیان ایله علم بدیعی استخراج بیورمشلردر.

ارباب اشارات واصحاب حقیقت دخی الفاظ شریفه قرآنیه دن معانی دقیقه کسب اطلاع ایدرک ترتیب اصطلاحات ایلدیلر. اصطلاحات مرتبه «فنا» و «بقا» و «حضور» و «خوف» و «هیبت» و «انس» و «وحشت» و «قبض» و «بسط» وامثالی اصطلاحاتدن عبارتدر.

کذلک قرآن عظیم الشان، طب و جدل و مناظره و هیئت و هندسه و جبر و مقابله کبی علوم اوایی دخی حاوی اولدینندن علوم مذکوره دخی آیات شریفه دن استنباط واستخراج اولنمشدر.

اکابر کرامدن القاضی «ابوبکر بن العربی» حضرتلری «قانون التأویل» اسمی ایله مسی اولان کتابنده قرآن کریمک (۷۷۴۵۰) قدر علمی حاوی اولدینغی ذکر و بیان بیورمشدر.

علوم قرآنیه نک اشرف واعظمی. علم امثال اولدینغی و قرآن عظیم الشانده شرفواقع اولان ضروب وامثالدن امور کثیره استنباط اولدینغی علمای کرام حضراتی جانبندن بیان بیورلشددر.

الحاصل علمای کرام و فضلالی ذوی الاحترام حضراتی جانبندن بیان بیورلدینغی اوزره قرآن عظیم الشان کافه علمی جامعدر. قرآن عظیم الشانک اسرار و عجائبنده عقول

اشبو بیت برجسته نك مأل ومدلولی احسن واصدق وحقیقت حاله اوفق در .

علمای کرام حضراتی قرآن عظیم الشانك شامل اولدینی علمی تنويع بیورمشلردر .  
بعض علمای کرام حضراتی جانبندن قرآن عظیم الشانك ضبط لغاتنه و تحریر کلماتنه  
وبیان مخارج حروفه و آیات شریفه سنك ذکر و تعدادینه و قرآن کریمه متعلق اقتضا ایدن  
سائر معلوماتك تذکار و تبیاننه اعتنا بیورمشلدرکه بو مثللو ذواته «قرآ» تسمیه اولنور .

بعض علمای کرام حضراتی طرفندن دخی قرآن عظیم الشانده اولان اسماء و افعال  
و حروف شریفه نك اعراب و بنالرینه و کلمات جلیله نك رسم خط و کتابتنه و الحاصل قرآن  
کریمك الفاظ و کلماته متعلق کافه احوالك بیاننه بذل همت و عنایت بیورمشلدر .

بعض علمای کرام حضراتی جانبندن دخی قرآن عظیم الشانك قواعد مرعیه  
و اصول شرعیه موافق صورتده تفسیرینه اعتنا بیورمشلدر .

بر صنف علمای کرام حضراتی دخی ادله عقلیه و شواهد اصلیه و نظریه یی تضمن ایدن  
آیات جلیله اعتنا ایدرك او مثللو آیات شریفه دن جناب حقك و حمدانیتنه، وجودینه، بقاسنه،  
قدم و قدرتنه، علمه، ذات و صفاتك نقائصدن تنزیه و تقدیسنه متعلق دلائل استنباط بیوردیلرکه  
بو مثللو ذوات معالی صفات حضراتی « اصولیون » در یعنی اصول دینك علمای کرامی در .

کذلک بر صنف علمای کرام دخی قرآن عظیم الشانك عموم و خصوص مفید اولان  
خطابنه و حقیقت و مجاز و صریح و کنایه کبی لغاتنه اعتنا ایله تخصیص، اخبار، نص، ظاهر،  
محمل، محکم، متشابه، امر، نهی، نسخ کبی اقسامنده و بونلرك امثالی انواع اقیسه ده بحث  
و تکلم بیورمشلدرکه بو مثللو ذوات کرام، علمای اصول فقه در .

بر صنف علمای کرام حضراتی دخی حلال و حرام ایله سائر احکام شرعیه یی ناطق  
اولان آیات شریفه ده اعمال فکر و نظر ایله اصول احکامی تأسیس و فروعنی تفریع ایلدیلرکه  
بو علمه علم فقه تسمیه اولنور .


بر صنف علمای کرام حضراتی دخی قرآن عظیم الشانندن قرون سالفه و ائم ماضیه نك  
قصص و اخبارینی ناطق اولان آیات کریمه ده اعمال فکر و نظر ایدرك نقل قصص و اخباره  
و تدوین و قایع و اثاره اعتنا بیورمشلر و بو علمه علم تاریخ و علم قصص تسمیه ایلشلردر .

بر صنف علمای کرام حضراتی دخی حکم و امثال و مواعظی ناطق اولان آیات  
کریمیه امعان نظرله «وعد» و «وعید» و «تخذیر» و «تبشیر» و «ذکر الموت» و «معاد» و «نشر»

افعالك ادات تشبيه اولدينى بيان اولمقده ايسهده اصح اولان قول؛ افعالك حروف تشبيهدن اوليوب امارات تشبيهدن اولسندن عبارتدر.

(تشبيه) انواع بلاغتك اشرفي اولوب (امام مبرد) حضرتلرينك (كامل) اسمي ايله مسى اولان كتابنده ذكر و بيان بيوردينى اوزره كلام عربينك اكثريسي تشبيهدن عبارتدر.

اقسام تشبيهات واستعارات (علم بيان) ده مذکور و محرردير. قرآن عظيم الشانك تشبيهاتی بياننده (ابو القاسم الهنداد البغدادی) حضرتلری (چان) اسمي ايله مسى اولان كتابي تأليف بيورمشدر. رحمه الله



### { علم وجوه مخاطبات القرآن }

علم مذکور، علم تفسیر شریفك جمله فروغندن اولوب اكابر علمای كرامدن «ابن الجوزي» عليه رحمة الباري حضرتلرينك ذكر و بيان كوره قرآن عظيم الشانده اون بش وجه اوزره خطاب شریف شرفواقع اولمشدر و بر روايته كوره وجوه خطاب اوتوزدن اكثردر.

وجوه مذكوره علوم قرآن كريمدن باحت اولان بعض كتابلرده و تفاسير شریفهده ذكر و بيان بيورلمشدر.



### { علم ما وقع في القرآن من الاسماء الكنى والالقب }

علم مذکور، قرآن عظيم الشانده شرفواقع اولان انبيای عظام و ملائكة كرام عليهم الصلوة والسلام حضراتنك اسماء شریفهسندن و سائر اسماءدن باحت اولوب تفصيلاتی كتب تفاسير شریفهده و علوم قرآنندن باحت اولان كتابلرده ذكر و بيان بيورلمشدر.



### { علم معرفة الحصر والاختصاص }

(في القرآن)

علم مذکور، علم تفسیر شریفك جمله فروغندن اولوب قرآن كريمده حصر و قصری مفید اولان كلام شریفدن و حصر و قصرك انواع و اقسامندن باحتدر.



واذهان انسان، عاجز وقاصر وسرأر قرآنیہ وعجائب فرقانیہ انحق جناب علام الغیوب  
حضرت لرینہ معلومدر .



### { علم حقیقه القرآن و مجازہ }

علم مذکور، علم تفسیر شریفک جمله فروغندن اولوب الفاظ جلیله قرآنیہنک  
حقیقت و مجازندن باحثدر .

الفاظ شریفه فرقانیہنک حقیقت و مجازنده جمهور علما عندنده خلاف یوقدر .

علمای شافعیہدن «ابن الغاص» و بعض علمای مالکیه، قرآن عظیم الشانده مجازک عدم  
وقوعنه ذاهب اولشدر ایسهده مجازک حقیقتدن ابلاغ اولسی حسیله ذهاب مذکورک  
واهی اولدینی علمای کرام حضراتی جانبندن بیان بیورلشدر .

اکابر علمای کرامدن «عز الدین بن عبدالسلام» حضرتلری، الفاظ جلیله قرآنیہنک  
حقیقت و مجازینه دائر کتاب تألیف بیورمش و علمای کرامدن «جلال الدین سیوطی»  
حضرتلری دخی کتاب مذکور «مجاز الفرسان الی مجاز القرآن» اسمی ایله مسی اولان  
کتابنده تلخیص ایلشدر .



### { علم تشبیه القرآن واستعاراته }

علم مذکور قرآن عظیم الشانک تشبیهات و استعاراتندن باحثدر .

بعض علمای کرام حضراتی علم مذکور علم تفسیر شریفک جمله فروغندن اولوق  
اوزره ذکر و بیان بیورمشدر .

تشبیه، لغتده بر شیک دیکر شیئه معناده مشارکت ایتمسنه دلاتندن عبارتدر .  
شیء اوله (مشبه)، ایکنجیسنه (مشبه به)، معنای مشترکه (وجه شبه) تعبیر اولنور . علمای بیان  
اصطلاحنده (تشبیه)، بر شیک ذاتنده اولان اوصافدن وصف واحدهد ایکی شیک اشتراکنه  
دلاتندن عبارتدر .

ادات تشبیه، (کاف) (کأن) (مثل) (شبه) و بونلرک امثالی حروف واسامیدن

عبارتدر .

# محت

(۲۳)

## علم حدیث شریف

(حدیث) لفظی، لغتہ (قدیم) لفظنک نقیض اولدینی کبی (حدوث) و (حدائت) لفظلری دخی (قدم) لفظنک نقیض و مقابلی در .

(حدنان)، و (حدائت)، بر شئیك اولی معناسنده استعمال اولنور. «حدائة السن» زمان شبا بتدن و اوائل عمردن کنایه در . بعض روایتہ کوره «حدنان» لفظی «حدث» لفظنک تنبیہ سی اولوب «حدنان» لفظندن جدیدان و ملوان لفظلری کبی لیل و نهار مراد اولنور.

«حدیث» لفظی، تحدیث لفظندن اسم اولوب خبر معناسنده دخی استعمال اولنور. رسول اعظم صلی الله تعالی علیه وسلم حضرتلرینه نسبت اولنان قول و فعل و تقریر «حدیث» لفظی ایله تسمیه اولنور.

(حدیث) لفظنک جمعی شاذ اوله رق «احادیث» در.

«علامة زخشری» نك «تفسیر کشاف» اسمی ایله مسمی اولان کتاب تفسیرنده «احادیث» لفظی اسم جمع اولق اوزره ذکر اولنمش و «بحر» اسمی ایله مسمی اولان کتابده «احادیث» لفظی اسم جمع اولیوب «باطیل» لفظی کبی علی خلاف القیاس «حدیث» لفظنک جمع مکثری اولدینی و کلمات عربیه ده «افاعیل» و زنی اوزره اسم جمع توارد ایتمدیکی ذکر و بیان بیورلمشدر .

اهل حدیث اصطلاخنده «خبر» لفظی «حدیث» لفظنک مراد فیدر . بر روایتہ کوره «حدیث» لفظ شریقی «ما جاء عن النبی صلی الله تعالی علیه وسلم» تعریفی ایله و «خبر» لفظی دخی «ما جاء عن غیره» تعریفی ایله معرفددر . «ما جاء عن النبی» کلامنک معناسی رسول اکرم صلی الله تعالی علیه وسلم حضرتلرندن نقل و روایت اولنان اقوال و افعال

(حصر)، بر شیئی طریق مخصوص ایله آخر شیئه تخصیص ایلک معناسنه اولوب قصر  
دخی دینور.

(حصر)، اقسام ثلاثیه منقسم در. قسم اول (حصر عقلی)، قسم ثانی (حصر استقرائی)،  
قسم ثالث (حصر جعلی) در.

(حصر عقلی)، عددک زوجیت و فردیته حصری کی در.

(حصر استقرائی)، کله نك اقسام ثلاثیه یعنی اسم، فعله، حرفه حصری کی در.

(حصر جعلی)، رساله نك بر مقدمه ایله مقالات ثلاثیه و برخاتمیه حصری کی در.

قرآن عظیم الشانده حصر و تخصیصی مفید اولان حروف و کلمات و ترکیات،  
کتب تفاسیر شریفه ده مواضع مخصوصه سنده ذکر و بیان اولمشدر.

جناب منزل القرآن تعالی شانه عن النقصان حضرتلری قرآن عظیم الشانی  
جميع عوارضدن حافظ و وافی اولمسيله صحابه کزین و تابعین سعادت قرین و ائمه دین  
رضوان الله تعالی علیهم اجمعین حضراتی ایله اعظم علما و فضلا دن اولان عباد مسلمین بونجه  
فترات و تقلبات عصریه ایچنده قرآن عظیم الشانک ضبط و حفظنه و تفسیر و توضیحه  
و حل اشکالنه و تسهیل مبادی و معاینه و جميع عوارض تحریفدن محافظه سنه محضا توفیقات  
ربانیه ایله موفق اولمشدر.

قرآن عظیم البرهانک اوصاف جلیله سنی کاینغی عرض و بیانده السنه و اقلام عاجز  
و قاصر اولمسيله شمس عالم آرایه نسبتله ذره قیلندن اولق اوزره کمال عجز و مسکنت ایله  
بومجده علم تفسیر شریفه متعلق ایراد اولنان معلومات جزیه ایله اکتفا اولندی.



(موضوع)، علم مذکورک موضوعی، الفاظک معنای مفهومه و یا خود معنای مراده دلالتی حیثیتی ایله احادیث نبویّه در.

(غایت)، علم مذکورک غایتی، آداب نبویّه ایله تحلی [۱] و مکروهات و منهیاتدن تحلی [۲] ایتمکدر.

(منفعت)، علم مذکورک منفعتی اعظم منافعدن در.

(مبادی)، علم مذکورک مبادیسی، علوم عربیه ایله رسول اعظم صلی الله تعالی علیه وسلم حضرتلرینه متعلق قصص و اخباردن و امثالی عملردن عبارتدر.

(حدیث)، لفظ اعمّ اولوب قول و فعل و تقریر و شامل اولق حسیله «فوائد خاقانیه» کتابنده علم حدیث شریفه دائر اولان تعریفک احسن تعریف اولدینی بعض علمای کرام حضراتی طرفندن ذکر و بیان بیورلمشدر.

محدثین کرام حضراتندن «ابن اثیر» دیمکله مشهور اولان «ابو السعادات المبارك ابن محمد الجزری» حضرتلری طرفندن «جامع الاصول» اسمی ایله مسعی اولان کتابنده ذکر و بیان بیورلدینی اوزره علوم شرعیّه، (فرض) و (نفل) [۳] قسملرینه منقسمدر.

(فرض) دخی ایکی قسمه منقسم اولوب بریسی «فرض عین» و دیگرى «فرض کفایه» در. علم احادیث شریفه نبویّه ایله علم آثار صحابه کرام، فروض کفایاتک اصولندن و احکامک ادله ثانیه سندن در.

احادیث شریفه ایچون «اصول» و «احکام» و «قواعد» و «اصطلاحات» اولوب بونلر علمای کرام و محدثین ذوی الاحترام و فقهای عظام حضراتی طرفلرندن ذکر و بیان و شرح و تبیان بیورلمشدرکه علم حدیث شریفه کسب و قوف و معلومات ایتمک طلبنده

[۱] تحلی، تزیین ایتمک یعنی دوناهق معناسنده در. تحلی، ظاهرده استعمال اولنوب «تخلیه ظاهر» دینورکه ظاهرآ آداب شریعت ایله تزیین ایتمکدن عبارتدر.

[۲] تحلی، خالی قلیقی معناسنده در. تحلی، باطنده استعمال اولنوب «تخلیه باطن» دینورکه درون قلبی فنا شیردن تخلیه ایدوب نور ذکر و فکر ایله تزیین و تنویر ایتمکدن عبارتدر.

[۳] نفل، زیاده اولان شیدن عبارتدر. غنیمیه «نفل» اطلاق اولنور. «غنیمه» غازیلرک حربا الدقلری مالدر. جمعی «غنایم» در. عبادت جهتندن نفل، مفروضه مقدره اوزرنه زائد اولان عبادتدر نافله الصلوة کبی، نفل کله سنک جمعی، «انفال» و «نفول» در. نافله لفظتک جمعی، «نوافل» در نافله، ولد الولد معناسنده دخی استعمال اولنور.

واحوال شریفه دن عبارتدر. «ما جاء عن غيره» کلامنک معناسی سائر ذوات کرام حضراتندن منقول و مروی اولان اقوال و افعالدن عبارت اولور. بواجلدن تواریخ و امثالی امور ایله مشغول اولان کیسهیه «اخباری» و سنت نبویه ایله مشغول اولان کیسهیه «محدث» دینلشدر.

بر روایتیه کوره دخی «حدیث» لفظی ایله «خبر» لفظی بیننده عموم و خصوص مطلق اولوب شو حالده «حدیث» ک کلیسی خبر اولوب «خبرک» کلیسی حدیث اولمز. بوضورتده «حدیث» لفظ شریفی، عمومیت معناسنی و «خبر» لفظی دخی خصوصیت معناسنی مفید اولور.

«اثر» لفظی، صحابه کرام رضی الله تعالی عنهم حضراتندن روایت اولنان اقوال شریفه و احوال حسنهیه اطلاق اولنور. «اثر» لفظنک رسول محترم صلی الله تعالی علیه و سلم حضرتلرینک کلام شریفهده اطلاقی جائز اولدینی مروی و منقولدر.

علم حدیث شریف، «فوائد خاقانیه» اسمی ایله مسمی اولان کتابده تعریف اولدینی اوزره رسول محترم صلی الله تعالی علیه و سلم حضرتلرینک اقوال جلیله و افعال شریفه و احوال حسنهسندن باحثدر. علم مذکورک موضوعی، افعال و اقوال و احوال شریفه نبویهدر. غایتی، دارینده [۱] نائل سعادت اولمقدرد.

«مفتاح السعاده» اسمی ایله مسمی اولان کتابده تعریف اولدینی اوزره علم حدیث شریف، «علم رواية الحديث» و «علم درایة الحديث» ناملری ایله ایکی قسمه منقسمدر.

(علم رواية الحديث) احادیث شریفه راویلرینک ضبطاً و عدالةً احوالی و احادیث شریفه سنندینک اتصال و انقطاع کیفیتی حیثیتی ایله احادیث شریفه نک رسول محترم صلی الله تعالی علیه و سلم حضرتلرینه کیفیت اتصالندن باحثدر. قسم مذکور، «علم اصول حدیث» عنوانی ایله شهرتشعار اولمشدر.

(علم درایة الحديث) قواعد عربیه و ضوابط شرعیهیه مبتنی و رسول اکرم صلی الله تعالی علیه و سلم حضرتلرینک احوال شریفهسنه مطابق اولدینی حالده الفاظ حدیث شریفندن مفهوم و مراد اولان معنادن باحثدر.

[۱] «دارین» لفظی «دار» لفظنک تنهیهسیدر. «دار» خانه دیمکدر. «دارین» ایکی خانه دیمکدر. «دارین» لفظندن دنیا و آخرت مراد اولنور.

(حدیث منقطع) صحابیدن غیری اوله رق روآندن بر راوی ساقط اولان حدیث شریف در یعنی «مالك» ك «زهري» دن و «زهري» نك «ابن عباس» دن و «ابن عباس» رضی الله تعالى عنهما حضرتلر نك رسول اكرم صلى الله تعالى عليه وسلم حضرتلر نك روایت ایلدیكى حدیث شریف كی در. اشبو حدیث شریف؛ رسول اعظم عليه الصلوة والسلام حضرتلرینه اسناد اولندیفی جهتله «مسند» اولور و «زهري» نك «ابن عباس» رضی الله تعالى عنهما حضرتلر نك استماع ایتماش اولسی حسیده «منقطع» در.

(حدیث موصول) دخی «حدیث متصل» ك تعریفی ايله معرف در.

(حدیث متواتر)، بر جماعتك رسول اكرم صلى الله تعالى عليه وسلم حضرتلر نك و او جماعتدن دخی جماعت اخرانك استماع ایلدیكى حدیث شریف اولوب متمسك اولان كیمسهده انتها ایدنجیه قدر بو وجهله تواتر روایت اولنمش دركه ناقلا لك نقل اولنان روایتدم كذب اوزرینه تواطؤ و اتفاقلری تصور اولنمز. بو خبرك حكم شریفی، قطعاً علم و عملی ایجاب ایدر. حتی جاحدینه [۱] كفر نسبت اولنور. دیگر بر تعریفه كوره «خبر متواتر» شروطی ايله علم یقینی مفید اولور. یقین، «اعتقاد جازم مطابق» دیمكدر. اشبو خبر، معتمددر. چونكه «حدیث متواتر» علم ضروری مفید اولور. علم ضروری، دفع و ردنده انسان ایچون امكان اولماق حیثیتی ايله انسانك مضطراً قبول و تصدیق ایلدیكى علمدن عبارتدر.

(حدیث مشهور)، عصر اولده احاددن مروی اولان وعصر ثانیده اشتهار ایدن حدیث شریف در. یعنی حدیث مشهور، بر کیمسه نك رسول اكرم صلى الله تعالى عليه وسلم حضرتلر نك و او کیمسه دن دخی بر جماعتك و او جماعتدن دخی دیگر جماعتك استماع ایلدیكى حدیث شریف اولوب متمسك اولان کیمسهده انتها ایدنجیه قدر بو وجهله نقل و روایت اولنمشدركه او جماعتك كذب اوزرینه تواطؤ و اتفاق تصور اولنمز. و او مثلاً حدیث شریف، علمای كرام حضراتی جانبندن تلقی بالقبول بیورلشدر. حدیث مشهور، حق عملده «خبر متواتر» منزله سندهدر. «حدیث متواتر» ايله «حدیث مشهور» بیننده اولان فرق، حدیث متواتر ك جاحدینه بالاتفاق كفر نسبت اولنقندن و «حدیث مشهور» ك جاحدینه

[۱] جاحد، «جمعد» لفظندن اسم فاعلدر. «جمعد» لفظی «جیم» حرفنك فتحه حرکه سی و «حا» حرفنك سکونی ايله ییلوركن انكار ایتك معناسندهدر.

بولنائلر ایچون علم لغت و علم اعرابی بعد التحصیل ذکر اولنان اصول و احکام و قواعد و اصطلاحات احادیثه مطالع اولمق ضروری در.

ذکر اولنان اصول، احکام، قواعد، اصطلاحات، رجال احادیثک اسمی شریفه سنه و انساب و اعمارینه و وقت ارتحالینه و راویلرک صفات و شرائطه و روایک مستندینه و احادیث شریفه نک کیفیت اخذینه و تقسیم طرقله و لفظ رواه و صورت ایراد مستوعاته و مأخذ احادیث اولان ذوات کرامک مراتب و درجاته و احادیث شریفه نک اقسامه و حدیث شریفه متعلق بین المحدثین مرعی اولان سائر اموره کسب معلومات ایتمکن عبارتدر.

### { احادیث شریفه نک اقسامی }

(حدیث مرسل)، راوینک آخر راوییه اسناد ایتمکسزین ارسال [۱] ایتدیکی خبردر. یعنی تابعین کرامک رسول محترم صلی الله تعالی علیه و سلم حضرتلرندن روایت یدوب صحابه کرامک اسمی شریفه سی انهای روایتده ذکر اولنماش اولان خبردر.

(حدیث مسند)، «حدیث مرسل» ک خلاقی در. حدیث مسند رسول اعظم صلی الله تعالی علیه و سلم حضرتلرینه و اصل اولنجیه قدر راوینک راوی آخره اسناد ایلدیکی خبردر. یعنی اسنادی [۲] خاصه رسول محترم علیه الصلوه و السلام حضرتلرینه اتصال یدن حدیث شریفدر. حدیث مسند، بعضاً «متصل» و بعضاً «منقطع» اولور.

(حدیث متصل) رسول اکرم صلی الله تعالی علیه و سلم حضرتلرینه و یاخود صحابه کرام رضی الله تعالی عنهم حضرتلندن بر ذات عالیقدره اسنادی متصل اولان حدیث شریفدر. «مالک» ک «نافع» دن و «نافع» ک «ابن عمر» دن و «ابن عمر» ک رسول اکرم علیه الصلوه و السلام حضرتلرندن روایت ایلدیکی حدیث شریف، «حدیث متصل» ک مثالی در.

[۱] ارسال، اهل حدیث اصطلاحنده عدم اسناد بمعناسنه در. بوارسال، راوی طرفندن حدیث شریفک «قال رسول الله صلی الله تعالی علیه و سلم» عباره شریفه سیله روایت اولنوب «حدثنا فلان عن رسول الله صلی الله تعالی علیه و سلم» دیو روایت اولنمامسندن عبارتدر.

[۲] اسناد، اهل حدیث اصطلاحنده مجدثک «حدثنا فلان عن فلان عن رسول الله صلی الله تعالی علیه و سلم» عباره سی ایه حدیث شریف روایت ایتسندن عبارتدر.

کند و لفظ شریفی ایله اخبار بیورمشدر. قرآن کریم، حدیث قدسی اوزرینه مفضل در. چونکه قرآن عظیم الشانک لفظ شریفی منزل در،

(حدیث قوی)، اول بر حدیث شریفه اطلاق اولنورکه رسول اکرم صلی الله تعالی علیه وسلم حضرتلری او حدیث شریفی قائل اولدقدن صکره کتاب اللهدن بر آیت کریمه قرائت بیورمشلدر در.

(حدیث ناسخ)، رسول محترم صلی الله تعالی علیه وسلم حضرتلرندن اخر عمر شریف رسالتپناهیلرنده شرفصادر اولان حدیث شریف در.

(حدیث منسوخ)، سلطان انبیا علیه ازکی التحایا حضرتلرندن عمر شریف رسالتپناهیلری اولنده شرفصادر اولان حدیث شریف در.

(حدیث عام)، جمیع خلق مراد اولنان حدیث شریف در.

(حدیث خاص)، اول بر حدیث شریف درکه خلقدن بر کیمسهیه او حدیث شریف ایله حکم وقضا بیورمشدر.

(حدیث حسن)، راویسی صدق وامانت ایله مشهور اولان حدیث شریف در. بونوع حدیث شریفک راویسی صدق وامانت ایله مشهور ایسهده حفظ و اتقاندن رجال صحیح درجه سنه بالغ و واصل اولما مشدر. ایکی اسناد ایله روایت اولنان حدیث شریفه، «حدیث حسن صحیح» تعبیر اولنور.

(حدیث مقطوع)، تابعین کرام اوزرینه موقوف اوله رق تابعین کرامک اقوال و افعالی بیاننده واقع اولان حدیث شریف در.

(حدیث شاذ)، اسناد واحده مقارن وملابس اولان حدیث درکه او حدیثه بر شیخ شهادت ایدر. او شیخ ثقاتدن ایسه توقف اولنوب انکله احتیاج اولنمز اگر ثقاتدن دکل ایسه متروک اولور.

(حدیث غریب)، بعضاً راوینک روایتی ایله تفرد ایله یکی حدیث شریفدن اولورکه ناقللرینک کافه سی صحابه کرامدن اولدقلری جهتله بومثلاو حدیث شریف، تفرد راوی ایله معاً صحیح اولور بعضاً دخی راوینک اصحابنه ثقاتدن بر ذاتک مخالفتی ایله اولان حدیث شریفدن اولور.



کفر نسبت اولمقی و یاخود نسبت اولنماقی صورتی ایله مختلف فیہ اولمقدن عبارتدر. اصح اولان صورت، «حدیث مشهور» ک جاحدینه دخی کفر نسبت اولنمقدن عبارتدر.

(حدیث موقوف)، صحابی طرفدن روایت اولنوب نبی محترم علیه الصلوٰة والسلام حضرتلرینه اسناد اولنان حدیث شریفدر.

(حدیث صحیح)، رسول اکرم صلی الله تعالی علیه وسلم حضرتلرینه اسنادی متصل اولان و اصحاب عدل و ضبط طرفلرندن حد منتهایه قدر نقل و روایت اولنان حدیث شریفدر. دیگر بر تعریقه کوره (حدیث صحیح)، لفظ شریفی رکاکتدن و معنای شریفی آیت کریمیه مخالفندن سالم اولان حدیث شریفدر یاخود حدیث متواتردر و یاخود حدیث اجماعدر. «حدیث صحیح» ک مقابلی «حدیث سقیم»در.

(خبر احاد)، بر یکیمسه نك رسول اکرم صلی الله تعالی علیه وسلم حضرتلرندن استماع ایلدیکی و او یکیمسه دن دخی واحد اخرک و او واحد اخردن دیگر بر یکیمسه نك استماع ایتدیکی حدیث شریف اولوب «تمسک اولان یکیمسه ده انتها ایدنبجهیه قدر بو وجهله نقل و روایت اولنمشدر. «خبر احاد» ک جاحدینه کفرک عدم نسبتی متفق علیهدر. «خبر احاد»، حدیث و تواتره داخل اوله مز. بو خبرک حکمی، عملی موجب اولوب علمی موجب دکلدیر. بو اجلدن مسائل اعتقادییه حجت اوله مز.

(حدیث معلق)، مبدأ اسنادندن بریسی و یاخود اکثریسی حذف اولنان حدیث شریفدر. حذف، یا اوّل اسنادده اولوب اکا «معلق» دینور. یاخود وسط اسنادده اولوب اکا «منقطع» دینور. یاخود اخر اسنادده اولوب اکا «مرسل» دینور.

(حدیث قدسی)، من حیث المعنی جناب حق طرفدن و من حیث اللفظ رسول اکرم صلی الله تعالی علیه وسلم حضرتلری طرفندن اولان حدیث شریفدر. اشبو حدیث شریفی، جناب حق رسول اعظم علیه الصلوٰة والسلام حضرتلرینه الهام [۱] و یاخود منام ایله اخبار بیورمش و رسول اکرم صلی الله تعالی علیه وسلم حضرتلری دخی بومعاندن

[۱] الهام، بطریق الفیض قلبه القا اولنان شی در. بر روایت کوره الهام، قلبده واقع اولان بر علمدرکه او علم، آیت کریمه ایله من غیر استدلال عمله دعوت ایدر. بو علم، عند العلماء حجت اولوب اهل تصوف عندنده حجت اولور. الهام ایله اعلام بیننده اولان فرق، الهام لفظنک اعلام لفظندن اخص اولسیدر. چونکه اعلام، بعضاً طریق کسب ایله و بعضاً طریق تنبیه ایله اولور.

(حدیث مستفیض)، ناقلہری اوچدن زیاده اولان حدیث شریفدر.

(حدیث مضطرب)، اول حدیثدرکہ راویسی روایتندہ اختلاف واضطراب اوزرہ اولہرق بردفعہ برصورتلہ ودیکر دفعہ دخی صورت آخرلہ روایت ایدر وروایتلر یکدیگریہ مابین ومخالف اولور.

(حدیث مردود)، ظاہری برکلام اولوب معناسی اولمدینی کبی صورت روایتی دخی غیر کافیدر.

(حدیث مفتری)، «ابو مسیلہ» قولیدر.

(حدیث موضوع)، رسول محترم صلی اللہ تعالیٰ علیہ وسلم حضرتلرندن نقل ایلہ امر باطلی ایہام ایدن ودلیل عقلیہ معارضہ ایتمسیلہ قابل تأویل اولیان خبرلرک کافہسندن عبارتدرکہ العیاذ باللہ رسول اکرم علیہ الصلوٰۃ والسلام حضرتلرینہ افترادن عبارت اولوب بو مثللو خبرلرہ «خبر موضوع» تسمیہ اولنور. بو مثللو خبرلرک سبب وضعی، یار اوینک مرویدہ طول عہد ایلہ نسیان ایدوب غیر مروی ی مروی ظن ایلہ ذکر ایتمسندن عبارتدر. یاخود نبی محترم صلی اللہ تعالیٰ علیہ وسلم حضرتلرینہ افترادن عبارت اولور نتہکم زنادقہ طائفہسی شریعت شریفہ محمدیہ علیہ الصلوٰۃ والسلامدن عقلایی تنفیر ایچون معقولہ مخالف اون درت بیک قدر خبر وضع ایلمشلردر. یاخود سبب وضع، غلط راویدن عبارتدرکہ بوغلط، برکہنک نطق مراد اولندقدہ لسانہ اوکلہدن غیری کلہنک نطق سبقت ایتمک صورتی ایلہ اولور. یاخود وضعک سببی ذکر اولنان صورتلرک غیری اولور نتہکم «کرامیہ» طائفہسی طاعت وعبادتہ ترغیب ومعصیتدن ترہیب ایچون بر طاقم خبرلر وضع ایتمشلردرکہ طائفہ مذکورہنک شو وضع ایتمدیکی خبرلر افترایہ راجع اولور.

(حدیث المتعبد بلفظہ) تسمیہ اولنان بر قسم احادیث شریفہ دخی «اذان شریف» و «تشد» و «تکبیر» و «تسلیم» کبی احادیث شریفہدر.

احادیث شریفہی نقل بالمعنی یعنی لفظ آخر ایلہ بیان ایتمک صورتنک جوازی بعض شروطک تقیدی ایلہ علمای کرام حضراتی جانبندن بیان بیورلمش و «قاضی عیاض» علیہ رحمۃ الفیاض حضرتلری دخی خطا وقوعنک امکان واحتمالی سببی ایلہ نقل بالمعنی صورتی تجویز بیورمامشدر.

(حدیث ضعیف)، «حدیث حسن» دن مرتبۀ دون در. بعض علمای کرام حضراتنک بیاننه کوره حدیث ضعیف، حدیث صحیح ایله حدیث حسن صفتلرینی جامع اولمیان حدیث شریف در. «حدیث ضعیف» ک ضعیفی، بعضاً عدم عدالت و یاخود سوء حفظ و یاخود عقابداً تهمت کبی رواتنک ضعفندن اولور و بعضاً ارسال و انقطاع و تدلیس [۱] کبی علل اخراذن اولور. بومثللو حدیث شریف، فضائل و مناقبده بالاتفاق حجت و برهان در. علمای کرام حضراتنک «حدیث ضعیف ایله احکام اثبات اولنمز چونکه احکام اجتہادیهنک اثباتنده مجتهد اولان ذات عالقدرک حدیث ضعیفه تمسک ایتسی و مجتهدک حدیث ضعیفی، مذهبنه منا و بر مسئلهده اجتہادینه مناط ایلسی جائز دکلدرد» قوی باب فضائلده وارد اولان حدیث ضعیف ایله عملک استحبابنه منافی اوله میهنجی علمای کرام حضراتی جانبندن بیان بیورلمشدر.

(حدیث محکم)، تأویله محتاج اولمیان حدیث شریف در.

(حدیث متشابه)، تأویله محتاج اولان حدیث شریف در.

(حدیث منفصل)، «تابع»ه قبل الوصول رواتنک بردن زیاده سی ساقط اولان حدیث

شریف در.

[۱] تدلیس، تفعلیل و زننده تابع حیلہ ایدوب حین بیعده متاعنک عینی مشتریدن کتم ایلک معناسنه در. فن حدیثده تدلیس لفظی بوندن مأخوذدرکه محدث، روایت ایلدیکی حدیثی مثلاً شیخنک شیخته اسناد ایدوب کندو شیخنک اسمنی طی ایدر کویا اندن بلا واسطه روایت ایدر. مع هذا شیخ مزبوروی کورمأمش و یاخود کورمش اولسه دخی اندن اخذ حدیث ایلویب اندن متأخر اولاندن و یاخود اندن تلقی ایدن شیخدن اخذ ایلشدر و بو اسناد اوزره ثقاتدن برجاعت، حدیث شریف روایت ایلشدر. بعض علمای کرام حضراتی جانبندن ذکر و بیان بیورلدیغی اوزره اصول حدیثده «تدلیس» و «ارسال خفی» بینلرندهکی فرقلر دقیق در. زیرا «ارسال خفی» صورتنده دخی لقیان [\*] محتمل اولان صیغه ایله روایت ایلک معتبردر لکن عند الحدّاق عدم لقیانلری وراوی ایله محدث بیننده واسطه بولندیغی ثابت در و تدلیس، لقیانی معروف اولان روایت مخصوص در و مرسل خفی، معاصرذن روایت ایدندن روایت مخصوص درکه ایکسندده اول واسطه ساقط اولمیدر. خلاصه «تدلیس» ده مجرد معاصرت کافی دکلدرد بلکه لقیانی محتمل اولمیدر لکن «ارسال خفی» ده معاصرت کفایت ایدر و لقیانی معتبر اولان صیغه مثلاً «حدثنا و أخبرنا» دیمیوب «قال» و «عن» کله لری ایله ایراد ایلکدر. «جزری» مرحوم «تدلیس» ی ایکی قسمه تقسیم بیورمشدر. بر قسمی «تدلیس الاسناد» و دیگر قسمی دخی «تدلیس الشیوخ» در. (تدلیس الاسناد) وجه مذکور اوزره لقیانی محتمل اولاندن بالذات مسموع اولمیان حدیثی سماعنی موهم اولان تعبیرات مذکوره ایله روایت ایلکدر. (تدلیس الشیوخ) اخذ و سماع ایلدیکی شیخک اسمنی ستر ایدوب معروف اولمیان اسم و وصف ایله تسمیه ایلکدر. اشبو ایکی صورت دخی کذبندن میرا و معرادر.

[\*] لقیان، کورمک، کورشمک، و برشی برشیته تصادف ایتک معناسنه در.

«سنن ابی داود» و «سنن ترمذی» [۱] و «سنن نسائی» [۲] و «سنن ابن ماجه» و «سنن دارقطنی» [۳] و «مسند احمد» و «مسند ابن ابی شیبہ» و «مسند بزار» و امثالی کتب احادیث شریفه اولادینی جمهور علما بیننده متفق علیہ در.

### {اعاظم محدثین}

§ — محدثین کرام رضی عنهم رب الانام حضرتانک رئیس و پیشواسی «ابو عبدالله محمد بن اسماعیل بن ابراہیم بن المغیرۃ الجعفی» [۴] البخاری رضی عنه الباری حضرتلری در. امام مشارالیه حضرتلری ضبط احادیث شریفه مقصیدیلہ امصار عالمه رحلت و محدثین امصار ایلہ ملاقات ایدرک احادیث شریفه فی خراسان و عراق و حجاز و شام و مصرده ضبط و تحریر و «مکی بن ابراہیم البخی» و «عبدالله بن موسی العبسی» و «ابو عاصم الشیبانی» و «علی ابن المدینی» و «احمد بن حنبل» و «یحیی بن معین» و «عبدالله بن زبیر الحمیدی» و امثالی اعلام محدثین کرام و ائمہ عظام حضرتاندن اخذ و تلقی بیورمشدر. امام مشارالیه حضرتلرنندن دخی خلق کثیرک اخذ احادیث شریفه ایلدیکی مروی در. امام بخاری حضرتلرینک راویسی «ابو عبدالله محمد بن یوسف بن مطر بن صالح بن بشر القربری» حضرتلری، امام بخاری حضرتلرنندن یتمش بیک قدر ذوات کرامک بخاری شریف استماع ایلدیکی و کندوسی دخی امام مشارالیه حضرتلرنندن «فربر» ده [۵] احادیث شریفه اخذ و استماع ایتدیکی و امام بخاری حضرتلرنندن احادیث شریفه استماع ایدلردن یالکر کندوسی قالمش اولدیغنی ذکر و بیان بیورمشدر. امام بخاری حضرتلرینک کتاب صحیحنی التي یوز بیک (۶۰۰۰۰) احادیث شریفه دن تخریج و انتخاب و (۱۴) سنه مدت ظرفنده اكمال تألیف ایلدیکی و هربر حدیث شریفک صحتی تیقن ایتدیکه و هربر حدیث شریفی کندوسی ایلہ

[۱] ترمذی، ترمذه منسوب دیمکدرکه «ترمذی» کله سنده کی یا حرفی، حرف نسبت در. ترمذ، تا حرفنک کسری و ذال معجمه ایلہ جیعون جوارنده و جانب شرقیسنده برمدینه مشهوره نك اسمی در. جیعون «بلخ» شهرنده کی نهرک اسمی در.

[۲] نسائی، نون حرفنک فحی و سین مہملہ نك تخفیفی ومد و همزه ایلہ «نسأ» شهرینه منسوب دیمکدرکه اخرنده کی یا حرفی، حرف نسبت در. «نسأ» خراسانده برشهرک اسمی در.

[۳] دارقطنی، دار قطنه منسوب دیمکدر. دار قطن بغدادده برمحله نك اسمی در.

[۴] جعفی لفظی یمندہ برقبیلہ پدرینک اسمی در. اوده «جعفی ابن اسعد» در.

[۵] فربر، فا حرفنک فحی و یا کسری جائز اولهرق و اولکی را حرفنک فحی و ایکی را حرفنک بیننده کی بای موحدہ نك اسکانی ایلہ بخارا ایالتنده برقصبه نك اسمی در.

علم حدیث شریف، اصول فروضین اولمسیله اصحاب کرین و تابعین سعادت قرین وائمہ دین رضوان الله تعالی علیہم اجمعین حضراتی طرفلریندن خلفاً بعد سلف احادیث شریفه نك ضبط و حفظه و اعلاى شان و شرفه صرف لطف و عنایت بیورلمشدر .

صدر اولده سلف صالحینك اعتماد و اعتنالی احادیث شریفه نك قلوبده حفظی جهته انحصار ایلدیکی جهته علم حدیث شریف، کتابه ضبط اولغیوب کتاب الله یعنی قرآن کریم کبی قلباً ضبط و حفظ اولور ایدی .

و قناکه اهل اسلام، اطراف علمه منتشر و بلاد اسلامیه متسع و صحابه کرام حضراتی اقطار علمه متفرق و اعظم صحابه کرام رضی عنهم رب الانام حضراتی دخی عازم کلشنسرای جنان اوله رق احادیث شریفه نك ضبط و حفظی دوچار قلت اولدقده علمای کرام حضراتی جانبندن حسن اولنان لزوم و احتیاجه مبنی احادیث شریفه نك تدویننه و کتابه تقید و ضبطنه بذل لطف و عنایت بیورلمشدر .

بر روایت کوره علم حدیث شریفده تصنیف کتاب ایدن ذوات کرام حضراتنك اولی «عبد الملك بن جریج» حضرتلری در. بعض روایت کوره «مالك بن انس» حضرتلری مؤلف اول اولوب مشارالیه حضرتلری «موطأ» اسمی ایله مسمی اولان کتابی تألیف بیورمشدر. دیگر بر روایت کوره دخی مؤلف اول «ربیع بن صلیحه» حضرتلری در. مشارالیه حضراتندن صکره احادیث شریفه نك جمع و تدوینی تعم ایلمشدر.

اعظم علمای کرامدن «صدر الشریعه» نك «تعدیل العلوم» اسمی ایله مسمی اولان کتابنده و «ابن سبکی» نك «طبقات کبری» نامیله مشهر اولان اثرنده ذکر و بیان بیورلدینی اوزره مشایخ ائمہ حدیث، طول اعمار ایله و فلاسفه دخی قصر اعمار ایله مشهوردر. بو حاله تجارب واقعه دخی شهادت ایدر. بو نعمت جلیله، احادیث شریفه نك جمله فضائل و خصائصندن در.

علمای کرام حضراتی طرفندن بیان بیورلدینی اوزره علم حدیث شریفه متعلق تألیف بیوریلان کتب شریفه لایعد و لایحصى اولوب لکن کتاب اللهدن یعنی قرآن عظیم الشاندن صکره اصح کتب «صحیح بخاری» و صکره «صحیح مسلم» و صکره «کتاب موطأ» و صکره

عازم کلشنسرای جنان اولمشدر . مشارالیه حضرتلری علم حدیث شریفده امام بخاری حضرتلرندن صکره خراسانک امام هامی اولوب حجاز و عراق و شام و مصر طرفلرینه رحلت ایدرک محدثین عظامدن «یحیی بن یحیی النیسابوری» و «قتیبہ بن سعید» و «اسحق بن راہویہ» و «احمد بن حنبل» و «عبدالله بن مسلمة القعنبی» و امثالی ذوات ستوده صفاتندن اخذ احادیث شریفه ایدوب دفعاتله بغدادی شرف قدوملری ایلہ تشریف واوراده احادیث شریفه روایت بیورمش و «ابراہیم بن محمد بن سفیان» و «ترمذی» و «ابن خزیمہ» کبی پک چوق ذوات کرام رضی عنہم رب الانام حضراتی دخی مشارالیه امام مسلم حضرتلرندن احادیث شریفه روایت بیورمشلردر . امام مشارالیه حضرتلرینک کتاب شریفی «صحیح مسلم» اسمی ایلہ مشهوردر . بر روایتہ کوره کتاب شریف مذکورک اوچ یوز بیک (۳۰۰۰۰۰) احادیث مسموعهدن و دیگر بر روایتہ کوره یوز بیک (۱۰۰۰۰۰) حدیث شریفدن انتخاباً تألیف اولندیغی علمای کرام حضراتی جانبندن ذکر و بیان بیورلمشدر .

§ — ۳ اعلام محدثین کرامدن «ابو داود سلیمان بن الاشعث بن اسحق الازدی السجستانی» حضرتلری «امام بخاری» و «امام مسلم» حضرتلرینی رتبۂ ولی و تعقیب ایلشدر . مشارالیه امام سجستانی حضرتلری خراسان و عراق و شام و امثالی بلاد و امصاره رحلت و مشایخ احادیث ایلہ ملاقات و «مسلم بن ابراہیم» و «سلیمان بن حرب» و «عبدالله بن مسلمة القعنبی» و «یحیی بن معین» و «احمد بن حنبل» و امثالی ائمہ کرام و اعلام محدثین حضراتندن احادیث شریفه اخذ ایلہ کتاب شریفی تألیف و تصنیف بیورمش و کتاب شریف مذکور بش یوز بیک (۵۰۰۰۰۰) حدیث شریفدن منتخب درت بیک سکر یوز (۴۸۰۰) حدیث شریفی جامع اولوب ائمہ کرامدن «احمد بن حنبل» حضرتلری ایلہ سائر اعلام محدثین و ذوات فضائل قرین حضراتی طرفلرندن مظهر استحسان و ستایش اولمشدر . امام سجستانی علیہ رحمۃ الباری حضرتلری تاریخ ہجرتک (۲۰۲) نجی سنہ سنہ قدم نہادۂ عالم وجود اولوب (۲۷۵) نجی سنہ سنہ بصرہده ارتحال دار نعیم بیورمشدر . مشارالیه امام سجستانی حضرتلرندن ولد مکرمملری «عبدالله» ایلہ «ابو عبدالرحمن النسائی» و «احمد بن محمد الحلال» و امثالی ذوات کرام حضراتی اخذ احادیث شریفه بیورمشلردر . امام سجستانی حضرتلرینک ولد مکرمملری اکابر حفاظ احادیث شریفہدن بر ذات نادر الوجود اولوب تاریخ ہجرتک (۳۱۶) نجی سنہ سنہده ارتحال دار بقا بیورمشدر .



جناب حق آره سنده حجت اتخاذ وبالاغتسال ايکي رکعت نماز قيله رق جناب حقدن استخاره [\*]  
 ايندجه کتابنه بر حديث شريف بيله درج ايلديکي و يوز بيک (۱۰۰۰۰۰) حديث صحيح  
 ايله ايکي يوز بيک (۲۰۰۰۰۰) حديث غير صحيح مشاراليه حضرتلرينک حفظ واز برنده  
 اولديني علمای کرام حضراتي جانبندن ذکر وتبيان بيولمشدر. رضی الله تعالى عنه. «صحيح  
 بخاری» نك احاديث مکرره ايله برابر يدي بيک ايکي يوز يتمش بش (۷۲۷۵) حديث شريفي  
 جامع اولديني و بر روايته کوره اسقاط مکررات ايله مجموع احاديث بخاری نك درت بيک  
 (۴۰۰۰) حديث شريفدن عبارت بولنديني و بر روايته احاديث شريفة بخاری يدي بيک  
 ايکي يوز (۷۲۰۰) حديث شريفي مشتمل اولوب بو مقدارک مياننده اوچ بيک (۳۰۰۰)  
 حديث شريف مکرر ذکر اولنديني کذلک علمای کرام حضراتي جانبندن ذکر  
 و بيان بيولمشدر. امام بخاری حضرتلري «مالک عن نافع عن ابن عمر» طريقنک احاديث  
 شريفةده على الاطلاق اصح الاسانيد اولديني و «ابو الزناد عن الاعرج عن ابی هريرة»  
 طريقنک دخی اصح اسانيد ابی هريره ايدوکنی ذکر و بيان بيولمشدر. رضی الله تعالى  
 عنهم اجمعين. امام بخاری رضی عنه الباری حضرتلري عباد صالحيندن زهد و ورع و تقوی  
 ايله متصف بر ذات نادر الوجود اولوب تاريخ هجرتک (۱۹۴) هجری سنه سنده زيور کهواره  
 وجود اولوب (۲۵۶) هجری سنه سنده عازم کلشنسرای جنان اولمشدر. مدت عمر شريفلري  
 (۶۱) سنه (۳۴۷) کونندن عبارتدر. مشاراليه حضرتلرينک فضائل و مناقب جلیله سی  
 کنجایش پذیر حوصله خامه عرض و بيان اوليوب کالاتنه کتاب شريفي برهان قاطع  
 اولديني جمهور علما پيننده متفق عليه در. کتاب بخاری شريفک خصائص کثيره سی اولوب  
 خصائص مخصوصه سندن بريسی، ايام طاعونده برخانه ده على وجه اللائق قرائت اولنديني  
 حالده خانه خلقنک طاعون بليه سندن جناب حقک دائره حفظ و اماننده اولميسيدر.

§ — ۲ ائمه حفاظدن واعلام محدثين کرامدن صاحب الصحيح «الامام ابو الحسن  
 مسلم بن الحجاج بن مسلم بن ورد بن كوشاد القشيري النيسابوري» حضرتلري «امام  
 بخاری» حضرتلرينی رتبة ولی و تعقيب ايتمشدر. امام مشاراليه حضرتلري بر روايته  
 تاريخ هجرتک (۲۰۴) هجری سنه سنده و بر روايته (۲۰۲) سنه سنده و بر روايت صحيحه  
 کوره (۲۰۶) هجری سنه سنده نيسابور شهرنده زيور مهد وجود اولوب (۲۶۱) هجری سنه سنده  
 [\*] استخاره، لغتده خير ايستمک و لسانمزده بر مصحتک انجمنه دلالت ايتک ايجون منامده  
 رؤيای صادقده طلب ايتک معناسنده استعمال اولنور.

و «سنن ابی داود» و «سنن ترمذی» و «سنن نسائی» اسماعیلی ایلہ مسی اولان بش عدد کتب شریفه دن عبارت اولق اوزره ذکر و بیان بیورمشدر. لکن جمهور علمای کرام عندندہ احادیث شریفہ فی حاوی اولان کتب شریفہ نک اصلری الی عدد کتاب مستطابدن عبارت اولوب «موطأ ابن مالک» دخی کتب احادیث شریفہ نک اصولندن عد و شمار اولمشدر. ینہ جمهور علمای کرام طرفندن «موطأ» کتاب شریفی رتبہ «سنن ترمذی» دن صکره و «سنن نسائی» دن اول اولق اوزره ذکر و بیان اولنمش ایسه ده حق اولان صورتک «موطأ» کتاب شریفک رتبہ «صحیح مسلم» دن صکره اولسنندن عبارت اولدیفی بعض علمای کرام حضراتی طرفندن بیان بیورلمشدر. بعض علمای کرام حضراتی دخی «ابو عبدالله القزوینی محمد بن یزید بن ماجه» حضرتلرینک کتاب شریفی «کتاب موطأ» بدلندہ عد و اعتبار ایلشدر. مشارالیه «ابن ماجه» حضرتلری اجله رجال احادیث اولان ذوات کرامدن احادیث شریفہ فی اخذ ایلش وبرچوق اصحاب فضائله مأخذ احادیث شریفه اولمشدر. مشارالیه حضرتلری تاریخ هجرتک (۲۷۳) نجی سنه سنده (۶۴) یاشنده اولدقلری حالده ارتحال دار نعیم بیورمشدر.

§ — ۷ اعظم محدثین کرامدن «الحافظ ابو الحسن رزین بن معاویه العبذری» حضرتلری دخی ائمه حدیث صنفنه ادخال ایلہ السنه اهل حدیثه امام سابع اولق اوزره ذکر اولنور. مشارالیه «امام رزین» حضرتلری «تجرید» اسمی ایلہ مسی اولان کتاب شریفی تألیف ایدرک «صحاح» یننی کتاب شریف مذکورده جمع ایلمشدر. اشبو کتاب شریف، کتب سته بی جامع اولدیغندن اهل حدیث طرفندن کتب سته صنفنه ضم والحاق بیورلمشدر. مشارالیه امام رزین حضرتلری تاریخ هجرتک (۵۲۰) نجی سنه سنندن صکره ارتحال دار جهان ایلمشدر.

§ — ۸ محدثین کرامدن «ابو عبدالله محمد بن ابی نصر فتوح بن عبدالله الاندلسی الحمیدی» حضرتلری دخی لسان اهل حدیثه امام ثامن اولق اوزره ذکر اولنور. مشارالیه امام حمیدی حضرتلری «کتاب الجمع بین صحیحی البخاری والمسلم» اسمی ایلہ مسی اولان کتاب مستطابنی تألیف بیورمشدر. مشارالیه حضرتلری امام مشهور و عالم معروف اولوب مکه مکرمه و مصر و شام و بغدادده اصحاب احادیث ایلہ ملاقات ایدرک احادیث شریفه اخذ ایلش و اندلس تاریخنی دخی تألیف و تصنیف بیورمش و هجرتک (۴۲۰) تاریخندن اول



§ — ۴ اعلام حفاظ احادیث «ابو عیسی محمد بن عیسی الترمذی» حضرت تری دخی «ابو داود سجستانی» حضرت تری مرتبه ولی و تعقیب ایشدر. مشارالیه حضرت تری تاریخ هجرتک (۲۷۹) نجی سنه سنده ارتحال دارنیم بیورمشدر. بوذات فضائل سمات «قتیه» و «سفیان بن غیلان» و «محمد بن بشار» و «احمد بن منیع» و «محمد بن المنثی» و «سفیان بن وکیع» و «محمد بن اسماعیل البخاری» حضرتای کبی عظمای محدثین ایله ملاقات ایدرک احادیث شریفی مشارالیه حضرتانندن اخذ ایلش و «محمد بن احمد المجوبی المروزی» حضرت تری ایله امشالی پک چوق ذوات کرام حضرتانه دخی مأخذ احادیث شریفه اولمشدر. مشارالیه امام ترمذی حضرتلرینک علم حدیث شریفه متعلق تصانیف کثیره سی میاننده «سنن الترمذی» اسمی ایله مسمی اولان کتاب شریفی ذکر مذاهب و وجوه استدلال و تبیین انواع احادیث کبی معلومات و فیره و فوائد کثیره سی حاوی اولسیله فائده و ترتیباً کتب سائرهنسک احسن واجلی اولدینی کبی مکرراتی دخی تصانیف سائرهنسده کی مکرراتدن اقل ایدوکی علمای کرام حضرتای طرفندن ذکر و بیان بیورمشدر. کتاب شریف مذکورک بعد التصنیف امام مشارالیه حضرت تری طرفندن حجاز و عراق و خراسان علمای کرامنه عرض اولنسی اوزرینه جمله طرفندن مظهر حسن قبول اولدینی مروی در.

§ — ۵ ائمه حفاظ و اکابر فقها «ابو عبدالرحمن احمد بن شعیب النسائی» حضرت تری «امام ترمذی» حضرت تری رتبه ولی و تعقیب ایدرک مشایخ کبار ایله ملاقات و اعلام محدثین کرامدن «قتیه بن سعید» و «محمد بن بشار» و «محمود بن غیلان» و «ابو داود سلیمان بن الاشعث» و امشالی ذوات کرام حضرتانندن احادیث شریفه اخذ ایله «سنن نسائی» اسمی ایله مسمی اولان کتاب شریفی تألیف بیورمش و «ابو القاسم الطبرانی» و «ابو جعفر الطحاوی» و «ابو بکر احمد بن اسحق السنی الحافظ» و امشالی پک چوق ذوات کرام حضرتانه مأخذ احادیث شریفه اولمشدر. مشارالیه امام نسائی حضرتلرینک کرب ذات معالی سماتی و کرب کتاب مستطابی پک چوق ذوات کرام حضرتای جانبندن مظهر مدح و ستایش اولمشدر. امام مشارالیه حضرت تری شافعی المذهب اولوب تاریخ هجرتک (۳۰۳) نجی سنه سنده مکه مکرمه ده ارتحال دارجنان بیورمشدر.

§ — ۶ اکابر علمای کرامدن «امام نووی» علیه رحه الباری حضرت تری اصول کتب احادیث شریفی بالاده محرر اولدینی وجه اوزره «صحیح بخاری» و «صحیح مسلم»

مدح و ثنا بیورمشدر. مشارالیه حضرتلری تاریخ هجرتک (۳۰۵) و بر روایت کوره (۳۰۶) سنه لرنده قدم زن کهواره وجود اولوب (۳۸۵) سنه سننده بغدادده عازم کلزار جنان اولمشدر.

§ — ۱۲ حَقَّاز سبعة دن بر ذات عالیقدر دخی «الحاکم ابو عبدالله النیسابوری» حضرتلری در. مشارالیه حضرتلری تاریخ هجرتک (۳۲۱) نجی سنه سننده شهر نیسابورده تولد ایدوب (۴۰۵) نجی سنه سننده (۸۴) یاشلرنده اولدقلری حالده ارتحال داربقا بیورمشدر.

§ — ۱۳ حَقَّاز سبعة دن بر ذات عالیقدر دخی «ابو محمد عبدالغنی بن سعید الازدی» حضرتلری در. مشارالیه حضرتلری حافظ مصر ایدی. تاریخ هجرتک (۳۳۲) نجی سنه سننده زیور کهواره وجود اولوب (۴۰۹) نجی سنه سننده ترک عالم فنا و ارتحال داربقا بیورمشدر.

§ — ۱۴ حَقَّاز سبعة دن بر ذات فضائل سمات دخی «ابو نعیم احمد بن عبدالله الاصبهانی» حضرتلری در. مشارالیه حضرتلری ثقات مشایخ احادیثدن ایدی. تاریخ هجرتک (۳۳۴) نجی سنه سننده زیور مهد وجود اولوب (۴۳۰) نجی سنه سننده (۹۶) یاشلرنده اولدقلری حالده اصفهانده عازم روضه جنان اولمشدر.

§ — ۱۵ حَقَّاز سبعة دن بر ذات ستوده صفات دخی «ابو عمرو بن عبدالبر النحوی» حضرتلری در. مشارالیه حضرتلری ثقات اهل احادیثدن ایدی. تاریخ هجرتک (۳۶۸) نجی سنه سننده قدم نهاده عالم وجود اولوب (۴۶۳) نجی سنه سننده «شاطبه» شهرنده ارتحال دارجنان بیورمشدر.

§ — ۱۶ حَقَّاز سبعة دن بر ذات معالی سمات دخی «ابو بکر احمد بن الحسین البیهقی» حضرتلری در. مشارالیه حضرتلری فضائل و کالاتده عصرینک فریدی و «الحاکم ابو عبدالله» حضرتلرینک کبار اصحابندن ایدی. تاریخ هجرتک (۳۸۴) نجی سنه سننده زیور عالم ناسوت اولوب (۴۵۸) نجی سنه سننده عازم کلشن لاهوت اولمشدر.

§ — ۱۷ حَقَّاز سبعة دن بر ذات حمیده صفات دخی «ابو بکر احمد بن علی الخطیب

زیور مهد وجود اولوب (۴۸۸) نجی سنه سنده بغدادده عازم روضه جنان اولمشدر .

§ — ۹ محدّثین کرامدن «الامام ابو مسعود ابراهیم بن محمد بن عبید الدمشقی» حضرتلری دخی ائمه حدیث صنفه الحاق اولمشدر. مشارالیه حضرتلری «صحیح بخاری» ایله «صحیح مسلم» بیننی جمع ایتمش اولان ذوات کرامدن اولوب جمع وتألیف بیوردینی کتابی «جامع الدمشقی» دیمکله مشهور ومعروفدر.

§ — ۱۰ محدّثین کرامدن امام برقانی دیمکله مشهور اولان «الامام ابوبکر احمد بن محمد الحواری» حضرتلری دخی ائمه حدیث صنفه الحاق ایله عدد ائمه کرام «تلك عشرة كاملة» درجه سنه واصل اولمشدر. مشارالیه حضرتلری «صحیح بخاری» ایله «صحیح مسلم» بیننی جمع ایتمش اولان ذوات کرامدن اولوب تألیف بیوردینی کتابی «جامع البرقانی» دیمکله مشهوردر. مشارالیه امام برقانی حضرتلری کندوبلده سنده محدّثین کرامدن «ابوالعباس بن حمدان النیسابوری» حضرتلری ایله سائر ذوات کرام حضراتندن وبعده «جرجان» طرفه عزیمتله محدّثین کرام معالی اتسامدن «ابوبکر الاسماعیلی» علیه رحمة الباری حضرتلرندن احادیث شریفه اخذ ایلمش ومؤخرآ بغدادده عزیمتله اوراده توطن ایدرک احادیث شریفه نقل وروایتی ایله مشغول اولمش اولدینی وکندوسی ثقاتدن واصحاب زهد وورعدن اولوب اکابر کرامدن «الخطیب ابوبکر البغدادی» حضرتلری امام برقانی حضرتلرینی مدح و ثنا بیوردینی صرمده «شیوخز میاننده امام برقانی حضرتلرندن اثبت بر ذات کورمدم مشارالیه حافظ قرآن وعارف فقه اولوب علوم عربیه ده دخی حافظ وکامل ایدی» کلامنی کویان اولدینی وعلم حدیث شریفده مشارالیهک تصانیف کثیره اصحابندن بولندینی مروی در. مشارالیه امام برقانی حضرتلری تاریخ هجرتک (۳۳۶) نجی سنه سنده قدم نهاده عالم شهود اولوب تاریخ مذکورک (۴۲۰) نجی سنه سنده (۸۹) یاشلرنده اولدینی حالده عازم کلشنسرای جنان اولمشدر.

بعدذا علمای کرام حضراتی طرفندن اعظم اهل حدیثدن حفاظ سبعه دخی ذکر و بیان بیورلمشدر.

§ — ۱۱ حفاظ سبعه دن بر ذات عالیقدر «الحافظ الامام ابو الحسن علی بن عمر الدارقطنی» حضرتلری در. مشارالیه حضرتلری انواع فضائل وکالات ایله مشهور ونامدار اولوب بعض ذوات کرام حضراتی طرفندن «امیر المؤمنین فی الحدیث» کلامی ایله

بن علی ابن الجوزی الحنبلی « حضرت تری در. مشارالیه حضرت تری تاریخ هجرتك (۵۱۰) نجی سنه سنده قدم زن مهد وجود اولوب (۵۷۷) نجی سنه سنده ارتحال دارنیم بیورمشدر. مشارالیه تصانیف مشهوره اصحابندن در.

§ — ۲۶ محدثین کرامدن بر ذات معالی سمات دخی «ابوزکریا یحیی بن شرف النووی» حضرت تری در. مشارالیه حضرت تری عالم، فاضل، متورّع، فقیه، محدث اولوب اهل عصرینك امامی ایدی. تاریخ هجرتك (۶۷۶) نجی سنه سنده عازم کلشنسرای جنان اولمشدر.

§ — ۲۷ محدثین کرامدن بر ذات معالی سمات دخی «ابن اثیر» دیمکله مشهور اولان «ابو السعادات المبارك ابن محمد الجزری» حضرت تری در. مشارالیه افاضل کرامدن اولوب تاریخ هجرتك (۶۰۶) نجی سنه سنده ارتحال دارجنان بیورمشدر.

§ — ۲۸ محدثین کرامدن بر ذات عالیقدر دخی «الامام ابو محمد الحسین بن مسعود البغوی الفقیه الشافعی» حضرت تری در. مشارالیه تصانیف معتبره و مناقب سنیه اصحاب کرامندن اولوب تاریخ هجرتك (۵۱۶) نجی سنه سنده عازم کلزار جنان اولمشدر.

§ — ۲۹ محدثین کرامدن بر ذات ستوده صفات دخی «الامام الشیخ تقی الدین عثمان بن عبدالرحمن بن موسی بن ابی نصر الکردی الشهر زوری الشیخ العلامه ابن الصلاح» حضرت تری در. مشارالیه حضرت تری ائمه مسلمیندن و مناقب جلیله اصحابندن اولوب تاریخ هجرتك (۵۷۷) نجی سنه سنده قدم نهاده مهد وجود اولوب (۶۴۳) نجی سنه سنده ارتحال کلشنسرای جنان بیورمشدر.

§ — ۳۰ محدثین کرامدن بر ذات عالیقدر دخی «الحسن بن محمد بن الحسن بن حیدر بن علی العدوی العمری الامام رضی الدین ابو الفضائل الصاغانی» [۱] حضرت تری در. مشارالیه حضرت تری علوم و کالانده مناقب جلیله اصحابندن اولوب تألیفات کثیره ایله مشهور انام برامام هام در. مشارالیه حضرت تری تاریخ هجرتك (۶۵۰) نجی سنه سنده ارتحال داربقا بیورمشدر.

[۱] صاغانی، صاد مهمله نك فتحه حرکسی و غین معجمه نك تخفیفی والف ایله «صغانیان» منسوب دیمکدر. الفسز اوله رق (صغانی) یازلمی دخی جاؤدر. صغانیان، ماوراءالنهرده بر بیوک ولایتك اسمی در. (صغانیان)، (چغانیان) لفظندن معربدر.

البغدادی» حضرتلری در. مشارالیه حضرتلری. تاریخ هجرتك (۳۹۲) نجی سنه سنده تشریف عالم شهود ایدوب (۴۶۳) نجی سنه سنده عازم کلزار جنان اولمشدر.

§ — ۱۸ شیخ الحراسان امام الأئمه «الفقيه الحافظ ابوبكر محمد بن اسحق بن خزيمة النيسابوري» حضرتلری دخی اجله رجال احادیثدن اولوب هجرتك (۳۱۱) نجی سنه سنده (۹۰) یاشنده اولدقلری حالدده ارتحال داربقا بیورمشدر.

§ — ۱۹ صاحب المسند والتفسير «الحافظ عثمان بن ابی شیهة العبسی» حضرتلری دخی متخیزان رجال احادیثدن اولوب تاریخ هجرتك (۲۳۹) نجی سنه سنده ارتحال دارجنان بیورمشدر.

§ — ۲۰ افاخم رجال احادیثدن برذات ستوده صفات دخی صاحب مسند «الحافظ ابویعلی بن علی المثنی الموصلی» حضرتلری در. مشارالیه حضرتلری تاریخ هجرتك (۳۰۷) نجی سنه سنده (۹۷) یاشنده اولدقلری حالدده ارتحال دارنعیم بیورمشدر.

§ — ۲۱ اعظم محدثین کرامدن برذات جلیل الصفات دخی عالم سمر قند وصاحب مسند «الحافظ الامام ابو محمد عبدالله بن عبدالرحمن الدارمی» حضرتلری در. مشارالیه حضرتلری تاریخ هجرتك (۲۵۵) نجی سنه سنده عازم کلشنسرای جنان اولمشدر.

§ — ۲۲ اکابر محدثین کرامدن برذات معالی سمات دخی «مسند کبیر» صاحبی «الحافظ ابوبکر احمد بن عمرو البصری البزار» حضرتلری در. مشارالیه حضرتلری تاریخ هجرتك (۲۹۲) نجی سنه سنده «رمله» ده ارتحال داربقا بیورمشدر.

§ — ۲۳ ائمه اهل حدیثدن بر ذات عالقدر دخی «الحافظ ابو القاسم سلیمان بن احمد الطبرانی» حضرتلری در. مشارالیه حضرتلری تاریخ هجرتك (۳۶۰) نجی سنه سنده (۱۰۰) یاشنی ایکی آی متجاوز اولدقلری حالدده ارتحال دارجنان بیورمشدر.

§ — ۲۴ محدثین کرامدن بر ذات ستوده صفات دخی «العلامة ابو سلیمان حمد بن محمد البستی» حضرتلری در. مشارالیه حضرتلری علوم و فضائلده عصرینك فریدی وزمانك علامه و وحیدی ایدی مشارالیهك «معالم السنن» و «اعلام السنن» و «غریب الحدیث» و امثالی تألیفات مشهوره سی واردر.

§ — ۲۵ محدثین کرامدن برذات عالقدر دخی واعظ بغداد «ابو الفرج عبدالرحمن

بلاد و انصار اسلامیه ده ظهور ایدن محدثین کرام حضراتی ایچون حد و حساب اولدینی و علمای اسلامیه نك فضائل و کالاتی و هر علمده و علی الخصوص علم حدیث شریفده کی تدقیقاتی و علم حدیثده تدوین و تألیف بیوردقلری کتب نفیسه نك ترتیبات و تهذیباتی حیرت بخش عقول اوله رق بوحال لر رسول اکرم صلی الله تعالی علیه و سلم حضرت تدرینک جمله مجزات باهره سندن اولوق اوزر مشارالیه هم حضراته امداد صمدانی و توفیق یزدانی و هدایت ربانی آثار جلیله سندن اولدینی امر جلی در .

### { اغراض محدثین }

علمای کرام حضراتی جانبندن ذکر و بیان بیورلدینی اوزره تصانیفده اغراض محدثین مختلف در .

بعض محدثین کرام حضراتی مطلقاً لفظ حدیثک حفظی و لفظ حدیث شریفدن حکمک استنباطی غرضیه تدوین احادیث شریفه صرف عنایت بیورمشدر . بومسلکی اختیار بیورمش اولان ذوات کرام « عبدالله بن موسی الضبی » و « ابو داود الطیالسی » و « احمد بن حنبل » و امثالی ذوات کرام در که مشارالیه هم حضراتی راویلرک مسانیدنن احادیث شریفه بی اثبات ایدوب اولان خلفای راشدیندن و اعظم صحابه کرامدن « ابو بکر صدیق » رضی الله تعالی عنه حضرت تدرینک مسندینی ذکر ایله اندن روایت اولنان احادیث شریفه نك جمله سنی اومیانده ثبت و تدوین و بعده واحداً بعد واحد صحابه کرام رضی الله تعالی عنهم حضرت تدرینک مسانیدینی ذکر ایله احادیث شریفه بی اولوجهله ثبت و تحریر بیوردیلر .

بعض محدثین کرام حضراتی دخی احادیث شریفه بی ابواب اوزرینه ذکر ایدوب هر بریابه مختص اولان حدیث شریفی اوبابده بیان بیوردیلر . مثلاً « صلاة » حقنده شرف وارد اولان حدیث شریفی « صلاة » بابنده و « زکاة » حقنده شرف وارد اولان حدیث شریفی « زکاة » بابنده ذکر و بیان بیوردیلر که « امام مالک » علیه رحمة الباری حضرت تدری « موطاً » اسمی ایله مسمی اولان کتاب مستطابنی بومسلك اوزره ترتیب بیورمش اولدینی کبی امام بخاری و امام مسلم حضرت تدری دخی کتاب مستطابلرینی بووجهله ترتیب و تألیف بیورمشلر در . علمای کرام حضراتی جانبندن بیان بیورلدینی اوزره احادیث شریفه نك باب صورتی ایله ذکر و ایراد اولنمی سند صورتی ایله نقل و ایراد اولنمندن اسهل در . چونکه انسان ،

§ — ۳۱ محدّثین کرامدن بر ذات عالیقدر دخی صاحب شرح البخاری «الامام العلامة محمد بن یوسف بن علی بن سعید الکرمانی» حضرتلری در. مشارالیه تاریخ هجرتک (۷۱۷) نجی سنه سنده زیور کهواره وجود اولوب (۷۸۶) نجی سنه سنده ارتحال دارجنان بیورمشدر.

§ — ۳۲ محدّثین کرامدن بر ذات معالی سمات دخی «شارح مصایح بغوی» المحدث الفقیه التورپشتی «[۱] حضرتلری در. «ابن سبکی» حضرتلرینک روایتیه نظراً مشارالیه حضرتلری تاریخ هجرتک (۶۶۰) نجی سنه سنده ارتحال داربقا بیورمشدر.

§ — ۳۳ محدّثین کرامدن بر ذات محاسن صفات دخی عالم مغرب «القاضی ابوالفضل عیاض بن موسی بن عیاض البیستی الحصبی» حضرتلری در. مشارالیه حضرتلری «شفاء شریف» کتاب نفیسی تألیف بیورمش و کتاب شریف مذکور، علای کرام واصحاب فضائل طرفلرندن مظهر تحسین اولمشدر. ایام وباده «کتاب شفا» قرائتی ایله اشتغال ایتمک، زافع ومفید اولدیفی. بعضی علای کرام حضراتی جانبندن ذکر و بیان بیورلشددر. «قاضی عیاض» حضرتلری تاریخ هجرتک (۵۴۴) نجی سنه سنده (۶۸) سنده اولدقلری حالدیه عازم کلزار جنان اولمشدر.

§ — ۳۴ محدّثین کرامدن بر ذات عالیقدر دخی «ابن حجر العسقلانی» ایله مشهور اولان «ابو الفضل شهاب الدین احمد بن علی» حضرتلری در. مشارالیه تاریخ هجرتک (۷۷۳) نجی سنه سنده مصرده زیور مهد وجود اولوب (۸۵۲) نجی سنه سبی اواخرنده مصرده ارتحال دارجنان بیورمشدر.

§ — ۳۵ محدّثین کرامدن بر ذات عالیقدر دخی شارح بخاری «العلامة بدرالدین ابو محمد محمود بن احمد العینی الحنفی» حضرتلری در. مشارالیه حضرتلری تاریخ هجرتک (۸۵۵) نجی سنه سنده ارتحال دارنعم بیورمشدر.

احادیث شریفه مشایخ و علای کرامی تبرکاً بالاده ذکر و بیان اولنان ذوات کرامدن عبارت اولیوب کرک زمان سعادتده و کرک زمان سعادتدن صکره کی زمانلرده شرقاً و غرباً

[۱] تورپشتی، (تورپشت)ه منسوب دیمکدر. تورپشت، (تا) حرفنک ضمی و (واو) حرفنک سکونی و (را) حرفنک کسری و (با) حرفنک ضمی و (شین) حرفنک سکونی ایله شیرازده برقریه تک اسمی در.

و «سن نسائی» اسملری ایله مشهور اولوب علم حدیث شریفده امّ الکتاب اعتبار اولنان کتب سته یی جمع و تحریر و ابواب اوزرینه ترتیب و تسطیر بیورمشدر. «کتاب رزین» کتب سته شریفه یی حاوی اولدیغندن کتب احادیث شریفه نك حجماً اکبری و انفعلاً اعظمی در. کتب سته شریفه، کتب احادیث شریفه نك شهرری اولوب علمای کرام حضراتی کتب سته نك حاوی اولدیغی احادیث شریفه یی اخذ و قبول ایلش اولدقلری کبی فقهای عظام حضراتی دخی کتب سته نك احادیث شریفه سندن استدلال احکام بیورمشدر.

«الامام ابو السعادات المبارك بن محمد بن الاثیر الجزری» حضرتلری «جامع الاصول» اسمی ایله مسمی اولان کتاب مستطابی تألیف ایدوب «کتاب رزین ایله اصول سته یینی ذکر اولنان کتابده جمع و ترتیب بیورمشدر.

«الحافظ جلال الدین عبد الرحمن بن ابی بکر السیوطی» حضرتلری «جمع الجوامع» اسمی ایله مسمی اولان کتابی تألیف ایله کتاب مذکوره کتب سته ایله مسانید عشره یینی جمع ایلشدر. کتاب مذکور، من جهة المتون «جامع الاصول» کتابندن اکثر واعظم در. متأخرین اهل حدیث، احادیث شریفه دن اسانیدی حذف ایله «خبر» ده صحابیدن حدیث روایت ایدن و «اثر» ده دخی صحابیدن روایت ایدن ذواتك ذکر ایله و مخرجه رمز ایله اکثفا بیورمشدر. چونکه اسانیدك ذکرندن غرض، حدیث شریفك اثبات و تصحیحندن عبارت اولوب بومقصد ایسه علمای متقدمینه متعلق وظائف جمله سندن اولدیغی و علمای متقدمین حضراتی دخی بو وظیفه یی اجرا و اکمال بیورمش اولدقلری جهته علمای متأخرین حضراتی تألیف بیوردقلری کتابلرنده اسانید ذکرینه حاجت کورمامشدر.

صحابه کزین و تابعین سعادت قرین رضوان الله تعالی علیهم اجمعین حضراتی عصرلرنده احادیث شریفه نقل و روایت ایدن ذوات کرامك احوالی بلاد و امصارده مشهور و معروف ایدی. احادیث شریفه نقل و روایت ایدن ذوات کرامك بعضیسی بصره و کوفه ده و بعضیسی شام و مصرده آرامساز عز و اقبال ایدی. اسانیدده اهل حجازك طریق، طرق سائرده دن اعلی و محتده غایت متین در. چونکه اهل حجاز محدّثین کرامی، شروط نقله زیاده سیله صرف عنایت بیورمشدر. طیب الله تراهم و جعل الجنة مثواهم.



بعضاً راوی خبری بیلزسده معنای خبری بیلور و بلکه اکثر وقتده راوی خبری بیلکه محتاج اولمز. كذلك انسان، صلاته تعلق ایدن حدیث شریفی بیلک مراد ایلدکده اوحدیث شریفی باب صلاتدن تحری ایدوب بولور و او حالده باب صلاتده ذکر و ایراد اولنان حدیث شریفه نظر ایدن کیسه اوحدیث شریفک صلاته دلالتنی آسان صورتده بیلور.

بعض محدثین کرام حضراتی دخی احادیث نبویّه نک الفاظ لغویه ومعانی مشکله سنک حآنه و بیان اعرابه صرف غنایت بیوروب احکامک ذکرینه تعرض بیورمامشدر. بومسلکی، «ابو عبید القاسم بن السلام» و «ابو محمد عبدالله بن مسلم بن قتیبه» حضراتی ایله دیگر بعض ذوات کرام حضراتی اختیار بیورمشلدر. بعض محدثین کرام حضراتی دخی اشبو مسلکه احکامک ذکرینی و آرای فقهای ضم و اضافه بیورمشدر. ذکر اولنان مسلکه احکامک ذکرینی و آرای فقهای ضم و اضافه ایدن، «ابو سلیمان احمد بن محمد الحطابی» ایله امثالی ذوات کرام حضراتی در.

بعض محدثین کرام حضراتی جانبندن دخی احادیث شریفه دن یالکز نوع غریب ایله کلمات غریبه نک ذکر واستخراجنه وتریب وتدوینه وشرح وبیانه صرف غنایت بیورمشدر. بومصورتی اختیار ایتمش اولان «ابو عبید احمد بن محمد الهروی و امثالی ذوات کرام در.

«ابو محمد الحسین بن مسعود البغوی» و امثالی محدثین کرام حضراتی دخی ترغیب وترهیب متضمن اولان احادیث شریفه ایله احکام شرعیّه غیر جامعیه بی تضمن ایدن احادیث شریفه بی جمع وتدوین بیورمشلدر.

اکثر اهل حدیث دخی سلف صالحینک کتابلرینی ترتیب وتهذیب واختصار ایتک وکتب احادیث شریفه دن استنباط احکام و احادیث شریفه غریبه بی شرح ایلک و امثالی خدمت احادیث شریفه صرف نقود همت بیورمشدر.

متأخرین اهل حدیثدن «ابو بکر احمد بن محمد الرّمّانی و «ابو مسعود ابراهیم بن محمد بن عبید الدمشقی» و «ابو عبدالله محمد الحمیدی» کبی ذوات ستوده صفات حضراتی مسانید اوزرینه ترتیبات حسنه وضع واجرا بیورمشلدر.

اهل حدیثدن «ابو الحسن بن معاویه البذری» حضرتلری تألیف بیوردینی کتاب مستطابنده «صحیح بخاری» و «صحیح مسلم» و «موطأ مالک» و «جامع الترمذی» و «سنن ابی داود»


## { علم ناسخ الحديث ومنسوخه }

علم مذکور علم حدیث شریفك جمله فروغندن اولوب احادیث شریفهك ناسخ ومنسوخدن باحثدر.

معلوم اولدینی اوزره ایکی خبر نفی واثبات ایله متعارض وبحسب الظاهر متناقض اولوب بینلرینی بعض تأویل ایله جمع وتلفیق ایتمک متعذر واو ایکی خردن بریسنك تقدیمی متحقق اولدقده متأخر اولان خبرك ناسخ اولدینی تعین ایدر.

احادیث نبویه انواعندن اشبو ناسخ ومنسوخ قسمك اهم واصعب اولدینی وضبط واحاطه سی مشکل ایدوکی علمای کرام حضراتی جانبندن ذکر و بیان بیورلمشدر. امام شافعی علیه رحمة الباری حضرتلرینك احادیث ناسخه ومنسوخه یی ضبط واحاطه امرنده راسخ القدم وسبق الغایات اولدقلمری مروی در.

علمای کرام حضراتی جانبندن اشبو علمك تدوین وتصنیفه صرف غایت بیورلمشدر.



## { علم اسباب ورود الاحادیث وازمنته وامکنته }

علم مذکور، علم حدیث شریفك جمله فروغندن اولوب احادیث شریفهك اسباب ورودندن وازمنه وامکنه سندن باحثدر.

علمای کرام حضراتی جانبندن بو علمه متعلق کتابلر تألیف بیورلمشدر.



## { علم تأویل اقوال النبی علیه الصلوة والسلام }

علم مذکور، علم حدیث شریفك جمله فروغندن اولوب تأویل اقوال نبی علیه الصلوة والسلامندن باحثدر.

اجله علمای کرامدن «شمس الدین الفناری» حضرتلری طرفندن علم مذکوره متعلق تألیف بیوریلان رساله ده احادیث شریفه یه متعلق ایراد اولنان تأویلاتك شرعشریفه موافق اولدینی و«صدرالدین قونوی» حضرتلرینك احادیث شریفه شرحنده ایراد ایلدیکی

{ علم حدیث شریفہ متعلق قاعدہ مهمہ }

اهل حدیث اصطلاحندہ [صحیح] لفظی، مطلق ذکر اولنور ایسه اندن مراد، «جامع صحیح بخاری» در.

[صحیحین] لفظی ذکر اولنور ایسه اندن مراد، «صحیح بخاری» و «صحیح مسلم» در.  
[صحاح] لفظی ذکر اولنور ایسه اندن مراد، «صحاح سته» یعنی کتب سته مشهوره در.  
بونلردن غیریسی، مقید اوله رق ذکر اولنوب علی الاطلاق ذکر اولنمز. «صحیح ابن خزیمه» و «صحیح ابن حبان» و «صحیح ابی عوانه» و «صحیح مستدرک الحاکم» کبی.

[سنن] لفظی، مطلق ذکر اولنور ایسه اندن مراد «سنن ابی داود» و «سنن ترمذی» و «سنن نسائی» و «سنن ابن ماجه القزوی» در. بونلردن ماعدا سنن، مقید اوله رق ذکر اولنور. «سنن دارقطنی» «سنن کبیر بیہقی» مثللو.

[مسانید] لفظی مطلق اوله رق ذکر اولنور ایسه اندن مراد، «مسند احمد بن حنبل» و «مسند ابی یعلی الموصلی» و «مسند الدارمی» و «مسند البزار» کبی.

[معاجم] لفظی مطلق اوله رق ذکر اولنور ایسه اندن مراد، «امام طبرانی» نک «معجم کبیر» و «معجم اوسط» و «معجم صغیر» کتابلری در.

علمای کرام حضراتی طرفندن اصحاب کتب سته ایچون حروف ایله رمز و علامت وضع اولنمشدر.

«امام بخاری» حضرتلرینه مخصوص اولان علامت (خ) حرفی در.

«امام مسلم» حضرتلرینه مخصوص اولان علامت (م) حرفی در.

«امام ابن مالک» حضرتلرینه مخصوص اولان علامت (ط) حرفی در.

«امام ترمذی» حضرتلرینه مخصوص اولان علامت (ت) حرفی در.

«امام ابی داود السجستانی» حضرتلرینه مخصوص اولان علامت (د) حرفی در.

«امام نسائی» حضرتلرینه مخصوص اولان علامت (س) حرفی در.

سائر اصحاب مسانید ایچون افراد و ترکیب ایله وضع علامت بیورلمشدر.

## { علم شرح الحدیث }

علم مذکور، علم حدیث شریفك جمله فروغندن اولوب قواعد عربیه و اصول شرعیه اوزره بقدر الطاقة البشریه احادیث شریفهك شرح و بیانندن باحث در .

علمای کرام و فضلاى معالى اتسام حضراتی جانبندن کتب احادیث شریفه شرح کثیره تألیف بیورلمشدر .


شرح شریفهك اشهری شرح «صحیح بخاری» ایله شرح «صحیح مسلم» در .



## { اربعینیات فی الحدیث }

رسول محترم صلی الله تعالی علیه وسلم حضرتلرندن روایات متنوعه ایله مروی اولان اشبو «من حفظ علی امتی اربعین حدیثاً فی امر دینها بعثه الله تعالی يوم القيامة فی زمرة الفقهاء والعلماء» حدیث شریفندن حصه دار فیض و شرف اولمق نیت خیریه سیله محدثین کرام و علمای ذوی الاحترام حضراتی جانبندن احادیث نبویه دن اربعینیات جمع و تدویننه صرف عنایت بیورلمش و اولبابده پك چوق کتب شریفه تألیف اولمشدر .

اربعینیات جمع و ترتینده مقاصد علما مختلف اولوب علمای کرام حضراتندن بعضیسی علم توحیده و بعض علمای کرام حضراتی دخی احکامه و بعضیسی عباداته و بعض علمای کرام حضراتی دخی مواعظه متعلق قرقر عدد احادیث شریفه جمع و تحریر بیورمشلردر .  
رحمة الله تعالی علیهم اجمعین



## { علم الآثار }

علم مذکور، علمای راسخین یعنی اصحاب و تابعین و سلف صالحین رضوان الله تعالی علیهم اجمعین حضراتنك امر دین و امر دنیایه متعلق اقوال و افعال شریفه و مرضیه سنندن باحث در .

تاویلاتدن بعضیسنک مرجعی کشف وشهود اولوب ظاهر شرعشریفه موافق اولدینی  
علمای کرام حضراتی جانبندن ذکر و بیان بیورلمشدر.



### { علم غریب الحدیث }

علم مذکور، علم حدیث شریفک جمله فروغندندر.

اکابر کرامدن «ابوسلیمان محمد الخطابی» حضرتلری طرفندن بیان بیورلدینی اوزره  
وطنندن واهل وعیالندن دور وبعید اولان کیمسه یه بین الناس غریب اطلاق اولدینی کبی  
الفاظی فهمه بعید اولان کلامه دخی «غریب» اطلاق اولنور.  
کلامده غرابت، ایکی صورتله اولور.

(وجه اول) معناسی فهم وادراکه بعید اولان کلامدر.

(وجه ثانی) قبائل عربک لغات مختلفه سی درکه رسول اکرم صلی الله تعالی علیه وسلم  
حضرتلری اثر معجزه شریفه لری اولوق اوزره قبائل مختلفه عربدن هر برقیله نک فهم وادراک  
ایده بیله جکلری کلمات ایله هر قبیله جماعته خطاب بیوررلر ایدی.

اصحاب کرام رضوان الله تعالی علیهم اجمعین حضراتی دخی رسول محترم  
علیه الصلوٰۃ الاتم حضرتلرینک اوصورتله شرف واقع اولان خطاب مستطاب لرینک اکثر  
معنالرینی فهم وادراک ایدرلر وفهم وادراک ایده مدکلری معنایی خواجه کائنات علیه ازکی  
التحیّات حضرتلرندن تعلم بیوررلر ایدی.

تابعین سعادت قرین حضراتنک عصرنده دخی احادیث شریفه نک غرایی معلوم ایدی.  
مؤخرأ بلاد اسلامیه نک توسع ایتیمی وقوم عربک قوم آخرله اختلاط الیسی حسیله لسانک  
وضع اصلینسه خلل طریان ایتیمک اماره لری ظاهر اوله رق علمای کرام حضراتی طرفندن محافظه  
سنت نبویه مقصد خیر خواهانه سیله احادیث شریفه نک غرایی جمع وتدوین بیورلمشدر.

علم مذکورده تألیف کتاب ایدنلرک اولی «ابوعبیده معمر بن المثنی التیمی البصری»  
حضرتلری اولدینی مروی در. مشارالیه حضرتلری غریب الحدیث فتنده برکتاب مستطاب  
تألیف بیورمش اولدینی کبی غریب القرآن فتنده دخی برکتاب تألیف بیورمش وهجرت  
نبویه نک (۱۰) نجی سنه سنده ارتحال دار نعیم ایلشدر. رضی الله تعالی عنه



## { علم احوال رواة الاحادیث }

علم مذکور، احادیث شریفه راویلرینک ارتحاللری ایله قبال و اوطانندن وسائر احوالندن باحثدر.

علم مذکور، من وجه علم تاریخک ومن وجه علم حدیث شریفک جمله فروغندن اولوب علمای کرام حضراتی جانبندن علم مذکوره متعلق کتب کثیره تألیف وتصنیف بیورلمشدر.



## { علم طب النبی علیه الصلوة والسلام }

علم مذکور، علم حدیث شریفک جمله فروغندن اولوب مرضانک طلبلری اوزرینه شرف صادر اولان احادیث شریفه نبویه دن باحثدر.

علم شریف مذکورک تدویننه علمای کرام حضراتی جانبندن اعتنا بیورلمشدر. اولبابده تصنیف بیوریلان کتب شریفه نک اشهری « ابن طرخان » لک وافضلی « امام مستغفری » نک جمع وتحریر بیورده قلمی کتابلردر. بو ایکی کتاب مستطاب بین العلما والطلاب مشهور ومعروفدر.

علم شریف مذکورک منفعی، غایتی، غرضی غیر خفی در.



## { علم تلفیق الحدیث }

[۱]

علم مذکور، علم حدیث شریفک جمله فروغندن اولوب بعض احادیث نبویه بیننده اولان تنافینک صورت توفیقندن باحثدر.



[۱] تلفیق، « لفق » لفظندن مأخوذدر. (لفق) لام حرفنک قحی وفا حرفنک سکونی ایله بر بارچه ثوبی بر بارچه ثوبه یناشد یروب دیکمک و مطلوب اولان نسنه یتیشلیوب خائب و ناامید اولقی معناسنه در. تلفیق دخی کدک لغته بر بارچه ثوبی دیگر بر بارچه ثوب اوزرینه ضم وربط ایلک معناسنه اولوب لفق لفظندن مبالغه یی مفیددر. مسائلده تلفیق، مسائلی جمع وتحریر و یکدیگرینه ضم والحاق وقید وربط ایتمکدن عبارت در.

(مبادی) علم مذکورک مبادیسی ثقاتدن مسموع اولان ائاردن عبارتدر .

(غرض) علم مذکوردن غرض، ذوات کرام حضراتنک امر دین و امر دنیایه متعلق اقوال و افعاله اقتدا و تطبیق حال و حرکت ایتمه اعتنا ایله نائل درجات عالیله اولمق اوزره امور مذکورمه کسب و قوف ایتمکدر .

علم مذکور بیاننده « کتاب سیر الصحابه و التابعین و الزهاد » تألیف بیورلمش اولدینی کبی « امام یافعی » حضرتلری دخی « کتاب روض الریاحین » اسمی ایله مسمی اولان کتاب لطیفی تصنیف بیورمشدر . بو کتابلردن بشقه ده سائر کتاب و اثر لر حد و حسابدن بیروندر .



### { علم الثقات والضعفا من رواة الحديث }

علم مذکور، علم اسما و رجالک نوع اجل و اعظمی واحادیث شریفه نک صحت وضعفه معرفت ووقوفک مرقاتی اولوب امور دینیته ده صورت احتیاطی و مواقع غلط و خطایی تمیز و تعریف ایدر .



### { علم صلوات الحاجات }

علم مذکور، احادیث شریفه ده وارد اولان صلوات حاجات بیاننده در .

صلوات حاجاتک اشهری « صلوة الضحی » و « صلوة التهجد » و « صلوة التسبیح » و بونلردن غیری نوافل صلواتدر .

الشیخ فخرالدین رومی حضرتلری « کتاب دعوات الیل والنهار » اثرنده صلوات حاجاتی جمع و تحریر بیورمشدر .



# بحث

( ۲۴ )

## ﴿ علم موعظه ﴾

علم موعظه [۱]، علم حدیث شریفك جمله فروغندند.  
علم مذکور، منہیاتدن انزجاره [۲] سبب اولان شییدن وطباع عامه ناسه مناسب امور خطابیهدن عبارت اولان مأموراته انزعاجك [۳] اسبابندن باحثدر.

(مبادی) علم مذکورك مبادیسی، اعمال مرضیه و اخلاق مشكوره احبابندن اولان صلحا و عباد و مشایخ و زهاد و علمای عاملین رضوان الله تعالی علیهم اجمعین حضراتنك حکایات لطیفه سندن و سوء اعمال و اخلاق سببی ایله مبتلای بلیات اولان اشرارك حکایاتندن باحثدر. احوال مذکورنك جمله سندن غرض، افراد ناسی علم و عمل ایله تکمیل نفوسه تشویق ایلمکدن عبارتدر.

(غایت) علم مذکورك غایتی، سعادت دینیّه و دنیوییه نائل اولمقددر.  
علم مذکورك اجلّ مبادیسی، رسول محترم صلی الله تعالی علیه وسلم حضرتلرندن مروی اولان احادیث شریفه در.

[۱] وعظ، واو حرفنك قحی و عین حرفنك سکونی ایله و «عظه» عدمه وزننده و «موعظه» منزله وزننده برکیمسه یه قلبی تلین ایده جك ثواب و عقابه دائر کلام تذکیر ایلك یعنی نصیح و بند ایتمك معناسنه دركه لسانمزده اوکوت و یرمك ایله تعبیر اولنور.

[۲] «انزعاج»، انفعال وزننده زجر و منعی قبول ایلك معناسنه در. «زجر» فجر وزننده منع و نهی ایلك معناسنه در.

[۳] «انزعاج» انفعال وزننده زعج لفظندن مشتق و مأخوذ اولوب لغتده قلع و قمع قبول ایلك معناسنه در. «انزعاج» اصطلاح علماده وعظك تأثیری ایله قلبك جناب حقه تحرك ایلمسندن عبارتدر. «زعج» زا حرفنك قحی و عین حرفنك سکونی ایله برکیمسه یه مضطرب و یققرار ایلك معناسنه در. برنسنه یی یرندن قوپارمق و طرد ایلك معناسنده دخی مستعملدر. حایقیرمق معناسنه دخی استعمال اولنور.



## { علم رموز اقوال النبی و اشاراته }

[۱]

علم مذکور، علم حدیث شریفك جمله فروغندن اولوب رسول محترم صلى الله تعالى عليه وسلم حضرتلرینك رموز اقوال شریفه سندن باحثدر .  
علم مذکور، علمای کرام حضراتی جانبندن تصنیف و تدوین بیورلمشدر .

— ❦ —

## { علم الزهد و الورع }

علم مذکور، حرامدن اجتناب و تحرر ایتك و وقوع شبهات خوفی ایله رزق حالاده صاحب تدقیق اولمق و حطام [۲] دنیادن اعراض ایتك کیفتلرندن باحثدر .  
بعض قوله کوره «زهد» حرامدن خوفاً شبهاتی ترك ایتكدر . «ورع» ، وقوع شبهاتدن خوفاً حلالی ترك ایتكدر .

«امام غزالی» قدس سره العالی حضرتلرینك تألیف بیوردینی کتابلر و سیمّا امام مشارالیهك «احیاء علوم» کتابی علم زهد و ورع بیاننده کتب و افیهدن اولدینی و علم مذکور، علم حدیث شریفك نتیجه و ثمره سی اولمق حسبیه علم حدیث شریفك جمله فروغندن ایدوکی علمای کرام حضراتی جانبندن ذکر و بیان بیورلمشدر .

— ❦ —

## { علم المغازی [۳] }

علم مذکورك، علم تاریخ فروغندن عد و شمار اولنسی ممکن اولوب لكن ثبوتی، احادیث و آثار ایله حاصل اولدینی جهتله علم حدیث شریفك جمله فروغندن عد و اعتبار اولدینی و علم مغازییه متعلق کتب کثیره تألیف بیوردینی و کتب مؤلفهك اجل و افضل «عبدالله بن هشام» تألیفی ایله «مغازی ابن اسحق» اولدینی علمای کرام حضراتی جانبندن ذکر و بیان بیورلمشدر .

[۱] رموز، «رمز»ك جمعیدر . (رمز) غمز وزننده مطلق اشارت ایتك معنا سنهدر .

برقوله کوره دوداقلر ایله یاخود ال ایله یاخود دلیل ایله اشارت ایتك معنا سنهدر .

[۲] حطام، حا حرفنك ضمی ایله بك زیاده قوری اولمسی حسبیه متکسر اولان اوتة اطلاق اولنور . صمان اوفاغی و فائده معنارنده دخی استعمال اولنور . «حطام دنیا» فوائد دنیا دیمکدر .

[۳] مغازی ، میم حرفنك قحی ایله غازیلرک مناقبهنه دینور . «کتاب المغازی» مناقب غزاة دیمکدر . بعض قوله کوره مغازی لفظنك مفردی اولیوب بعض قوله کوره دخی مفردی، مغزی مغزاة کلمهلریدر .

# بحث

(۲۵)

## ﴿ علم تصوف ﴾

علم تصوّف، اول بر علمدرکه او علم ايله اهل کالك مدارج سعادته كيفيت ترقيسندن ودرجانه اهل کاله عارض اولان اموردن باحثدر. اما شودرجات ومقاماتدن حقيه تعبير اولنمق غير ممکندر. چونکه عبارات، اهل لغاتک فهمي واصل اولديني معاني ايجون وضع اولنمشدر. اما اول معاني که قواي بدنيهدن تجرّد و غيوبت حالنده ادراك اولنور اکا اخر صورتله وصول ميسر اولمز و او صورتله حاصل اولان معانييه ممکن التعبير اولان الفاظدن فضله الفاظک وضعي دخی ممکن دکلدرد. نتهکيم معقولات، اوهام ايله ادراك اولنمديني کي موهومات خيالات ايله وتخيالات دخی حواس ايله ادراك اولنمز. کذلک عين اليقين ايله معاينهسي حال وشاني اقتضاسندن اولان شيئک علم اليقين ايله ادراکی ممکن دکلدرد. بوحالده علم مذکوري بيلک مراد ايدن کيمسه اوزرينه واجب اولان شی، او علمه عين اليقين ايله وصوله سعی واجتهاد ايتکدن عبارتدر. زیرا علم تصوّف طور عقلک خارجده اولديفنندن بيان ايله ارزوي وصول حاصل اوله ميسه جني علمای کرام حضراتي جانبندن ذکر و بيان بيورلشدر.

شعر

علم التصوّف علم ليس يعرفه      ألا اخو فطنة بالحق معروف  
وليس يعرفه من ليس يشهده      وكيف يشهد ضوء الشمس مكفوف

معلوم اولديني اوزره مرتبه افضليتهده صحبت نبويه فوقنده افضل مراتب اولمديني جهته رسول اکرم صلی الله تعالی علیه وسلم حضرت تلو نندن صکره افاضل مسلمين يعنی صحابه سعادت قرين رضوان الله تعالی عليهم اجمعين حضراتي «صحابه» لفظ شريفی ايله شهرتشعار اولوب بشقه بر اسم ولقب ايله ياد اولنمز لر ایدی.

عصر ثانیده افاضل مسلمينه يعنی اصحاب کرام رضوان الله تعالی عليهم اجمعين

علم موعظه‌یه کسب و وقوف و معلومات ایتک ایچون «امام غزّالی» قدس سره العالی  
 حضرتلرینک مصنفاتی و سّیما امام مشارالیه حضرتلرینک «احیاء العلوم» اسمی ایلّه مسّی  
 اولان کتاب جلیل المنافع کافّی اولدینی علمای کرام حضراتی جانبندن ذکر و بیان  
 بیورلمشدر.



# بحث

(۲۶)

﴿ علم ادعیه واوراد ﴾

[۱] [۲]

علم مذکور، ادعیه مأثورہ واوراد مشہورہ نك صورت تصحیح و ضبطی ایله روایتندن و خاصہ لرینك بیانندن و عدد تکرارندن و اوقات قرأتلرندن و شرائطندن باحث در.

(غرض) علم مذکور دن غرض، فوائد دینیہ و دنیویہ نائل اولق ایچون ادعیه مأثورہ واوراد مشہورہ و وجه لائق اوزره کسب و قوف و معرفت ایتمکدر.

علم ادعیه، احادیث شریفه دن استمداد ایلدیکی جهتله علم حدیث شریفك جمله فروغندن عد و شمار اولندیغی و «امام نووی» علیه رحمة الباری حضرتلرینك «كتاب الاذکار» اسمی ایله موسوم اولان کتاب لطیفی و «المولی محمد بن محمد الجزری» حضرتلرینك «حصن الحصین» اسمی ایله مشهور اولان کتاب شریفی و «المولی عبدالرحمن البسطامی» علیه رحمة الباری حضرتلرینك کتاب مستطابی علم ادعیه نك کتب نافعه و لطیفه سندن اولدیغی و بو کتابلر دن غیری علم مذکورہ متعلق پك چوق آثار شریفه بولندیغی علمای کرام حضراتی طرفندن ذکر و بیان بیورلمشدر.

[۱] «ادعیه» دعاء لفظنك جمی در. «دعاء» لفظی دال حرفنك ضمه حرکه سی ایله رغبت الی الله معنسانه درکه نیاز و ابتهاال ایله حق تعالی حضرتلرینك درگاهندن خیر و رحمت رجاسندن عبارتدر. ادعیه مأثورہ، سلف صالحیندن نقل و روایت اولنان ادعیه شریفه دن عبارتدر.

[۲] «اوراد»، ورد لفظنك جمی در. «ورد» لفظی و او حرفنك کسری ایله قرآن کریم دن بر جزؤه اطلاق اولنور. بهر کون قرائت ایچون وظیفه اتخاذ اولنان جزؤه اطلاق اولنور. دائماً لسانده متداثر اولان کلامه دخی دینور.



حضراتنك شرف محبتلى ايله مشرف اولان ذوات كرام حضرتنسه «تابعين» اطلاق اولنور ايدى. تابعين كرامدن صكره كلان ذوات كرامه «اتباع تابعين» اطلاق اولنور ايدى. اتباع تابعيندن صكره بين الناس وقوع اختلاف وتباين مراتب سبيله افاضل ناسه يعنى امر دينه شدتله اعتنا ايدن ذوات كرامه «زهاد» و «عباد» تسخيه اولنور ايدى. دها صكره بدعتلر ظاهر اوله رق وناس يينسده تداعى ظهور ايدرك هر فرقه «زهاد» كندولرنده اولق اوزره ادعا ايدرايدى. او زمانده احكام شرع شريفه رعايتله طوارق غفلتدن حفظ وتطهير قلوب ايدن خواص اهل سنت «تصوف» اسمى ايله منفرد و متخير اولمشدر.

تصوف اسمى، هجرت نبويه نك (۲۰۰) تاريخندن اول اشهار ايدوب اسم مذكور ايله تسخيه اولنان ذوات كرامك اولى هجرت نبويه نك (۱۵۰) تاريخنده ارتحال دارجنان بيورمش اولان «ابوهاشم الصوفى» حضرتلرى در.

بر روايته كوره طائفة صوفيه «صوفى» اطلاق اولنسى طائفة صوفيه نك صوفدن يعنى يوكدن لباس اكتسا ايتلرندن و صوفدن لباس اكتسا ايتلىرى دخی زينت دنيايه عدم ميل و رغبتلرندن نشأت ايلمشدر. ديكر بر روايته كوره «صوفى» لفظنك اصلى «صفوى» در. يعنى صلاتده حق سبحانه و تعالى حضورنده واقف اولان صف اوله نسبتدن عبارتدر. «صفوى» لفظنك تلفظنده ثقلت اولمغله (واو) حرفى (فا) حرفى اوزرينه تقديم اولنوب «صوفى» ديلمشدر. ديكر بر روايته كوره «صوفى» لفظى «صفه» لفظنه نسبت اولنوب طائفة صوفيه اطلاق اولنور. رسول اكرم عليه الصلوة والسلام حضرتلرينك زمان سعادتلرنده فقرائى مهاجريندن بر جماعته «اصحاب صفه» اطلاق اولنور ايدى. شو وجه اشتقاق، لغة مستقيم دكلسده معنا مستقيم در. چونكه طائفة صوفيه نك احوالى اصحاب صفه احواله مشابهدر. زيرا اصحاب صفه نك مدينه منوره ده مسكنلى و اقارب وعشارى اوليوب (۴۰۰) قدر ذوات كرامدن عبارت ايدى كه مسجد رسول عليه الصلوة والسلامده اقامت ايدوب روز و شب عبادت ايله مشغول اولورلر ايدى.

رضوان الله تعالى عليهم اجمعين



ایدن اشیایه عارف اولمغله نفس انسانی دخی اثنای نومده جسم وبدنه متعلق امور ایله اشتغالیدن فی الجمله تخلص کریبان ایدرک بر لحظه عالم روحانییه وصوله فرصت بولدینی آنده کندوسی دخی جواهر روحانیه دن بر جوهر اولوب نور بصیرت ایله ارواح علویهیه ناظر و آنلرک آینه ذاتلرنده مرسوم ومصور اولان علوم غیبیه دن نیجه معارفه نائل وزمان مستقبلده ظهور ایده جک حوادثدن بعضیسنه واصل اولدقدن صکره ینه فی الحال روحانیتدن جسمانیتیه رجوع وعودت ایدر واخذ واستفاضه ایله واقف اولدینی اموری بطن دماغده موجود اولان قوه متخیلهیه عرض ایدر. اگر روح انسانی، علائق بدنیه دن کندوسی کرکی کبی تخلص ایده میوب آینه ذاتی کدورات علائق ایله مغبر ایسه لوح غیبیدن منعکس اولان معنای علی وجه الکمال مشاهده وعینی ادراکده قاصر اولور. بوضورتده قوای دماغیه دن قوه متخیله، نفسک نقصان وقصور اوزره مشاهده ایتدیکی معنای اکا مناسب بر صورتله تصویر وکندویه لایق بر قابله سبک و افراغ ایتکله اول واقعه تعبیره محتاج اولور. مغبر دخی اول صورت خیالییه مناسب ومشابه اولان معنای صاحب رؤیایه بیان ایدوب نفع وضرر وخیر وشردن نه مقوله امره دلالت ایدر ایسه انی کشف و اظهار ایدر. اما آینه روح، صاف وتابناک وغبار وهمدن پاک اولوب روی بصیرتدن رفع نقاب وکشف حجاب ایله بر لحظه عالم غیبیه ارواح عیین ایله ملاقات ایدوب کندوسنک ویا شخص آخرک احواله متعلق بعض اموری کرکی کبی مشاهده ومعاينه ایلدکده اول واقعه مبارکه، واقعه مطابق رؤیای صالحه وخیالندن خالی اولمغله تعبیردن مستغنی اولوب مشاهده ایتدیکی امرک خارجده عینی واقع وظاهر اولور.

روح انسانی، ابتدای خلقتده علوم ومعارفه وفنون وصنایعه قابل ومستعد بر جوهر روحانیدر. لکن مستعد اولدینی کالاتک کندوسنه حصولی تعلق ایلدیکی جسم وبدنک داخل وخارجنده خلق اولنان قوای ظاهره وقوای باطنیهی وسائر آلات بدنیه سنی محسوسات خارجیه ده استعماله موقوفدر. مثلا قوای ظاهره دن قوه باصره ایله مرئیاتی رؤیت وقوه سامعه ایله مسجوعاتی استماع وقوه شامه ایله روایحی شم. وقوه ذائقه ایله طعمی درک وقوه لامسه ایله حرارت وبرودتی ورطوبتی ویبوستی حس ایدوب بعده بطون دماغده موجود اولان قوای خمسئه باطنه ایله دخی محسوسات جزئیئه نک احوال واعراض جزئیئه سنی تحیل وتفکر ایدرک جزئیاتدن کلیاته ترقی ایلوب بوضورتده اشیانک طبائع وحقائق کلیه سنی واحوال وعوارضی علی وجه الکلی ادراک واذعان ملکه سی

# ب

( ۲۷ )

## ﴿ علم تعبیر رؤیا ﴾

علم تعبیر رؤیا، تخیلات نفسانیه ایله امور غیبیه بیننده کی مناسبتدن باحث در. تخیلات نفسانیه دن امور غیبیه انتقال اولنور و بوانتقال ایله خارجده اولان احوال نفسانیه و یاخود افاقدہ کی احوال جاریه استدلال ایدیلور .

علم مذکورک منفعتی بشری [۱] و یاخود «انذار» [۲] در .

معلوم اولدینی اوزره رؤیا نفس ناطقه نك فعلی در . اکر رؤیانك حقیقی اولماق فرض اولنسه انسانده شو حالتك ایجادنده فائده اولماق محذوری لازم کلور حال بوکه حکیم مطلق تعالی شانه حضرتلری ایجاد باطلدن منز اولوب جناب حقک هر برابداع و ایجادی حکمت و مصلحتدن خالی دکلد .

علمای کرام حضراتی جانبدن ذکر و بیان بیورلدینی اوزره علم رؤیا، عوالم روحانیه دن برعالمدرکه عامّه افراد بشرده سکون و راحت ایچون نوم یعنی اویقو اطلاق اولنان حالت طبیعی ظهور ایتدکده روح انسانی ظاهر دن باطنه توجه ایدوب لوح غییدن کندی آینه ذاتنه منعکس اولان صورکائناتی لحظه واحدهده مشاهده و تماشا ایدر . زیرا انسانك نفسی، حال یقظهده کندی جسم و بدنك احوالی تدبیر ایله مشغول و سمع و بصر و سایر قوای ظاهره ایله حس ایتدیکی امورده فکر و تأمله مجبول اولمغله کندی ذاتی ادراکدن غافل و لوح غییدن کندویه منعکس اولان علوم و معارفدن زاهل در . اما انسان ، نوم سببی ایله روزنه [۳] حسی سد و بند ایدوب علائق جسمانیه و عوائق بدنیه دن فکر و نظرنی قطع ایله عالم غیبیه توجه ایلدکده ملائکه کرام و سایر روحانیاتی مشاهده ایدر . روحانیات ایسه علمای محققین عندنده عالیده موجود و واقع اولان امورک جمله سنه واقف و ماضی و مستقبلده ظهور

[۱] بشری، با حرفنك ضمی و الف مقصوره ایله سونجولو خبر و خیرلو خبر معناسنه در .

[۲] انذار، لغتده بر ماده اعلام ایدوب تحذیر و تخویف ایتمک و عذاب و عقوبت وعد ایتمک معناسنه در .

[۳] روزنه، پنجره دیمکدر .

مکنون اولان اسرار آلهیه و علوم ملکیه بی طور قیاسدن خارج ذات عالیرینه مخصوص ادراک و شهود ایله مشاهده و اوقات مخصوصه ده تلقی و حی الهی بیورر لر . بعده ینه ملکیتدن بشریته رجوع و عودت ایدوب دائرة حس و خیالی تشریف ایتدکلرنده ملائکه کرامی صورت بشریه ایله دخی مشاهده و طرف حقندن کندولرینه تبلیغ اولنان کلام الهی بی سفیر و حی جلیلدن اخذ و تلقی بیورر لر .

انیای کرامک بو حالت سنیهلری سائر افراد بشرک عالم منامده رؤیا طریقله معاینه ایلدکلری حالدن پک زیاده مرتبه اعلا ده ایسه ده ینه استفاضه غیده ینلرنده فی الجمله مناسبت و مشابیه واقع اولمغله مفخر موجودات علیه افضل الصلوات حضرتلری نبوت ایله رؤیانک مناسبتی و ینلرنده واقع اولان نسبت تفاوتی امت و اصحابنه بیان بیورمق قصدیله «رؤیا، نبوتک قرق آلتی جزؤندن بر جزؤدر» دیو کهر ریز خطاب مستطاب اولدیلر روایت اخرا ده رؤیا، نبوتک قرق اوج جزؤندن و بر روایتده دخی یتمش جزؤندن بر جزؤ اولق اوزره کتب احادیث شریفه ده تخریج اولنمشدر . بو روایتلرک جمله سننده اجزای نبوتک ذکر اولنان عدد معینه انحصاری مقصود بالذات اولیوب بلکه نبوت و رسالته مخصوص اولان مراتب علیه نک کثرتی و رؤیا ایله نبوت میآسنده واقع اولان کال تفاوتی بیان قصد اولنمشدر . زیرا بو حدیث شریفک بعض طرق اسنادنده نقل اولندیغی اوزره کلام عربده یتمش معنا سنه اولان «سبعین» لفظی وارد اولوب «سبعین» لفظی عندالعرب کثرتدن کنایه مقامنده استعمال اولنه کلشدر .

معلوم اولدیغی اوزره عامه افراد بشرک نفس و روحلری کرچه اطلاع مغیبانه مستعد اولوب هر شخصک جوهر ذاتنده بو استعداد ذاتی موجوددر . لکن هر شخصک قبوله مستعد اولدیغی کالات علمیه و عملیه نک کندوسنده بالفعل حصوله موانع کثیره واردر . او موانعک اعظمی ، انسانک ظاهر وجودنده موجود اولان قوای خمس درکه انلرک هر بریسی ایله انسان، خارجه موجود اولان محسوسات جزئییه حس و ادراک ایله مشغول اولوب علاقه ایتدیکی امور محسوسه ظهر پرده حس و خیالده موجود اولان عالم معنای و صور روحانییه مشاهده دن نفسی منع و صرف ایتکله جناب حکیم مطلق تعالی شانه حضرتلری طبیعت بشرده حالت منامی خلق و ایجاد ایله آینه روحندن پرده حسی رفع و حر مسرای غیه بر باب فتح ایلشدر که روح انسانی عالم منامده اول بابدن



حاصل ودرجه کماله واصل اولدقدن صکره دائره حسدن خارج و آلات بدنیه دن عاری اوله رق حاصل اولان علوم غیبیه و معارف الهیه یی دخی مجرد کندو ذات روحانیسی و طبع نورانیسی ایله ادراک ایتکله ارواح علیینه و ملائکه مقربینه فی الجمله مشابعت و مناسبت تحصیل ایدر انجق روحانیات اراسنده نفسک رتبه سی ملکیت طبقه سندن ادنی اولوب کالات علیه و عملیه درجه علیای ملاء اعلایه بالغ اوله من زیر ملائکه کرام علیهم الصلوة والسلام حضراتنک ذات و صفات حقّه و عالم روحانی و جسمانی ده موجود اولان سائر اشیانک حقائقه علم و ادراک لری نفس انسان کبی قوای بدنیه و آلات جسمانیه و ساططیه علی التدریج کسب و تحصیله موقوف اولیوب بلکه ابتدای فطر تارنده و اوّل خلقتارنده انلرک جمیع کالات علیه و عملیه لری دفعه حاصل و انسانک ازمئه عیدیه کسب و تدریج ایله تحصیل ایده چکی علوم و معارفه اول امرده علی وجه الکمال واصل اولمیرله ذاتلرینی استکمال ایچون نفسلرندن خارج آلات و قوایه محتاج اولدق لری درکاردر. لکن انسان دخی اصل فطر تنده و مایه خلقتنده موجود اولان استعدادی فعله کتوروب حقائق اشیایه و طبائع موجوداته علم و ادراک کسب و تحصیل و جوهر ذاتی تکمیل ایلدکن صکره رفع حجاب حس ایله عالم منامده جسمانیتن روحانیه ترقی ایدوب بر لحظه انوار ملکیه و ذوات روحانیه ایله ملاقات ایلدکده آن واحده لوح غییدن استعداد و صفوتی درجه سنده علوم غیبیه واقف اولور و روح انسانی، مادامکه حلول موت ایله جسم و بدنندن علاقهبی قطع ایتیه کندوسنده بو استعداد ذاتی موجود اولوب علائق و مشاغلدن کندوسنه عالم منامده تجرید حاصل اولدقجه مغیباتدن نیچه اموره مطلع اولور و نفس انسانده مغیباته وصول استعدادی دخی مختلف و قرب و بعد ایله درجاتی متفاوت اولوب بر قسمی عامه افرادک طبیعتارنده موجود درکه عالم منامده اثری حاصل اولور و بر قسمی دخی اولیای کرامه مخصوص استعداد درکه انلر حال منامک غیریده دخی کشف و الهام طریقله بعض مغیباته واقف و مطلع اولور لر. اما انبیای عظام صلوات الله تعالی علیهم اجمعین حضراتنک ذات کروی صفتارنده عالم غیبیه وصول استعدادی درجه علیا و رتبه قصویه بالغ درکه انلرک ارواح مقدسه لری اجسام لطیفه لرنده موجود اولان قوای ظاهره و باطنیه لری ایله حس و مشاهده اولنان امورک و سائر مشاغل بدنیه نک جمله سندن علاقهبی قطع ایله لمح بصرده دائره بشریتدن خروج و جمیع روحانیاتک اکمل و اعلاسی اولان ملکیت محضه رتبه سنه عروج ایدوب ارواح علیین و ملائکه مقربیندن بر روح اعظم و ملک معظم اولور و بو ائشاده سر ابرده غیبیه

(تجویف ایمن)، درون قلبه جذب غذا ایچون صدرک صاغ جانبی طرفنه مائل اوله رق دم صافی و مقدار قلیل روح حیوانی ایله مملودر.

(تجویف ایسر)، صدرک صول جانبنه مائل و روح حیوانی دینیلان بخار لطیفک منبع و معدنی اولوب مقدار قلیل دم صافی دخی موجوددر.

(تجویف اوسط)، تجویف ایمن ایله تجویف ایسر بیننده دهلیز شکلنده متوسط اولوب کبد طرفندن مجلوب و تجویف ایمنده مخزون اولان دم صافی ایله قلبی تغذیه و تولید روح ایچون تجویف ایسره ایصال ایدر.

قلبک تجویف ایسری روح حیوانی اسمی ایله معروف اولان بخار لطیفک معدن و منبعی اولوب «شریان» دینیلان مجوف و طولانی طمرلر دخی تجویف ایسردن ثابت و کبد و دماغه و سایر اعضایه منتهی اولمغله تجویف ایسردن روح حیوانی شریانلره حلول و حس و حرکت مستعد اولان عضولره وصول بولدقده نفس ناطقه انسانیه، اول بخار لطیف واسطه سیله حس و حرکت عملی اعضاده اجرا و هر عضوه لایق اولان کمالی اذن حق ایله اعطا ایدر.

روح حیوانی و بخار لطیف نورانی قلبک تجویف ایسرنده حاصل و حرارتی کامل اولمغله شریانلر واسطه سیله جوف دماغه واصل اولدقده جرم دماغدن برودت کسب ایدوب روح حیوانی نك مزاجی معتدل اولور. بعده جرم دماغه مرکوز و بطون ثلثه ده موجود اولان قوای خمسۀ باطنه دن قوه واهمه و حس مشترک و قوه حافظه و قوه خیالیه و متفکره نك عمللری دخی نفس ناطقه دن اشبو روح حیوانی واسطه سیله صادر اولور.

تفصیلات مشروح ه دن اکلاشیله جفته کوره نفس ناطقه دن صدور و ظهور ایدن کمالات علیه و عملیه و جمله افعال و اعمال بدنیه، قلبک تجویف ایسرنده موجود اولان روح حیوانی واسطه سی ایله حاصل اولور و روح حیوانی اجزای بدنک الطف و اشرفی اولمغله نفس ناطقه یه لطافت جهتیله فی الجمله مناسبت و ملائمتی و اشبو جوهر نفسدن صدور و ظهور ایدن آثار و افعاله الت اولمغله لیاقتی ظاهر اوله رق سائر اعضای ظاهره و باطنه ده نفسک اناری اشبو روح حیوانی و ساطتیله صادر اولدینی ثابت اولور.

کذلک مقدا ذکر اولدینی اوزره انسانک علم و ادراکی ایکی وجهه حاصل اولور.

عالم معنایه داخل ولوح غیبده مرسوم اولان صور مغیباتدن مشتاق اولدینی بعض امورده واقف اولور. بناءً علی هذا روح انسانی، کاهیجه عالم خوابده علائق وشواغل بدنیه دن تخلیص کریبان ایدوب بر لحظه عالم غیبه نظر ایله منزل مقصودینه واصل اولور.

ظهور نوم ایله انساندن حس وشعور کیدوب آلات حسیه نك عملی زائل اولسنك سببی شودرکه انسانك سائر حیواناتدن امتیازینه مدار اولان نفس ناطقه سی جسم وجسمانی اولیوب بلکه ذاتنده حس بصر ایله محسوس ومرئی اولیان ارواح ملکیه کبی دیده دن نهان وبدنده اثاری عیان بر موجود روحانی وجوهر نورانی درکه تعلق ایتدیکی جسم وبدنك زمام تصرفی وابسته رأی وتدییری اولغله هیكل محسوس بشرک ظاهری وباطننده امری نافذ وحکمی جاری در. نوع بشر حس وحرکتده کندوسنه مشارک اولان سائر حیواناتدن نفس ناطقه ایله ممتاز اولدینی کبی نفس ناطقه دخی ارواح ملکیه وسائر روحانیتدن جسم وبدنه تعلق ایله ممتاز اولوب کندوسندن صدور وظهور ایدن علم وکمال وسائر اعمال وافعال، بدنده موجود اولان آلات ظاهره وباطنیهی اعمال ایله حاصل اولور. لکن نفس انسانی ارواح ملکیه کبی بر جوهر لطیف روحانی وهیکل بدن کثیف وظلمانی اولغله ینلرنده مناسبت بعیده ومباینت شدیدده اولوب شیء لطیفك دخی لطیفده تأثیری قانون حکمته موافق وکشفده اثری وتیره عادت الهیهیه مخالف اولغله نفس ناطقه نك مستعد اولدینی علم وکمال وسائر اعمال وافعالنی تحصیل وذاتی تکمیل ایتمک قصد واراده سی ایله جناب حکیم بی زوال جلّ شانه عن المثال حضرتلری اخلاط اربعه نك زیاده لطیفندن وعلی الخصوص صاف دمدن مخلوق ولسان اطباده روح حیوانی عنوانی ایله معروف اولان بخار لطیفی بدن انسانده خلق وتکوین ایدوب نفسك اعمال وافعالنی تحصیله آلت وحکمت وقدرته برهان وحجت ایلدی.

رؤسای اطبانك عمده سی «جالینوس» دن وانك غیری سائر مهره فن طبیدن نقلاً کتب تشریحده مسطور اولدینی اوزره بدن انسانده موجود اولان اعضای رئیسه نك اشرفی قلبدر. قلب دخی چام اغاجی صالقمی کبی مخروطی الشكل برعضو درکه سیوری طرفی صدرك اسفلنده صول جانبنه مائل ویصی جانبی صدرك وسطنه متصل وملاصقدر. جرم قلبده بعضاً دم صافی وبعضاً روح حیوانی ایله مملو اوچ عدد مجوف محل واردرکه بریسی «تجویف ایمن» وبری «تجویف ایسر» ودیگر اوچنجیسی «تجویف اوسط» تسمیه اولنور.

بر ترکیب ترتیب ایدر واکثرا صورت ترکیب واقعه، نفسک عهد قریبده مشاهده ایدوب حال یقظهده مألوف و معتاد اولدینی امور جنسندن واقع اولور بعده حواس ظاهره ایله حس اولنان محسوسات جزئیتهنک جرم دماغده مجمعی اولان حس مشترک قوتنه اول صورتلری تنزیل ایدوب حواس ظاهره ایله خارجده حس اولنان وجه اوزره مشاهده ایدر و عالم خوابده وقت اولورکه انسانک نفس و روحی قوای ظاهره ایله حاصل اولان مشاغل حسیدن خلاص اولدینی کبی قوای دماغیه ایله تخیل ایتدیکی صور خیالیهدن دخی تخلیص کریبان ایدوب بر لحظه کندی ذات روحانیسی دخی ادراک معنوی ایله مشاهده موفق اولوب لوح غیبدن کندی آیینۀ ذاته منعکس اولان معارف غیبیهی دخی معاینه ایدر. بعدذا روح انسانی بلا واسطه کندی ذاتیله طرف حقندن اخذ ایلدیکی امور مغیباتی قوه متخیلهیه عرض ایدوب متخیله دخی او مغناری یا حقیقتی اوزره نقش و تصویر و یا خود او معنایه مناسب بر قابله سبک و افراغ ایله تخیل ایدر. اگر اخذ اولنان معنائک عینی رسم و تصویرده عاجز اولوب مناسب بر صورته افراغ ایدر ایسه او واقعه تعبیره محتاج اولور. اما نفس ناطقه علائق بشریهدن کندی تخلیص ایله بر لحظه عالم ارواحه واصل و آیینۀ ذاته منعکس اولان صور مغیباتی مطالعه حاصل اولیوب بلکه حواس ظاهره واسطهسی ایله حال یقظهده خارجدن داخله وارد و قوه حافظهده مخزون و موجود اولان صور حسیهیی قوه متخیله ترکیب و تحلیل ایله تصرف ایدر ایسه او واقعه کاذبه اضغاث احلام یعنی قاریشق رؤیا اولور.

عالم منامده مرئی اولان واقعهلر بالاده ذکر اولنان اوچ مرتبه اوزره واقع اولدینی سلطان انبیا علیه افضل التحایا حضرتلرندن روایت اولنان حدیث صحیح دخی تأیید ایدر. زیرا صاحب سعادت حضرتلرندن مروی درکه رؤیا اوچ نوع اوزره واقع اولور. بر نوعی بالذات جناب حقندن و بر نوعی ملک واسطهسیله و بر نوعی دخی شیطان القاسیله حاصل اولور دیو بیوردقلری کلام نبوی مراتب مذکورهیه اشارت در.

اول واقعه که نفس انسانی بلا واسطه الآلات کندی ذاتی ایله اخذ ایدوب قوه متخیله دخی حقیقتی اوزره عینی تصویر ایدر اول واقعه بالذات طرف حقندن لوح روحه منعکس اولوب تعبیردن غنی و عینی واقع اولور. اول رؤیا که روح آنی لوح غیبدن اقتباس ایلوب لکن قوه متخیله عینی ادراکدن عاجز اولمغله او معنایه مناسب بر قابله افراغ ایدر اول واقعه ملک واسطهسیله صحیفۀ خیالده تعبیره محتاج در. اول واقعه که روح انسانی، انی عالم

وجه اول ظاهر بدننده موجود اولان سمع وبصر مقوله سی آلات حسیه واسطه سیله ادراکدن عبارتدر. وجه ثانی دخی جرم دماغده مرکوز اولان قوه واهمه وقوه متخیله کبی قوای باطنه ایله تحصیل ایلدیکی ادراکدر. اشبو ایکی وجه ایله اولان حس وادراک، نفس ناطقه یی کندو فوقنده عالم غیبده موجود اولان روحانیاتی مشاهدهدن منع ایتمش وفطرت وجبلیتی ایله مستعد اولدینی صور علوم غیبیه یی معاینهدن صرف ایشدر. کذلک آلات حس وشعوردن خارج بدننده موجود اولان حواس خمسۀ ظاهره اعضای بدنینهدن برر عضوده موجود اولوب قوه باصره عینده وقوه سامعه اذنده وقوه شامه انفده وقوه ذائقه لسانده وقوه لامسه اکثر اجزای بدننده واقع امور جسمانیه دن اولمغله نفس ناطقه، بو آلات وقوای محسوساتی ادراک اولنان اشیاده استعمال ایلدکده بوقوتلره تعب وکلال ومشقت وملال کلوب کثرت تصرف واعمال ایله روح حیوانی دخی اطرافه منتشر اولمغله قوای حس وشعوره ضعف وفور ووهن وقصور عارض اولدقده جناب حکیم بی زوال جلّ شأنه عن الوهم والخیال حضرتلری قوای حسیه یه راحت ویرمک ایچون نفس انسانده بر داعیه خلق ایلدی که اثنای لیل ونهارده عارضۀ نوم ایله آلات حس وشعورک استراحت وآرامنه طالب اولوب کثرت استعمال ایله حاصل اولان تعب وکلالی انکله دفع ایلدکدن صکره مجدداً کسب ایده چکی علم وکمال وسائر آثار وافعالنه قدرت کامله تحصیل ایلیه وحواسّ ظاهره ایچون مطلوب اولان راحت وحضور میسر اولیوب انجق مرکز قلبدن جرم دماغه وسائر اعضایه صعود ایدن بخار لطیفک ظاهردهن باطنه عودت ورجوع ایتسیله حاصل اولوب خصوصاً شمسک وغروب وحرارتک زوالی ایله اثنای لیلده بدن انسانه مس ایدن برودتک اعاقی ایله واقع اولور. بو صورتده طبیعت بشر، برودت لیلی حس ایتکله حرارت غریزه اعماق بدنه میل وتوجه وظاهردهن باطنه عودت ورجوع ایدوب نفس ناطقه نک قطع مسافۀ کلامه مطیبه ومرکبی مثابه سننده اولان روح حیوانی یی خارجدن داخل بدنه سوق ایدر بوسبیدن درکه نوم انسان، غالب حالده اکثر اوقاتده اثنای لیلده واقع اولور. روح حیوانی که بخار لطیف در حواس ظاهردهن داخل بدننده واقع قوای باطنیه رجوع ایتدکده نفس ناطقه نک حواس ظاهره واسطه سیله حاصل اولان علائق وموانعی بر طرف اولوب مشغله سننه خفت کلکله قوای دماغیه دن قوه حافظه ده موجود وحاضر اولان صور حسیه یه مراجعت ایدوب قوه متخیله دخی اول صورتلری بر برینه ضم وتالیف ویاخود بینرینی تفریق وتحلیل ایله صحیفۀ خیالده

# بحث

(۲۸)

## ﴿ علم کلام ﴾

(کلام)، اهل نحو عندند «ماتضمن الکلمتین بالاسناد» تعریفی ایلله معرف در. یعنی اسناد تاّم ایلله ایکی کلمه متضمن اولان جملهیه «کلام» تعبیر اولنور. «زید قائم» جمله سی، تعریفه مثال اولوب معناسی «زید قائم در» دیمکدن عبارتدر. اسناد، «قیام» فعلنی زید اوزرینه حکم ونسبت ایتکدن عبارتدرکه تفصیلی، کتب نحویهده مسطور ومندرجدر.

(کلام)، علمای علم عقائد اصطلاحنده قواعد اسلامیه اوزره جناب حَقِّ ذات وصفاتندن ومبدأ ومعاد اعتباری ایلله احوال ممکناتندن باحث اولان علمه اطلاق اولنور. دیگر برتعریفه کوره علم کلام، ادله دن مکتسب اولان قواعد شرعیّه اعتقادییه علمدن عبارتدر.

علم کلامک اکثر مباحثی «کلام الهی» مسئله سی اولوق و علم مذکور تحقیق شریعات وایزام خصوصده ایراد کلامه ایراث قدرت ایلک مناسبتنه وامشالی وجوه مناسباته مبنی علم اصول دین، «علم کلام» اسمی ایلله تسمیه اولغشدر.

(موضوع) علم کلامک موضوعی، حق سبحانه وتعالی حضرتلرینک ذات وصفاتی در.

(منفعت) علم کلامک منفعتی، سعادت ابدیه و سیادت سرمدیه نائل اولمقدرد.

(مبادی) علم کلامک مبادیسی، علوم شرعیّه وصناعات منطقیّه در.

صحابه کرام وتابعین ذوی الاحترام حضراتنک صحبت نبویه برکاتی وزمان سعادت نشان رسالتپناهییه قرینیت حیثیتی ایلله صفوت عقیده لری اولدیغندن بشقه او عصرده وقایع واختلافات قلت اوزره اولوب ظهور ایدن مشکلات دخی خلفای راشدین رضوان الله تعالی علیهم اجمعین حضراتی ایلله ثقات کاملین طرفلرندن حل اولندیغنی جهتله اثبات عقائد دینیّه ایچون بحث و مناظرهیه وتدوین علم توحیده لزوم و احتیاج مفقود ایدی. وقتاکه صحابه کرام ومرجع انام اولان علمای معالی اتسام حضراتنک عصر وزمانی مرور ایلدی

روحانیدن اخذ ایتیموب بلکه قوه مخیله و حافظه مخزون و موجود اولان معناری ترکیب و تحلیل ایله تحصیل و ملاحظه ایدر اول واقعه شیطانی و کاذب در. زیرا بو واقعه اوهام فاسده و خیالات باطله اولوب و شیطان دخی دائماً نفسه امر باطل القا ایلکله شیطانه نسبت اولمشدر.

رؤیاء نفس انسانه مخصوص و عامه افراد بشرک طبیعتلرنده موجود برحالت اولوب افراد بنی آدمدن بر فرد اندن خالی دکدر بلکه اشخاص بشردن هرکس عالم منامده نیجه واقعه لر مشاهده ایدرکه حال یقظه ده ظاهر اولدقده نفس ناطقه نك اثنای نومده مغیبهاته واقف اولدینسه قطع و جزم ایدر چونکه عالم خوابده نفس ایچون غیبه و قوف جائز اولدقده سائر وقته دخی طریق آخر ایله نفس ناطقه ایچون مغیبهاته وصول ممکن اولور. زیرا نوم و یقظه اثنالرنده غیبی ادراک ایدن شی انجق نفس واحد اولوب انسانک اصل و خلقتدن موجود اولان خاصه طبیعیه سی و استعداد ذاتیسی هر حالده دائم و باقیدر.

عالم منامده مشاهده اولنان رؤیالر انسانک قصد و قدرتی ایله حاصل اولیوب بلکه روح انسانی کندوسنک و یاخود شیء اخرک احوالی بیلک ایچون طرف غیه متوجه و منتظر اولدقده لطف باری و عون الهی مقارنتی ایله اول شئک حقیقی و توجه ایلدیکی امرک کیفیتی منظره غیبدن لوح نفسه منعکس و منکشف اولور یوخسه روح انسانی ایستدیکی وقته مراد ایتدیکی خصوصی عالم منامده رؤیت و مشاهد ایتکه قادر دکدر. علمای کرام حضراتی جانبندن تعبیر رؤیایه متعلق کتب کثیره تألیف بیورلمشدر. کتب مؤلفه نك بعضیسی «ابن الدقاق» ک فوائد الفرائد اثری کبی مختصر و «امام حنبلی» حضرتلرینک «شرح البدر المنیر» اثری کبی متوسط و «ابوالسهل المسیحی» ایله «المولی محمد بن قطب الدین الازنیقی حضرتلرینک» تألیفاتی کبی مبسوط اولوب «قطب الدین الازنیقی حضرتلرینک» علم و فضل و زهد و ورعه نادر الوجود برذات حمیده صفات اولدقلى و ریاست علیه ایله ریاست کشف یبنی جامع بولندقلى علمای کرام حضراتی طرفندن ذکر و بیان بیورلمشدر.

سلف صالحیندن علم تعبیر رؤیایه تهر ایتش اولان ذات عالی قدر «محمد بن سیرین» رضی عنه رب العالمین حضرتلری اولدینی متفق علیه اولوب مشارالیه حضرتلرینک تعبیرنامه خصوصی اطراف عالمده زیور ایدی اعتبار و اشتها در.

مجتهدین کرام حضراتی طرفندن علم کلام حقنده منع وتحذیر وقوعبولدینی منقول و مروی اولوب بو منع وتحذیرک کلام فلاسفهیه و غیر مشروع مناظره و مجادلهیه و بحث ایله عجب و غروره عائد اولدینی و علم کلام، قواعد اسلامییه اوزره جناب حقک ذات و صفاتندن و نبوتدن و امثالی عقائد دینیه دن باحث اولمق حسیله علم مذکورک حاوی اولدینی مسائل اعتقادیه علوم شرعیه و دینیته نک اصلی اولدیغندن مباحث اعتقادیهیه علی وجه الاجمال کسب و قوف و معرفت ایتمک هر مسلم اوزرینه فرض عین اولدینی کبی علی وجه التفصیل کسب معلومات ایتمک دخی عند الحنفیه فرض کفایه و عند الشافعیه فرض عین اولدینی علمای کرام حضراتی جانبندن ذکر و بیان بیورلمشدر.

حدیث شریف ایله ثابت اولدینی اوزره امت محمد علیه الصلوٰة والسلام عقائد جهتیه یتمش اوج فرقه اولوب بونلردن بر فرقه سی رسول اکرم صلی الله تعالی علیه وسلم حضرتلری ایله اصحاب کرامنک اعتقادلری اوزره اولان فرقه درکه بو فرقهیه فرقه ناجیه و اهل سنت و جماعت اطلاق اولنور. باقی یتمش ایکی فرقه، فرق غیر ناجیه در.

فرق غیر ناجیه نک اصولی یدی فرقه دن عبارت اولوب فرقه اولی «معتزله» و فرقه ثانیه «شیعه» و فرقه ثالثه «خوارج» و فرقه رابعه «مُرَجئه» و فرقه خامسه «نَجَّاریه» و فرقه سادسه «جبریه» و فرقه سابعه «مَشَبَّه» در. اشبو یدی فرقه نک فروعات و توابعی اولوب جمله سی یتمش ایکی فرقهیه بالغ اولور.

افاخم علمای کرامدن «المولی محمد بن عبدالکریم الشهرستانی» حضرتلرینک «ملل و نحل» اسمی ایله مسمی اولان کتابنده کُرک فرقه ناجیه نک و کُرک فرق غیر ناجیه نک احوال و کیفیات و عقائدی علی وجه التفصیل ذکر و بیان اولدینی کبی علم کلامه متعلق سائر معلومات تفصیلیه دخی کتب کلامیه ده مسطور و محرر در. اهل سنت و جماعتک عقائد صحیحیه سنی حاوی اولان کتابلردن اسوة العلماء المحققین و قدوة الفضلاء المدققین سراج الملة والدين «علی بن عثمان الاوشی» علیه رحمة الباری حضرتلرینک بین العلماء والطلاب «امالی» اسمی ایله شهرت یاب اولان منظومه فاخره پر بها و نشیده ذاخره بی بهاری کافه اصول دینیّه و عامه عقائد یقینه یی حاوی اولمسیله منظومه مذکوره تبرکاً و تمیناً اشبو علم کلام بحثه تذیل و بحث مذکور منظومه مذکوره ایله تزین اولنش و عمومک تسهیل استفاده لری مقصدله هر بیتک زیرینه ممکن مرتبه ترجمه معناری ثبت و تحریر ایدلمشدر.



ناس بیننده فتن کونا کون حدوث ایتمکله اختلاف آرا وتشعب اهوا وبدع ومحدثات یوماً فیوماً بارز اوله رق وفتاوی وواقعات تکثر ایدرک مهمات دینیهده علمای کرامه مراجعت متزاهم اولسلیله مجتهدین عظام، آیات کریمه واحادیث شریفیه نظر ایله استنباط ایلدکلری احکامی ضبط ایچون قواعد و اصول و ابواب و فصول وضع ایدوب ادله تفصیلیه دن احکام عملیه معرفتی مفید اولان علمه «علم فقه» واجبالاً احوال ادله نک معرفتی مفید اولان علمه «اصول فقه» وادله یقینه دن معرفت عقائدی مفید اولان علمه «علم کلام» تسمیه بیورمشلردر.

علم کلامده اهل سنت و جماعتک رئیسی ایکی ذات عالیقدر اولوب بریسی «ابو منصور ماتریدی» و دیگر «ابو الحسن الاشعری» حضرتلری در.

مشارالیهامان «امام الهدی ابو منصور محمد بن محمد بن محمود الماتریدی» رضی عنه الباری حضرتلری حنفی المذهب ایدی. مشارالیه حضرتلری «کتاب التوحید» و «کتاب المقالات» و «کتاب تأویلات القرآن» و «کتاب مآخذ الشرایع فی اصول الفقه» و «کتاب الجدل فی اصول الفقه» ناملری ایله موسوم اولان کتابلری تألیف بیورمش اولدقلری کبی فرقه معتزله [۱] ایله سائر فرقه مخالفه نک دینه متعلق کتابلر دخی تألیف بیورمش وهجرت نبویه نک (۳۳۳) نجی سنه سنده «سمرقند» ده ارتحال دار بقا ایلشدر.

«ابو الحسن الاشعری البصری» رضی عنه الباری حضرتلری شافعی المذهب ایدی. مشارالیه هجرت نبویه نک (۲۶۰) نجی سنه سنده زیور کهواره وجود اولوب روایت صحیحیه کوره (۳۳۰) ایله (۳۲۰) سنه لری آره سنده و دیگر بر روایت کوره (۳۲۴) نجی سنه سنده و دیگر بر روایت کوره دخی (۳۳۰) بوقدر سنده عازم کلزار جنان اولمشدر.

[۱] معتزله، «اعتزال» لفظندن اسم فاعل اولوب فرقه معتزله سبکننده در. «اعتزال»، لغتده ایرلای معناسنده در. فرقه «معتزله» فرق غیر ناجیه دن بفرقه اولوب رئیسلی «واصل بن عطا» درکه «حسن بصری» علیه رحمة الباری حضرتلرینک مجلسنه مداوم اوله رق برکون اثنای محاوراته «مرتکب کبیره مؤمن و کافر اطلاق اولمز» دیوب کفر و ایمان بیننده برمنزله اثبات ایلکله مشارالیه حسن بصری حضرتلری، «واصل بزدن اعتزال ایلدی» کلامی کویان اولغله مرقوم واصل و توابنک معتزله ایله ملقب اولدیفی و فرقه مرقومه حق تعالی اوزرینه مطیعه ثواب وعاصیه عقابک وجوبه وصفات قدیمه نک نفینه ذاهب اولغله کندو ملتزبه اهل توحید و اهل عدل اطلاق ایلدکلری و قدری انکار ایتلری ایله انلره قدریه دخی تسمیه اولندیفی کتب کلامیهده مسطوردر.

(۲)

اله الخلق مولانا قدیم و موصوف باوصاف الکمال

[۱] [۲] [۳] [۴] [۵]

(مأل بیت)

جمله مخلوقك خالق و معبودی قدیم در . وجودی کندیدن اولوب غیریدن دکلدر و کافه صفات کمال ایله موصوفدر .

[۱] «اله» لفظی «فعال» وزنی اوزره امام مأوم معناسنه اولدینی کبی لام حرفنک فتحی ایله «اله» دن مأخوذ اولدیننه کوره «اله الخلق»، معبود الخلق معناسنه در . بعض قوله کوره لام حرفنک کسری ایله «اله» دن مأخوذ اولوب تحیر و دهشت معناسنه در . زیرا اوهام مخلوقات، معرفت ذات آلهیده متحیر و متدهشدر . بعض قوله کوره ینه لام حرفنک کسری ایله «اله» دن مأخوذ اولوب «دام» و «ثبت» معناسنه در . بعض قوله کوره لام حرفنک کسری ایله «اله» دن مأخوذ اولوب «سکن» معناسنه در . زیرا قلوب، لفظه جلاله نك ذکرى ایله مطمئن و ارواح دخی معرفت خدا ایله ساکن اولور . بعض قوله کوره لام حرفنک فتحی ایله «اله» دن مأخوذدرکه «رجع الیه» و «اعتمد علیه» معناسنه در . زیرا هر حاله مخلوقاتک مرجع و معتمدی ذات الہی در . دیگر بعض قوله کوره ینه لام حرفنک فتحی ایله «اله» دن مأخوذ اولوب «ارتفع» معناسنه در زیرا ذات باری، ممکناته مشابہت و محدثاته مناسبتدن رفیع و عالی در . بعض قوله کوره لام حرفنک کسری ایله «وله» دن مأخوذ اولوب «تحیر» معناسنه در . یاخود کسر لام ایله «وله» دن مأخوذ اولوب «فرع» و «لجی» معناسنه در زیرا جمله مخلوقات، امور و حوایجنده جانب آلهی به التجا ایدر . یاخود «لاه یلوه» کله سندن مأخوذ اولورق «علا یعلو» معناسنه در . یاخود «احتجب» معناسنه اولورق «لاه یلیه» کله سندن مأخوذدر زیرا عالم دنیاده ابصار اهل دنیادن محتجبدر . یاخود «استتار» معناسنه «لام» کله سندن مأخوذدر زیرا جناب حق، کمال صمدیت ایله محتجب اولدینی کبی کمال ظهوری ایله دخی عقول و ابصاردن محتجبدر . امام اعظم رضی الله تعالی عنه حضرتلرینک لفظ شریف مذکورک اشتقاقی امرنده تأدیاً سکوت بیورمش اولدقلری مرویدر . انمہ نجاتدن امام سیویه عندنده دخی لفظ مذکور علم مرتجبلدر .

[۲] مولی، الفاظ مشترکه دن اولوب «ولی» کله سندن مشتق در «مفعول» وزننده اولوب «فعلی» وزننده دکلدر . «معق» و «معق» و «سید» و «مری» و «قرب» و «متصرف فی الامور» و «ناصر» و «محبوب» معنارینه در . مولانا جلال الدین الدوائی حضرتلری «نصاب» شرحنده لفظ مذکورک (۱۴) معناسی بیان بیورمشدر .

[۳] قدیم، دال حرفنک ضمی ایله «قدم قدما» صیغه سندن صفت در وجودی عدم ایله مسبوق اولیوب بقاسی مستمر اولان موجوده دینور . مأل، اول و اخری اولمیان موجوددر .

[۴] موصوف لفظنک مصدری اولان وصف و صفت، اهل لغت عندنده مترادف در . آخرنده اولان «تا» حرف «واو» حرفندن عوضدر «وعد، یعد، عدة» کبی .

[۵] ناظم علیه الرحمه حضرتلرینک صفات کالدن مرادی صفات ثبوتیه ذاتیه اولورکه

(۱)

يقول العبد في بدأ الامالى      لتوحيد بنظم كاللاالى  
[۱] [۲] [۳]      [۴] [۵] [۶]

(مال بيت)

ناظم منظومه عليه الرحمه علم توحيدك بيانى ايجون مانند لآلى نظم ايله املا ايلديكى  
اترك اولنده كلامه شروع ايدر.

[۱] عبد ، عبد الله تقديرنده اولوب مراد ، نفس ناظم عليه الرحمه در . مفهوم عبوديت ،  
لازمه ذمت مخلوق اولان تذلل و خضاعت اظهارندن بشقه اعتراف ربوبيت حق سبحانه و تعالى  
حضرتلرينى دخی متضمن اولمغله ناظم عليه الرحمه كندو نفسى عنوان عبوديته توصيف ايلشدر .

( بيت )

(لا تدعى الا بياعبديا      فانه اشرف اسمائيا)

مدلولى اوزره «عبد» اسمى اشرف اسماء مؤمنين در .

انباء عظام عليهم الصلوة والسلام حضراتك خاصه عبوديتلرى خاصه رسالتلرندن اشرفدر . زيرا  
عبوديته خلقندن حقه منصرف و رسالتله حقدن خلقه منعطف اولورلر . بناء عليه كله شهادته عبد عنوانى  
رسول اوزرينه تقديم اولمشدر .

[۲] بدأ ، ابتدا معناسنه در . لكن ابتدا لفظنك مفهوى كلفى متضمن در حمل واحتمال كبي .

[۳] امالى ، املا\* كله سنك جمعى در . عن ظهر الغيب يعنى بركتابدن استعانه ايتمهرك تحرير  
وكتابت ايتك معناسنه در . بعض قوله كوره «امالى» منظومه مذكوره نك اسمى در . بعض قوله  
كوره دخی «بدأ لامالى» منظومه نك اسمى در .

[۴] توحيد ، تفعيل بابندن مصدر در . صانع عالم حق سبحانه و تعالى حضرتلرينك ذاتاً  
وصفاتاً واحد حقيقى يعنى شريك و نظردن منزله اولديغى قلب ايله تصديق و لسان ايله اقرار ايلكندن  
عبارتدر . نظم مذكوره «توحيد» كله سندن مراد ، علم توحيد اولوب علم مذكور ، علم كلام ايله  
شهرتشاردر .

[۵] نظم ، لغته اينجوي ايلكه دزمكه دينور . اصطلاحده مرتبة المعانى و متناسقة الدلالات  
اولان كنانى مقتضاي عقل اوزره جمع و تأليف ايلكندن عبارتدر .

[۶] لاالى ، «لؤلؤ» كله سنك جمعى در . لؤلؤ ، اينجو معناسنه در .

(۵)

ولا غيرا سواه ذا انفصال

صفات الله ليست عين ذات

(مأل بیت)

ذات الهی صفات کمال ایله موصوف و صفات کمال، جناب حق ذات شریفی ایله قاعدر.  
 لکن صفات، ذات شریفنک عینی اولمدینی کبی ذاتدن منفصل غیری دخی دکلدرد.

(۶)

قدیمات مصونات الزوال

صفات الذات والافعال طرا

[۳]

[۲]

[۱]

(مأل بیت)

حق سخانه و تعالیٰ حضرتلرینک مجموع صفات ذاتیه و فعلیه سی قدیم اولوب فنا و زوال  
 تطرّ قیدن محفوظدر.

(۷)

وذاتا عن جهات الست خال

نسیمی الله شیئا لا کالا شیاء

[۴]

(مأل بیت)

حق تعالیٰ حضرتلرینه شرع شریفده شیء لفظی اطلاق اولنور لکن حقیقت و صفتده  
 اشیای سائر مه مماثل دکلدرد. و جناب حق ذات ایله تعبیر اولنور لکن جهات ستّه دن [۵]  
 منزّه و مبرّ ادر.

[۱] صفات، صفت کله سنک جمعی در. صفات شریفه آلهیه ایکی نوعدر. نوع اول (صفات ذاتیه) در  
 حیات، علم، سمع، بصر کبی. نوع ثانی (صفات فعلیه) در انشاء، ابداع، امامه، احیا، ترزیق، انماء،  
 تصویر کبی.

[۲] طرا، طا حرفنک ضمی ایله جمیعاً معنسانه در.

[۳] مصونات، مصون کله سنک جمعی در. مصون محفوظ معنسانه در.

[۴] خال، خلو کله سندن مشتق اسم فاعلدر. خلو، خالی اولوق معنسانه در.

[۵] جهات ستّه، «فوق» «تحت» «امام» «خلف» «یمین» «یسار» دن عبارتدر.

(۳)

هو الحق المقدر ذوالجلال

هو الحی المدبر کل امر

[۱]

(مأل بیت)

حق سبحانه و تعالی حضرتلری حیات صفی ایله متصف در. حیات، ذاتندن اصلا زائل اولماز. جمله امور و احکامی مشیتی تعلق ایلدیکی اوزره تدیر و قضا و علم ازلیسی مقتضای اوزره اصلاح ایدر و جمله امور و افعالی قدر مخصوص اوزره تقدیر و مقتضای حکمتی اوزره ترتیب ایلر.

(۴)

ولکن لیس یرضی بالمحال

مرید الخیر والشر القبیح

[۳]

[۲]

(مأل بیت)

صفات ذاتیه الهیه دن بریسی (اراده) در. حق سبحانه و تعالی حضرتلری خیر و شرری اراده ایدر. لکن شرّ رضای شریفی تعلق ایلر.

«حیات» «علم» «قدرت» «کلام» «سمع» «بصر» «اراده» در ماتریدیه عندنده «تکوین» و اشعری عندنده «بقا» صفی دخی داخلدر. زیرا کمال، اول معنادرکه عدمی نقصان اولور ذاتده و افعال و صفاتده جاری در. «تمام» ایله فرقی بودرکه «تمام» مفهومده تزیید محتملدر. لکن کمال، کاملدر. حق سبحانه و تعالی حضرتلری صفات کمال ایله متصف اولسه اوصاف ناقصه ایله متصف اولقی لازم کلور لازم و ملزوم باطل اولغله جناب رب العالمین «حی» و «علیم» و «متکلم» و «سمیع» و «بصیر» و «مرید» و «مکون» در.

[۱] مدبر، تدیر لفظندن اسم فاعل در «تدیر» کلمه سی لغتده عواقب اموری تأمل و تفکر معناسنه در. حق سبحانه و تعالی حضرتلرینه نسبتله علم شریفی عواقب اموری محیط اولوب جمله امور و احکامی منزله تزییلدن عبارتدر.

[۲] مرید، اراده لفظندن اسم فاعل در.

[۳] محال، میم حرفنک ضمی ایله ممکن کلمه سنک ضدی در. محال ایکی نوعدر. بریسی عقلی و دیگری شرعی در. (محال عقلی) اول شیدرکه عقل، اوشیثک خارجه و وجودینی منع ایدر محل واحدده اجتماع نقیضین کی. «اجتماع نقیضین» سواد ایله بیاضک بر محله اجتماعی کییدر. (محال شرعی) اول شیدرکه، اوشیثک ارتکابی عقابی موجب اولور کفر و سائر معاصی کی. بیت مذکورده اولان محالدن مراد، محال شرعی در. ائدی حق سبحانه و تعالی حضرتلری عبادک ایمان و طاعتنی و کفر و معصیتنی اراده ایدر. لکن کفر و معصیتنه رضای یوقدر.

(۱۰)

وفي الاذهان حق كون جزء      بلا وصف التمكن يا ابن خال  
[۱]      [۲]

(مأل بیت)

جزء لا يتجزى که جوهر فرددن عبارتدر انک وجودی عقولده ثابت و متحققدر .

(۱۱)

وما القرآن مخلوقا تعالى      کلام الرب عن جنس المقال

(مأل بنت)

قرآن کریم که حق سبحانه و تعالی حضرتلرینک کلامی در ، حادث و مخلوق دکلددر .  
جناب حقك ذات اقدسى ايله قائم اولان صفی در .

(۱۲)

ورب العرش فوق العرش لكن      بلا وصف التمكن واتصال  
[۳]

(مأل بیت)

حضرت رب العزه عرشیدن عالی در و عرشك خالق در . عرشده مستقر و عرشه متصل دکلددر .

[۱] اذهان، ذهن کله سنک جمی اولوب عقل معناسنه در .

[۲] خال، برادر مادر معناسنه اولوب بیت مذکورده تکمله نظم ایچون ایراد اولنمشدر .

[۳] عرش، اعظم مخلوقات الهیه در . لسان حکماده « فلك تاسع » ايله تعبیر و تسمیه اولنور که فلك اعظم و محدّد جهات دخی دینور مجموع موجوداتی محیطدر .

(۸)

ولیس الاسم غیرا للمسمى      لدى اهل البصيرة خير آل

[۱]      [۲]      [۳]

(مآل بیت)

اهل سنت عندند اسم، مستأنك یعنی ذاتك غیری اولیوب بلکه عینی در.

(۹)

وما ان جوهر ربی وجسم      ولا کلّ وبعض ذو اشتمال

[۴]      [۵]

(مآل بیت)

حق سبحانه وتعالی حضرتلری «جوهر» و «جسم» و «کلّ» و «بعض» دکلدرد.

[۱] «لدى»، ظرف مکان اولوب «عند» معناسنه در. «امام حریری» ایله سائر ائمة نحاۃ «لدى» کلهسی ایله «عند» کلهسی بینلرینی تفریق ایدوب «عند» کلهسی اعیان و معانی به ظرف و «لدى» کلهسی اعیانه مخصوص اولمق اوزره بیان ایشلردرد. بعض اهل نحو عندند کلتین مذکور تین بیننده فرق یوقدر.

[۲] «بصیرت»، قلبده برنوردرد که انکله اشیا ادراک اولنور نته کیم بصر، «عین» ده برنوردرد که انکله محسوسات رؤیت اولنور.

[۳] «آل» کلهسنک اصلی اهل در. آل کلهسی بلاد و صنایعه مضاف اولمز بوصورته آل مصر و آل التجاره دینز. امر دنیا و دینده و یاخود یالکز امر دنیاده خاطر و شرف اصحابنه مضاف اولور آل النبی علیه الصلوة والسلام و آل فرعون کی.

[۴] جوهر، جوب و زننده علی الاطلاق شول حجره دینور که اندن انتفاع اولنه حق نسنه استخراج اولنور. مراد، جواهر معدنیه اولان احجار در که فلزاتدن عبارت اولور و «جوهر الشی» برسنه نك اصل مایه و مادهسی در که اونسنه اندن صورت پذیر حصول اولور. مثلاً جوهر انسانی، مایه جبلیت در که نشو و نماک و بالجملة اوضاع و اطوارک موضوع علیی در. احجار معروفه به جوهر اطلاق، معنای اولدن مأخوذرد. بعض قوله کوره جوهر، عربی اولوب «جهر» دن مأخوذرد. لکن متعارف اولان جوهر لفظی، فارسی اولان کوه لفظندن معرّبدرد. اهل حکمت اصطلاحنده جوهر، بنفسه قائم و موضوع مقومدن مستغنی موجودرد. متکلمین عندند متحیز بالذات در مقابلی عرض در و عرض جوهر ایله قائم در.

[۵] رب، اصلنده تربیه معناسنه در که برشیعی تدریج ایله کماله ابلاغ و ایصال ایتمکدن عبارتدر. بعده مبالغة حق تعالی حضرتلرینه وصف اولمشدر. رب کلهسی، جناب حق غیری به مقیداً اطلاق اولنور.

(۱۵)

وَمُسْتَفْنِ الْهَمِي عَنْ نَسَاءِ      وَاَوْلَادِ اَنَاثِ اَوْ رِجَالِ

[۱]

(مأل بیت)

حضرت خالق بیهمتا تعالی شانه عن الاشياء، زوجه اتخاذندن واولاد تولیدندن منز  
ومبرادر.

(۱۶)

كَذَا عَنْ كُلِّ ذِي عَوْنٍ وَنَصْرٍ      تَقَرَّدَ ذُو الْجَلَالِ وَذُو الْمَعَالِ

[۳]

[۲]

(مأل بیت)

حق سبحانه و تعالی حضرتلری ذات و صفاتنده واحد و ملك و قدرتنده و جلال  
و عظمتنده منفرد در انفاذ اوامر و احکامنده معین و ناصر محتاج دکدر. جمله مخلوقات جمیع  
ازمنه و امکانده جناب خالق تعالی حضرتلرینه مفتقر و محتاجدر احتیاج علامت عجزدر  
حق سبحانه و تعالی عجزدن منز اولوب قادر و غنی و قیومدر.

(۱۷)

يُمِيتُ الْخَلْقَ قَهْرًا ثُمَّ يَحْيِي      فَيَجْزِيهِمْ عَلَى وَفْقِ الْخِصَالِ

[۵]

[۴]

(مأل بیت)

حضرت قادر بیچون جل شانه، مجموع خلقی علی سبیل القهر والغلبه افنا و اعدام  
ایدوب بعده جمله سنی احیا و عرصه قیامتده عمللرینه موافق جزا ایدر.

[۱] اولاد، ولد لفظنك جمعی در. «ولد» لغة و شرعاً ذکور و اناثه شاملدر.

[۲] عون و نصر، یاردم معناسنده در.

[۳] معالی، «معالات» لفظنك جمعی در. «معلاة» علو و شرف معناسنده در.

[۴] خالق، مخلوق معناسنده در.

[۵] خصال، خصلت لفظنك جمعی در.



(۱۳)

وما التشبيه للرحمن وجهها فصن عن ذاك اصناف الالهال

[۲] [۱]

(مأل بیت)

حق سبحانه وتعالی حضرتلری ذاتاً وصفه مخلوقه مشابه دکدر . دلیل عقلی و نقلی  
ایله اهل اسلامک بواعتقاد اوزرینه ثباتنه سعی واهتمام ومشبه طائفهسی کبی بادیة تشبیهده  
سرکردان اولاملری خصوصنه اقدام ایله .

(۱۴)

ولایمضی علی الدیان وقت واحوال وازمان بحال

[۳] [۴] [۵] [۶]

(مأل بیت)

حق تعالی حضرتلری اوزرینه (وقت) و (احوال) و (ازمان) کذران ایتمز . حق  
تعالی حضرتلری مکاندن منز و مبرّی اولدینی کبی زماندن و تحولات و تبدلاتدن و ترقیات  
و تنزلاتدن دخی منز و مبرّادر .

[۱] اصناف، صنف لفظنک جمعی اولوب نوع معناسنه در .

[۲] اهالی، اهل لفظنک جمعی در ارض لفظنک جمعی اراضی اولدینی کبی .

[۳] دیان، دین لفظندن مبالغه صیغه سیدر . دین، جزا معناسنه اولغله دیان، مجازی معناسی

مفید اولوب حق تعالی حضرتلرینک اسمی در . یوم قیامت، یوم مجازات اولغله «یوم الدین» ایله تسمیه  
اولمشدر .

[۴] «وقت» لفظندن وقت معین یاخود جزء وقت مراد اولنور .

[۵] احوال، حال کله سنک جمعی در . موصوفده راسخ اولیان صفته وهیئت نفسانییه اطلاق

اولنور بعد الرسوخ او صفته «حال» دینلیوب «ملکه» اطلاق اولنور .

[۶] ازمان، افعال و زننده زمان کله سنک جمعی در . «ازمان» دن ازمنة مختلفه و یاخول زمان

طویل مراد اولنور . یاخود «زمان» دن مدت مقسومه و «وقت» دن برامر ایچون مفروض اولان  
مدت مراد اولنور . بعضی قوله کوره وقت لفظنک اکثر استعمالی زمان ماضی به مخصوص در .

(۲۱)

فینسـون النعیم اذا راؤه      فیاخسران اهل الاعتزال

(مأل بیت)

مؤمنین مکرمین دار السرورده لقای شرف التقای ربانی ایله مسرور واستفاضه  
نور جبور ایله پرسرور اولدوقده جنتک جمله نعم ابدیه سنی خاطر لرندن فراموش ایدر لر.  
زیرا جنت و جنتک جمله لطائف و نعمتی دیدار الهییه نسبتاً نیر اعظمه مقابل ذره  
و غیر متناهی اعداده محاذی مرّه مثابه سنده در . اهل اعتزال، رؤیتی انکار ایدر .

(۲۲)

وما ن فعل اصالح ذوا افتراض      علی الهادی المقدس ذوال تعالی

[۲]

[۱]

(مأل بیت)

حق سبحانه و تعالی حضرتلری اوزرینه عبادی ایچون اصلح اولان شیلری اراده  
و خلق ایلک واجب دکلدر . زیرا حق تعالی حضرتلری فاعل مختاردر .

(۲۳)

و فرض لازم تصدیق رسل      و املاک کرام بالنوال

[۶]

[۵]

[۴]

[۳]

(مأل بیت)

عاقل و بالغ اولان مکلف اوزرینه وحدانیت آلهیه ایمان ایتک فرض اولدینی کبی  
رسل و انبیای عظام ایله ملائکه کرامه دخی ایمان ایلک فرض در .

[۱] ذوا افتراض صاحب وجوب معنسانه درکه واجب تاویلنده در .

[۲] ذوال تعالی، رفعت و عظمت صاحبی دیمکدر .

[۳] رسل، رسول کریمه شریفه سنک جمعی در . تصدیق انبیاده تعیین عدد لازم دکلدر .  
اگرچه بعض قوله کوره انبیای عظام یوز یکریمی درت بیک و رسل کرام علیهم الصلوٰه والسلام  
حضراتی اوج یوز اون اوج ذوات فخامدن عبارت اولقی اوزره مروی ایسه ده بونده قطعت یوقدر .

[۴] املاک، ملک لفظنک جمعی در .

[۵] کرام، کریم لفظنک جمعی در . مکرم معنسانه در .

[۶] نوال، عطا و نصیب معنسانه در .

(۱۸)

لاهل الخیر جنات ونعمی      ولا کفار ادراک النکال  
[۱]      [۲] [۳]

(مأل بیت)

حق سبحانه و تعالی حضرتلری اهل خیری یعنی مؤمن مطیی جنت ونعمت ایله  
اثابه وتنعم و کفاری درکات جحیم ایله تعذیب و تقیم ایدر .

(۱۹)

ولایفنی الجحیم ولا الجنان      وما اهلوهما اهل انتقال

(مأل بیت)

جنان و نیران الآن موجوددر . اوزر لرندن احوال خالیه مرور ایتکدهدر . جنت  
وجهنم و سکانی فناپذیر اولدینی کبی محال اخرایه دخی انتقال ایتوب صفت خلود و تأبید  
ایله متصفدر .

(۲۰)

یراه المؤمنون بغير کیف      و ادراک و ضرب من مثال  
[۴]

(مأل بیت)

حق سبحانه و تعالی حضرتلری جنتده مؤمنین مکرّ مینه عرض دیدار ایدر . مؤمنین  
دخی کنه و حقیقتنی غیر مدرک و صور مخلوقهدن بر صورته مشابهنسز اوله رق جمال  
خدای لایزالی رؤیت شرفی ایله شرفیاب اوله جقدر .

[۱] «نعمی» لفظی نون حرفنک ضمی و قصر ایله نعمت معناسنهدر . «بشری» و «رجعی» لفظلری  
بشارت و رجوع معنالریته اولدینی کبی .

[۲] ادراک، درک لفظنک جمعیدر . «درک» لفظی «دال» و «را» حرفلرینک قحه حرکهلری ایله  
حفره نیراندن برحفره یاخود طبقات ناردن برطبقهدر .

[۳] نکال، عقوبت معناسنهدر .

[۴] ضرب، نوع معناسنهدر .

(۲۷)

~~~~~  
 وحق امر معراج وصدق      فقیه نص اخبار عوالی  
 ~~~~~  
 [۱]      [۲]

(مأل بیت)

حضرت رسول اللهك خصيصة معراجی ثابت و متحقق و واقعہ مطابق در. زیرا ثبوتی  
 باینده متواتر و مشهور کبی اخبار عالیہ منصوص در.

(۲۸)

~~~~~  
 وَاِنَّ الْاَنْبِيَاءَ لِنِي امان      عن العصيان عمداً و انعزال  
 ~~~~~  
 [۳]

(مأل بیت)

انبیای عظام علیهم الصلوة والسلام حضرتانك جمله سی بالقصد صدور ایدن کفر  
 و معاصیدن معصوم و مصون و منصب والا ی نبوتدن معزول و مهجور اولمقندن مأمون در.

(۲۹)

~~~~~  
 و ماكانت نيدا قَطُّ اشي      ولا عبد و شخص ذوا فعال  
 ~~~~~

(مأل بیت)

انبیای عظام علیهم الصلوة والسلام حضراتی قطعاً اشی دکلدر. یعنی نسوان طائفه سندن  
 و عبد جنسندن قطعاً یغمبر کلز و یغمبر ساحر و مشعوذ اولز.

[۱] نص، لغتده تصریح معناسته در.

[۲] عوالی، عالیہ یا خود عالی لفظلرینك جمی در. زیرا صفت اولان فاعل، ذوی العقولك  
 غیریده اولور ایسه «فواعل» وزنی اوزر. قیاسی جمعلنوز.

[۳] امان، امن معناسته در.

(۲۴)

~~~~~  
 وختم الرسل بالصّدر المعلّى      نبیّ هاشمیّ ذی جمال  
 ~~~~~ [۱] ~~~~~

(مأل بیت)

حضرت محمد علیه الصلوة والسلام خاتم الانبیا و المرسلین اوله رق نبوت و رسالت  
 ذات رسالتیناهیلریله ختام بولشددر .

(۲۵)

~~~~~  
 امام الانبیاء بلا اختلاف      وتاج الاصفیاء بلا اختلال  
 ~~~~~ [۲] ~~~~~ [۳]

(مأل بیت)

شاه سریر اصطفای علیه ازکی التحایا حضرتتری امام انبیا ویشوای اصفیادر .

(۲۶)

~~~~~  
 وباق شرعه فی کلّ وقت      الی یوم القیمة و ارتحال  
 ~~~~~ [۴] ~~~~~

(مأل بیت)

رسول اکرم صلی الله تعالی علیه وسلم حضرتلرینک شریعت سمحا وملت بیضاری  
 نسخ و تبدیلدن عاری والی یوم القیامه باقیدر .

[۱] صدر، هر شیئک مقدّم واولنه دینور. سینہ یعنی کوکس معناسنده دخی استعمال اولنور.

[۲] امام، مقتدابه معناسندهدر.

[۳] آصفیاء، صفی لفظنک جمعیدر. (صفی) کله سی صفات ذمیمه دن مبرا وکدورات تفسانیه دن  
 معرا اولان ذات عالیقدره اطلاق اولنور. نظم مذکورده اصفیادن مراد، ملائکه کرام واولیای  
 ذوی الاحترام حضراتیدر .

[۴] شرع، لغتده اظهار و بیان وطریق معنالرنده مستعملدر . بعده وضع الهی ایله موضوع  
 وانبیای کرام علیهم الصلوة والسلام حضراتندن برنبیّ ذیشان ایله ثابت اولان طریقهده استعمال اولندی.  
 بعض علمای کرام حضراتنک بیاننه کوره انبیای کرام علیهم الصلوة والسلام حضراتندن ثابت اولان  
 (طریق مخصوصه) مابه الجزا اولقی حیثیتی ایله «دین» واجتماع حیثیتی ایله «ملت» وواجب الازعان اولقی  
 حیثیتی ایله «ایمان» وتسليم اولقی اعتباری ایله «اسلام» وزلال کالنه متعشینک ورودی اعتباریله  
 «شریعت» وجبریل علیه السلام حضرتلرینک اسم شرفلری ناموس اولقله حضرت جبریل علیه السلام  
 واسطه سیله وارد اولدینی اعتباریله «ناموس» اطلاق اولنور.

(۳۲)

کرامات الولی بدار دنیا      لها کون فهم اهل النّوال  
[۱]      [۲]

(مأل بیت)

دار دنیا ده اولیاء الله یدرنده ظهور ایدن خارق عاده کرامت لر حق وثابت در .  
زیرا اولیای کرام، مظهر الطاف مخصوصه ربانیه در .

(۳۳)

ولم یفضل ولی قطّ دهرّاً      نبیا او رسولا فی انتحال  
[۳]

(مأل بیت)

اولیای کرام، رسل و انبیای عظام علیهم الصلوة والسلام درجه سنه قطعاً بالغ دکلدر .

(۳۴)

وللصّدیق رجحان جلی      علی الاصحّاب من غیر احتمال

(مأل بیت)

اقدام خلیفه رسول الله اولان ابوبکر الصّدیق رضی الله تعالی عنه حضرت لری سائر  
اصحاب کرام حضرت اندن ارجم وافضل در . افضلیتی شک و احتمال دن عاری اوله رق قطعی الثبوت در .

[۱] کرامات، کرامت لفظنک جمعی در . دعوی نبوته مقارن اولمدینی حالده طرف اولیادن  
خارق العاده اولان امرک ظهوری در . ایمانه و عمل صالحه مقرون اولمزایسه استدراج تعبیر اولنور . دعوی  
نبوته مقرون اولور ایسه معجزه در . سحر، نفوس خبیثه اصحابندن ظهور ایتمکله «کرامت» دن مفترق  
اولور .

[۲] ولی لفظی، «ولی» و یاخود «ولایت» دن مأخوذ اولوب قریب و محب معناسنه در . اصطلاحده  
ممکن اولدینی مرتبه عارف بالله و عارف صفات الله اولوب طاعاته مواظب و معاصیدن مجتنب ولذات  
و شهوات حیوانیه دن معرض اولان ذات شریفه اطلاق اولنور .

[۳] انتحال، شرف معناسنه در .

(۳۰)

وذوالقرنین لم يعرف نبياً      كذا لقمان فاحذر عن جدال  
[۱]      [۲]

(مأل بیت)

ذوالقرنین ولقمان حضرتلرینک نبوتلری ثابت اولدیغندن نبوتلری خصوصنده  
مجادلهدن کف لسان ایدوب علم الهییه احاله ایلک اسلدر.

(۳۱)

وعیسی سوق یائی ثم یتوی      لدجال شقی ذی خبال  
[۳]      [۴]

(مأل بیت)

علامت قیامت اولق اوزره محمد مهدی خروج ایدوب بعده دجال ظهور وقرق  
کون شرق وغرب عالمده نشر شراره فساد ایندکدن صکره حضرت عیسی علیه الصلوة  
والسلام آسماندن آیت سیف کبی نازل اولوب اول شقی فتنانی اهلک ایلجه جکدر.

[۱] ذوالقرنین، لقب اسکندر در واسکندر ایکی پادشاهدر. بریسی رومی و بریسی یونانیدر.  
اسکندر رومی، «قاتل دارا بن بهمن اسفندیار» درکه صاحب خضر علیه السلامدر. اسکندر یونانی،  
فیلوس اوغلی درکه صاحب ارسطودر. محل اختلاف اولکی ذاتدر یعنی پیغمبر ویاخود ولی در دیو  
اختلاف اولندی. حضرت ذوالقرنین ایله حضرت لقمانه متعلق معلومات تفصیلیه کتب تفاسیر شریفه  
ایلله کتب توارینخده مسطور و محرردر.

[۲] جدال، مجادله معناسهدر.

[۳] عیسی، لفظی بعض روایت کوره سریانی وبعض روایت کوره عبرانیدر. «علامه زحشری»  
«کشاف» ده حضرت عیسی علیه السلامک اصل اسمی «ایشوع» اولق اوزره بیان ایشلدر.  
صاحب «تیسیر» «موشی» کبی شین معجبه ایلله عیسی اولوب عربی به نقل اولندقدده شین حرفنک  
نقطه لری اهامل اولندیغنی بیان ایشلدر. معناسی سید یاخود مبارک دیمکدر.  
[۴] دجال، دجل لفظندن مأخوذ اولوب کذاب و سحار معناسهدر.

(۳۸)

|                         |                           |
|-------------------------|---------------------------|
| و للصديقة الرجحان فاعلم | على الزهراء في بعض الحلال |
| [۱]                     | [۲]                       |
| [۳]                     | [۴]                       |

(مأل بیت)

ام المؤمنین زوجة سید المرسلین «حضرت عائشه» رضی الله تعالی عنها حضرت تبری  
بعض خصالده «فاطمة الزهراء» رضی الله تعالی عنها حضرت تریندن ارجمند.

(۳۹)

|                        |                          |
|------------------------|--------------------------|
| ولم یلعن یزیدا بعد موت | سوی المکثاری الاغراء غال |
| [۱]                    | [۲]                      |
| [۳]                    | [۴]                      |

(مأل بیت)

سلفدن برکیمسه «یزید بن معاویه» حقنده لغنت ایلدی انجق حدی تجاوز ایدن رفضه  
وخوارج کبی بعض اشخاص لغنت ایلدیلر.

- [۱] صدیقه، ام المؤمنین «حضرت عائشه» رضی الله تعالی عنها لقب شریفتری در .  
[۲] زهراء، ام رسول الله صلی الله تعالی علیه وسلم «حضرت فاطمه» رضی الله تعالی عنها لقب شریفتری در . وجوه تلقیبات، «حضرت صدیقه» رضی الله تعالی عنها خدمت نبویه کمال صداقتندن و «حضرت فاطمه» رضی الله تعالی عنها اشراق جمال تابدارتری اولسندن عبارت اولوب تفصیلی، کتب سیر وتواریخده مسطور ومذکوردر .  
[۳] خلال، خصال معناسه در .  
[۴] لعن، لغتده طرد معناسه در . اصطلاحده بر شخصی حضرت حقا رحمت آلهیه سندن طرد وتبعید ایلک معناسنده استعمال اولنور .  
[۵] مکثار، مفعال وزننده کثرتدن مبالغه معناسنی مفید اولوب «قوال» معناسه در . «قوال» چوق سوزلی کیمسه دیمکدر .  
[۶] غالی، غلو لفظندن مأخوذ اسم فاعلدر . «غلو»، حدی تجاوز ایتک، «غالی» حدی مجاوز ایدیچی دیمکدر .



(۳۵)

وللفاروق رجحان وفضل      علی عثمان ذی النورین عال

[۱]

[۲]

(مأل بیت)

فاروق اعظم عمر بن الخطاب رضی الله تعالی عنه حضرتلری دخی عثمان بن عفان  
رضی الله تعالی عنه حضرتلرندن ارجح وافضل در.

(۳۶)

و ذوالنورین حقاً کان خیرا      من الکرماء فی صف القتال

[۳]

(مأل بیت)

«عثمان بن عفان» رضی الله تعالی عنه حضرتلری دخی حیدر کرماء «علی بن ابی طالب»  
رضی الله تعالی عنه حضرتلرندن افضل در.

(۳۷)

وللکرماء فضل بعدهذا      علی الاغیار طراً لا تبال

(مأل بیت)

«امام علی» رضی الله تعالی عنه حضرتلری دخی سائر صحابه کرام رضوان الله تعالی  
علیهم اجمعین حضرتلندن افضل در. بو بایده بعض کیمسه لک کونا کون اقوالنه توجیه سامعه  
اعتبار اولنمز.

- [۱] فاروق، فرق لفظندن مأخوذ صیغه مبالغه در «حضرت عمر» رضی الله تعالی عنه، قضایاده  
حق و باطلاک بیننی فرق ایلدیکی جهته «فاروق» ایله ملقب اولمش در.
- [۲] ذی النورین، ایکی نور صاحبی دیمکدر. «حضرت عثمان» رضی الله تعالی عنه، رسول  
اکرم صلی الله تعالی علیه وسلم حضرتلرینک کریمه محترمه لری «رقیه» و «ام کلثوم» رضی الله تعالی  
عنهما حضرتلرینی تزویج ایلمکله «ذی النورین» ایله ملقب اولمش در.
- [۳] کرماء، کر لفظندن مأخوذ صیغه مبالغه در. (کر) لفظی جمله وصولت معناسنه در.  
حضرت علی رضی الله تعالی عنه، بغایت شجیع و جنگاور اولغله کرماء ایله ملقب اولدی.

( ۴۲ )

وما ایمان شخص حال بأس بمقبول لفقصد الامتثال

[۱]

(مأل بیت)

معاینه عذاب وقتنده حادث اولان ایمان که «ایمان بأس» و «ایمان یأس» دینور، مقبول دکلدر. یعنی ایمان یأس صاحبی اولان کیسه عندالله مؤمن اولمز. زیرا مقدما امر آلهییه امتثال ایدوب ایمان ایلامشدر.

( ۴۳ )

وما افعال خیر فی الحساب من الایمان مفروض الوصال

(مأل بیت)

وصالی مفروض اولان «صوم» و «صلوة» کبی اعمال حسنه، ایماندن محسوب دکلدر.

( ۴۴ )

ولا یقضى بکفر وارتداد بعهر او بقتل و اختزال

[۴]

[۳]

[۲]

(مأل بیت)

بر کیسه یه محظورات شرعیه دن اولان زنا و قتل نفوس و غصب اموال کبی افعال منهیه ارتکاب ایله کفر و ارتداد حکم ایتمک جائز دکلدر.

[۱] بأس، شدت و مضرت و عذاب معنالیینه در.

[۲] کفر، لغتده ستر و انکار معنالیینه در. اهل کفر، حق ستر و انکار ایلدنلری ایچون کافر ایله تسمیه اولنور. عرف شرعه، ایمان شانندن اولان کسنه نك عدم ایمانه اطلاق اولنور. بوحالده ایمان ایله کفر بیننده تقابل عدم و الملکه اولور. کفر، واجب الایمان اولنلری انکار ایتمکدن عبارت اولمق ذهابنده بولناتلرک کلامنه کوره بین الکلمتین تقابل و تضاد اولور. کفران، اکثریا نعمته استعمال اولنورکه شکر مقابلی در. کفور، انکار دینده و انکار نعمته ده استعمال اولنور. کفر، قول و فعل ایله دخی اولور. ایمان کله سنی معرفت لفظی ایله تفسیر ایدنلره کوره کفر، جهل بالله اولور. ایمان کله سنی طاعات لفظی ایله تفسیر ایدنلره کوره کفر، معاصیدن عبارت اولورکه طائفة خوارج اومسلکه ذاهب در.

[۳] عهر، عین مهمله نك قبحی و حائک سکونی ایله زنا معناسنه در.

[۴] اختزال، اللطاع معناسنه اولمغله نظم مذ کورده «اختزال» دن مراد، قطع اعضا و غصب اموال کبی ظلم و جنایت در.

( ۴۰ )

|   |  |
|---|--|
| <p>وایمان المقلد ذو اعتبار</p> <p>[۱] [۲]</p> | <p>بانواع الدلائل كالنصال</p> <p>[۳]</p> |
|---|--|

(مأل بیت)

مقلد اولان مؤمنك ایمانی معتبر واعتباری ادله قاطعه نافذه ایله مدلل ومبرهن در .

( ۴۱ )

|  |   |
|--|---|
| <p>وما عذر لذی عقل بجهل</p> <p>[۴] [۵]</p> | <p>بخلق الاسافل والاعالی</p> <p>[۶] [۷]</p> |
|--|---|

(مأل بیت)

عاقل وبالغ اولان کیسه جهلی سببی ایله معرفت الهی دن محروم اولسه حضور رب العالمین ده اوکیسه نك عذری قرین قبول اولمز .

[۱] ایمان، لغتده مطلقا تصدیق معناسته در . امن کلمه سندن افعالدر . اكا ایمان ایتدی دیمك، انی تکذیب ومخالفتدن امین ایتدی دیمك اولمغه تصدیق، حاصل معنا اولور .

[۲] مقلد، تقلیددن اسم فاعلدر .

[۳] نصال، نصل لفظنك جمعی در . «نصل» اوق دمیرینه اطلاق اولنور .

[۴] عذر کلمه سنك اوج معناسی واردر . بریسی «فعل معهودی بن ایشله دم» دیمکدر . دیگرى «فعل معهودی شو سبب ایله ایشله دم» دیمکدر ودیگر بریسی دخی «فعل معهودی ایشله دم لیکن من بعد ایشله مم» دیمکدر . نظم مذکورده مراد، معنای ثالث در .

[۵] عقل، لغتده منع وقید معنایینه در . عرفده بر نور روحانیدرکه انکله علوم ضروریه ونظریه ادراک اولنور .

[۶] اسافل، اسفل لفظنك جمعی در . «اسافل» دن مراد قرك فلك مائحتی در .

[۷] اعالی، اعلى لفظنك جمعی در . «اعالی» دن مراد، فلك قرك مافوق در .

( ۴۸ )

لفقه لاح فی ین الهلال

[۴]

[۲] [۳]

وما المعدوم مرئیا وشيئا

[۱]

(مأل بیت)

معدومه حال عدمنده رؤیت الیهی تعلق الینز واکا «شی» لفظی دخی اطلاق اولنمز  
بو دعوايه هلالدن ظاهر اولان علم دلیل اولور.

[۱] مرئ، «رؤیت» دن اسم مفعول معناسنه در.

[۲] فقه، لغته فهم و علم معناسنه در.

[۳] لاح، ظهر معناسنه در.

[۴] هلال، ها حرفنك كسری الیه برکیجه لك علی قول ایکی کیجه لك یکی آیه دینور. ماه نو معناسنه  
یاخود اوچ کیجه به قدر و یاخود یدنجی کیجه به قدر هلال اطلاق اولنور وهر آیک اخرنده یکریمی التنجی  
ویکریمی یدنجی کیجه لك آیه دخی هلال اطلاق اولنور ماعدایه یعنی مایینه قر دینور. ناظم مرحومك  
رؤیت مسئله سنده هلالدن ظاهر اولان علم دلیلدر بیور مسندن مقصدی شودرکه هلال، قبل الطلوع  
معدوم اولمغه غیر مرئ اولوب طلوع ایلدکجه تدیجاً مرئ اولور قبل الطلوع مرئ اولمدیغندن معلوم  
اولدی که رؤیتك انتقاسی علتك ورؤیتدن اولان اشرطك یعنی وجودك انتقاسندن ناشی در ووجود  
شاهدده علت اولمغه غائبده دخی علت اولور زیرا شاهد و غائبده علتك تبدلی ممتنع در. معلوم  
اولدینی اوزره معدومك ایکی نوعی واردر برسی «معدوم ممتنع» و دیکری «معدوم ممکن» در.  
«معدوم ممتنع» وجودی ممتنع وعدمی واجب اوله شریك باری واجتماع ضدین کبی. «معدوم ممکن»  
وجود وعدمی کندوسنه نسبتله مساوی اوله. نوع اوله بالاتفاق رؤیت تعلق الینز و بالاتفاق شی اطلاق  
اولنمز. زیرا من کل الوجوه شوقی ممتنع در نوع ثانی به قبل وجوده رؤیتك تعلقنده اختلاف واردر.  
اهل سنتك بیاننه کوره معدوم ممکنه رؤیتك تعلقی ممتنع در زیرا علت رؤیت، وجوددر وجود ایه  
منتفی در کذلک حال عدم من حیث هو هو رؤیت وعدم رؤیت ایله متفاوت اولمز معدوم ممتنع  
بالاتفاق رؤیتك تعلقی ممتنع اولنجه ممکن الوجود اولان معدومه دخی تعلقك امتناعی لازم اولور زیرا  
الحالة هذه او دخی معدوم در.

(۴۵)

ومن ینو ارتدادا بعد دهر یصر عن دین حق ذالانسلال

[۱]

(مآل بیت)

نعوذ بالله تعالی موقتاً ارتداد قصد و نیت ایدن کیمسه فی الحال دیندن چیقوب کافر اولور.

(۴۶)

ولفظ الکفر من غیر اعتقاد بطوع رد دین بالاغتفال

[۲]

(مآل بیت)

بر کیمسه جهالتی سببی ایله کفر اولدیغنی بیلهرک طوع واختیاری ایله العیاذ بالله برکله کفر تفوه ایلسه اول کیمسه دائره اسلامدن چیقوب ظلمت آباد کفره داخل اولور.

(۴۷)

ولایحکم بکفر حال سکر بما یهذی و یلغو بارتجال

[۶]

[۵]

[۴]

[۳]

(مآل بیت)

کیفیت خمر ایله سرخوش اولان کیمسه یه حال سکرنده کله کفر تفوه ایلسه کفری ایله حکم اولنمز.

[۱] انسلال، خفیة جیقمق معنسانه اولوب ترکجده صیرلیق لفظی ایله تعبیر اولنور.

[۲] اغتفال، افتعال وزننده غفلت لفظندن مشتق در.

[۳] سکر، اول برحالت درکه شارب ایله عقلی بیننه عارض اولور. بعض قوله کوره سکر، بر سروردرکه بعض اسبانه مباشرتله عقله غالب اولوب انسانی موجب عقلی ایله عملدن منع ایدر. حد سکر، امام اعظم وهام افخم حضرتلری ارضی سمدن ورحلی مرأه دن تمیز ایده مامکدن عبارت اولمق اوزره بیان بیورمشدر. امامین حضرتلری کلامک مختلط اولوب مستقیم اولماسی ایله تفسیر بیورمشلزددر. ایکی مرجعک بیانی بردر. سکرانک وجه مشروح اوزره عدم کفری استحسانی در. قیاس اولان کفری در. وجه استحسان بودرکه سکران، اول هذیان ایله کفری قصد واعتقاد ایلدیکندن بشقه عقلنده نوع خلل عارض اولمشدر.

[۴] یهذی، هذیان لفظندن مشتق فعل مستقبل معلوم در. هذیان، ساقط الاعتبار اولان

کلام، یاخود کلام فاحش معنسانه در.

[۵] یلغو، لغو لفظندن فعل مستقبل در. (لغو)، عبث ویهوده اولان کلام معنسانه در.

[۶] ارتجال، من غیر تفکر تکلم ایتک معنسانه در.

( ۵۱ )

وقد ينفيه اصحاب الضلال

[۲]

وللدعوات تأثير بليغ

[۱]

(مآل بیت)

صلحا وزهاد وعامة مؤمنينك احياء واموات حققده دعارى مؤثر واثار منافعى  
متواصل در. لکن معتزله طائفه سی انکار ایدر لر.

[۱] دعوات، عین حرفتک فتحی ایلہ «دعوة» لفظتک جمعی اولوب دعا معناسنه در. علمای کرام حضراتی طرفندن بیان بیورلدیغی اوزره بعضاً اثر دعائک فی الحال ظهور ایتماسی وجوه عدیدیه مبنی در. (وجه اول) اجابت، لاحاله حاصل در. زیرا اجابت دعا، قضای حاجتک غیری در زیرا اجابت دعا، عبد یارب دیدکده حضرت حقک لیک یاعبد قول شریفندن عبارتدر. بوایه هر موحد ایچون موعود وموجود در. وقضای حاجت، اجابتک لازمی در که مسئولی اعطا الیکدر. بوایه فی الحال وبعضاً فی المآل اولور. (وجه آخر)، اجابت، جهت واحده ایلہ اولمز بلکه جهات عدیدیه ایلہ اولور نته کیم «لاترد دعوة المسلم الا لاحدی ثلث اما ان یجعل له فی الدنیا واما ان یؤخر فی الآخره واما ان یصرف من السوء بقدر مادی» حدیث شریفی اکا دال در. (وجه آخر)، اجابت دعا، هر تقدیر «اجیب دعوة الداع اذا دعان» کریمه سنده مطلق ایسه ده «بل ایاہ تدعون فیکشف ماتدعون الیه ان شاء» آیت کریمه سنده مشیتہ تعلیق ایلہ مقید اولغله. مطلق مقیده محمول اولور. (وجه آخر) اجابت الهی، اجابت عبد ایلہ مشروطدر نته کیم «فلیستجیبوا لی ولیؤمنوا بی» آیت کریمه سی اکا دلالت ایدر. «فلیستجیبوا عملا ولیؤمنوا بی اعتقادا» عباره سی ایلہ تفسیر اولمشدر. ایمدی بوصفت ایلہ موصوف اولان مرد، تحریک شفه ایلدیکی آنده دعاسی مستجاب اولور. امام جزری علیه رحمة الباری حضرتلری طرفندن تحقیق و بیان بیورلدیغی اوزره دعائک اجابتی خصوصنده شروط عدیدیه اولوب شروط مذکوره، مأکولات ومشروبات وملبوسات ومکسوباتده حرامدن اجتناب و اخلاص وتنظیف لباس وتطهر ووضوء واستقبال قبله و دیز اوزره قعود ونافله نماز وتقدير عمل صالح و حمد وثنا وصلوات شریفه و رفع یدین وتآدب وخشوع وتذلل واسماء حسنی ایلہ سؤال وانبیای عظام علیهم الصلوٰة والسلام حضراتنه وعباد صالحینه توسل وخفض صوت وکناهنه اعتراف وتوبه واستغفار وادعیة صحیحه اختیار وعزم واستحضار قلب ورغبه والحاخ واجتهاد وتکرار ایلہ دعا واثم وقطیعة رحله عدم رجا وآخرنده تأمین واللری یوزه مسح وینه حمد وثنا وصلوات شریفه قرائت ایتک کبی اموردن عبارتدر.

[۲] (ینفیه) نفی کلمه سندن فعل مستقبلدر.

( ۴۹ )

وَدُنْيَانَا حَدِيثُ وَالْهَيُولَى      عَدِيمُ الْكُونِ فَاسْمِعْ بَاجْتِدَالِ  
[۱]      [۲]      [۳]

(مآل بیت)

دنیا که اشبو عالم کون و فساد در، جمیع اجزاسیله حادث در . یعنی صکره دن وجوده  
کَلَشْدَر و فِلاسَفَه نَک « هیولی » دیدکری که اصل عالم اوله جقدر اصلی یوقدر . عَدِیم  
و غیر موجود در . بَوکلامی آویزَه کوش هوش ایلک لازمدر .

( ۵۰ )

وَانِ السُّحْتِ رِزْقٌ مِثْلُ حِلٍّ      وَاِنْ يَكْرَهُ مَقَالِي كُلِّ قَالٍ  
[۴]      [۵]      [۶]

حرام دخی حلال کبی رزق در . سَوَقِ الهی ایلَه انسانیَه واصل در . اهل اعتزال  
بوعقیده نَک خلافتده در .

[۱] دنیا، فَلَک قَرَنک مَاحتیدر . لکن نظم مذکورده مراد، آخرت مقابلِ درکه اشبو عالم علوی  
و سفلی در وحدوث عدمدن وجوده خروجدر کافَه اهل سنت عندنده جله سَمَوَاتِ و اَرْضِین و مَافِیْهَا  
جمیع اجزاسیله محدثدر معدوم ایکن ایجاد رب العالمین ایلَه موجود اولدی .  
[۲] هیولی، ها حرفنک قحی و یا حرفنک ضمی و الف حرفنک قصری ایلَه و « ابن قطاع »  
نقلی اوزره یای مضمومه نَک تشدیدِ ایلَه دخی جائز اولوق اوزره لفظ یونانی اولوب قطن یعنی پموق  
معناسنه در . حکمای سلف طینت عالمه بالتشبیهِ هیولی اطلاق ایلدیلر . پموق، اصل انواع ثیاب اولدینی کبی  
سرشت عالم دخی اصل انواع صور کونیه در . بعدذا عالمک بذواتها و صفاتها حدوتنه اهل اسلام  
بووجهه استدلال ایلدیلر که عالم دنیان شی، اعیان و اعراضدن عبارتدر (اعیان)، بنفسه قائم اولان  
شیء در جسم و جوهر کی . (اعراض) ، غیر ایلَه قائم اولان شیء در حرکت و سکون و لون و صوت کی .  
اما اعیانک حدوتی ثابتدر .

[۳] اجتدال، فرح و سرور معناسنه در .

[۴] سحت، سین حرفنک ضمی ایلَه حرام معناسنه در .

[۵] حل، حا حرفنک کسری ایلَه حلال معناسنه در .

[۶] «قال» کله سی «قلا» لفظندن اسم فاعل اولوب بغض ایدیجی معناسنه در . «مقال» ایلَه

«قال» بیننده جناس ناقص وارددر .

( ۵۴ )

حساب الناس بعد البعث حق      فكونوا بالتحرز عن وبال

[۲]

[۱]

(مأل بیت)

نسخه ثانیه ایله جمله موتا دیریلوب عرصه محشرده هر کس اقوال و افعالندن حساب اولتق حقددر اعتقادی واجبدر و خلاف شریعت غرا اعمالدن احتراز ایتک لازمدر.

( ۵۵ )

ويعطى الكتب بعضا نحو ينى      و بعضا نحو ظهر و الشمال

[۳]

(مأل بیت)

بعد البعث هر کسک خیر و شرى محتوی دفتر اعمالی که ایام حیاتنده قید و تحریره مؤکل اولان کرام کاتبین ملکوری ثبت ایشلرایدی او دفترلر مؤمنلرک صاغ جانبلرندن و کفارک ارقه وصول جانبلرندن ویرلمسی حق و واقعدر.

( ۵۶ )

و حق وزن اعمال و جرى      على متن الصراط بلاهتبال

[۵]

[۴]

(مأل بیت)

عرصه محشرده هر کسک خیر و شر عمللری وزن اولتق حقددر. كذلك جمله عبادک جهنم اوزرینه ممدود اولان صراط اوزرندن مرور ایتلری حق و واقعدر.

[۱] تحرز، لغتده صافتمی معناسندهدر.

[۲] وبال، و او حرفنک قحی ایله عبد جهنندن اولان کناهد ز ظلم و قتل کبی .

[۳] نحو، ظرف اولوب جهت معناسندهدر.

[۴] متن، ظهر یعنی ارقه معناسندهدر .

[۵] اهتبال، کذب معناسندهدر.



(۵۲)

وفي الاجداث عن توحيد ربي      سييلي كل شخص بالسؤال

[۱]

[۲]

(مأل بیت)

جمله انسان فوت اولوب قبره دفن اولندقدن صكره لاحاله توحيد الهی دن سؤال اولنه جقدر.

(۵۳)

وللكفار والفساق بعضا      عذاب القبر من سوء الفعال

[۴]

[۳]

(مأل بیت)

نفخة اولايه قدر جميع كفار عذاب برزخه كرفتار وبوحال من غير توبة وفات ايدن بعض عصاة مؤمنين حقنده دخي دركار اولور .

[۱] اجداث، «جذث» لفظنك جمی در . «جذث، جیم و دال حرفلینك فتحه حرکه لرئ ایله قبر معناسنه در.

[۲] سیلی کله سنده کی سین حرفی ادات استبدالدر. یلی «بلا» لفظندن فعل مستقبل مجهولدر. «بلا» لفظی امتحان معناسنه در.

[۳] معلوم اولدینی اوزره اهل سنت متفقدرکه قبرده سؤال وجله کفار و بعض عصاته عذاب واقعدر. اهل سنتك دلیلی «القبر روضة من رياض الجنة اوحفرة من حفر النيران» و «نعوذ بالله من عذاب القبر» و «استزهوا من البول فان عامة عذاب القبر منه». و «ان الميت ليعذب ببكاء اهله عليه» حدیث شریف لرئ در و رسول اکرم صلی الله تعالی علیه وسلم حضرت لرئ برکون ایکی قبر اوزرینه اوغرایوب «انهما ليعذبان وما يعذبان في كبيرة بل لان احدهما كان لا يستتره من البول والاخر كان يمشي بالنميمة» بیور مشلدر .

[۴] فعال کله سی فا حرفنك کسری ایله شرده و فتحی ایله خیرده استعمال اولنور.

(۶۰)

بدیع الشكل کالسحر الحلال

[۲] [۳]

لقد البست للتوحيد نظما

[۱]

(مأل بیت)

توحيد حضرت واحد بچون چرايه شكل وهيئتي بديع وزيبا وسحر حلال آسا  
دلربا اولان خلعت نظم لباس ايله ترين وترصيع ايلدم ديمكدر.

[۱] نظم، منظوم معناسه در.

[۲] شكل، برشيئي حدودی ايله محیط اولان هيئته اطلاق اولنور.

[۳] سحر، سین حرفنك قحی وحا حرفنك سکونی وقحی ايله وكذلك سین حرفنك ضمی ايله لغت در. آق جکره دینورکه ره دخی دینور. جمی، مسحور واسحار کلور. سحر، جادولق معناسنده دخی استعمال اولنور. سحر، اوج وجه اوزره در بریسی محض خداع وتخیلات درکه حقیقی یوقدر. شعبده وکوز باغیچلیق تعبیر اولنور خفت ید وسرعتدن نشأت ایدر. دیگرى شیطینه تقرب سبی ايله بعض مرتبه معاونت لرینی استیجاب ايله اولور. اوچخیسی العیاذ بالله ارتکاب کفر ايله افسون ایدرک صور وطبایعی کویاکه تغییر ایدرلر مثلا بعض ادبی حمار ایدرلرکه بو دخی کرچه مؤثر در لکن، حقیقی یوقدر مسحور اولان ادم، کندوسنی حمار قیاس ایدر. هر حالده سحرک وقوعی واردر نتهکیم «سوره معوذتین» اولبایده شرف نازل اولدیغی معلومدر. سحر، شرعاً مذموم وحرامدر. بعض علمای کرام حضراتنک بیانه کوره سحر کله سنک ایکی معناسی واردر. بریسی، باطلی صورت حقه اظهار و دیگرى بعض معجز و محیر اولان علم وعمل ايله نفوس شخصیه ده تأثیر در تأثیر مذکور، یا مسحور اولان شخصک عقلنی سلب ویاخود قوتی اخذ ویاخود طبیعتنی تنفیر ايله اولور. ایکی نوعی دخی شرعاً حرامدر. لکن بعض بلیغ وبدیع کلامه اطلاق اولنورکه بوده اومثلوکلامک غرابت وبداعتی نفوسده مؤثر اولوب طباع وقلوبنی اختیار مشتمل ومجذوب اولق علاقہ سی ايله در. نتهکیم «ان من البیان لسحرا» حدیث شریفنده واقع اولمشدر. ناظم مرحوم حضرتلری سلاست الفاظ وعذوبت عبارات وحسن نظم وترتیب ايله بی اختیار کندوسنه قلوبک مصطاد ومنقاد اولدیغی جهته منظومه مبارک سنی ابتدا سحره تشبیه وبعده حلال ايله توصیف بیورمشدر. زیرا مطلق سحره تشبیه ایلسه حرام اولان سحرک ذهنه متبادر اولمسیله طباع اسلامه نافر حاصل اولور ایدی. لکن حلال ايله موصوف اولدنده اتیان مثلندن غیرتی معجز اولدیغی افاده مراد اولدیغی مستبان اولغله هرکس شوق درون ايله راغب اولور.

(۵۷)

ومرجو شفاعة اهل خير      لاصحاب الكبائر كالجبال

[۲]

[۱]

(مأل بیت)

ابیای عظام علیهم الصلوة والسلام حضراتی ایله اولیای کرام و علمای ذوی الاحترام  
حضراتنک و بسائر اخبارک روز قیامتده جبال کی کنه کبائر مرتکبیرینه شفاعت ایندوب  
مستحق اولدقلری عذاب و عقابدن تخلیصه وسیله اوله جقلری مأمولدر.

(۵۸)

وذوالایمان لایبقی مقیما      بشوم الذنب فی دار اشتعال

[۴]

[۳]

(مأل بیت)

ذنوب کبیره صاحبی اولان کسنه من غیر توبه فوت اولوب شامت عصیانی سبی  
ایله جهنمه داخل اولسه کفار کی ابدی قالمیوب لامحاله خروج و جنته دخول و ولوج  
ایلیه جکدر.

(۵۹)

وما المقتول مقطوعا علیه      سوی ذاعند اصحاب الضلال

(مأل بنت)

مقتول اولان میتک اجلی منقطع دکدر. یعنی قتل اولنسهده او زمانده فوت اولوب  
اولیه جنی مقطوع و معین دکدر.

[۱] مرجو، رجا لفظندن اسم مفعولدر.

[۲] کبائر، قتل نفس وزنا و شرب خمر و امثالی بیوک کناهلردن عبارتدر.

[۳] شوم، سعادتنک ضدی اولوب اغورسزاق معناسهدر.

[۴] اشتعال، علولنک معناسهدر. «دار اشتعال» لفظندن مراد، جهنمدر.

(۶۳)

وكونوا عون هذا العبد دهرًا      بذكر الخير في حال ابتهال  
[۱] [۲] [۳] [۴]

(مأل بیت)

درگاه الهی به حضور و خضوع ایله متوجه اولدیغیز و قتلرده اشبو منظومه‌نک  
سبب نظمی اولان عبد ضعیفه ذکر بالخير واستغفار ایله اعانه ایلیه سکر.

(۶۴)

لعل الله يعفوه بفضل      ويعطيه السعادة في المأل  
[۵]

(مأل بیت)

مرجو و مسئول درکه دعای خیرکز برکاتی ایله حق جل و تعالی بو عبد حقیرک  
سیئاتی فضل و کرمی ایله عفو ایدوب آخرتده فوز عظیم اولان دیدار شریفی ایله  
مظهر سعادت ابدیه ایلیه.

[۱] کونوا، کون کله‌سندن فعل امر در.

[۲] عون، معین معنایسته در.

[۳] دهر، اگر معرف اولور ایسه ابد و مدة العمر معنایسته در و منکر یعنی تکره اوله رق  
استعمال اولور ایسه زماندن بر قطعه‌یه اطلاق اولور. امامین یعنی امام محمد و امام یوسف  
رضی الله تعالی عنهما حضراتی عندنده دهر، منکر اولور ایسه «حین» معنایسته اولوب «حین» مقامنه قائم  
اولور دیو بیور مشلدر. «حین» لفظی معرفاً و منکراً الی ماه مدته اطلاق اولور بو محل، اعدل  
و اوسط محامل اولقی حسیلدر. یوقسه بعضا وقت صلوة کبی مدت قصیره ده دخی استعمال اولور.  
بعض علای کرام حضراتی طرفندن دهر کله‌سنک «اسماء حسنی» جمله‌سندن اولدیغی بیان بیورلشدرد.  
[۴] ابتهال تضرع معنایسته در.

[۵] مأل، اول لفظندن اسم مکان اولوب مرجع معنایسته در. نظم مذکورده مأل لفظندن

«آخرت» مراد اولور.

(۶۱)

یسلی القلب کالبشری بروح      ویحی الروح کالماء الزلال  
[۱] [۲] [۳] [۴] [۵]

(مأل بیت)

اشبو منظومه غرا قلوب اهل ایمانی مژده عظیم کبی ایراث طرب و راحت ایلہ  
متسلی ومنبسط ایدوب مانند آب زلال روحک حیات ابدیه سنه وسیله اولور.

(۶۲)

فیخو ضوافیه حفظا و اعتقادا      تنالوا جنس اصناف المنال  
[۶] [۷]

(مأل بیت)

اشبو منظومه غرائک مطالعه سی ایلہ اکتفا ایتیوب بلکه ازبر و اعتقادینه همت  
اولنقی لازمدرکه انواع الطاف ربانیه و اصناف اعطاف صمدانیه یتائلیت میسر اولسون.

[۱] یسلی، تسلیه دن فعل مستقبل در. تسلیه، کشف و تجلیه معناسنه در.

[۲] قلبکه، فارسیده دل و ترکیده کوکل تعبیر اولنور، مقابلیت و قابلیت و سرعت خواطر و تلون  
سبی ایلہ متقلب اولدینی ایچون قلب لفظی ایلہ تسمیه اولنمشدر صدرک یسارنده مودوع صنوبری الشکل  
مضغه در انکله قائم اولان لطیفه ربانیه که بصیرت لفظی ایلہ تعبیر اولنور قلب دخی اطلاق اولنور  
« لایسعی ارضی و سمائی و لکن یسعی قلب عبیدی المؤمن التقی الوراع » حدیث قدسیسی موجبجه  
طرف حقندن « سعه » ایلہ موصوف اولان اشیا ناک اعظمیدر و نفس انسانی یتعلق روح حیوانی ناک  
معدنی در حکما اکا نفس باطنه و روح باطنه اطلاق ایدرلر بعض محققین طرفندن قلبک یدی  
طبقه سی اولدینی بیان بیورلمشدر. طبقه اولی (صدر) درکه محل وسواسدر. طبقه ثانیه (قلب) درکه  
محل ایمان در. طبقه ثالثه (شغاف) درکه محل محبت خلق در. طبقه رابعه (فؤاد) درکه محل رؤیت  
حق در. طبقه خامسه (حیه القلب) درکه محل محبت حق در. طبقه سادسه (سودا) درکه محل علوم  
دینیهدر. طبقه سابعه (مهجه) درکه محل تجلی صفات در.

[۳] روح، را حرفنک قحی ایلہ راحت معناسنه در.

[۴] روح، را حرفنک ضمی ایلہ حیات معناسنه در.

[۵] زلال، قطعا متغیر اولمیان عذب و صافی صویه دینور. ناظم علیه الرحمه اشبو منظومه سنی  
قلوب جاهله یت دفع عطش جهالتله ایراث حیات و یاجود قلوب عالمیه ابقای حیاتده آب زلاله تشبیه  
ایلشددر.

[۶] خوضوا، خوض لفظندن فعل امردر «خوض» شروع ایتک معناسنه در.

[۷] منال، عطا واحسان معناسنه در. اصنافک مناله اضافتی خاتم فضه قیبلندن در. جنس تعبیرنده

مبالغه اولدینی ظاهر در زیرا توحید و ایمان جله عطایای الهیه و وسیله در.

## بحث

( ۲۹ )

## ﴿ علم اصول فقه ﴾

(اصول)، اصل لفظنك جمعى در.

(اصل)، «اسفل الشئ» معناسه در. مرجوحه نسبتاً راجحه دخى (اصل) اطلاق اولنور.

جزئیاتنه شامل ومنطبق اولان قانون وقاعديه (اصل) اطلاق اولنور.

مدلوله نسبتله دليله (اصل) اطلاق اولنور.

«الاصل على ما بينى عليه غيره» تعريفى ايله دخى معرف در.

(اصل)، محتاج اليه معناسه دخى كلور نتهكيم حيوانده اصل اولان غدادر دينور.

اولى واحرى اولان شيئه دخى (اصل) اطلاق اولنور نتهكيم انسانده اصل اولان علم در دينور كه علم، جهلدن اولا واحراردر معناسى متضمن در.

متفرع عليه دخى (اصل) تسميه اولنور فرزند نسبتله پدر كجى.

حالت قديميه دخى (اصل) اطلاق اولنور نتهكيم اشياده اصل اولان اباحه وطهارت در

دينلور.

اشياده (اصل) اولان، عدم در چونكه عدم، اشياده وجود اوزرينه مقدم در.

كلامده (اصل) اولان حقيقت در.

مستبك سببه مبتنى ومحتاج اولمى جهتيه سبب دخى (اصل) در.

دينده (اصل) اولان توحيد در.

«الاصل بقاء الشئ على ما كان» عبارده سى ايله دخى تعريف اولنور كه بر شئيك

بولندينى حال اوزره بقاسى (اصل) در ديمكدر.

اسماده (اصل) اولان تنكيدر. يعنى نكره اولمقدر.

شرعياتده (اصل) اولان برائت ذمت در.

( ۶۵ )

وَانِی الدَّهْرَ ادْعُو كُنْهَ وَسْعِی      لَمَنْ بِالْخَيْرِ یَوْمًا قَدْ دَعَا لِی

(مأل بیت)

بر کیسه بنم ایچون بر کون که مراد بر وقت در دعای خیر ایدر ایسه مدت عمر مده  
نهایت قدر تمی انک خیر دعا سنده صرف افراغ ایدرم.

فَرَجُوا مِنْ اللَّهِ الْعَمِيمِ الْمَرَّاحِمِ الْبَسِيطِ الْمَكَارِمِ أَنْ يَعْفُو عَنْنا وَعَنْ النَّاسِ  
وَيَرْحَمَنَا وَيَرْحِمَهُ وَيَرْحَمِ آبَاءَنَا وَأُمَّهَاتَنَا وَمَشَائِخَنَا وَاجِبَاءَنَا وَجَمِيعَ الْمُؤْمِنِينَ  
بِحُرْمَةِ رَسُولِهِ الْآمِينَ وَلِلَّهِ الْحَمْدُ أَوَّلًا وَآخِرًا



(مبادی)، علم اصول فقهك مبادیسی علوم عربیه ایله بعض علوم شرعیه و عقلیه دن مأخوذدر.

(غرض)، علم اصول فقهك غرضی ادله اربعه دن احكام شرعیه نك صورت استنباطنه تحصیل ملكه ایتكدر. ادله اربعه (كتاب)، (سنت)، (اجماع)، (قیاس) در.

(فائده)، علم اصول فقهك فائده سی علی وجه الصحه احكام شرعیه بی استنباط ایتكدر. (كتاب) لفظ شریفندن مراد، قرآن عظیم الشان در. لفظ مذكورك ذكری، علم تفسیر شریف مجتهد قرآن كریك بیان اسمی جلیله سی صره سنده گذران ایتشددر. (سنت)، لغته طریقت معناسنه در. كرك مرضی اولسون و كرك غیر مرضی اولسون. شرعه فرض و واجب اولیه رق طریقه مسلوكه در. سنت احياناً مع الترك رسول اعظم صلی الله تعالی علیه وسلم حضرتلرینك مواظبت بیوردقلى عادت حسنه در. اكر مواظبت مذكوره، عبادت طریقه اولور ایسه (سنن هدی) در. اكر عادت طریقه اولور ایسه (سنن زوائد) در. (سنن هدی) اقامتی تكمیل دین ایچون اولان سنت اولوب تركنده كراهت ویا اسائت واردر. (سنن زوائد)، اول بر سنت دركه انك اقامتی حسناندن اولوب تركنده كراهت و اسائت یوقدر. سنن زوائد رسول اكرم صلی الله تعالی علیه وسلم حضرتلرینك قیام و قعودنده و لباس و اكندنه اولان عادت سنیه لری كبی در.

(اجماع)، لغته عزم و اتفاق معناسنه در. اصطلاحده امت محمدیه علیه الصلوٰة والسلامدن اولان مجتهدینك بر عصرده دینه منسوب اولان امر اوزرینه اتفاقی در. دیگر بر تعریفه كوره جماعت اهل حل و عقددن بر جماعتك بر امر اوزرینه عزم تام ایتمسندن عبارتدر. (اجماع مركب)، مأخذده اختلاف ایله برابر حكمده اتفاقدن عبارتدر. لكن ایکی مأخذدن برینك فسادى ایله حكم مختلفیه اولور. بونك مثالی «قی» ایله «مس» ك معاً وجودنده انتقاض طهارت اوزرینه اجماعك انعقاد ایتسیدر لكن مأخذ انتقاض، عند الحنفیه «قی» و عند الشافیه «مس» در. «قی» ك ناقض طهارت اولماسی فرض و تقدیر اولنسه عند الحنفیه انتقاض ایله حكم اولنمز و اولحالدّه اجماع باقی اولمز. كذلك «مس» ك ناقض طهارت اولماسی فرض و تقدیر اولنسه عند الشافیه انتقاض ایله حكم اولنمز و اولحالدّه كذلك اجماع باقی اولمز. (قیاس)، قافك كسری ایله لغته بر شیئی اخر شی ایله تقدیر ایتك معناسنه در.



اسمده (اصل) اولان ثبوت اوزرینه دلالت در کرک صفت اولسون عالم کبی و کرک صفتک غیری اولسون غلام کبی. اما تجدد اوزرینه دلالت، صفاتده امر عارضی در.

اسم اشارتده (اصل) اولان، محسوس مشاهده اشارتدر کرک قریب اولسون و کرک بعید اولسون .

افعالده (اصل) اولان تصرف در .

عواملدن عاری اولان اسماده (اصل) اولان، سکون اوزرینه وقف در.

تعریفده (اصل) اولان عهددر .

صفاتده (اصل) اولان توضیح و تخصیص در.

وصفده (اصل) اولان تمیزدر .

رفعده (اصل) اولان فاعل اولمقددر .

مبتداده (اصل) اولان معرفه در.

خبرده (اصل) اولان افراددر .

عملده (اصل) اولان فعلدر .

جوابده (اصل) اولان سؤاله مشاکله و مماثله در.

اسمده (اصل) اولان اعرابدر .

فعلده (اصل) اولان بنادر .

جمله لرده (اصل) اولان جمله فعلیه در.

مثتاده (اصل) اولان معرب اولمقددر .

خبرده (اصل) اولان مبتدادن متأخر اولمقددر .

عاملده (اصل) اولان معمول اوزرینه تقدم ایتکدر .

حروف قسمده (اصل) اولان با حرفی در.

تشبیهده (اصل) اولان مشبهدر .

(علم اصول فقه)، علوم شرعیهدن اولوب ادله اجالیه یقینیهدن احکام شرعیه فرعیه نك

صورت استنباط و استخراجندن باحثدر .

(موضوع)، علم اصول فقهك موضوعی احکام شرعیه نك کیفیت استنباطی حیثیتی

ایله ادله شرعیه کلیه در.

مروی در. مشارالیه «ابوالیسر» حضرتلری مناقب جلیله و فضائل کثیره اصحابندن ایدی. تاریخ هجرت نبویهك (۴۲۱) نجی سنه سنده زیور بزم شهود اولوب (۴۹۳) نجی سنه سنده بخاراده عازم گلشنسرای جنان اولمشدر.

علم اصول فقهده اکابر مؤلفین کرامدن بر ذات حمیده صفات دخی «شمس الأئمه محمد بن احمد بن ابی سهل ابو بکر السرخسی» حضرتلری در. تاریخ هجرت نبویهك (۵۰۰) نجی سنه سی حدودنده ارتحال دارنیم بیورمشدر.

علم اصول فقهده اکابر مؤلفین کرامدن بر ذات ستوده صفات دخی «المولی ابوالعباس احمد بن علی بن ثعلب بن ضیا مظفرالدین بن الساعاتی البغدادی» حضرتلری در. تاریخ هجرتك (۶۸۳) و برروایت کوره (۶۸۲) نجی سنه سنده عازم کلزار جنان اولمشدر. علم اصول فقهده افاحم مؤلفین کرامدن بر ذات جلیل القدر دخی «المولی عبدالله بن احمد بن محمود ابو البركات حافظ الدین النسفی» حضرتلری در.

علم اصول فقهده اعظم مؤلفین کرامدن بر ذات عالیقدر دخی «عمر بن محمد بن عمر الشیخ جلال الدین الحلبازی» حضرتلری در. تاریخ هجرتك (۶۹۱) نجی سنه سنده ارتحال داربقا بیورمشدر.

علم اصول فقهده اکابر مؤلفین کرامدن بر ذات معالی سمات دخی «ابو عبدالله محمد بن محمد بن عمر حسام الدین الاخیسکی» [۱] حضرتلری در. تاریخ هجرت نبویهك (۶۴۴) نجی سنه سنده ارتحال دار جنان بیورمشدر.

اعاظم فقهای کرامدن «امام ارموی» و «امام فخرالدین الرازی» و «المولی الفاضل صدر الشریعه عالم محقق و حبر مدقق عبیدالله بن مسعود بن محمود بن عبیدالله بن محمود صدر الدین محبوبی» و «المولی العالم العامل و الفاضل الكامل شمس الدین الفناری» و «قاضی بیضاوی» و «المولی محمد بن فرامرز بن خواجه علی الشهیر بمولانا خسرو» حضراتی دخی علم اصول فقهده تألیفات نفیسه و معتبره اصحاب ذوی الاحترامندن در.

بالاده اسامی شریفه سی ذکر و بیان اولنان ذوات معالی سمات حضرتاتك علم اصول

[۱] اخیسکت، خای معجمه دن صکره سین مهمله و اخرنده ثای مثله ایله ماوراء النهرده برقریه نك اسمی در.

مساوات مغاسنه دخی کلور. جمعی اقیسه در. بر روایتہ کوره اصل قیاس (سبق) در. شرعده «القیاس عبارة عن المعنى المستنبط من النص لتعدي الحکم من المنصوص علیه الى غیره وهو الجمع بين الاصل والفرع فی الحکم» تعریفی ایله معرف در. یعنی قیاس، حکمک منصوص علیہدن غیریه تعدیس ایچون «نص» دن مستنبط اولان معنادن عبارتدرکه حکمده اصل ایله فرع بیننی جمع ایتکدر.

(نص)، نونک قحی وصادک تشدید ایله لغتده دلیل و خبر و ظهور مغالینہ در. جمعی «نصوص» و «نصاص» کلور. اصطلاحده معنای واحدنن غیریه معنای احتمالی اولیان و بر روایتہ کوره تأویله احتمالی اولیان لفظدن عبارتدر.

علم اصول فقہده اکابر مؤلفیندن بر ذات عالیقدر «احمد بن علی ابوبکر الرازی» علیه رحمة الباری حضرتلری در. مشارالیه حضرتلری تاریخ هجرت نبویه نك (۳۰۵) نجی سنه سنده زیور مهد وجود اولوب (۳۷۰) نجی سنه سنده بغدادده ارتحال دارجنان بیورمشدر.

علم اصول فقہده اکابر مؤلفین کرامدن بر ذات معالی سمات دخی «عبدالله بن عمر بن عیسی ابوزید الدبوسی» [۱] حضرتلری در. مشارالیه حضرتلری هجرت نبویه نك (۴۳۰) نجی سنه سنده بخاراده عازم کلشنسرای جنان اولمشدر.

علم اصول فقہده اکابر مؤلفین کرامدن بر ذات ستوده صفات دخی «علی بن محمد بن الحسین بن عبدالکریم بن موسی بن عیسی بن مجاهد ابوالحسن فخر الاسلام البزدوی» در. مشارالیه حضرتلری تاریخ هجرت نبویه نك (۴۰۰) سنه سی حدودنده قدم زن مهد وجود اولوب (۴۸۲) نجی سنه سنده ارتحال دار نعیم بیورمشدر.

علم اصول فقہده اکابر مصنفین کرامدن بر ذات جلیل الصفات دخی فخر الاسلام البزدوی حضرتلرینک «ابو الیسر» دیمکله معروف اولان برادر مکرملری «محمد بن محمد بن الحسین بن عبدالکریم ابو الیسر البزدوی» حضرتلری در. مشارالیه حضرتلرینک تصانیف معتبره سنده یسر و سهولت اولمق حسبیلہ «ابوالیسر» دیمکله شهرت شعار اولدینی و فخر الاسلام حضرتلرینک دخی تصانیفنده عسرت اولمق حسبیلہ «ابوالعسر» دیمکله اشتهار ایلدیکی

[۱] دبوسی، دبوسه منسوب دیمکدر. (دبوسه)، دال حرفنک فتحه حرکه سی و با حرفنک ضمی ایله بخارا ایله سمرقند بیننده برقریه نك اسمی در.

معلوم اولدینی اوزره علومك تعلی یا «فرض عین» و یا «فرض کفایه» و یا «مندوب» و یا خود «حرام» و یا «مکروه» و یا «مباح» در .

(فرض عین) اولان عللر، فرائض اسلامدن انسانك دیناً و عملاً محتاج اولدینی عللردن عبارتدر. انسانك دیناً محتاج اولدینی عللر «مسائل اعتقادیه» در. عملاً محتاج اولدینی عللر، «وضوء» و «غسل» و «صلوة» و «صوم» و «زکاة» و «حج» و «بیوع» و سائر علوم ضروریه در.

(فرض کفایه) اولان، اول عللدرکه امور دنیانك قواننده او عللردن استغنا حاصل اولیوب آنلرك تعلی فرض کفایه در. او قییلدن اولان عللر، علم طب، علم حساب، علم نحو، علم لغت، علم کلام، علم قرآت، علم اسانید احادیث، قسمت وصایا و مواریث، کتابت، معانی، بدیع، بیان، اصول، معرفت ناسخ و منسوخ، علم اثار و اخبار، اصول صناعات و فلاح و سائر امثالی عللدر. فرض عین، فرض کفایه دن افضل در، چونکه فرض عین، نفس ایچون حقاً مفروض اولمغله اهم و مشقّتاً اکثر در. بوحال، فرض کفایه نك خلافه ملابس در. چونکه فرض کفایه، کافّة مفروض در. هر بر امرکه عمومی در، اخف اولور. هر بر امرکه خصوصی در، اثقل اولور. بعض قوله کوره فرض کفایه افضل در. چونکه فرض کفایه نك فعلی امتدن باسرها خرج و مشقّتی اسقاط ایدر. فرض کفایه نك ترکی ایله بلدهده متمکن اولان کافّة ناس عاصی اولور. شو حال، فرض کفایه نك مهم اولدیغنده شك اولدیغنه دلالت ایدر ایسهده معتمد اولان صورت، فرض عینك فرض کفایه دن افضل اولمسیدر.

(مندوب)، لغته سوکیلو و مستحسن مغنالیینه در. عندالفقهها «هو الفعل الذی یکون راجحاً علی ترکّه فی نظر الشارع و یکون ترکّه جائزاً» تعریفی ایله معرف در. علمه مندوب اولان فقهده و علم قبلده تبخر ایتمکدن عبارتدر. «تبخر» ك معناسی علم فقه شریفده توسّع و علم فقهك مسائل غامضه سنه اطلاع کسب ایتمکدر. سائر علوم شرعیده تبخر دخی اوقیلدن در. «علم قلب»، علم اخلاق دیمکدر. علم اخلاق، «علم یعرف به انواع الفضائل و کیفیة اکتسابها و انواع الرذائل و کیفیة اجتنابها» تعریفی ایله معرف در. یعنی علم اخلاق، بر علم درکه انکله فضائل انسانیه نك انواعی و اوفضائلك کیفیت اکتسابی و رذائلك انواعی ایله رذائلدن اجتنابك کیفیتی معلوم اولور.

فقہدہ تالیف بیورمش اولدقلری کتب شریفہ علم مذکورک کتب معتبرہ ونفیسہ سندن اولوب علمای کرام حضراتی طرفلرندن کتب مذکورہ اوزرینہ پک چوق شرح وحاشیہلر تحریرینہ بذل نقدینہ عاطفت بیورلمشدر. رحمہم اللہ



### [ علم فقہ ]

(فقہ)، لغتده «العلم بالشی» یعنی شیئہ علم معناسنه در. اصولین اصطلاحنده ادله تفصیلیہ دن مکتسب اولان احکام شرعیہ فرعیہ علم معناسنه در. عند الفقهاء حفظ الفروع معناسنه در. اهل حقیقت عندنده علم ایله عمل یینی جمع ایتمکن عبارتدر.

(موضوع) علم فقہک موضوعی، فعل مکلفدر.

(غایت)، علم فقہک غایی فوز سعادت داریندر.

علم فقہ، «کتاب» و «سنت» و «اجماع» و «قیاس» دن استمداد ایدر.

علم فقہک فضل وشرفی سائر علملردن کثیر وشہیر اولدینی فقہای کرام حضراتی نزدنده متفق علیہ در.

(نظم)

إذا ما اعتزذ و علم بعلم      فعمل الفقہ اولی باعتزاز  
فکم طیب یفوح ولا کمسک      وکم طیر یطیر ولا کباز

«ومن یؤت الحکمة فقد اؤتی خیرا کثیرا» آیت کریمہ سنده کی «حکمة» کلمہ شریفہ سنک ارباب تفسیر عندنده «علم فروع» یعنی «علم فقہ» ایله مفسر اولسی حسیله علم فقہ شریفک مظاهر مدح خدا اولدینی علمای کرام حضراتی جانبندن بیان بیورلمشدر.

(نظم)

و خیر علوم علم فقہ لائہ      یکون الی کلّ العلوم توسلا  
فان فقہا واحدا متورعا      علی الف ذی زهد تفضل واعتلی

طبیك نبض ايله صحت و مرضدن استدلال ايتمسی كيدر. اكر منجم اولان كسسه جناب حقاك قضا و قدرینی اعتقاد ايتدیكى و بنفسه غیبی ادا ایلدیكى حالده كافر اولور. بعدذا علم نجومك مواقیت صلوٰة ايله قبله تعیین اولنه بیله جك مقداری تعلنده بأس اولدیغی و بو مقداردن زیاده سنك تعلمی حرام اولدیغی و شو جواز و حرمت قیدی علم نجومك حسابی قسمنده اولیوب استدلالی قسمنه تعلق ایلدیكى علمای کرام حضراتی طرفندن بیان بیورلمشدر.

(علم رمل)، «علم بضروب اشكال من الخطوط والنقط بقواعد معلومة تخرج حروفاً تجمع ویستخرج جملة دالة علی عواقب الامور» تعریفی ايله معرفّ اولوب قطعاً حرامدر. «فتاوی ابن حجر» ده علم مذکورك تعلیم و تعلمی شدیداً حرام اولدیغی بیان بیورلمشدر.

(علم طبیعی)، «علم یبحث فیہ عن احوال الجسم المحسوس من حیث هو معرض للتغیر فی الاحوال والاثبات فیها» تعریفی ايله معرفّ اولوب «فتاوی ابن حجر» ده بیان بیورلدیغی اوزره علم طبیعیدن طریق فلاسفه اوزره اولان مسائل حرامدر. چونکه او مسائل، قدم عالمه اعتقاد و سائرہ کبی مفاسده مؤدی در و علم طبیعی جهتنده اولان حرمت، علم نجومك حرمتنه مشاهددر. هرایکسینده علت حرمت، مفاسده مؤدی اولقدن عبارتدر.

(علم سحر)، «علم یستفاد منه حصول ملكة نفسانية یقدر بها علی افعال قریبة لاسباب خفية» تعریفی ايله معرفّدر. بو علمك تعلیم و تعلمی حرامدر.

(علم كهانت)، «هی تعاطی الخبر عن الكائنات فی المستقبل وادعاء معرفة الاسرار» تعریفی ايله معرفّ و علم مذکور حرامدر.

(علم حرف و موسیقی) دخی تعلمی حرام اولان قسمندن در. (علم حرف) دن مراد، «علم الکاف» اولوب اوده کیایه اشارت اولدیغی محتلددر. کییاده ضیاع مال و فائده سز شی ايله اشتغال اولدیغی جهتله حرمتنده شبهه یوقدر. «علم حرف» دن مراد، علم طلسمات و سائرہ کبی علملره اشارت اولق احتمالی در دخی علمای کرام حضراتی طرفندن ذکر و بیان بیورلمشدر.

(مکروه) اولان علم، شرعاً حرام و مکروه اولان الفاظی جامع اشعار و هجودر.

(مباح) اولان علم، شرعاً غیر ممنوع الفاظ ايله انشاد اولنان شعردر.

فقه شریف، حدیث شریفك ثمره و نتیجه سیددر.

(حرام) اولان علملر، علم فلسفه، علم شعبده [۱]، علم تنجیم، علم رمل، علوم طبیعی، علم سحر، علم کهانت در.

(فلسفه) لفظی، یونانی اولوب بونک عربیسی «الحکم المموّحه» یعنی «مزیتة الظاهر فاسدة الباطن» دیمکدر. بونک مثالی، فلاسفه نك قدم عالمه قائل اولملری و بونک غیری مکفّرات و محرّمات کبی در. «احیاء علوم» اسمی ایله مسمی اولان کتابده ذکر و بیان بیورلدینی اوزره فلسفه، رأساً علم اولیوب بلکه اجزاء اربعه دن عبارت اولور. (جزء اول) هندسه و حساب در. اشبو علملر مباح اولوب بوندن هرکیم اولور ایسه اولسون منع اولنمز. الا حساب و هندسه علملرندن فلسفه نك مذموم اولان علملرینه تجاوز ایتمسندن خوف اولنان کیمسه منع اولنور. (جزء ثانی) علم منطق در. بو علم، وجه دلیلدن و شروطندن و وجه حدّ و شروطندن بحث ایدر. بونلر علم کلامده داخلدر. (جزء ثالث) الهیات در. علم مذکور، جناب حق ذات و صفاتندن بحث ایدر. الهیات بحثنده مذاهب فلسفه نك بعضیسی کفر و بعضیسی بدعت در. (جزء رابع) طبیعیات در. اشبو قسم رابعک بعضیسی شرعشریفه مخالف در. بعضیسی اجسامدن و خواصندن و کیفیت استحاله سی ایله تغیرندن باحث اولوب بو حال، نظر اطبایه شبیه در. چونکه طبیب، بدن انسانده مرض و صحت حیثیتی ایله نظر ایلدیکی کبی فلاسفه دخی جمیع اجسامده تغیر و تحرک حیثیتی ایله نظر ایدر. لکن طب ایچون طبیعیات اوزرینه فضل و رجحان وارددر. چونکه طب ایچون احتیاج بدیهی اولوب طبیعیاتده فلاسفه نك علملرینه حاجت یوقدر.

(علم تنجیم)، «علم يعرف به الاستدلال بالتشكلات الفلكية على الحوادث السفلية» ایله تعریف اولنمشدر. یعنی علم تنجیم تشکلات فلکیه ایله حوادث سفلیه اوزرینه استدلاله کسب معرفندن عبارتدر. حوادث سفلیه دن مراد، حوادث دنیا دیمکدر. فقهای کرام حضراتی طرفندن بیان بیورلدینی اوزره علم نجوم، فی نفسه حسن اولوب غیر مذمومدر. چونکه علم مذکور، ایکی قسمدر. بریسی (حسابی) و دیگر (استدلالی) در. (حسابی) اولان نجوم، حق اولوب بوصورت قرآن کریمده شرفوارد اولمشدر. قال الله تعالى «الشمس والقمر بحسبان» ای سیرهما بحساب» ایله مفسر در. (استدلالی) اولان نجوم، سیر نجوم و حرکت افلاک ایله حوادث اوزرینه الله تعالی حضرتلرینک قضا و قدرینه استدلال اولوب بوده جائزدر. بو استدلال،

[۱] شعبده لفظنده صواب اولان صورت، «شعوذه» در. (شعوذه)، خفیه الید معناسنه در سحر کبی. یعنی برشیئک حال اصلینک غیری حال ایله کورلمسندن عبارتدر.

ذکر اولان امورک جملةً وقوعی ضروری اولوب خلاف ظهورینی اقتضا ایتمکه سادات اسلاف وائمةً اخلاف میاننده اختلاف واقع اولمشدر. بوحالندن صکره دخی اصحاب کرامک مجموعی اهل فتوی اولمديغندن احکام دینیّه اصحاب کرامک جمله سندن اخذ اولنیوب بلکه ایچلرندن قرآن مبینی حامل وناسخ ومنسوخ ومحکم ومتشابه وسائر وجوه قرآنیّه عارف اولان کبار اصحاب کرامدن اخذ اولنمشدر. بومثالو اصحاب کرام دخی وجوه قرآنیّه واحکام ربانیّه بی بالذات مشکاة صدر نبوتدن یاخود رسول اکرم صلی الله تعالی علیه وسلم حضرتلرندن استماع ایدن عظمای اصحابدن اخذ و تلقی بیورمشلردر. بو سبیدن ناشی ذوات مشارالیهیم حضراتی قرآ اسمی ایله تسمیه اولنوب قرآن مبینی قرائت ایله کسب امتیاز واختصاص ایلشلردر. زیرا طائفةً عرب فی الاصل قرائت و کتابتدن عاری امت امیه اولوب قرائت و کتابت کندی یینلرنده غریب وعجیب اولغله علمای اصحابه قرآ اطلاق ایدرک صدر نبوتده علمای اصحاب بواسم ایله موسوم ومعروف اولمشلردر. ممارسه کتابت ایله طائفةً عربدن امیت زائل واستنباط احکامه قدرت وفقاظه مکتب حاصل اولهرق فقه شریف علم وصنعت اولدقده احکام فقهه عالم اولان رجال کرامه قرآ یرینه «فقهه» و «علمه» اسمی تعیین اولنمشدر.

علم فقه بین الفقها ایکی طریقه منقسم اولوب (طریقه اولی) طریقه اهل رأی و قیاس درکه انلر اهل عراق در. (طریقه ثانیه) طریقه اهل حدیث درکه انلر اهل حجاز در. اهل عراق عندنده تصحیح اسناد، شروط کثیره ایله مشروط اولغله انلرده روایت حدیث قلیل اولوب احکام شرعییه اکثریا قیاسدن اقتباس ایدرک انده ماهر اولملریله انلره اهل رأی اطلاق اولنمشدر. اهل رأی و قیاسک پیشوا ومقتدرای امام اعظم وهام افخم «ابو حنیفه نعمان بن ثابت الکوفی» وامام اهل حجاز «مالک بن انس» حضراتی اولوب بعده «محمد بن ادریس الشافعی» حضرتلری در. بوندن صکره طریق قیاس ایله اقتباس احکامی علمادن بر طائفه رد وانکار ایدوب انکله عمل واحتجاجی ابطال ایتمشلردر. اشبو طائفه، فرقه ظاهریه درکه مسالک شرعی، نصوص واجماعه حصر و قیاس جلی بی و علت منصوصه بی نصّه رد ایلوب «علت اوزرینه تنصیص، جمیع مواضعده حکم اوزرینه تنصیص در» دیدیلر. مذهب ظاهرینک امامی «داود بن علی» و ولدی ایله انلرک اصحابی در. اشبو مذاهب ثلثه «مذهب حنفی» و «مذهب شافعی» و «مذهب داودی» درکه بین الائمة مشتهر اولان مذاهب جمهور اولوب عامه اهل اسلام، مذاهب مذکوره اصحابنه تقلید ایتمشدر. لکن اهل بیت نبوت



فقيه اولان ذاتك اجر و مثوباتي محدث اولان ذاتك اجر و مثوباتندن اقل دكلدر .

فقه شريفی ، «عبدالله بن مسعود» رضی الله تعالى عنه حضرتلری زرع بیورمش و «حضرت علقمه» اسقا و «ابراهيم نخعی حضرتلری» حصاد ایش و «حماد بن مسلم الکوفی» حضرتلری تنقیح و توضیحیه صرف اجتهاد ایش و امام الامة و سراج الملة «ابو حنیفة النعمان» حضرتلری طحن یعنی اکثار اصول و تفریع فروع بیورمش و تلید امام اعظم «ابو یوسف یعقوب بن ابراهیم قاضی القضاة» حضرتلری دخی امام اعظم و هام افخم حضرتلرینک قواعد و اصولنی تدقیق ایله تزید فروغانه صرف عنایت ایش و «الامام محمد بن الحسن الشیبانی» حضرتلری دخی فقه شریفی خبز حاله کتورمش و سائر ناس دخی مشارالیهم حضراتنک محصل سبی و اجتهادلری اولان احکام شرعیہی حاضر بوله رق اندن انتفاع و تناول ایشدر .

( نظم )

الفقه زرع ابن مسعود و علقمة      حصاده ثم ابراهيم دواس  
نعمان طاحنه يعقوب عاجنه      محمد خابر والآكل الناس

علمای کرام حضراتی جانبندن ذکر و بیان بیورلدینی اوزره علمای سلف ، احکام شرعیہی ادله اربعه دن استنباط و استخراجده بذل مجهود ایدوب لکن داعیه ضرورت ایله بینلرنده اختلافات کثیره واقع اولمشدر . زیرا ادله شرعیہنک غالبی نص قرآن و حدیث اولوب انلر دخی لسان عرب اوزره نازل و وارد اولمسندن و الفاظ عربیه ، معانی و فیرہی و خصوصیه احکام شرعیہدن اشیاء کثیرہی اقتضا ایتمسندن ناشی بین العلماء خلاف و قوعی معروف اولغله بوحال مجتہدین کرامک اختلافلرینی ایجاب ایشدر . بوندن بشقه سنت و حدیثک مشکلات صدر نبوتدن صدور و ثبوتنده طریقاری مختلف و اکثرینک احکامی بحسب الظاهر متعارض اولوب ترجیح محتاج و اسباب ترجیح دخی بین العلما مختلف فیہدر . کذلک نصوص قرآنیہ و احادیث نبویہنک غیري ادله شرعیہده دخی اختلاف اولغله ائمہ اجتهادک رأیلری مختلف اولمشدر . ینہ حوادث یومیہ و وقایع متجددهنک جمیع احکامی «کتاب» و «سنت» ده منصوص اولماغله نصوصده داخل اولمیان احکام ایله حکم منصوص میاننده عللده مناسبت و مشابہت اعتبار اولنوب اول مشابہت و مناسبت بناء حکم غیر منصوص ، منصوصه حمل ایدلمشدر .

حضرتلری در که قطر حجازده مقام اجتهاده قائم اولوب احیاء معالم دین مبین ایلشدر .  
 امام مشارالیه حضرتلری استنباط احکام شرعیده اهل مدینه‌نک عملی دخی مأخذ اتخاذ  
 ایدوب سائر ائمه اجتهاد عندنده معتبر ومرعی اولان اصول وادله‌دن ماعدا بومأخذایله  
 عمل واجتهاده تفرد ایلشدر . زیرا «امام مالک» رأی، مدینه منوره‌نک دارالحجره ومعدن  
 رسالت اولوب خلفای راشدین وعظمای اصحاب کزین رضوان الله تعالی علیهم اجمعین  
 حضراتی انده ساکن اولمغله اهل مدینه امور دینیده اتفاق ایتدکلری فعل وترکده  
 سلفلرینه متابعت واقتدا ایدوب سلسله‌اخذلری افعال واحوال نبوییه مشاهده ومعاینه  
 ایدن اصحاب کرامه منتهی اولمسندن عبارت اولدینی جهتله اهل مدینه‌نک فعل وعملی امام  
 مالک عندنده اصول شرعیدن عد اولنشدر . اکثرناس طرفدن «امام مالک» حضرتلرینک  
 عمل اهل مدینه ایله استدلالی مسائل اجماعدن عد ایله رد وانکار اولهرق دلیل اجماع،  
 عامه امته شامل وعامه امت انکله عامل اولوب اهل مدینه‌یه مخصوص اولدینی بیان  
 وبو وجهله امام مشارالیه حضرتلرینک اولبایده‌کی رأینه دخل وتعرض اولنشدر . معلوم  
 اولدینی اوزره اجماع شرعی ائمه مجتهدین حضراتنک عصر واحده برامر دینی اوزرینه  
 علی وجه الاجتهاد اتفاقلرندن عبارت اولوب استنباط احکامده اصل ومناط اولقی اوزره  
 اجماع واتفاق اولنشدر . امام مالک حضرتلرینک عمل اهل مدینه‌یه اعتباری رأی واجتهاده  
 مبنی اجماع جهتله اولیوب بلکه زمان بعث ورسالته منتهی اولنجیه قدر اخلافک اسلافدن  
 بالمشاهده اخذ واقتباس وعمللرینه اتباع واقتدالرینه منتهی در . شو قدرکه مسئله مذکوره  
 ایله اجماع شرعی میانده مطلق اتفاقده مناسبت وموافق اولوب بونک باب اجماعده  
 ذکر سائر ابوابدن البق وانسب اولمغله مسئله مذکوره اصول مالکیده باب اجماعده  
 ذکر وایراد اولنشدر . لکن اهل اجماعک اتفاقلری ادله شرعیده نظر ایله رأی واجتهاده  
 مبنی اولوب اهل مدینه‌نک فعل وترکده اتفاقلری اخلافک اسلافه بالمشاهده اقتدالرینه  
 مبتنی در . مسئله مذکوره‌نک باب اجماعده ذکر اولنیموب رسول اعظم صلی الله تعالی علیه  
 وسلم حضرتلرینک فعل وتقریری بابنده ویاخود ادله مختلفه‌یه حاوی اولان ابوابده ذکر  
 وایرادی انسب اولدینی علمای کرام حضراتی جانبندن بیان بیورلمشدر .

معلوم اولدینی اوزره «امام مالک بن انس» رحمه الله حضرتلرندن صکره «محمد بن  
 ادريس المطالي الشافعي» رحمه الله حضرتلری بلاد عراقه رحلت و«امام ابو حنیفه» حضرتلرینک  
 اصحابی ایله ملاقات ایدوب انلردن اخذ وتلقى وطریقت اهل حجاز ایله طریقت اهل عراقی

اصول و فروع احكامده بر مذهب ابتداء و برفقه اختراع ايدرك انكله تفرّد ايتمشلردر. اختراع ايتدكلى رأى سخيّف و فقه ضعيفى بعض اصحاب كرام حقنده واقع اولان سوء اعتقادلرينه و اماملرينك عصمت و نزاهته و قوللرينك صدق و صحتنه اولان اعتمادلرينه بنا ايتلشدر دركه جمله سى اصول واهيدهر. اشبو مذهب سخيّف مثللو طائفه خوارج دخى شنود ايدوب جمهوره مخالفت ايتمشلردر. لكن عامه اهل اسلام، انلرك رأى و مذهبلرينه اعتبار ايتيوب بلكه دائره قدح و انكارى توسيع ايلديلر. بوسيدن ناشى انلرك مذاهب واهيه لرندن بر شى معروف اوليوب كلاملى دخى منقول و مروى دكلدر. شويلاه كه مذاهب شيعه و خوارجك انارى انجق موطنلرنده موجود اولوب اعتقاد و عمله متعلق كتابلرى بلده لرنده موجوددر. بعدذا اهل ظاهر ك مذهبلى دخى اماملرينك اندراسى و جمهور اهل اسلامك ردّ و انكارى سببى ايله مندرس اولوب اثرلى انجق كتب مخلصه قديمده باقى قالمشدر. اكثرثا بظاليندن طائفه كثيره مذهب اهل ظاهره و قوف قصيده كتابلرينى مطالعه ايدرك مذهبلى اخذ و موجيله عمل ايتمه سعى و اهتمام ايتمشلر ايسده جمهور اهل اسلامك مختارى اولان مذاهب اربعيه مخالفتدن غيرى برفانده يى منتج اوليوب بلكه تلقى على كتابلره حصر و معيّندين اخذى ترك ايتملى ايله اهل بدعتدن عد اولمشدر علمائى اندلسدن «ابن حزم» حفظ حديثه على كعب ايكن بومسلكه سالك اولوب كتب اهل ظاهرى مطالعه قيام و مذهبلى ميل تام ايدوب زعمى اوزره انلرك اقوالندن اجتهاد ايله تحصيل مهارت و امام اهل ظاهر اولان داوده بعض مسائلده مخالفت ايتلش وائمه مسليندن چوق كيمسيه دخل و تعرض ايتكله ناس دخى «ابن حزم» ه بغض ايدوب مذهبى استهجان و انكار و كتابلرينى ترك و اغفال ايله تلقى ايتمشدر. حتى «ابن حزم» ك كتب مؤلفه سى اسواقده بيعدن منع اولوب بعض احيانده حرق و تمزيق اولمشدر. بوتقديرجه بلاد اسلامده جمله مذاهب، متروك و مرفوض اولوب انجق ديار عراقده اهل رأى و قطر حجازده اهل حديث مذهبى باقى قالمشدر.

اهل عراقك مذهبده متبوع و مقتدالرى امام اعظم و همام افخم «ابو حنيفه نعمان بن ثابت الكوفى» حضرتلرى دركه ملكه فقهده مشاراليه حضرتلرينك منزل و مقامنه اعلام علمان بر فرد لاحق اوليوب اجتهاده احراز رتبه تقدم بيورمش اولديغنه اصحابى و خصوصا امام مالك و امام شافعى حضرتلرى شهادت بيورمشلردر.

اهل حجازك متبوع و مقتدالرى امام دارالمجره «مالك بن انس الاصمى»

وسراج الامه وفخر الائمة «ابو حنیفه نعمان بن ثابت» رضی عنه الباری حضرت تری در. مشارالیه حضرت ترینک مناقب جلیله و احوال مرضیه سی حد احصادن یرون اولوب علمای کرام حضراتی جانبندن منقول اولان مناقب علیه سنک بعضیسی تبرکاً بو محله ذکر و بیان اولنور. امام اعظم «ابو حنیفه» حضرت ترینک زماناً و قدرآ و معرفه و علماً ائمه سائر اوزرینه تقدّم لری بین اهلما متفق علیه در. امام مشارالیه حضرت تری بر روایت کوره هجرت نبویه نک (۸۰) نجی سنه سنده و بر روایت کوره (۶۱) نجی سنه سنده و امام مالک حضرت تری دخی هجرت نبویه نک (۹۵) نجی سنه سنده زیور کهواره وجود اولمشدر. شو حالده امام مالک حضرت تری متأخر در. کذلک امام شافعی حضرت تری دخی روایت مشهوره کوره امام اعظم ابو حنیفه حضرت ترینک ارتحال دار نعیم بیوردقلری کونی زینده عالم شهود اولسیله امام مشارالیه حضرت ترینک دخی متأخر اولدقلری درکاردر.

امام اعظم ابو حنیفه حضرت ترینک شرفاً تقدّم لری امام مشارالیه حضرت تری حقنده روایت بیوریلان حدیث شریف ایله ثابت در. فخر عالم صلی الله تعالی علیه وسلم حضرت تری حدیث شریفده امام مشارالیه قبل الوجود «سراج الامه» و «محیی الشرع» و «السابق» اوصافی ایله وصف بیورمش اولدقلرندن شو شرف، امام مشارالیه ائمه سائر اوزرینه ترجیح و تقدیمه دلیل کافی اولدینی علمای کرام حضراتی جانبندن بیان بیورلمشدر.

امام اعظم ابو حنیفه حضرت ترینک حائز اولدقلری شرفک بریسی دخی بین الائمة مشارالیهدن غیری تابعیندن برذات بولنماسی در.

«ابن الصلاح» حضرت ترینک ذکر و بیانه کوره امام مالک حضرت تری تبع تابعیندن در.

امام اعظم ابو حنیفه رضی الله تعالی عنه حضرت تری ائمه سائر طرفندن لسان مدح و ثنا ایله یاد و تذکار بیورلمشدر.

امام شافعی علیه رحمة الباری حضرت تری امام اعظم ابو حنیفه رضی الله تعالی عنه حضرت ترندن اقصه برذات یلیدیکنی و تفقه مراد ایدن کیسه ایچون مشارالیه حضرت ترینک

جمع ایتمله بر مذهب مخصوص اختیار ایدوب مسائل کثیره سنده امام مالک مخالفت ایشدر.

امام مالک و شافعی رحمهم الله حضراتندن صکره امام احمد بن حنبل رحمه الله حضرتلری ظهور ایشدرکه مشارالیه کبار محدثیندن اولوب اصحابی علم حدیثه حد کماله واصل و اصحاب ابی حنیفه دن اخذ و تلقی ایله کامل اولغله حنبلیر دخی مذهب آخر اتخاذ ایشلدر. بناء علیه امصار اسلامده مذهبده تقلید، ذکر اولنان ائمه اربعه یه مختص اولوب مقلدین سائر مذاهبی ترک ورد و ابواب خلاقی سد و بند ایشلدر. زیرا علوم دینیده اصطلاحات کثیره و رتبه اجتهاده و صوله مانع اسباب و فیره ظهور ایدرک مذهبی ناهل اولان و رأی موثوق به اولیان رجاله اسناددن خوف و خشیت حاصل اولوب اهل اسلام، اجتهاده عجز و اضطرابی تصریح و تقلیدناسی مذاهب اربعه اصحابی اولان ائمه دین و انلره تقلید ایدن علای شرع مبین مذهبیرینه سوق ایله غیره تقلیددن منع ایدیلر. بوتقدیرجه ایوم محصول فقه شریف، مذاهب اربعه دن عبارت اولوب هر مقلد اقتدا ایلدیکی امامک مذهبی ایله عمل ایدرک بوندن غیری برشی قالمیشدر بوسبیدن ناشی باب اجتهاد مسدوددر.

علای کرام حضراتی جانبندن ذکر و بیان بیورلدینی اوزره مذاهب اربعه بیننده احق و اولی اولان مذهب، «ابو حنیفه نعمان بن ثابت» حضرتلرینک مذهبی در.

امام اعظم و همام افخم «ابو حنیفه» حضرتلری اتقان [۱] و احکامده وجودت قریحه و علم احکامده قوت رأی و کتاب و سننه کثرت معرفت و صحت رأی و رویت ودها سائر خصائل سببی ایله ائمه سائر بیننده متمیز و متمیز برزات بی هال در. لکن فروعده معین بر مذهب مقلد اولان کیمسه ایچون لایق اولان شیء کند و اختیار ایلدیکی مذهبک مذهب صواب اولسیله برابر خطا احتمالی دخی اولدیغنه و مذهب مخالفک خطا اولوب صواب اولق احتماله دخی حکم ایشکدر. شو حال، لوازم ظنیه دن اولوب اعتقادیاتک خلافته ملابس در. اعتقادیاتده «یقین» طلب اولنور. چونکه اعتقادیاتک دلائلی، دلائل عقلیه یقینه اولوب اعتقادیاتده مذهبک حق اولدیغنه جزماً حکم اولنور و مذهب مخالفک خطا اولدیغنه قطعاً حکم ایدیلور.

ائمه مذاهب اربعه نک اول و افضل و اول و اعلاسی امام المسلمین و سید التابعین

[۱] اتقان، ادله یه علتلری ایله کسب معرفت و قواعد کلیه بی جزئیاتی ایله ضبط ایلک و برروایت کوره شیئی یقیناً بیلک معناسه در.

( نظم )

لقد زان البلاد ومن عليها      امام المسلمين ابو حنيفه  
 باحكام و آثار و فقهه      كآيات الزبور على صحيفه  
 فنافى المشرقين له نظير      ولا فى مغربين ولا بكوفه  
 بيت مشمر آسهر اللىالى      وصام نهاره لله خيفه  
 وصان لسانه عن كل افك      وما زالت جوارحه عفيفه  
 يعف عن المحارم والملاهي      ومرضاة الاله له وظيفه  
 فمن كآبى خنيفه فى علاه      امام للخليفة والحليفه  
 رأيت العائين له سفاها      خلاف الحق مع حجج ضعيفه  
 وكيف يحل ان يؤذى فقيهه      له فى الارض آثار شريفه  
 وقد قال ابن ادريس مقالاً      صحيح النقل فى حكم لطيفه  
 بان الناس فى فقه عيال      على فقه الامام ابى حنيفه

فلغة ربنا اعداد رمل

على من ردّ قول ابى حنيفه

مجتهدين كرامدن «ابو عبد الله مالك بن انس بن مالك بن عامر الاصمجي» حضرت تبرى  
 هجرت نبويه نك (۹۰) ياخود (۹۳) ياخود (۹۴) ياخود (۹۵) سنه لرنده قدم نهاده عالم شهود  
 اولوب (۱۷۸) وياخود (۱۷۹) سنه سنده مدينه منوره ديه ارتحال دارخان بيور مشدر.  
 مشار اليه حضرت تبرى عالم مدينه اولوب بك چوق ذوات كرامدن اخذ علوم ايلش  
 وبك چوق ذوات كرامه مأخذ علوم اولمشدر. علم حديث شريف ايله علم فقه شريفده  
 امام اولوب علم ودينه مبالغه تعظيم ايدر ايدى. امام مالك حضرت تبرى نك مناقب جليسه  
 و احوال سنيه سى حد احصادن يرون اولوب تفصيلي كتب سير و تواريخده مذكور  
 و مسطور در.

مجتهدين كرامدن «الامام ابو عبد الله محمد بن ادريس بن العباس بن عثمان بن الشافعي»

و اصحابك اثرينه تبعيت ايتك لازم كلديكنى و بر روايته كوره ناس، قياس و استحسانده امام ابو حنيفه حضرت تالرينك عيالى حكمنده اولديغنى بيان ايله مدح و ثنا بيورمش اولدقلى اكبردن «هارون بن سعيد» حضرتلى طرفندن مروى در.

امام مالك حضرت تالرينك دخی امام اعظم ابو حنيفه حضرتلى حقنده بو وجهله مدح و ثنا بيوردقلى امام واقدى حضرتلى طرفندن روايت اولنش و امام مالك حضرت تالرينك اكثر مسائلده امام اعظم ابو حنيفه حضرت تالرينك قولنه اعتبار بيوردقلى دخی اكبردن اسحق بن محمد حضرتلى طرفندن ذكر و بيان بيورلمشدر.

كذلك امام شافعى حضرتلى امام اعظم ابو حنيفه رضى الله تعالى عنه حضرت تالرينك ستايشلى بابنده علم مغايزده امام محمد بن اسحق حضرت تالرينك و علم فقهده امام اعظم ابو حنيفه حضرت تالرينك و علم نحو ده امام كسائى حضرت تالرينك و علم تفسير شريفده محمد بن مقاتل حضرت تالرينك و علم شعرده «زهير» ك مقتدا به اولدقلى و علوم مذكوره ده تبحر مراد ايدن كيمسه ايجون ذوات مشاراليهم حضراتنه اقتدا ايتك لازم اولديغنى و امام اعظم ابو حنيفه حضرت تالرينك كتب شريفه سنه نظر ايتمان كيمسه نك علم فقهده متبحر اوله ميه جغنى ذكر و بيان بيورمشدر.

امام اعظم ابو حنيفه رضى الله تعالى عنه حضرت تالرينك الشمس بيك (۶۰۰۰۰) مسائل شرعيه وضع بيورمش اولدقلى مروى اولديغنى كجى بش يوز بيك (۵۰۰۰۰۰) مسئله وضع و اجتهاد بيوردقلى دخی «الامام ابو بكر بن عتيق» حضرتلى طرفندن روايت اولنش و خطيب خوارزمى حضرتلى دخی امام اعظم ابو حنيفه حضرت تالرينك اوچ يوز بيك (۳۰۰۰۰۰) مسئله وضع و اجتهادينه موفق اولوب بو مقدار مسائلدن (۳۸۰۰۰) اوتوزسكر- بيك مسئله نك عبادته و مسائل متباقيه نك معاملات متعلق اولديغنى و مسائل مذكوره نك وضع و اجتهادى ايله ناسك ضلالات و مشكلاتدن تخلص بيورلمش ايدوكنى بيان بيورمشدر.

الحاصل سلطان الائمة و المجتهدين و عارف اسرار المحققين خليل الرحمن ابو حنيفه بن النعمان رضى عنه المئان حضرت تالرينك مناقب جليله سنه حد و پايان يوقدر. «ابن مبارك» حضرتلى طرفندن امام مشاراليه حضرت تالرينك مدايحى بياننده انشاد بيوريلان نظم بليغ تبركا اشبو محله ثبت و تحرير اولندى.

حضرتلری هجرت نبویه نك (۱۱۳) نجی سنه سنده كوفه ده زیور كهواره وجود اولمش و صكره بغدادده ساكن اوله رق «امام اعظم ابو حنیفه» حضرتلرندن وسائر اكابر كرامدن تحصیل فضائل و كمالات بیورمش و پك چوق ذوات كرام حضرتانه مرجع علوم و مأخذ كمالات اولمشدر . برروایته كوره تاریخ هجرتك (۱۸۲) نجی سنه سنده ارتحال داربقا بیورمشدر . امام مشارالیه حضرتلری تفسیر شریف و حدیث شریف ایله ایام عربك حفظنه اعتنا بیورر ایدی . اهل اسلامك مردمك چشم افتخاری برامام هام اولوب مناقب جلیله و سیر مرضیه و اخلاق حسنه سی و علم فقه شریف ایله علوم سائرده احراز بیورمش اولدقلری درجات عالییه سی كتب سیر و توارینخده مسطور و محرردر .

مجتهدین [۱] كرامدن «الامام ابو عبدالله محمد بن الحسن الشیبانی» حضرتلری كوفه ده نشأت و بغدادی شرف قدوملری ایله تشریف ایدوب امام اعظم ابو حنیفه حضرتلری ایله سائر ذوات ستوده صفات حضرتاندن اخذ فضائل و كمالات ایلش و پك چوق ذوات كرامه مأخذ فضائل و كمالات اولمش و تاریخ هجرتك (۱۸۹) نجی سنه سنده (۵۸) یاشلرنده اولدقلری حالده «ری» شهرنده ارتحال دار نعیم بیورمشدر . امام مشارالیه حضرتلری ایله «امام كسائی» حضرتلرینك شهر مذكوره یوم واحده ارتحال داربقا بیورمش اولدقلری مروی در . مشارالیه حضرتلری وجهاً و لباساً احسن ناسدن و مناقب جلیله اصحاب كرامندن برذات معالی سمات اولوب تفصیل احوال و فضائل كتب سیر و توارینخده مذکور و محرردر .

[۱] مجتهد ، «اجتهاد» دن اسم فاعل در .

(اجتهاد) ، لغتده « بذل الوسع » معناسنه در . اصطلاحده « استفراف الفقیه الوسع لیحصل له ظن بحکم شرعی » تعریفی ایله معرف در . یعنی فقیه اولان ذات عالی قدرك حکم شرعی به كندوسی ایچون ظن حاصل اولق اوزره وسعی صرف ایلسمندن عبارتدر . كذلك اجتهاد ، « بذل الجهد فی طلب المقصود من جهة الاستدلال » تعریفی ایله دخی معرف در . یعنی اجتهاد ، استدلال جهتمندن طلب مقصوده بذل مجهود ایلكدردر .



بن السایب بن عبید بن عبید یزید بن هاشم بن المطلب بن عبد مناف القرشی المطلبی  
حضرتلری امام اعظم ابو حنیفه حضرتلرینک ارتحال دار بقا بیوردقلری سنهده  
یاخود کونده تاریخ هجرتک (۱۵۰)نجی سنهسنده یمده یاخود «عسقلان»ده زیور مهد  
وجود اولمشدر. امام مشارالیه حضرتلری علوم وفضائلده نادر الوجود اولوب پک چوق  
ذوات کرام امام مشارالیه حضرتلرندن اخذ علوم بیورمشدر. تاریخ هجرتک (۱۹۵)نجی  
سنهسنده بغدادی شرف قدوملری ایله تشریف ایدوب بر قاج آی اوراده اقامتدن صکره  
مصره عزیمت بیوروب (۲۰۴)نجی سنهسنده (۵۴) یاشلرنده اولدینی حالده ارتحال دارنیم  
بیورمشدر. علمای کرام حضراتی جمله مشارالیه حضرتلرینک امین، عادل، زاهد،  
صاحب ورع وتقوی اولدقلرینه وحسن سیرت وعلو قدرینه اتفاق وشهادت بیورمشدر.  
مشارالیه حضرتلرینک مناقب جلیله واحوال سنیهسی ذکر و بیان اولنان معلومات جزئیندن  
عبارت اولیوب تفصیلاتی کتب مناقب وسیرده مذکور ومسطوردر.

مجتهدین کرامدن «ابو عبدالله احمد بن محمد بن حنبل الشیبانی المروزی» حضرتلری  
تاریخ هجرتک (۱۶۴)نجی سنهسنده بغدادده قدم زن مهد وجود اولوب (۲۴۱) سنهسنده  
(۷۷) یاشلرنده اولدقلری حالده بغدادده عازم کلشنسرای جنان اولمشدر. مشارالیه  
حضرتلری فقه شریف ایله حدیث شریفده امام ایدی. زهد وورع وعبادتده نادر الوجود  
بر ذات معالی صفات اولوب بغدادده نشأت ایدرک بغدادک اکابر کرامندن تحصیل فضائل  
واخذ احادیث بیوردقدن صکره کوفه وبصره ایله مکّه مکرمه ومدینه منورهیه ویمین وشام  
وجزیره طرقلرینه رحلت ایدرک عصرینک علمای کرامندن علومی اخذ وتلقی وکتب  
وتحریر بیورمش وپک چوق اکابر کرام حضراتنه مأخذ علوم اولوب اسلامده آثار  
جلیله ایله اشتهار وامر دینده مقامات عالیه ودرجات سنیه احراز بیورمش وآفاق وبلاد،  
مشارالیه حضرتلرینک زیور فضائل وکالاتی ایله تزین ایلمشدر. امام مشارالیه حضرتلرینک  
جنازه نمازنده بولنان اهل اسلامک عددی حد احصادن بیرون وخبر ارتحالی منتشر  
اولدقدن صکره آفاق وبلاددن کلوب مقبره شریفه لری اوزرنده ادای صلوة ایتمش اولنلرک  
دخی مقداری فوق العاده افزون اولدینی وزمان ارتحاللرنده دهابعض حالت عجیبه کورلیدیکی  
مشهور ومتعارف اولوب تفصیلی کتب سیر وتواریخده مسطوردر.

مجتهدین کرامدن «الامام ابو یوسف یعقوب بن ابراهیم بن حبيب بن سعد»

اکابر ائمه حنفیه دن «وکیع بن الجراح بن ملیح بن عدی ابو سفیان» حضرتلری تاریخ هجرتک (۱۲۸) و یاخود (۱۲۹) نجی سنه سنده قدم زن مهد وجود اولوب (۱۹۸) و یاخود (۱۹۹) نجی سنه سنده ارتحال دار جنان بیورمشدر. مشارالیه حضرتلری صومه دوام بیورر و هر کجه ختم شریف ایدر ایدی. بر روایت کوره هر کجه ثلث قرآن قرائت ایتکسزین نوم ایله مشغول اولمز ایدی. اخر لیلده قیام ایدرک قرائت واستغفار ایله مشغول اولورایدی. زهد و تقواده و علم و حفظده نادر الوجود بر ذات جلیل الصفات اولوب مناقب جلیله و فضائل سنیه سی کتب سیرده مسطوردر.

مشاهیر ائمه حنفیه دن «ابو عمرو النخعی الکوفی» علیه رحمة الباری حضرتلری تاریخ هجرتک (۱۹۴) نجی سنه سنده عازم کلزار جنان اولمشدر. مشارالیه حضرتلرینک مناقب جلیله و فضائل کثیره سی کتب متعلقه سنده محرردر.

مشاهیر ائمه حنفیه دن «الامام یحیی بن زکریا ابی زائده بن میمون بن فیروز» حضرتلری اهل زهد و ورعدن اولوب تاریخ هجرتک (۱۸۳) و یاخود (۱۸۴) نجی سنه سنده (۶۳) یاشلرنده اولدقلری حالده ارتحال داربقا بیورمشدر. مشارالیه حضرتلری کوفده تصنیف کتاب ایدن ذوات کرامک اولی اولوب مناقب جلیله سی متعلق اولدینی کتابلرده مسطوردر.

مشاهیر ائمه حنفیه دن «الحسن بن زیاد» علیه رحمة رب العباد حضرتلری بر ذات عالیقدر اولوب تاریخ هجرتک (۲۰۴) نجی سنه سنده عازم کلزار جنان اولمشدر.

اجله ائمه حنفیه دن «الامام العالم العارف ابواسماعیل حماد» علیه رحمة رب العباد حضرتلری تاریخ هجرتک (۲۱۲) نجی سنه سنده ارتحال دارنیم بیورمشدر. مشارالیه حضرتلری صاحب زهد و ورع بر ذات جلیل الصفات ایدی.

اکابر ائمه حنفیه دن بر ذات ستوده صفات دخی «یوسف بن خالد» علیه الرحمة حضرتلری در.

اعاظم ائمه حنفیه دن بر ذات معالی سمات دخی «عافیه بن یزید الاوری الکوفی» حضرتلری در.

افاخم ائمه حنفیه دن ایکی ذات عالیقدر دخی «حبان» و «مندل» ابنا علی الغزی الکوفی حضرتانی در. بر روایت کوره «مندل» لفظی لقب اولوب مشارالیهک اسم شریفی «عمرو»

[ مشاهیر ائمه حنفیه ]

معلوم اولدنی اوزره امام اعظم وهام افخم «ابوحنیفه» رضی الله تعالی عنه حضرت تدرندن اخذ علوم ایدن ائمه کرامک حد وحسابی یوقدر. ائمه مشارالیهمن بلاد و امصارده کسب اشتهار ایدن (۷۳۰) دن زیاده مشایخ بلدان و ائمه مسلمینک سعی و اجتهاد لرندن اهل عالم مستفید اولمشدر. ذوات مشارالیهمن بیننده اک مشهور اولنلری آتیا و تبرکا ذکر و بیان اولنور.

مشاهیر ائمه حنفیه دن بر ذات عالیقدر «عبدالله بن المبارک المروزی» علیه رحمة الباری حضرت تدری در. تاریخ هجرتک (۱۱۸) و یاخود (۱۲۹) نجی سنه سنده زیور کهواره وجود اولوب (۱۸۰) نجی سنه سنده ارتحال دارجنان بیورمشدر. امام مشارالیه حضرت تدری حسن ادب اصحابندن اولوب تابعین کرامدن «یحیی بن سعد الانصاری» و «سلیمان التیمی» و «حمید الطویل» حضراتی و امثالی ذوات کرام و ائمه کباردن «سفیان» و «ابن جریر» و «شعبه» و امثالی ذوات ستوده صفات ایله ملاقی اولمشدر. «ابن مبارک» حضرت تدرندن اشبو «ان اول العلم النبیة ثم الفهم ثم العمل ثم الحفظ ثم النشر» کلام جلیلی روایت اولنمشدر که کلام مذکورک معناسی، علم و عرفان طرق خمسهدن عبارت اولوب اولکیسی «نیت» ایکنجیسی «فهم» اوچنجیسی «عمل» دردننجیسی «حفظ» و بشینجیسی «نشر» دیمکدر. مشارالیه حضرت تدرینک مناقب سنیه و فضائل جلیله سی بی حد و حساب اولوب تفصیلی کتب سیرده مذکور و محرردر.

اجله ائمه حنفیه دن بر ذات ستوده صفات دخی «زفر بن الهذیل بن صباح الکوفی» حضرت تدری در. تاریخ هجرتک (۱۵۸) نجی سنه سنده بصره ده ارتحال دارنیم بیورمشدر. مشارالیه حضرت تدری مناقب جلیله و فضائل کثیره اصحاب کرامندن بر ذات نادر الوجود اولوب تفصیل احوالی کتب سیرده مسطوردر.

افخم ائمه حنفیه دن بر ذات معالی سمات دخی «الامام داود بن نصیر الطائی» حضرت تدری در. تاریخ هجرتک (۱۶۵) نجی سنه سنده ارتحال دار بقا بیورمشدر. مشارالیه حضرت تدری اصحاب زهد و ورعدن و مناقب جلیله و فضائل کثیره اصحابندن اولوب تفصیل احوالی کتب سیرده محرردر.

بن هلال بن وکیع « حضرت تری در تاریخ هجرتک (۲۳۳) نجی سنه سنده عازم کلشنسرای جنان اولمشدر .

مشاهیر ائمه حنفیه دن بر ذات ستوده صفات دخی « ابو مطیع الحکم بن عبدالله بن سلمه بن عبدالرحمن » حضرت تری در تاریخ هجرتک (۱۷۷) نجی سنه سنده ارتحال دار جنان بیورمشدر . مشارالیه حضرت تری امام اعظم « ابو حنیفه » رضی الله تعالی عنه حضرت تریندن « کتاب فقه اکبر » ی روایت ایلشدر .

مشاهیر ائمه حنفیه دن بر ذات عالیقدر دخی « الشیخ بدرالدین محمود بن اسرائیل بن عبدالعزیز » حضرت تری اولوب « ابن قاضی سمانه » دیمکله مشهوردر . مشارالیه حضرت تری مناقب جلیله اصحابندن اولوب تاریخ هجرتک (۸۱۸) نجی سنه سنده ارتحال دار جنان بیورمشدر .

مشایخ حنفیه دن بر ذات جلیل الصفات دخی صاحب مشوی « محمد بن محمد بن محمد بن حسین بن احمد بن قاسم بن مسیب بن عبدالله بن عبدالرحمن بن ابی بکر الصدیق بن قحافه التیمی » رضوان الله تعالی علیهم اجمعین حضرت تری اولوب مولانا « جلال الدین » و « خداوندکار » لقبی ایله معروف و مشهوردر . (خداوندکار) لفظی فارسی اولوب سلطان معناسنهدر . پدرلرینک اسم شریفی « محمد » اولوب لقبی « بهاء الدین » اولدینی کبی « سلطان علما » دخی لقبی در . نسبتلری « چهاریار کریندن ابو بکر الصدیق » رضی الله تعالی عنه حضرتلرینه منتهی در . سلطان علما حضرتلری « بلخ » شهرنده تمکن ایدوب « مولانا جلال الدین رومی » قدس سره السامی حضرتلری تاریخ هجرتک (۶۰۴) نجی سنه سنده شهر مذکورده زیور کهواره وجود اولمشدر . مؤخرآ پدرلری سلطان علما حضرتلری قونیهدر توطن بیورمسيله مشارالیه مولانا حضرتلری طفل ایکن « جلال الدین رومی » لقبی ایله تلقیب اولمشدر . مشارالیه حضرتلری تاریخ هجرتک (۶۷۲) نجی سنه سنده عازم کلزار جنان اولمشدر . سلطان العارفین حضرتلری انواع علومده و علم فقه شریفده بحر عمیق اولوب مناقب جلیله سی و فضائل و کالاتی حد احصادن بیرون در . اصحابنه ایراد بیوردقلری و صایای برکریده دن بعضیسی بومحله تبرکاً ذکر اولنور .

اولدینی خالدہ لقب شریفی اسمہ غلبہ ایلمشدر. «مندل» «جبان» دن اشہر اولوب تاریخ  
ہجرتک (۱۶۷) ویاخود (۱۶۸) نجی سنہ سنہ کوفہ دارتحال دار جنان بیورمشدر.

مشاہیر ائمہ حنفیہ دن برزات ستودہ صفات دخی «علی بن مسہر الکوفی» حضرتلری در.  
اجلہ ائمہ حنفیہ دن برزات معالی سمات دخی «قاسم بن معن بن عبدالرحمن بن عبداللہ  
بن مسعود الکوفی» حضرتلری در.

اعلام ائمہ حنفیہ دن برزات جلیل الصفات دخی «اسد بن عمرو بن عامر بن اسلم بن مغیث  
بن یشکر بن ادم ابو المنذر البجائی الکوفی» حضرتلری اولوب تاریخ ہجرتک (۱۸۹) نجی  
سنہ سنہ ارتحال دار بقا بیورمشدر.

اعاظم ائمہ حنفیہ دن برزات عالیقدر دخی «احمد بن حفص» حضرتلری در.

اکابر ائمہ حنفیہ دن برزات ستودہ صفات دخی «نوح بن ابی مریم یزید بن جعونۃ المروزی»  
حضرتلری در. مشارالہ حضرتلری «جامع» لقبی ایلہ ملقبدر. چونکہ فقہ ابی حنفیہ  
جمع ایدن ذوات کرامک اولی در. بر روایتہ کورہ مشارالہ حضرتلری نفائس علمی  
جامع اولمسیلہ لقب مذکور ایلہ ملقبدر. تاریخ ہجرتک (۱۷۳) نجی سنہ سنہ ارتحال  
کلشنسرای جنان بیورمشدر.

مشاہیر ائمہ حنفیہ دن برزات جلیل الصفات دخی «خلف بن ایوب» حضرتلری اولوب تاریخ  
ہجرتک (۲۲۰) ویاخود (۲۱۵) ویاخود (۲۰۵) نجی سنہ سنہ ارتحال دار نعیم بیورمشدر.

مشاہیر ائمہ حنفیہ دن برزات معالی سمات دخی «شداد بن حکم» حضرتلری در. تاریخ  
ہجرتک (۲۱۰) نجی سنہ سنہ ارتحال دار بقا بیورمشدر.

اجلہ ائمہ حنفیہ دن برزات ستودہ صفات دخی «موسی بن نصر» حضرتلری در.

مشاہیر ائمہ حنفیہ دن برزات عالیقدر دخی «ابو سلیمان موسی بن سلیمان الجوزجانی»  
حضرتلری در.

ائمہ حنفیہ دن برزات فضائل سمات دخی «ہلال بن یحیی بن مسلم» حضرتلری در.  
تاریخ ہجرتک (۲۴۵) نجی سنہ سنہ ارتحال دار جنان بیورمشدر.

مشاہیر ائمہ حنفیہ دن برزات جلیل الصفات دخی «ابو عبداللہ محمد بن سماعہ بن عبید

## [ مشاهیر ائمه شافعیه ]

معلوم اولدینی اوزره امام شافعی علیه رحمة الباری حضرتلرندن اخذ علوم ایدن ذوات کرام ایله سائر علمای شافعیه نك حد و حسابی اولیوب اك مشهور اولنلری آتیا ذکر و بیان اولنور .

مشاهیر ائمه شافعیه دن «احمد بن خالد الحلال» حضرتلری اجله فقها دن و محدثین کرامدن اولوب هجرت نبویه نك (۲۴۷) نجی سنه سنده ارتحال دار نعیم بیور مشدر .

مشاهیر ائمه شافعیه دن «احمد بن سنان بن اسد بن حبان القطان» حضرتلری اجله فقها و محدثین کرامدن اولوب هجرت نبویه نك (۲۵۶) نجی سنه سنده ارتحال دار بقا بیور مشدر .

مشاهیر ائمه شافعیه دن «احمد بن صالح المصری» حضرتلری دخی اعظم فقها و محدثین کرامدن اولوب تاریخ هجرت نك (۱۷۰) نجی سنه سنده قدم زن مهرد وجود اولمش و (۲۴۸) نجی سنه سنده ارتحال دار جنان بیور مشدر .

مشاهیر ائمه شافعیه دن «القاضی ابو حامد بن بشر بن حامد المروروزی» [۱] حضرتلری تاریخ هجرت نك (۳۶۲) نجی سنه سنده عازم کلشنسرای جنان اولمشدر .

مشاهیر ائمه شافعیه دن بر ذات عالی قدر دخی «احمد بن ابی سرح الصیاح النهشلی» و یا خود «احمد بن عمر بن الصیاح ابو جعفر الرازی البغدادی» حضرتلری در .

مشاهیر ائمه شافعیه دن بر ذات عالی قدر «احمد بن عبدالرحمن وهب بن مسلم القرشی ابو عبدالله المصری» حضرتلری در تاریخ هجرت نك (۲۶۴) نجی سنه سنده ارتحال دار بقا بیور مشدر .

مشاهیر ائمه شافعیه دن «احمد بن عمرو بن عبدالله بن عمرو» حضرتلری اعظم علمای کرامدن اولوب تاریخ هجرت نك (۲۰۵) نجی سنه سنده عازم کلزار جنان اولمشدر .

مشاهیر ائمه شافعیه دن «احمد بن محمد بن الولید» حضرتلری تاریخ هجرت نك (۲۲۲) نجی سنه سنده ارتحال دار نعیم بیور مشدر .

[۱] مروروزی، میم حرفنك فتحی و رای مهمله نك سکونی و واو حرفنك فتحی و رای مهمله مضموه نك تشدید و بعد الواو زال معجمه ایله خراسان بلادندن بر بلده نك اسمی در .

(وصایا)

او صیکم بتقوى الله فى السر والعلائیة وبقلة الطعام  
 وقلة الكلام وهجران المعاصى والاثام ومواظبة الصیام ودوام القیام  
 وترك الشهوات على الدوام واحتمال الجفأ من جمیع الانام  
 وترك مجالسة السفه والعوام وملازمة مصاحبة الصالحین والکرام  
 وان خیر الناس من ینفع الناس و خیر الكلام  
 ماقل ودل

مولانا جلال الدین رومی قدس سره السامی حضرتلرینک ولد مکرملى «مولانا  
 بهاءالدین» حضرتلری «سلطان ولد» لقبی الیه ملقب اولوب ائمه کرام وفقهای عظامدن  
 برذات بی هال ایدی . پدرلرندن صکره قونیهدده تدریس علوم بیورمش و تاریخ هجرتک  
 (۷۱۲) نجی سنه سنده ارتحال دار جنان ایلشدر .

امام اعظم وهام افخم ابو حنیفه حضرتلری مذهبه «ابراهیم بن ادهم» و «شقیق البخی»  
 و «معروف الکرخی» و «ابو یزید البسطامی» و «فاضل بن عیاض» و «داود الطائی»  
 و «ابو حامد اللقاف» و «خلف بن ایوب» و «عبدالله بن المبارك» و «وکیع بن الجراح»  
 و «ابو بکر الوراق» و بونلرک غیرى اصحاب مجاهده [۱] ومشاهدهدن اولان اولیای کرام  
 حضرتاقی دخی اتباع بیورمشلردر . مشارالیهم حضرتاقی اکابر اولیای کرامدن واصحاب  
 کرامات وفضائلدن اولوب مناقب سنیه واحوال مرضیهلری متعلق اولدینی کتابلرده  
 على وجه التفصیل مسطور ومذکوردر .  
 قدس الله اسرارهم



[۱] مجاهده، لغتده محاربه معناسنه در. شریعتده «محاربة النفس» معناسنه در .

مشاهیر ائمه شافعیه دن «بحر بن نصر» حضرتلری تاریخ هجرتک (۱۸۴) و یا (۱۸۰) نجی سنه سنده قدم زن کهواره وجود اولوب (۲۶۹) نجی سنه سنده مصرده ارتحال کلزار جنان بیورمشدر.

اجله ائمه شافعیه دن «حرث بن شریح» حضرتلری دخی بر ذات جلیل الصفات اولوب تاریخ هجرتک (۲۳۶) نجی سنه سنده عازم کلزار جنان اولمشدر.

اعاظم ائمه شافعیه دن «حرث بن مسکین بن محمد بن یوسف الاموی ابو عمر المصری» حضرتلری فقیه، محدث، صالح بر ذات ستوده صفات اولوب تاریخ هجرتک (۱۵۴) نجی سنه سنده زیور مهد وجود اولمش و (۲۵۰) نجی سنه سنده ارتحال دار بقا بیورمشدر.

مشاهیر ائمه شافعیه دن «حسن بن محمد بن الصیاح البغدادی» حضرتلری اجله ائمه کرامدن بر ذات حمیده صفات اولوب تاریخ هجرتک (۲۶۰) نجی سنه سنده ارتحال دار نعیم بیورمشدر.

اکبر ائمه شافعیه دن «حسن بن علی» حضرتلری علم حدیث و علم فقه شریف بینی جامع بر امام هام اولوب تاریخ هجرتک (۲۴۵) یا خود (۲۴۸) نجی سنه سنده عازم کلشنسرای جنان اولمشدر.

مشاهیر ائمه شافعیه دن بر ذات عالقدر دخی «الحسین القلانسی» حضرتلریدر.

مشاهیر ائمه شافعیه دن «حرمله بن عبد الله النجی» حضرتلری تاریخ هجرتک (۱۶۶) نجی سنه سنده قدم زن مهد وجود اولوب (۲۴۳) نجی سنه سنده ارتحال دار بقا بیورمشدر.

اجله ائمه شافعیه دن «ربیع بن سلیمان بن داود» حضرتلری تاریخ هجرتک (۲۵۶) و یا خود (۲۵۷) نجی سنه سنده ارتحال کلزار جنان بیورمشدر.

اعاظم ائمه شافعیه دن «ربیع بن سلیمان بن عبد الجبار بن کامل المرادی» حضرتلری تاریخ هجرتک (۱۷۴) نجی سنه سنده زیور مهد وجود اولوب (۲۷۰) نجی سنه سنده ارتحال دار جنان بیورمشدر.

مشاهیر ائمه شافعیه دن «سلیمان بن داود بن داود علی بن عبد الله بن عباس القرشی الهاشمی ابو ایوب البغدادی» حضرتلری تاریخ هجرتک (۲۱۹) و یا (۲۲۰) نجی سنه سنده ارتحال دار بقا بیورمشدر.



مشاهیر ائمه شافعیه دن «یحیی بن عبد العزیز البغدادی ابو عبد الرحمن الشافعی»  
حضرتلری دخی مناقب جلیله ابحابندن برذات جلیل الصفات ایدی .

مشاهیر ائمه شافعیه دن «احمد بن یحیی بن الوزير بن سلیمان» حضرتلری تاریخ هجرتک  
(۱۷۱)نجی سنه سنده زیور مهد وجود اولوب (۲۵۰) ویا (۲۵۱)نجی سنه سنده ارتحال  
دار بقا بیورمشدر.

مشاهیر ائمه شافعیه دن برذات عالیقدر دخی «احمد بن ابی سریح الرازی» حضرتلری در.  
مشاهیر ائمه شافعیه دن «محمد بن عبد الله بن عبد الحکم» حضرتلری تاریخ هجرتک  
(۱۸۲)نجی سنه سنده قدم زن مهد وجود اولوب (۲۶۸)نجی سنه سنده ارتحال دار جنان  
بیورمشدر.

اکابر ائمه شافعیه دن «محمد بن الامام الشافعی الشیخ ابو عثمان القاضی» حضرتلری  
امام شافعی علیه رحمة الباری حضرتلرینک اکبر اولادی اولوب تاریخ هجرتک (۲۴۰)نجی  
سنه سندن صکره جزیره ده عازم کلزار جنان اولمشدر .

مشاهیر ائمه شافعیه دن «ابراهیم بن خالد بن ابی سلیمان» حضرتلری فقیه، عالم، فاضل،  
متورّع برذات جلیل الصفات ایدی.

مشاهیر ائمه شافعیه دن «ابراهیم بن محمد بن العباس بن عثمان الشافعی» حضرتلری  
تاریخ هجرتک (۲۳۸)نجی سنه سنده عازم کلشنسرای جنان اولمشدر.

مشاهیر ائمه شافعیه دن برذات معالی سمات دخی «ابراهیم بن محمد بن هرم» حضرتلری در.

مشاهیر ائمه شافعیه دن «ابراهیم بن المنذر بن عبد الله بن المنذر الحزامی المدنی»  
حضرتلری تاریخ هجرتک (۲۳۵) ویاخود (۲۳۶)نجی سنه سنده ارتحال دار بقا بیورمشدر.

اجله ائمه شافعیه دن «اسحق بن ابراهیم بن مخلد ابو یعقوب المروزی بن راهویه»  
حضرتلری ائمه دین واعلام مسلمین وهداة المؤمنین حضراتسندن برذات جلیل الصفات  
اولوب علم فقه و علم حدیث شریف بیننی جامع در. تاریخ هجرتک (۱۶۱) ویاخود (۱۶۶)نجی  
سنه سنده زیور کهواره وجود اولوب (۲۳۸)نجی سنه سنده ارتحال دار نعیم بیورمشدر.

مشاهیر ائمه شافعیه دن «اسمعیل بن یحیی بن اسمعیل بن عمرو بن اسحق» حضرتلری  
تاریخ هجرتک (۱۷۵)نجی سنه سنده قدم زن مهد وجود اولوب (۲۶۴)نجی سنه سنده  
ارتحال دار جنان بیورمشدر.

بن میسره بن حبان» حضرتلری در. تاریخ هجرتک (۱۷۰) نجی سنه‌سنده قدم زن مهد وجود اولوب (۲۶۴) نجی سنه‌سنده عازم کلزار جنان اولمشدر.

اکابر ائمه شافعیه‌دن بر ذات ستوده صفات دخی «محمد بن ادريس الرازی» حضرتلری در. تاریخ هجرتک (۱۹۵) نجی سنه‌سنده قدم زن مهد وجود اولمشدر.

افاخم ائمه کرامدن بر ذات جلیل الصفات دخی رئیس المحدثین صاحب جامع الصحیح «محمد بن اسمعیل البخاری» علیه رحمة الباری حضرتلری در. مشارالیه حضرتلرینک بعض مناقب جلیله‌سی علم حدیث شریف مجتهد ذکر و بیان اولمشدر.

مشاهیر ائمه شافعیه‌دن بر ذات معالی سمات دخی المحدث «محمد بن علی بن الحسن بن بشر الترمذی» حضرتلری در.

مشاهیر ائمه شافعیه‌دن «محمد بن نصر المروزی» حضرتلری تاریخ هجرتک (۲۹۴) نجی سنه‌سنده سمرقنده ارتحال دار بقا بیورمشدر.

اعاظم ائمه شافعیه‌دن بر ذات ستوده صفات دخی سید الطائفه «جنید بن محمد بن جنید البغدادی» حضرتلری در. تاریخ هجرتک (۲۹۷) و یاخود (۲۹۸) نجی سنه‌سنده ارتحال دار نعیم بیورمشدر. مشارالیه جنید بغدادی قدس سرّه العالی حضرتلرینک مناقب جلیله‌سی بی حد و پایاندر.

اجلّه ائمه شافعیه‌دن «حرث بن اسد المحاسبی» حضرتلری علم ظاهر ایله علم باطن بیننی جامع بر ذات جلیل الصفات اولوب هجرت نبویه‌ک (۲۴۳) نجی سنه‌سنده عازم کلزار جنان اولمشدر.

مشاهیر ائمه شافعیه‌دن بر ذات حمیده صفات دخی «داود بن علی بن خلف ابوسلیمان البغدادی الاصبهانی» حضرتلری در. تاریخ هجرتک (۲۰۲) یاخود (۲۰۰) نجی سنه‌سنده زیور کهواره وجود اولوب (۲۷۰) نجی سنه‌سنده بغدادده ارتحال دار نعیم بیورمشدر.

اعلام ائمه شافعیه‌دن بر ذات عالی قدر دخی صاحب سنن «سلیمان بن اشعث السجستانی» حضرتلری در. مشارالیه حضرتلرینک بعض مناقب جلیله‌سی علم حدیث شریف مجتهد ذکر و بیان اولمشدر.

مشاهیر ائمه شافعیه‌دن «عبدالله بن الزبیر بن عیسی القرشی الاسدی المکی» حضرتلری مکه مکرّمهده محدث و فقیه ایدی.

اکابر ائمه شافعیه‌دن «ابوبکر الحمیدی حمید بن زهیر بن الحرث بن اسد» حضرتلری تاریخ هجرتک (۲۱۹)نجی سنه‌سنده مکه مکرّمهده عازم کلشنسرای جنان اولمشدر.

اعاظم ائمه شافعیه‌دن «عبدالعزیز بن عمران بن ایوب بن مقلاص» حضرتلری تاریخ هجرتک (۲۳۴)نجی سنه‌سنده ارتحال دار نعیم بیورمشدر.

مشاهیر ائمه شافعیه‌دن بر ذات عالقدر «عبدالعزیز بن یحیی بن عبدالعزیز بن مسلم بن میمون الکنانی المکی» حضرتلری‌در.

افاخم ائمه شافعیه‌دن بر ذات جلیل الصفات دخی «علی بن عبدالله بن جعفر» حضرتلری‌در. تاریخ هجرتک (۱۶۱)نجی سنه‌سنده زیور مهد وجود اولوب (۲۳۴)نجی سنه‌سنده ارتحال کلزار جنان بیورمشدر.

اجله ائمه شافعیه‌دن بر ذات ستوده صفات دخی «فضل بن ربیع بن یونس بن محمد بن عبدالله بن ابی فروه» حضرتلری‌در. تاریخ هجرتک (۲۰۸)نجی سنه‌سنده عازم کلزار جنان اولمشدر.

مشاهیر ائمه شافعیه‌دن بر ذات حمیده صفات دخی «القاسم بن سلام» حضرتلری‌در. تاریخ هجرتک (۲۲۴)نجی سنه‌سنده مکه مکرّمهده ارتحال دار بقا بیورمشدر.

اکابر ائمه شافعیه‌دن بر ذات جلیل القدر دخی «حزم بن عبدالله بن حزم» [۱] حضرتلری‌در. تاریخ هجرتک (۲۷۱)نجی سنه‌سنده ارتحال دار نعیم بیورمشدر.

مشاهیر ائمه شافعیه‌دن بر ذات عالقدر دخی «موسی بن ابی الجار» حضرتلری‌در. اعاظم ائمه شافعیه‌دن «یوسف بن یحیی البویطی» حضرتلری امام جلیل، عابد، زاهد، فقیه و عظیم، مناظر، بر ذات عالقدر اولوب تاریخ هجرتک (۲۳۱)نجی سنه‌سنده بغدادده ارتحال دار بقا بیورمشدر.

مشاهیر ائمه شافعیه‌دن بر ذات معالی سمات دخی «یونس بن عبد الاعلی بن موسی

[۱] حزم، قاف حرفنک فحی وحای مهمله‌نک سکونی وزای معجبه مفتوحه ايله اسم.

اعاظم ائمه شافعيه دن «محمد بن جرير ابو جعفر الطبري» عليه رحمة الباري حضرت تلي تصانيف كثيره و مناقب جليله و فضائل وفيه اصحاب كرامندن ایدی. تاريخ هجرتك (۲۲۴) نجی سنه سنده زيور كهواره وجود اولوب (۳۱۰) نجی سنه سنده ارتحال دار جنان بيور مشدر.

مشاهير ائمه شافعيه دن «محمد بن خفيف الشيرازي» عليه رحمة الباري حضرت تلي شيخ المشايخ و علم و دينده صاحب قدم راسخ بر ذات جليل الصفات اولوب مناقب جليله و فضائل كثيره سی بی حد و پايان در. تاريخ هجرتك (۳۷۱) نجی سنه سنده عازم دار جنان اولمشدر.

افاخم ائمه شافعيه دن «محمد بن سليمان بن هارون بن سهل الصعلوكي» حضرت تلي اصناف علومده سباق الغايات بر ذات جليل الصفات ایدی. تاريخ هجرتك (۲۹۶) نجی سنه سنده زيور كهواره وجود اولمش و بصره و نيسابور شهر لرنده مدت مديده تدريس علوم بيور مش و هجرت نبويهك (۳۶۹) نجی سنه سنده ارتحال دار نعيم ايلمشدر.

مشاهير ائمه شافعيه دن «محمد بن عبدالله ابو بكر الصيرفي» حضرت تلي تصانيف كثيره و فضائل وفيه اصحاب كرامندن بر ذات حميده صفات ایدی. تاريخ هجرتك (۳۳۰) نجی سنه سنده ارتحال دار بقا بيور مشدر.

اجله ائمه شافعيه دن «محمد بن علي القفال» حضرت تلي علم تفسير و علم حديث شريف ايله علم كلامده و اصول و فروعده و علم لغت و شعرده امام ماهي و فاضل كامل و صاحب زهد و ورع بر ذات جليل الصفات ایدی. تاريخ هجرتك (۲۹۱) نجی سنه سنده زيور كهواره وجود اولوب (۳۳۵) و ياخود (۳۳۶) نجی سنه سنده ارتحال كلزار جنان بيور مشدر.

اكابر ائمه شافعيه دن امام المتكلمين ناصر سنت سيد المرسلين «علي بن اسمعيل الشيخ ابو الحسن الاشعري البصري» عليه رحمة الباري حضرت تلي مناقب جليله و فضائل كثيره اصحاب كرامندن اولوب علم كلام مجتهد ذكر جميلي مرور ايلمشدر.

مشاهير ائمه شافعيه دن «احمد بن محمد بن احمد الاسفرائيني» عليه رحمة الباري حضرت تلي مناقب جليله و فضائل كثيره اصحاب كرامندن بر ذات ستوده صفات ایدی. تاريخ هجرتك (۳۳۴) نجی سنه سنده زيور مهد وجود اولوب (۴۰۶) نجی سنه سنده ارتحال دار نعيم بيور مشدر.

مشاهیر ائمه شافعیه‌دن برذات معالی سمات دخی «عثمان بن سعید الدارمی» علیه رحمة الباری حضرتلری در. تاریخ هجرتک (۲۵۵) نجی سنه‌سنده عازم دار جنان اولمشدر. افاخم ائمه شافعیه‌دن برذات ستوده صفات دخی «عسکر بن الحصین» وبر روایت کوره «عسکر بن محمد بن الحصین الشیخ ابو تراب النخشی» [۱] حضرتلری در. تاریخ هجرتک (۲۴۵) نجی سنه‌سنده ارتحال داربقا بیورمشدر. امام مشارالیه حضرتلری مناقب جلیله وکرامات سنیه اصحابندن ایدی.

مشاهیر ائمه شافعیه‌دن برذات حمیده صفات دخی «ابوعبد الرحمن احمد بن شعیب النسائی» حضرتلری در.

اعاظم ائمه شافعیه‌دن «احمد بن عمر بن سریح» حضرتلری مناقب جلیله اصحابندن اولوب مصنفاتی (۴۰۰) عدده بالغ اولمشدر. تاریخ هجرتک (۳۰۶) نجی سنه‌سنده ارتحال دار جنان بیورمشدر.

اکابر ائمه شافعیه‌دن «احمد بن محمد بن القاسم بن منصور» حضرتلری ائمه صوفیه‌دن وبغدادی الاصل وابنای وزرا وروئسادن برذات جلیل الصفات اولوب نسبلی روش روان عادلّه منتهی و متصل در. تاریخ هجرتک (۳۲۳) ویا (۳۲۲) نجی سنه‌سنده ارتحال دار نعیم بیورمشدر.

اجله ائمه شافعیه‌دن «محمد بن احمد بن الازهر بن طلحة الهروی ابو منصور الازهری اللغوی» حضرتلری مناقب جلیله اصحاب کرامندن در. تاریخ هجرتک (۲۸۲) نجی سنه‌سنده زیور مهد وجود اولوب (۳۰۷) نجی سنه‌سنده عازم کلزار جنان اولمشدر.

مشاهیر ائمه شافعیه‌دن «محمد بن احمد بن عبدالله الفاشانی» حضرتلری مناقب جلیله وفضائل کثیره اصحابندن برذات ستوده صفات ایدی. تاریخ هجرتک (۳۰۱) نجی سنه‌سنده زیور کهواره وجود اولوب (۳۷۱) نجی سنه‌سنده ارتحال دار نعیم بیورمشدر.

مشاهیر ائمه شافعیه‌دن «محمد بن احمد بن محمد بن جعفر ابو بکر بن الحداد المصری» حضرتلری مناقب جلیله وفضائل کثیره اصحاب کرامندن برذات جلیل القدر ایدی. تاریخ هجرتک (۳۴۴) ویاخود (۳۴۵) نجی سنه‌سنده عازم کلزار جنان اولمشدر.

[۱] نخشب، ماوراء النهر بلادندن بربلده‌ک اسمی در.

افاخم فقهای کرآمدن «عبدالله بن عبدالکریم القشیری» علیه رحمة الباری حضرتلری علم تصوف و علم اصولده و سائر اصناف علومده سباق الغایات برذات ملک صفات ایدی. تاریخ هجرتک (۴۱۴) نجی سنه سننده قدم زن مهد وجود اولوب (۴۷۷) نجی سنه سننده ارتحال داربقا بیورمشدر. مشارالیه حضرتلرینک مناقب جلیله سی حد احصادن بیرون در. اعظم فقهای کرآمدن والد امام الحرمین «الشیخ ابو محمد الجوینی عبدالله بن یوسف بن عبدالله بن یوسف بن محمد» علیه رحمة الصمد حضرتلری اصناف علومده زمانک وحیدی وعصرینک فریدی اولوب زهد وتقواده و عبادات و طاعاته نادر الامثال بر امام بی هال اولوب «رکن الاسلام» لقبی ایله ملقب و فضائل کثیره و مناقب جلیله و تصانیف و فیره اصحاب کرآمدن ایدی. تاریخ هجرتک (۴۳۸) نجی سنه سننده نیسابور شهرنده ارتحال دار نعیم بیورمشدر.

اکابر فقهای کرآمدن برذات حمیده صفات دخی «عبد السید بن محمد بن عبد الواحد بن احمد بن جعفر ابو نصر بن الصبّاع» علیه رحمة الباری حضرتلری در. هجرت نبوتیه نک (۴۷۷) نجی سنه سننده ارتحال دارجنان بیورمشدر. مشارالیه حضرتلرینک فضائل و کمالاته نهایت و مناقب جلیله سنه غایت اولمدینی علمای کرام حضراتی جانبندن بیان بیورلمشدر.

مشاهیر فقهای کرآمدن «عبد القاهر بن طاهر بن محمد التیمی» علیه رحمة الباری حضرتلری عظیم القدر و کثیر العلم بر امام همام اولوب (۱۷) فندن تدریس علوم ایدر و صاحب ثروت و یسار اولملریله اهل علومی اتفاق و اعاشه ایدر ایدی. اکثر اهل خراسان، مشارالیه حضرتلرندن اخذ علوم ایلشدر. الحاصل مشارالیه حضرتلرینک مناقب جلیله سنه حد و غایت یوقدر. تاریخ هجرتک (۴۲۹) نجی و بر روایتیه کوره (۴۲۷) نجی سنه سننده عازم کلشنسرای جنان اولمشدر.

مشاهیر کرآمدن برذات حمیده صفات دخی «عبدالکریم بن هوازن بن عبدالملک النیسابوری ابو القاسم القشیری» علیه رحمة الباری حضرتلری اولوب «زین الاسلام» لقب جلیلی ایله ملقب در. علم تصوفده رساله مشهوره و اصناف علومده تصانیف کثیره صاحبی برذات بی هال ایدی. مشارالیه حضرتلرینک مناقب جلیله سنه غایت و فضائل و کمالاته نهایت یوقدر. تاریخ هجرتک (۳۷۶) نجی سنه سننده زیور بزم شهود اولوب (۴۶۵) نجی سنه سننده از تحال دار نعیم بیورمشدر.

فقه‌های عظامدن «ابراهیم بن علی بن یوسف الفیروز ابادی ابو اسحق الشیرازی»  
 علیه رحمة الباری حضرتلری اصناف علومده سباق الغایات و مناقب سنیه و تصانیف کثیره  
 و فضائل و فیره اصحاب کرامندن بر ذات حمیده صفات ایدی. تاریخ هجرتک (۳۹۳) نجی  
 سنه‌سندیه قدم زن مهد وجود اولوب (۴۷۶) نجی سنه‌سندیه ارتحال دارجنان بیورمشدر.

مشاهیر فقه‌های کرامدن «ابراهیم بن محمد بن ابراهیم الاستاذ ابو اسحق الاسفرائی»  
 علیه رحمة الباری حضرتلری جامع اشتات علوم ایدی. تاریخ هجرتک (۴۱۸) نجی سنه‌سندیه  
 ارتحال داربقا بیودمشدر. مشارالیه حضرتلرینک مناقب جلیله‌سی حداحصادن خارجدر.

مشاهیر فقه‌های کرامدن «اسمعیل بن عبدالرحمن الصابونی» علیه رحمة الباری حضرتلری  
 مناقب جلیله و فضائل کثیره اصحابندن نادر الوجود بر ذات ستوده صفات ایدی.  
 هجرت نبویه‌نک (۴۴۹) نجی سنه‌سندیه ارتحال دار نعیم بیورمشدر.

مشاهیر فقه‌های کرامدن «حسن بن علی بن محمد ابو علی الدقاق» علیه رحمة الخلاق  
 حضرتلری علوم و فضائلده عصرینک فریدی وزماننک وحیدی ایدی. تاریخ هجرتک  
 (۴۰۵) نجی سنه‌سندیه ارتحال دار جنان بیورمشدر.

مشاهیر فقه‌های عظامدن «سهل بن محمد ابو الطیب الصعلوکی» حضرتلری انواع علومده  
 عصرینک وحیدی وزماننک فریدی بر ذات معالی سمات اولوب «شمس الاسلام» لقبی ایله  
 ملقب ایدی. تاریخ هجرتک (۴۰۴) نجی سنه‌سندیه نيسابور شهرنده عازم کلشنسرای جنان  
 اولمشدر. مشارالیه حضرتلرینک فضائل جلیله و مناقب سنیه‌سی حد احصادن خارجدر.

مشاهیر فقه‌های عظامدن «طاهر بن عبدالله القاضي ابو الطیب الطبری» علیه رحمة الباری  
 حضرتلری غوّا ص بحر علوم اولوب فضائل و کمالاتده عصرینک وحیدی وزماننک  
 فریدی ایدی. تاریخ هجرتک (۳۴۸) نجی سنه‌سندیه زیور مهد وجود اولوب (۴۵۰) نجی  
 سنه‌سندیه عازم کلزار جنان اولمشدر.

اجلّه فقه‌های کرامدن «الامام الزاهد عبدالله بن احمد بن عبدالله» علیه رحمة الاله  
 حضرتلری امام کبیر و غوّا ص بحر علوم و ثاقب الفهم و دقیق النظر و عديم النظر بر ذات  
 بی‌هال ایدی. تاریخ هجرتک (۴۱۷) نجی سنه‌سندیه (۹۰) یاشلرنده اولدقلری حالده  
 ارتحال دارجنان بیورمشدر.

بن الموفق الحیوشانی» حضرت تلی در. مشارالیه حضرت تلی احوال رضیه اصحاب ذوی الاحترامندن و ائمه مسلمین ایدی. تاریخ هجرتک (۵۱۰) نجی سنه سنده زیور کهواره وجود اولمشدر.

مشاهیر کرامدن بر ذات جلیل القدر دخی محی السنه «الامام الحسین بن مسعود الفراء البغوی» علیه رحمة الباری حضرت تلی اولوب مناقب جلیله اصحابندن بر امام بی هالدر.

مشاهیر ائمه شافعیه دن بر ذات ستوده صفات دخی «عبدالواحد بن اسماعیل بن احمد بن محمد ابوالحسن الرویانی» علیه رحمة الباری حضرت تلی در. مشارالیه «فخر الاسلام» لقب جلیلی ایله ملقبدر. مصنفاتی آفاق عالمده کسب اشتهار ایلشدر. بو ذات فضائل سماءک قوه حافظه سنده اولان کمال، ضرب مثل اولمشدر. «کتب شافعیه محترق اولسه حفظمدن تحریر ایدرم» کلامی قائل اولدقلری مروی در. فخر الاسلام الرویانی حضرت تلی تاریخ هجرتک (۴۱۵) نجی سنه سنده زیور مهد وجود اولوب (۵۰۲) نجی سنه سنده ارتحال دار نعیم بیورمشدر.

مشاهیر کرامدن «علی بن الحسن بن هبة الله ابو القاسم بن عساکر» حضرت تلی علم حدیث شریف و علم فقه شریفده و اصناف علومده عصرینک فریدی وزمانک وحیدی ایدی. هجرت نبویهک (۴۹۹) نجی سنه سنده زیور مهد وجود اولوب (۵۷۱) نجی سنه سنده دمشقده ارتحال دار جنان بیورمشدر.

مشاهیر کرامدن «الشیخ الزاهد صدر الدین القونوی محمد بن اسحق» حضرت تلی علم تصوف و سائر علومده اصحاب تصانیفدن ایدی. آلهیاته متعلق مسائل غامضده «الحکیم خواجه نصیر الدین الطوسی» و سائر حکما ایله بینلرنده مراسله و مباحثه جزیان ایلشدر. صدر الدین القونوی حضرت تلی هجرت نبویهک (۶۷۳) نجی سنه سنده ارتحال دار جنان بیورمشدر.

مشاهیر کرامدن «عبد العزیز بن عبد السلام سلطان العلماء الشیخ عز الدین» علیه رحمة رب العالمین حضرت تلی عصرینک فریدی وزمانک وحیدی ایدی. هجرت نبویهک (۵۷۸) نجی سنه سنده زیور کهواره وجود اولوب (۶۶۰) نجی سنه سنده ارتحال دار نعیم بیورمشدر. مشارالیه حضرت تلیک مناقب علیه سی حد احصادن خارجدر.

مشاهیر ائمه شافعیه دن «الامام الجلیل ابو القاسم الرافی عبد الکریم بن محمد بن



اجله ائمه كرامدن «امام الحرمين ابوالمعالی عبد الملك بن عبدالله بن يوسف بن محمد بن عبدالله» عليه رحمة الاله حضرتلری بحر فضائل وافتخار افاضل اوله رق شهرتلی مثل سائر کبی هر ملک و دیاری دائر در. مناقب جلیله سنک توصیف و تعریفنده اهل بیانک لسان و قلبی عاجز و قاصر در. هجرت نبویه نک (۴۱۹) نجی سنه سنده زیور عالم ناسوت و (۴۷۸) نجی سنه سنده عازم کلشن لاهوت اولمشدر.

مشاهیر فقهای کرامدن بر ذات ستوده صفات دخی «الامام ابو الحسن الماوردی علی بن محمد بن حبيب» عليه رحمة الحبيب حضرتلری در. مشارالیه حضرتلری فضائل جلیله و تصانیف کثیره اصحابندن ایدی. هجرت نبویه نک (۴۵۰) نجی سنه سنده ارتحال داربقا بیورمشدر.

مشاهیر فقهای کرامدن بر ذات فضائل سمات دخی «علی بن محمد ابو حیان التوحیدی» عليه رحمة الباری حضرتلری در.

مشاهیر کرامدن «منصور بن محمد بن عبد الجبار ابو المظفر ابن الامام ابو منصور التمیمی» حضرتلری اصحاب تصانیفدن رفیع القدر و شهر الذکر بر ذات معالی صفات ایدی. هجرت نبویه نک (۴۲۶) نجی سنه سنده زیور کهواره وجود اولوب (۴۸۹) نجی سنه سنده ارتحال دارنعم بیورمشدر.

مشاهیر فقهای شافعیه دن بر ذات بی هال دخی «محمد بن محمد بن احمد الطوسی حجة الاسلام ابو حامد الغزالی» قدس سره العالی حضرتلری در. مشارالیه جامع اشتات علوم اولوب فضائل علیه و مناقب جلیله سنک وصفنده السنه اهل بیان عاجز و اقلام زمره فضلا قاصر در. جمله تصانیف کثیره سندن اولان «کتاب احیاء علوم» مظهر قبول اعالی اولمش و ذات بی مثاللری حجة الاسلام اولوب کتاب شریف مذکور ایله سائر کتب مؤلفه سی فضائل و کالاتنه جمله حجج و براهیندن عد و شمار اولنمشدر.

ابو حامد الغزالی حضرتلرینک برادر مکرملری «احمد بن محمد الطوسی الغزالی» حضرتلری دخی كذلك مشاهیر کرامدن و اصحاب فضائلدن بر ذات معالی صفات اولوب تفصیل احوال شریفه و مناقب جلیله سی کتب سیر و تواریخده مذکور و مندرجدر.

مشاهیر فقهای شافعیه دن بر ذات جلیل الصفات دخی الفقیه الصوفی «محمد

مشاهیر کرام ذوی الاحتشامدن «محمد بن احمد بن عثمان الحافظ شمس الدین ابو عبدالله الترمکانی الذهبی» علیه رحمة الباری حضرت تبری تصانیف کثیره و فضائل سنیه اصحاب کرامندن بر ذات ستوده صفات ایدی. تاریخ هجرتک (۶۷۳) نجی سنه سنده زیور عالم شهود اولوب (۷۴۸) نجی سنه سنده ارتحال دار نعیم بیورمشدر.

مشاهیر کرامدن بر ذات معالی سمات دخی «محمد بن عبدالرحمن بن عمر قاضی القضاة جلال الدین الخطیب القزوی» علیه رحمة الباری حضرت تبری در. تاریخ هجرتک (۷۳۷) نجی سنه سنده دمشقده عازم کلزار جنان اولمشدر.

مشاهیر کرامدن بر ذات فحامت سمات دخی «محمد بن عبدالرحیم بن محمد الشیخ صفی الدین الهندی الارموی» حضرت تبری در. تاریخ هجرتک (۶۴۴) نجی سنه سنده بلاد هندده زیور کهواره وجود اولوب (۷۱۵) نجی سنه سنده دمشقده ارتحال دارجنان بیورمشدر. مشارالیه حضرت تبری فضائل کثیره و مناقب جلیله اصحاب ذوی الاحترامدن ایدی.

مشاهیر کرامدن بر ذات فضائل سمات دخی «الامام العلامة محمد بن علی بن عبدالواحد بن عبدالکریم قاضی القضاة کمال الدین بن الزملکانی» حضرت تبری در. تاریخ هجرتک (۶۶۷) نجی سنه سنده قدم زن مهد وجود اولوب (۷۲۷) نجی سنه سنده ارتحال دار بقا بیورمشدر.

اجله ائمه کرامدن «محمد بن علی وهب بن مطیع القشیری» علیه رحمة الباری حضرت تبری اصناف علوم و فضائلده بحر عمیق و صاحب التصانیف و الکرامات بر ذات ستوده صفات اوله رق مناقب جلیله سی حد احصادن خارجدر. تاریخ هجرتک (۶۲۵) نجی سنه سنده زیور کهواره وجود اولوب (۷۰۲) نجی سنه سنده ارتحال دار نعیم بیورمشدر.

مشاهیر کرامدن «محمد بن علی البار نباری المقلب طویر اللیل تاج الدین» علیه رحمة رب العالمین حضرت تبری فضائل و کمالاته فزید الزمان ایدی. تاریخ هجرتک (۶۵۴) نجی سنه سنده زیور کهواره عالم شهود اولوب (۷۱۷) نجی سنه سنده ارتحال دارجنان بیورمشدر.

مشاهیر کرامدن «محمد بن محمد بن محمد بن سید الناس الحافظ الادیب قح الدین ابو الفتح» حضرت تبری اصناف علومده و سیما علم حدیث شریفده بحر عمیق ایدی. تاریخ هجرتک (۶۷۱) نجی سنه سنده زیور مهد وجود اولوب (۷۳۴) نجی سنه سنده ارتحال کلشنسرای جنان اولمشدر.

عبدالکریم بن الفضل بن الحسن القزوينی «علیه رحمة الباری حضرتلری اصناف علومده و سیمای علم فقه شریفده واصل اقصى الغایات بر ذات ستوده صفات وکثیر الکرامات ایدی. مشارالیه حضرتلری عمدة المحققین و استاذ المصنفین و اقبحار المدققین و امام المسلمین اولوب فضائل علیه و عملیه سی و مناقب علیه سی حداحصادن خارجدرد. تاریخ هجرتک (۶۲۳) نجی سنه سنده ارتحال دار بقا بیورمشدر.

مشاهیر فقهای شافعیه دن «الشیخ العلامة المعروف بابن الصلاح تقي الدين عثمان بن عبد الرحمن بن موسى بن ابي نصر الكردي الشهر زوری» علیه رحمة الباری حضرتلری ائمة مسلمیندن و فضائل و فیره و مناقب جلیله اصحاب ذوی الاحتشامندن ایدی. تاریخ هجرتک (۵۷۷) نجی سنه سنده زیور مهد وجود اولوب (۶۴۳) نجی سنه سنده ارتحال کلزار جنان بیورمشدر.


مشاهیر کرامدن «عمر بن محمد بن عبدالله من اولاد ابي بكر الصديق رضى الله تعالى عنه و هو ابو عبدالله او ابو نصر او ابو القاسم الصوفي بن اخ الشيخ النجيب هو الشيخ شهاب الدين السهروردي» علیه رحمة الباری حضرتلری صاحب عوارف المعارف، صوفی، فقیه، فاضل، صاحب زهد و ورع بر ذات معالی سمات ایدی. تاریخ هجرتک (۵۳۹) نجی سنه سنده زیور عالم شهود اولوب (۶۳۲) نجی سنه سنده ارتحال دار نعیم بیورمشدر.

مشاهیر کرامدن «موسی بن ابي الفضل الشيخ العلامة رضى الدين يونس بن محمد» علیه رحمة الصمد حضرتلری تاریخ هجرتک (۵۵۱) نجی سنه سنده زیور مهد وجود اولمشدر. مشارالیه حضرتلرینک اصناف علومده واصل اقصى الغایات اوله رق (۲۴) فندن تعلیم و تدریس بیوردقلری و فضائل و مناقب جلیله سی حداحصادن خارج اولدینی اصحاب فضائل طرفندن بیان بیورلمشدر.

مشاهیر کرامدن «الشیخ الامام شيخ السلام نجم الدين ابو العباس احمد بن محمد بن علی بن مرتقع بن حازم بن الرفعة» حضرتلری تألیفات کثیره و مناقب جلیله اصحاب کرامندن بر ذات جلیل الصفات ایدی. تاریخ هجرتک (۷۱۰) نجی سنه سنده مصرده ارتحال کلشنسرای جنان بیورمشدر.

اجلة اعلام کرامدن بر ذات فضائل سمات دخی «الامام يحيى بن شرف النووي» علیه رحمة الباری حضرتلری اولوب ذکر جمیلری علم حدیث شریف بمختده کذران ایلشدر.

بیورلشدرد. تاریخ هجرت نبویه نك (۶۵۴) نجی سنه سنده قدم زن مهد وجود اولوب (۷۴۲) نجی سنه سنده ارتحال دار نعیم بیورلشدرد.



### [ طبقات فقها ]

اکابر علمای کرامدن المحقق ابن کال پاشا حضرتلرینک بعض رسائلنده توضیح و بیان بیورلدینی اوزره مفتی اولان ذات ، امر فتواده [۱] هر صورتله بصیرت اوزره اولمق ایچون قوی ایله افتا ایلدیکی ذات عالیقدرک یالکز اسم ونسبتنی بیلیمکله اکتفا ایتیوب درجه ومرتبه وطبقه سی ایله احوالی دخی بیلیمک لابد ولازمدر.

فقهای عظام حضراتی، طبقات سبعة اوزرینه در.

[ طبقه اولی ]، شرعه مجتهدین عظام حضراتی در. ائمه اربعه رضوان الله تعالی علیهم اجمعین حضراتی ایله تأسیس قواعد اصولده مشارالیهم حضرتانک مسلکله سالک اولان ذوات کرام حضراتی طبقه اولی رجالدن در. بو مثللو ذوات جلیل الصفات حضراتی تأسیس قواعد اصول ایله طبقات سائر اصحابندن ممتازدر.

( طبقه ثانیه )، مذهبده مجتهد اولان ذوات کرامدر. «ابو یوسف» و «امام محمد» ایله سائر اصحاب ابی حنیفه طبقه ثانیه رجال کرامندن در. بو مثللو ذوات کرام، استاذ اعظم لری اولان امام ابی حنیفه رضی الله تعالی عنه حضرتلرینک احکامده تقدیر بیوردقلری قواعد مقتضاسی اوزره ادله دن استخراج احکامه قادر اولان ذوات معالی سمات در. ذوات مشارالیهم احکام فروعه ده هر قدر امام اعظم ابی حنیفه حضرتلرینه مخالف ایسه ده قواعد اصولده امام مشارالیه حضرتلرینه تبعیت وتقلید ایدرلر. بو حال ایله امام شافعی و امثالی ذوات کرام حضراتی اصول واحکامده مذهبلرینک معارض ومخالف لری ایله غیرمقلد لرندن ممتاز اولورلر.

( طبقه ثالثه ) نص اولیان مسائلده مجتهد اولان ذوات کرام طبقه سی در. «ابو جعفر الطحاوی» و «ابو الحسن الکرخی» و «شمس الائمة الحلوانی» و «شمس الائمة السرخسی»

[۱] فتوی لفظی «فتی» دن مشتق در. (فتی) شاب قوی معنا سنه در. مشتق ایله مشتق منه بیننده اولان مناسبت، مفتیک جواب شرعی ایله سائله دعوا سنده قوت بخش اولسندن عبارتدر. فتوی لفظنک جمعی «فتاوی» در.

مشاهیر کرام ذوی الاحترامدن « عبدالکریم بن علی بن عمر الانصاری الشیخ علم الدین الغراقی الضریر » حضرتلری اصناف علومده بحر زاخر واقتخار اکابرایدی . تاریخ هجرتک (۶۲۳) نجی سنه سنده قدم زن مهد وجود اولوب (۷۰۴) نجی سنه سنده قاهرده ارتحال کلزار جنان بیورمشدر .

مشاهیر کرامدن برذات معالی سمات دخی « الشیخ الامام الفقیه المحدث الحافظ المفسر علی بن عبدالکافی بن علی بن تمام السبکی » حضرتلری در . تاریخ هجرتک (۶۸۳) نجی سنه سنده زیور مهد وجود اولوب (۷۵۶) نجی سنه سنده قاهرده ارتحال دار نعیم بیورمشدر . مشارالیه حرتلرینک بیان فضائل کلاتنده السنه و اقلام عاجز اولوب کتب و رسائلدن مجموع تصانیف (۱۲۰) بوقدر عدده بالغ اولدینی علمای کرام حضراتی طرفندن بیان بیورلمشدر .

(نظم)

لیس علی الله بمستکر ان یجمع العالم فی واحد

مشاهیر فقههای کرامدن « علی بن محمد بن عبدالرحمن بن خطاب الشیخ الامام علاءالدین الباجی » حضرتلری امام الاصولین وسیف المناظرین ورئیس المتقین بر ذات جلیل الصفات اولوب احوال و مناقبی اکابر فضلا طرفندن لسان تعظیم ایله یاد و تدکار بیورلمشدر . تاریخ هجرتک (۶۳۱) نجی سنه سنده زیور عالم شهود اولوب (۷۱۴) نجی سنه سنده ارتحال دار جنان بیورمشدر .

مشاهیر کرامدن « هبة الله بن عبدالرحیم الجهنی قاضی القضاة شرف الدین البارزی » علیه رحمة الباری حضرتلری تصانیف کثیره و فضائل سنیه اصحاب ذوی الاحتشامدن ایدی . تاریخ هجرتک (۶۴۵) نجی سنه سنده قدم زن مهد وجود اولوب (۷۳۸) نجی سنه سنده ارتحال کلشنسرای جنان نیورمشدر .

افاخم فقههای کرامدن « یوسف بن زکی عبدالرحمن بن یوسف الکلبی القضاعی الدمشقی الشیخ جمال الدین ابو الحجاج المزی » علیه رحمة الباری حضرتلری اصناف علومده و سیمای علم حدیث شریفده بحر زاخر و منفخر اکابر اوله رق مناقب جلیله و فضائل کثیره سی افاضل کرام و اعظم ذوی الاحترام حضراتی طرفلرندن لسان احترام ایله ذکر و بیان

## [ طبقات المسائل و کتب ظاهر الروایة ]

مسائل اصحاب حنفیه، اوج طبقه اوزرینه در.

(طبقه اولی) مسائل اصولدر. اشبو مسائل اصوله «ظاهر الروایه» دخی تسیمه اولنور. مسائل مذکوره اصحاب مذهبندن مروی اولان مسائلدر. اصحاب مذهب، «ابوحنیفه» و «ابویوسف» و «محمد» رحمهم الله حضراتیدر. مشارالیه حضراته «امام زفر» و «حسن بن زیاد» ایله امام اعظمندن اخذ علم ایدن سائر ذوات کرام دخی ملحقدر. لکن «ظاهر الروایه» ده غالب شایع اولان مسائل، ائمه ثلثه نك اقوال شریفه سیدر. کتب ظاهر الروایه، «امام محمد» رحمه الله حضرتلرینک کتابلریدر. کتب مذکوره الی عدد کتاب مستطابدر. اولکیسی (مبسوط)، ایکنجیسی (زیادات)، اوچنجیسی (جامع صغیر)، دردنجیسی (سیر صغیر)، بشنجیسی (جامع کبیر)، آلتنجیسی (سیر کبیر)در. مسائل اصوله «ظاهر الروایه» تسیمه اولنمنسک سببی مسائل مذکوره نك «امام محمد» رحمه الله حضرتلرندن روایات ثقات ایله مروی اولمندن عبارتدرکه روایات مذکوره، امام مشارالیه حضرتلرندن متواتراً و یاخود مشهوراً ثابتدر.

(طبقه ثانیه)، مسائل نوادردر. اشبو مسائل، ذکر اولنان اصحاب حنفیه رحمهم الله حضراتندن مرویدر. لکن بو مسائل کتب سنّده مذکور دکلددر. بلکه «امام محمد» رحمه الله حضرتلرینک «کیانیات» و «هارونیات» و «جرجانیات» و «رقیات» کبی اخر کتابلرنده مسطوردرکه بومسائله «غیر ظاهر الروایه» تسیمه اولنور چونکه مسائل مذکوره، کتب سنّه کبی «امام محمد» رحمه الله حضرتلرندن روایات ظاهره ثابت و صحیحه ایله مروی دکلددر. یاخود مسائل نوادر، امام محمد رحمه الله حضرتلرینک کتابلرینک غیری کتابلرده مسطوردر «حسن بن زیاد» حضرتلرینک «محرر اسمی ایله مسعی اولان کتابی و بو کتابک غیری کتابلر کبی. «ابویوسف» رحمه الله حضرتلرندن مروی اولان «کتب امالی» دخی مسائل مذکوره بی حاویدر. یاخود مسائل مذکوره، «ابن سماعه»، و «معلى بن منصور» ایله مشارالیه مانک غیری ذواتک مسائل معینهده روایتی کبی روایت مفرده قیلندن اولور.

و «فخر الاسلام البزدوی» و «فخر الدین قاضیخان» و امثالی ذوات کرام حضراتی طبقه نالسه رجال کرامند در. طبقه مذکوره رجال کرامی اصول و فروعده هیچ بر مسئلهده مخالفته قادر اولیوب لکن علی حسب الاصول والقواعد نص اولیان مسئلهده استنباط احکام ایدر لر.

(طبقه رابعه)، صاحب اجتهاده تقلید و تبعیت ایدن اصحاب تخریج طبقه سی در. «امام رازی» و امثالی ذوات کرام حضراتی طبقه رابعه رجالند در. طبقه رابعه رجال کرامی اصلا اجتهاده قادر اولیوب لکن اصول مأخذی ضبط و احاطه ایتمری حسیله صاحب مذهبند و یا خود صاحب مذهبک اصحابند بر ذات طرفندن منقول ایکی وجهه شامل قول مجملی ایکی امره محتمل اولان حکم مبهم ایله اصوله تطبیق و فروعدن امثال و نظائرینه قیاس ایله تفصیله قادر اولور لر.

(طبقه خامسه)، صاحب اجتهاده تقلید و تبعیت ایدن اصحاب ترجیح طبقه سی در. «ابو الحسن القدوری» و «صاحب الهدایه» و امثالی ذوات معالی سمات حضراتی طبقه خامسه رجالند در. طبقه خامسه رجال کرامنک مسلکری بعض روایاتی بعض روایات اوزرینه ترجیح و تفضیلدن عبارتدر. ترجیح و تفضیلری «هذا اولی» و «هذا اصح روایه» و «هذا ارفق للناس» تعبیراتی ایله جاری در.

(طبقه سادسه)، صاحب اجتهاده تقلید و تبعیت ایدن «صاحب کنز» و «صاحب المختار» و «صاحب الوقایه» و «صاحب المجموع» مثللو فقهای متأخریندن متون معتبره اصحابی در. طبقه مذکوره رجال کرامی «قول اقوی» و «قول قوی» و «قول ضعیف» بینلری ایله «ظاهر المذهب» و «روایت نادره» بینلرینی تمیزه قادر در. اقوال مردوده و روایت ضعیفه یی نقل ایتمز لر.

(طبقه سابعه)، تفریق و تمیز مسئله قادر اولیان اصحاب تقلید در.

## [ علامات افتا ]

علامات افتاء، مسائل شرعیة فرعیة نك يكديكره نسبةً مراتب رجحانی معلوم اولمق اوزره فقهای کرام حضراتی طرفندن اشارات مخصوصه و علامات میزه وضع اولنشدرد. علامات مذکورہ «وعلیه الفتوی» «وبه یفتی» و «وبه تأخذ» «وعلیه الاعتماد» «وعلیه عمل الیوم» «وعلیه عمل الایامه» «وهو الصحیح او الاصح او الاظهر او الاشبه او الاوجه او المختار» و بونلرك امثالی علامتلردرد.

بعض فقهای کرام حضراتنك بیاننه کوره علامات اقتادن بعض الفاظ، بعض الفاظدن آ کددر.

نته کیم «فتوی» لفظی «صحیح» و «واصح» و «اشبه» و بونلرك امثالی لفظلردن آ کددر. «وبه یفتی» لفظی، «الفتوی علیه» لفظندن آ کددر. «اصح» لفظی، «صحیح» لفظندن آ کددر. «احوط» لفظی، «احتیاط» لفظندن آ کددر.





(طبقه ناله)، واقعات درکه مجتهدین متأخرینک سؤال اولندقلری شیرده روایت بوله مدقلری ایچون استنباط ایلدکلری مسألدن عبارتدر. مجتهدین متأخرین، اصحاب «ابی یوسف» و «محمد» رحمهما الله حضراتی ایله مشارالیهما انک الی النهایه اصحابک اصحابی اولوب اوده ذوات کثیره دن عبارتدر. «عصام بن یوسف» و «ابن رستم» و «محمد بن سماعه» و «ابو سلیمان الجرجانی» و «ابو حفص البخاری» مشارالیهما حضراتنک اصحاب کرامندندر. ذوات مشارالیهمن صکره «محمد بن سلّه» و «محمد بن مقاتل» و «نصیر بن یحیی» و «ابو النصر القاسم بن السلام» کبی ذوات کرامدر. مشارالیهمن حضراتنک فتاواسنی حاوی تألیف اولنان کتابلرک اولی «الفقیه ابواللیث السمرقندی» حضرتلرینک تألیف بیوردقلری «کتاب النوازل» در. بعده فقهای کرام حضراتی اخر کتابلر جمع وتألیف بیورمشلردر «ناطفی» نک «مجموع النوازل والواقعات» و «صدر الشہید» ک «واقعات» کتابلری کبی. بعده متأخرین فقهای کرام حضراتی مسائل مذکورهی مختلط وغیر متمیز اوله رق ذکر و بیان بیورمشلردر. «فتاوی قاضیخان» و «خلاصه» اسمی ایله مسمی اولان کتابلر ایله بونلرک غیری کتابلرک محتویاتی کبی. بعض متأخرین دخی مسائل مذکورهی تمیز وتفریق بیورمشلردر «رضی الدین السرخسی» حضرتلرینک «محیط» اسمی ایله مسمی اولان کتاب مستطابنک حاوی اولدینی مسائل کبی. مشارالیه رضی الدین السرخسی علیه رحمة الباری حضرتلری کتابنده اوللا مسائل اصولی وبعده نوادری وبعده فتاواپی ذکر و بیان بیورمشدر.

ارباب فضل وکمالک معلومی اولدینی اوزره کتب مسائل اصولدن «الحاکم الشہید» حضرتلرینک «کتاب الکافی» اسمی ایله مسمی اولان کتاب مستطابی نقل مذهبده حائز درجه اعتماد اولوب کتاب مذکور اوزرینه مشایخ فقهای کرام طرفندن شروح کثیره یازلمشدر.



## § — ۱

## [ کتاب الطهاره ]

(طهارت) لفظی طا حرفنك فتحه حرکسی و (طهر) لفظی طا حرفنك ضمه حرکسی ایله مصدر اولوب لغتده پاک و نظافت معناسه در.

(طهارت) لفظی شرعده «حدث» [۱] و «خبث» دن [۲] یعنی نجاست حکمیه و نجاست حقیقیه دن نظافت معناسه در.

معلوم اولدینی اوزره امور دینیّه، اعتقادات و (آداب) و (عبادات) و (معاملات) و (عقوبات) قسملرندن عبارتدر.

(عبادات) بش قسم اولوب قسم اول (صلوة) و قسم ثانی (زکاة) و قسم ثالث (صوم) و قسم رابع (حج) و قسم خامس (جهاد) در.

(معاملات) دخی بش قسم اولوب قسم اول (معاوضات مالیه) و قسم ثانی (مناکحات) و قسم ثالث (مخاصات) و قسم رابع (امانات) و قسم خامس (ترکات) در.

(عقوبات) دخی بش قسم اولوب قسم اول (قصاص)، قسم ثانی (حد السرقة)، قسم ثالث (حد الزنا)، قسم رابع (حد القذف)، قسم خامس (حد الردّه) در.

کتب فقهیه ده شانه اهتمماً عبادات قسمی اقسام سائرّه اوزرینه تقدیم بیورلمشدر. چونکه عباد، جناب حقه عبادت ایچون خلق بیورلمشدر. بوجهته عبادتک شانی اقسام سائرّه نک حال و شانندن افضل اولدینی بدیهیدر.

[۱] حدث، حا و دال حرفلرنک فتحه حرکله ایله آبدستزلک و جنابت طالرندن عبارتدر. فعل قبیح ایتک و صکره دن اولق و شاب معنارنده دخی استعمال اولنور. بمحله «حدث»، مانع صلاة اولان نجاست حکمیه دن عبارت اولور.

[۲] خبث، خا حرفنك ضمه حرکسی و با حرفنك کذلک ضمه حرکسی ایله لغتده نجاست و مردارلق معناسه در.

علمای کرام حضراتی طرفندن مسائل فقہیہ جمع ایلہ مثلاً «کتاب الطہارہ» و «کتاب الصلاۃ» کبی کتاب عنوانی تحتسدہ ذکر و بیان اولنمش و کتابلری بابلرہ و بابلر فصللرہ تقسیم ایلہ مسائل مذکورہ کتب مؤلفہدہ بووجهلہ ترتیب بیورلمشدرکہ ذکر اولنان تقسیم و ترتیب، علم فقہ شریفک مفتاحی مقامندہ اولمق اوزرہ بروجه آئی بیان اولنور .

|                   |                    |                          |
|-------------------|--------------------|--------------------------|
| (۱) کتاب الطہارہ  | (۲۰) کتاب الکفالہ  | (۳۹) کتاب الشفعہ         |
| (۲) کتاب الصلاۃ   | (۲۱) کتاب الحوالہ  | (۴۰) کتاب القسمہ         |
| (۳) کتاب الزکاة   | (۲۲) کتاب القضاء   | (۴۱) کتاب المزارعہ       |
| (۴) کتاب الصوم    | (۲۳) کتاب الشہادات | (۴۲) کتاب المساقاة       |
| (۵) کتاب الحج     | (۲۴) کتاب الوکالہ  | (۴۳) کتاب الذبائح        |
| (۶) کتاب النکاح   | (۲۵) کتاب الدعوی   | (۴۴) کتاب الاضحیہ        |
| (۷) کتاب الطلاق   | (۲۶) کتاب الاقرار  | (۴۵) کتاب الحظر والاباحہ |
| (۸) کتاب العتق    | (۲۷) کتاب الصلح    | (۴۶) کتاب احیاء الموات   |
| (۹) کتاب الایمان  | (۲۸) کتاب المضاربہ | (۴۷) کتاب الاشربہ        |
| (۱۰) کتاب الحدود  | (۲۹) کتاب الایداع  | (۴۸) کتاب الصيد          |
| (۱۱) کتاب السرقة  | (۳۰) کتاب العاریہ  | (۴۹) کتاب الرهن          |
| (۱۲) کتاب الجہاد  | (۳۱) کتاب الہبہ    | (۵۰) کتاب الجنایات       |
| (۱۳) کتاب اللقیط  | (۳۲) کتاب الاجارہ  | (۵۱) کتاب الدیات         |
| (۱۴) کتاب اللقطہ  | (۳۳) کتاب المكاتب  | (۵۲) کتاب المعقل         |
| (۱۵) کتاب الآبق   | (۳۴) کتاب الولاء   | (۵۳) کتاب الوصایا        |
| (۱۶) کتاب المفقود | (۳۵) کتاب الاکراہ  | (۵۴) کتاب الحنفی         |
| (۱۷) کتاب الشرکہ  | (۳۶) کتاب الحجر    | (۵۵) کتاب الفرائض        |
| (۱۸) کتاب الوقف   | (۳۷) کتاب المأذون  |                          |
| (۱۹) کتاب البیوع  | (۳۸) کتاب الغصب    |                          |



طهارت، نجاست مرئیه زوال عین النجس در. نجاست غیر مرئیه ایله حدث اکبره انجق غسل در. حدث اصغر ده «غسل» و «مسح» در.

آلت طهارت، «ماء» و «تراب» و بونلرك امثالی شیردر.

طهارتك دليلی، «اذا قمم الى الصلوة» آیت جلیله سی اولوب بو آیت کریمه، اجماعاً مدنی در.

علمای کرام حضراتی جانبندن طهارته متعلق مسائل واحکام شرعیه بر وجه آتی ابواب عدیده اوزرینه جمع و ترتیب بیورلمشدر. ابواب مذکوره، «باب المیاء» «باب التیمم» «باب المسح علی الحفین» «باب الحیض» «باب الانجاس» دن عبارتدر.

### { باب المیاء }

(میاء) کلمه سی مدّ ایله «ماء» لفظنك جمعی در. قصر ایله دخی اولور.

(ماء) کلمه سنك اصلی «موه» لفظی در. کلمه مذکوره ده واقع واو حرفی الف حرفه و ها حرفی همزه یه قلب اولنمشدر.

(میاء) لفظی «ماء» لفظنك جمع کثرتی در. جمع قلتی «امواه» در.

(موه) لفظننده کی ها حرفی واو ك الف حرفه قلبندن صکره بعضاً حالی اوزره ابقا اولنوب «ماه» دینور.

(ماء)، جسم لطیف سیال اولوب صاحب نمو اولان هر شیئك مابه الحیاتی در.

باب مذکور، میاهه متعلق احکام ومسائل شرعیه یی حاوی در.

### { باب التیمم }

(تیمم) کلمه سی لغتده مطلقاً قصد معناسنه در. شرعه صعید مطهری [۱] قصد ایلمکدر. صفت مخصوصه اوزره استعمالی، عبادت مقصوده ایچون در. عبادت مقصوده طهارتسز صحیح دکلددر.

باب مذکور، تیممه متعلق مسائل واحکام شرعیه یی حاوی در.

ایمان واعتقاد صحیحین صکره (صلاة)، عبادتک اشرفی و (طهارت) دخی صلاتک مفتاح و شرطی در.

مشروط، انحق شرط ایله حاصل اولدینی جهتله شرطک مشروط اوزرینه تقدیمی بدیدر.

(کتاب)، جمع معناسنه مصدر اولوب شرعه مسائل مستقله نك عنوانی اوله رق مکتوب معناسنده در.

(مسائل)، مسئله لفظنک جمعی در. (مسئله) مرکب تام معناسنده در. صدق و کذب محتمل اولان مرکب تام، حکم اوزرینه مشتمل اولق حیثیتی ایله (قضیه) و صدق و کذب احتمالی حیثیتی ایله (خبر) و دلیل ایله طلب اولنق حیثیتی ایله (مطلوب) و دلیلدن حاصل اولق حیثیتی ایله (نتیجه) و علمده واقع اولوب اندن سوال اولنق حیثیتی ایله (مسئله) تسمیه اولور که جمله سی ذات واحددن عبارت اولوب اختلافات عبارات، اختلاف اعتبارات ایله حاصل اولور.

### { صفت طهارت }

طهارت، صلاة ایچون فرض و طواف ایچون واجب در. برروایت کوره مس مصحف شریف ایچون دخی واجب در. نوم ایچون سنت در. اوتوز بوقدر موضعه مندوب در. مندوب اولان طهارتدن بعضیسی کذب و غیبت و قهقهه و شعر قیغ واکل جذور [۱] و نومدن و بونلرک امثالی افعالندن صکره اولان طهارت کی در.

طهارتک رکنی [۲] «غسل» [۳] و «مسح» [۴] و «زوال نجس» [۵] در.

[۱] اکل جذور، (اکل لحم جذور) سبکنده اولوب دوه اتی یمک معناسنده در.  
[۲] رکن، لغتده جانب اقوی معناسنده در. اصطلاحده برجزه ذاتی درکه ماهیت، اوجزءدن و اوجزءک غیر یسندن ترکیب ایدر.  
[۳] غسل، غین حرفنک ضعی ایله اغتسال کله سندن اسم اولوب اصطلاحده تمام غسل جسدندن عبارتدر. (اغتسال) ییقامتی معناسنده در.

[۴] مسح، لغتده «امرار الید علی الشئ» تعریفی ایله معرف درکه الی برشی اوزرینه مرور ایتدیرمک دیمکدر شرعهده باشه و یا قنرک مسنه وجه معلوم اوزره مسح ایتکدن عبارتدر.  
[۵] نجس، نون و جیم حرفلرینک قحه حرکتلری ایله عینی نجس اولان نسنه دیمکدر. جیم حرفنک کسری ایله طهارتی اولیان مردار نسنه دیمکدر.  
(زوال نجس)، نجاستک زوالندن عبارتدر.

## § — ۲

## [ کتاب الصلاة ]

«کتاب الصلاة» ك «کتاب الطهارة» دن وجه تأخیری بالاده ذکر و بیان اولشمدر .  
 (صلاة) کله سی لغته دعا معناسنه در . شرعه اركان معلومه و افعال مخصوصه دن عبارتدر .  
 (صلاة) ، بهر کون اوقات خسه عباد مسليک ادا ایلدکری نماز اولوب افراد مکلفینک کلیسی اوزرینه فرض عیندر . افراد مکلفیندن مراد ، مسلم بالغ و عاقلدن عبارتدر . ذکور ، نسا ، عبد ، جمله فرض عینده مساویدر .  
 اوقات خسدن صباح وقتی ادا اولنان نمازه «صلاة فجر» و اوکله وقتی ادا اولنان نمازه «صلاة الظهر» و ایکندی وقتی ادا اولنان نمازه «صلاة العصر» و اخشام وقتی ادا اولنان نمازه «صلاة المغرب» و یاتسو وقتی ادا اولنان نمازه «صلاة العشاء» اطلاق اولنور .  
 صلاة ، عبادت بدنیة محضه دن اولوب اخرک نیابتی ایله اصلا ادا اولنمز .  
 علمای کرام حضراتی جانبندن صلاته متعلق مسائل و احکام شرعیه بوجه آتی ابواب عدیده اوزرینه جمع و ترتیب بیورلمشدر . ابواب مذکوره «باب الاذان» «باب شروط الصلاة» «باب صفة الصلاة» «باب الامامة» «باب ما یفسد الصلاة و ما یکره فیها» «باب الوتر و التوافل» «باب ادراک الفریضه» «باب قضاء الفوائت» «باب سجود السهو» «باب صلاة المريض» «باب سجود التلاوه» «باب صلاة المسافر» «باب الجمعة» «باب العیدین» «باب الکسوف» «باب الاستسقاء» «باب الصلاة الخوف» «باب صلاة الجنائز» «باب الشهيد» «باب الصلاة فی الکعبه» دن عبارتدر .

## { باب الاذان }

(اذان) لفظی لغته اعلام معناسنه در . اصطلاحده الفاظ مخصوصه ایله وجه مخصوص اوزره اعلام مخصوصدن عبارتدرکه مؤذنر ، صلوات مفروضه نک اعلامی ایچون اوقات معینهده امکنه عالیدهده علی وجه المسنون قرائت و تلاوت ایدرلر .  
 باب مذکور ، اذانه متعلق مسائل و احکام شرعییه حاویدر .



### { باب المسح علی الخفین }

(مسح)، لغتده امرار الید علی الشئ» معناسنده در. شریعتده زمان مخصوصده خفینه وجه معهود اوزره مسح ایتمکدن عبارتدر.

(خفین)، خاء معجمه نك ضمی وفاحرفنك تشدیدى ایله خف کله سنك تثنیه صیغه سى در. (خف)، کعبینی یعنی طوبوقلری سائر اولان ومس تعبیر اولسان آیاق قابی درکه اکثریا جلددن وامثالی شیدن اعمال اولنور.

باب مذکور، مسح خفینه متعلق مسائل واحکام شرعییه حاوی در.

### { باب الحیض }

(حیض)، لغتده سیلان معناسنده در. شرعده صلاة، مس مصحف، صوم، دخول مسجد کبی طهارت شرطندن اولان شیدن شرعاً مانع اولان احداثدن واورده دم حیضدن عبارتدر.

باب مذکور، حیض ایله نفاس واستحاضه مسائل مهمه سنی حاویدر.

### { باب الانجاس }

(انجاس) لفظی «نجس» لفظنك جمعی در.

(نجس)، نون وجیم حرفلرینك فتحی ایله در. (نجس)، لغتده نجس حقیقی ونجس حکمی یه شامل اولور. اصطلاحده نجس حقیقی یه مختص اولور. خبث لفظنك نجس حقیقی یه شامل اولدیغی کبی.

باب مذکور، انجاسه ومحال انجاسك تطهیرینه متعلق مسائل واحکام شرعییه حاوی در.



### { باب ما یفسد الصلاة وما یکره فیها }

فساد و بطلان ، عبادتده مساوی در . عبادتده فساد و بطلاندن مراد ، بعض اسباب ایله عبادتک عبادت حالندن خروج ایتمسندن عبارتدر .

باب مذکور ، مفسد صلاة اولان شیر ایله صلاتده مکروه اولان مسائل شرعیه بی حاوی در .

### { باب الوتر والنوافل }

(وتر) ، واو حرفنک فتحی و کسری ایله « شفع » ک [۱] ضدی در .

(نوافل) ، نافله لفظنک جمعی در . (نفل) ، لغتده زیاده معناسنه در . شریعتده زوائد عبادندن عبارتدر .

(صلاة وتر) ، لیلاً یعنی صلاة عشادن صکره وجه مخصوص اوزره ادا اولنان اوچ رکعت نمازدر . اشبو صلاة ، عملاً فرض واعتقاداً واجب و ثبوتاً سنت در .

باب مذکور ، صلاة وتر ایله صلاة نوافله متعلق مسائل واحکام شرعیه بی حاوی در .

### { باب ادراک الفریضه }

باب مذکور ، حقیقتده امامت بابنک متممی اولوب ادای فرائضه متعلق مسائل شقی بیاننده در .

### { باب قضاء القوائت }

مفروض اولان عبادتک اوقات مخصوصه سننده اداسی فوت اولق حسبیه اوقات اخراده قضاسنه تعلق ایدن احکام و مسائل شرعیه باب مذکورده محرردر .

[۱] شفع ، چفت معناسنه درکه « وتر » ک ضدی در .



## {باب شروط الصلاة}

(شروط صلاة) ديمك، صلاتك شروط جواز و صحتي در .

(شروط) شرط لفظنك جمعي در .

(شروط)، لغتده علامت لازمه معناسنه در . شرعه «مايتوقف عليه الشي ولايدخل فيه» تعريف ايله معرف در .

شروط صلاة، حدث وخبثدن طهارت بدن و طهارت ثوب و طهارت مكان وسترعورت و نيت و استقبال قبله كي شروطدن عبارتدر .

باب مذکور، شروط صلاته متعلق مسائل واحكام شرعيه بي حاوی در .

## {باب صفة الصلاة}

(صفة) لفظي لغتده مصدر اولوب برشيئك كيفيتي ديمكدر . عرفده فرض، واجب، سات، مندوب كيفيتي مشتمل در .

(صفة صلاة)، قيام و تكبير الافتتاح و قعود و ركوع و سجود كي كيفيات صلاتدن عبارت در .

باب مذکور، صفت صلاته متعلق مسائل واحكام شرعيه بي حاوی در .

## {باب الامامة}

(امامت)، ايكي در . بريسي «امامت كبرى» وديكري «امامت صغرى» در .

(امامت كبرى)، اسلام پادشاهلني ديمكدر .

(امامت صغرى)، امامت صلاة ديمكدر .

امامت صلاته اولاً احكام صلاته اعلم اولان ذات و صكره تلاوة احسن اولان ذات و صكره اورع اولان ذات و صكره اسن اولان ذات و صكره احسن خلق اولان ذات و صكره احسن وجه اولان ذات و صكره اشرف نسب اولان ذات و صكره انظف ثوب اولان ذات على الترتيب تقديم اولنور .

باب مذکور، امامته متعلق مسائل واحكام شرعيه بي حاوی در .

## { باب صلاة المسافر }

(مسافر) لفظی «سفر» لفظندن مأخوذ در .

(سفر) ، لغتده من غیر تقدیر قطع مسافه معناسنده در . بوبخنده سفردن مراد ، سفر خاص درکه بوسفر سببی ایله حکمکر تغییر ایدر . «قصر الصلاة» و «اباحة الفطر» و «امتداد مدة المسح الى ثلاثة ايام» و «سقوط وجوب الجمعة والعیدین والاضحیة» و «حرمت الخروج على الحرّة من غیر محرم» کبی .

باب مذکور ، صلات مسافره متعلق مسائل واحکام شرعیه بی حاوی در .

## { باب الجمعة }

(صلاة جمعة) فرض عین در .

نظم آتی ، صلاة جمعة نك شرائط مخصوصه سنی مشتمل در .

(نظم)

وحرّ صحیح بالبلوغ مذکر      مقیم وذو عقل لشرط وجوبها  
مصر وسلطان وقت وخطبة      واذن کذا جمع لشرط اداها

باب مذکور ، صلاة جمعه متعلق مسائل حاوی در .

## { باب العیدین }

(عیدین) ، «عید» کله سنک تثنیه صیغه سی اولوب اصلی (عود) لفظی در .

(عود) ، عین حرف نك کسری ایله اولوب اشبو کلمه ده واو حرفی یا حرف نه قلب اولمشدر . سبب قلبی ، واو حرف نك بعد الکسره ساکن اولمشدن عبارت در .

ایام مبارکه مخصوصه نك (عید) لفظی ایله تسمیه اولنسی جناب حق ایام مذکوره ده عبادینه انواع احسانی عائد وشامل اولمشدن در . انواع احسان ، طعامدن بعد المنع (فطر) و (صدقة الفطر) و (اتمام الحج بطواف الزیارة) و (لحوم الاضاحی) کبی در . یوم مذکوره عادت ، فرح وسرور ونشاط وجبور حالنده اولمقد در .

(بیت)

عید وعید وعید صرن مجتمعه      وجه الحبيب ويوم العید والجمعه

باب مذکور ، صلاة عیدینه متعلق مسائل واحکام شرعیه بی حاوی در .

## { باب سجود السهو }

(سجود)، سجده لفظك جمعی در .

(سجده)، وجه مسنون و مخصوص اوزره اولان فعلدن عبارت در. (سهو) ایله (نسیان) بیننده لغتده فرق یوقدر .

(سهو)، شیئك وقت حاجتده عدم استحضارندن عبارت در. بر قوله كوره (سهو)، معلومدن غفلت معنایه دركه صاحبی ادنی تنبیه ایله متنبه اولور .  
(نسیان)، معلومك زوالندن عبارت در.

حكمائك تعریفنه كوره سهو، قوه مدركه دن صورتك زوالی در. شو زوال، صورتك قوه حافظه ده بقاسی ایله اولور. نسیان، صورتك قوه مدركه وقوه حافظه دن معاً زوالندن عبارت اولوب بو حالده صورتك تحصیلنده سبب جدیده حاجت مس ایدر.

(نسیان) و (شك) عند الفقها معنای واحدندن عبارت اولور. (ظن) طرف راجحه و (وهم) طرف مرجوحه اطلاق اولور .

باب مذکور، سجود سهوه متعلق مسائل واحكام شرعییه حاوی در .

## { باب صلاة المريض }

باب مذکور، مريض اولان کیمسه لك صلاتنه متعلق مسائل شرعییه حاوی در.

## { باب سجود التلاوه }

(سجود تلاوت) سجده آیت کریمه سنك تلاوتی سبی ایله واجب اولور .

آیات کریمه سجده (۱۴) آیت کریمه در. اشبو مقداردن (۹) عددی قرآن کریمك نصف اولنده و (۱۰) عددی نصف نایسنده شرف واقع اولمشدر .

باب مذکور، سجود تلاوته متعلق مسائل واحكام شرعییه حاوی در.

### { باب الشهيد }

(شهید)، فعل و زننده مفعول اوله رق مشهود معناسنه در .

(شهید)، یا شهود لفظندن اولور که حضور معناسنه در یا خود شهادت لفظندن اولور که بصر و یا خود بصیرت ایله مع المشاهده حضور معناسنه در .

(شهید) لفظی کتب فقهیه ده «کلّ مکلف مسلم طاهر قتل ظلماً بجراحة» تعریفی ایله معرف در که بوکا متعلق مسائل واحکام شرعیه باب مذکوره محرر در .

### { باب الصلاة في الكعبة }

باب مذکور، کعبه مکرمه ده صلاته متعلق مسائل واحکام شرعیه بی حاوی در .



### { باب الكسوف }

(كسوف)، مصدر اولوب لازم در .

(كسف)، مصدر اولوب متعددی در .

السنة فقهاء (كسوف) لفظنك شمس و (خسوف) لفظنك قره تخصیصی شهر در .  
بر روایت کوره (كسوف) و (خسوف) شمس ایله قرده مساوی در .

باب مذکور، صلاة کسوفه متعلق مسائل واحکام شرعیہ بی حاوی در .

### { باب الاستسقاء }

(استسقاء)، لغتده طلب سقى معناسنه در . شرعده عند شدة الحاجة انزال مطر  
طلبندن عبارت در .

(استسقاء) کیفیت معلومه اوزره دعا واستغفار اولوب تفصیلی باب مذکورده مسطور در .

### { باب الصلاة الخوف }

باب مذکور، صلاة خوفه متعلق مسائل واحکام شرعیہ بی حاوی در .

### { باب صلاة الجنائز }

(جنائز)، جنازه لفظنك جمعی در .

(جنازه)، جیم حرفنك فتحی ایله میت معناسنده در . جیم کسری ایله سریر  
معناسنه در . بعض قوله کوره جیم حرفنك کسری و فتحی ایله لغت اولوب میت معناسنده  
مستعمل در .

(موت)، ضد حیات در .

باب مذکور، صلاة جنازه متعلق مسائل واحکام شرعیہ بی حاوی در .

## { باب نصاب الابل }

(ابل)، با حرفك كسرى وسكونى ايله واحد مذكرى اولميان جمع اولوب لسان تركيده دوه دينيلان حيوانك اسمى در. لفظ مذكورك نسبتى با حرفك فتحى ايله «ابلى» در. حيوان مذكوره «ابل» تسميه اولنمى اولوقلرى اوزرينه تبول ايلك مناسبت اشتقاقه سنه مبنى در.

(نصاب)، نون حرفك كسرى ايله زكاة واجب اولان مقدارى مال ديمكدر.  
باب مذكور، (نصاب الابل) ه متعلق مسائل واحكام شرعيه ي حاوى در.

## { باب زكاه البقر }

(بقر) لفظى قاف حرفك سكونى ايله (بقر) لفظندن مشتق در. بقر، شق معناسنه اولوب حيوان معروفك اسمى در. بقر تسميه اولنمى حيوان مذكورك ارضى شق ايلسى مناسبتنه مبنى در. لفظ مذكورك مفردى «بقرة» لفظى اولوب (تا) حرفى تأنيث ايچون اولميوب وحدت ايچون در. بوحالده ذكور وانا نه شامل در.

باب مذكور (زكاة البقر) ه متعلق مسائل واحكام شرعيه ي حاوى در.

## { باب زكاة الغنم }

(غنم) لفظى غنيمه لفظندن مشتق در. سبب اشتقاق، غنم ايچون آلت دفع اولماق حسييله طالى ايچون غنيمه اولق مناسبتندن عبارتدر. هر نقدر قرونى وار ايسه ده آلت غير دافعه در.

باب مذكور، «زكاة الغنم» ه متعلق مسائل واحكام شرعيه ي حاويدر.

## § - ۳

## [ کتاب الزکاة ]

(زکاة)، بعد الصلاة عباداتک افضلی در.

(زکاة) ک قرآن کریمه (۸۲) موضعه صلاته مقارنتی صلاة ايله زکاة بیننده اولان کمال اتصاله دلیل در.

(زکاة)، لغته طهارت و نما مغاسنه در. برکت، مدح، ثنای جمیل مغالرنده دخی استعمال اولنور. شرعه فقیر مسله تملیک جزء مالدن عبارتدر.

علمای کرام حضراتی جانبندن زکاته متعلق مسائل واحکام شرعیه بوجه آتی ابواب عدیده اوزرینه جمع و ترتیب بیورلمشدر. ابواب مذکوره (باب السائمه) (باب نصاب الابل) (باب زکاة البقر) (باب زکاة الغنم) (باب زکاة المال) (باب العاشر) (باب الرکاز) (باب العشر) (باب المصرف) (باب صدقة الفطر) دن عبارتدر.

## { باب السائمه }

(سائمه)، لغته مال راعی مغاسنه در. جمعی سوائم کلور شرعه (سائمه) محل کلاؤه [۱] لبن و نسل کبی منفعت قصدیه رعی اولنان حیواناتدن عبارتدر. باب مذکور، سوائمک زکاته متعلق مسائل واحکام شرعیه بی حاوی در.

[۱] کلاؤه، کاف حرفنک فتحی وقصر ايله کرک یا بس و کرک رطب اولان اوتاه اطلاق اولنور. بعض قوله کوره یاش اوتاه اطلاق اولنور.

### { باب الركاز }

(ركاز)؛ لغته ركز لفظندين مأخوذدر. اسم مفعول اولان مركوز معناسى مراد اوانشدر. شرعهده تحت الارض (معادن خلقى) [۱] و (كنز مدفون) [۲] دن عبارتدر. باب مذكور ركازه متعلق مسائل واحكام شرعيه يي حاويدر.

### { باب العشر }

(عشر)، اجزای عشره نك واحدی در.  
(عشر)، كتاب وسنت واجماع ايله ثابت در.  
باب مذکور، عشره متعلق مسائل واحكام شرعيه يي حاوى در.

### { باب المصرف }

باب مصرف، مصرف زكاة وعشر تقديرنده در.  
(مصرف)، محل صرف ديمكدر. مصرف زكاة و مصرف عشر، فقير ومسكين ومديون وامثالى محال صرفدن عبارتدر.  
باب مذکور، مصرف زكاة وعشر مسائلنه متعلق مسائل واحكام شرعيه يي حاوى در.

### { باب صدقة الفطر }

(صدقه)، اول بر عطيه در كه انكله جناب حقندن ثواب مراد اولنور.  
(صدقه فطر)، رمضان شريف بيرامندن اول اعطا اولنان صدقه مخصوصه در.  
باب مذکور، صدقه فطره متعلق مسائل واحكام شرعيه يي حاوى در.



[۱] معدن، ميم حرفنك فتحى ودال حرفنك كسرى ويا فتحى ايله اقامت معناسنه اولان (عدن) لفظندن در. معدن لفظنك اصلى مكان مستقر ديمكدر. صكره بولفظ اجزاء مستقره معناسنده اشتها ايلشدر. (معدن خلقى) دن مراد، جناب خالق السموات والارض حضرتلرنيك ارضهده خلق ايلديكي معادنندن عبارتدر.  
[۲] كنز، فى الاصل فعل انسان ايله ارضهده مثبت اولان شيئك اسمى در.



## { باب زكاة المال }

(مال) دن مراد، سائمه نك غيرى مالك زكاتى در.

نصاب ذهب (۲۰) مثقال در.

نصاب فضّه (۲۰۰) درهم در.

هراون درهم (۹) مثقال وزنده در.

دينار (۲۰) قيراط در.

درهم (۱۴) قيراط در.

قيراط (۵) شعير در. بوحالده درهم شرعى (۷۰) شعير اولوب مثقال، (۱۰۰) شعير در يعنى (۱) درهم وثلاث اسباع درهم در.

ارباب علم و كلك معلومى اولدينى اوزره خليفه ثانى «عمر بن الخطاب» رضى الله تعالى عنه حضرتلى زمان عاليارنده هر (۱۰) درهم (۱۰) مثقال وينه هر (۱۰) درهم (۶) مثقال وينه هر (۱۰) درهم (۵) مثقال وزنده اولق اوزره درهملر مختلف ايدى. فاروق اعظم رضى الله تعالى عنه حضرتلى اخذ واعطاده خصوصت ظاهر اولماق ايچون هر نوعدن ثلث الهرق مجموع ثلث (۷) عدده بالغ اولدى. اشبو (۷) عدد، اوزان مختلفه نك مقدار مجموعى اولان (۲۱) عددك ثلثى اولمسيله هر (۱۰) درهم (۷) مثقال وزنده اولدى و شو درهم شرعى، هر شيده وحتى زكائنده ومهرده وتقدير دياتنه جارى اولدى.

باب مذکور «زكاة المال» متعلق مسائل و احكام شرعيه يى حاوى در.

## { باب العاشر }

(عاشر)، عشر لفظندن مأخوذ در.

(عشر)، عاشر ك اخذ ايلديكى شيئه علم اولوب عاشر، حرّ مسلم وغير هاشمى و حنايه قادر اوله رق تجار دن عشر مال اخذى ايچون امام مسلمين حضرتلى نك نصب ايلديكى كيسه در.

باب مذکور عاشره متعلق احكام و مسائل شرعيه يى حاوى در.

الى المولى وقيل الاعتكاف والعكوف الاقامة معناه لا ابرح عن بابك حتى تغفرلى» تعريفى ايله  
دخى معرف در يعنى اعتكاف ، قلبك شغل دنسادن تفرينى ونفسك مولايه تسليى در.  
بر روايته كوره اعتكاف وعكوف اقامت معناسه اولوب اعتكافك معناسى يارب عبد عاصى  
مظهر مغفرتك اولدقجه باب لطف وكرمكدن آيرلنز ديمكدر .

(اعتكاف) ، اوچ قسمدر.

(قسم اول) نذر ايله واجبدر.

(قسم ثانى) رمضان شريفك عشر اخيرنده سنت مؤكدهدر.

(قسم ثالث) ازمنه سائرده مستحبدر.

باب مذكور اعتكافه متعلق مسائل واحكام شرعيه يى حاوى در .



## § - ۴

## [کتاب الصوم]

(صوم)، اعظم ارکان دین و اوثق قوانین شرع متین در.

(صوم)، لغتده امساك مطلق معناسنه در. شرعده شخص مخصوصك مع النیه وقت مخصوصده مفطراتدن حقیقه و یا حکماً امساك ایتسندن عبارت در. شخص مخصوصدن مراد، دار اسلامده کائن مسلم و یا خود حیض و نفاسدن طاهر و عالم بالوجوب اولان کیمسه در.

(مفطرات)، صومی افساد ایدن اکل و شرب و سائر افعالدن عبارت در.

علمای کرام حضراتی جانبندن صومه متعلق مسائل و احکام شرعیه بر وجه آتی ابواب اوزرینه جمع و ترتیب بیورلشدر. ابواب مذکوره (باب مایفسد الصوم و مالا یفسده) و (باب الاعتکاف) در.

## {باب مایفسد الصوم و مالا یفسده}

باب مذکور، صومی مفسد و غیر مفسد اولان احکام و مسائل شرعیه بی حاوی در.

بوجئده مفسد، ایکی قسمدر. بریسی انحق قضای ايجاب ایدر. دیکری کفارت ایله اولور.

غیر مفسد دخی ایکی قسمدر. بر قسمی فعلی مباح اولان شیء در. دیکری مکروه اولان شیء در. فساد و بطلان، عبادتده سیان در. مسائل مذکوره نك تفصیلی، کتب فقهیه نك باب مخصوصنده محرر در.

## {باب الاعتکاف}

(اعتکاف)، لغتده مقام و احتباس در. شرعده صائمك مسجد جماعتیه نیت ایله لبث [۱] و مکث ایتسی در. كذلك «الاعتکاف تفريغ القلب عن شغل الدنيا وتسليم النفس

[۱] لبث، لام حرفنك فتحی و یا ضمی ایله مکث معناسنه در. شرعده، ذکورك مسجد جماعتیه و اناتك خانه سی مسجدنده نیت ایله مکث ایتسی در.

## { باب القرآن }

(قرآن)، لغتده حج ایله عمره یی و یاخود امثالی ایکی شی بیننی جمع ایلمک مغاسنه در. شرعده حج و عمره ایله معاً تهلیل ایلمک یعنی تلبیسه ایله صوتی ترفیع ایتمک و بعد الصلاة «اللهم انی ارید الحج والعمرة فیسرهالی و تقبلهما منی» دعاسنی او قومق و سائر شرائط مخصوصه سنی اجرا ایلمکدرکه تفصیلی کتب فقهیه نك باب مخصوصنده محرر در.

## { باب التمتع }

(تمتع)، متاع لفظندن مشتق اولوب لغتده انتفاع و یاخود نفع مغاسنه در. شرعده «ان یفعل العمرة او اکثر اشواطها فی شهر الحج» تعریفی ایله معرف درکه عمره یی یاخود عمره نك اکثر اشواطنی اشهر حجه اجرا ایلمک دیمکدر. برکیسه شهر رمضان شریفده اقل اوله رق طواف ایلسه و صکره باقیسنی شوال شریفده طواف ایلسه و او سنه حج ایلسه او کیسه متمتع اولور.

باب مذکور، تمته متعلق مسائل واحکام شرعیه یی حاوی در.

## { باب الجنایات }

بو بجمده جنایت، بر فعل درکه حرمت مخصوصیه داخل اولدقندن صکره او فعلک ایشلمسی جائز دکلددر و فعل مذکور ایشلمدیکی حالده جنایت اولورکه بو فعلک حرمتی احرام و یاخود حرم شریفه داخل اولمق سببی ایله اولور.

مسائل مذکور نك تفصیلی کتب فقهیه نك باب مخصوصنده محرر در.

## { باب الاحصار }

(احصار)، لغتده خوف و یاخود مرض و یاخود عجز سببی ایله منع مغاسنه در. شرعده «منع عن رکنین» دیمکدر. (رکنین) دن مراد، حجه و قوف و طواف در.

باب مذکور احصاره متعلق مسائل واحکام شرعیه یی حاوی در.

## § - ۵

## [کتاب الحج]

(حج)، حا حرفک قحی و کسری ایله لغتده شی معظمی قصد ایتک معناسنه در. شرعده مکان مخصوصی یعنی بیت اللهی زمان مخصوصده فعل مخصوص ایله زیارت ایتمکن عبارت در.

حج شریف، شرائط مخصوصه ایله اهل اسلام اوزرینه فرض عین در.

علمای کرام حضراتی جانبندن حج شریفه متعلق مسائل واحکام شرعیه بروجہ آتی ابواب اوزرینه جمع و ترتیب بیورلمشدر. ابواب مذکورہ (باب الاحرام وصفه المفرد بالحج) (باب القران) (باب التمتع) (باب الجنایات) (باب الاحصار) (باب الحج عن الغير) (باب الهدی) در.

## {باب الاحرام وصفه المفرد بالحج}

(احرام)، مصدر اولوب لغتده حرمتہ داخل اولمقدر. شرعده حرمت مخصوصیه داخل اولمقدر. یعنی حرمت مخصوصیه التزام ایلمکدر. شو التزام دخول، شرعاً تحقق ایتمز الا مع الذکر نیت ایله و یاخود خصوصیت ایله تحقق ایدر. ذکر دن مراد، تلبیه [۱] و امثالی ذکر در. خصوصیت دن مراد، تلبیه مقامنه قائم اولان شی در.

باب مذکور احرامه متعلق مسائل واحکام شرعیه بی حاوی در.

[۱] تلبیه، «لیک اللهم لیکن لا شریک لک لیکن ان الحمد والنعمه لک والملك لا شریک لک» دعائی ذکر ایلمکدر.

## § - ۶

## [کتاب النکاح]

(نکاح)، لغتده ضم وجع معناسنه در. عند الفقهاء قصداً ملك متعبي افاده ایدن عقددن عبارتدر. نکاحنه مانع شرعی اولیان قادیندن رجلك استتماعی حلال اولمقدردر. اهل اصول و اهل لغت عندنده نکاح، وطئده [۱] حقیقت وعقدده مجازدر.

## {فوائد نکاح}

(فوائد نکاح)، فوائد خسهدن عبارتدر.

(فائده اولی) ولددرکه نکاحده اصلدر. چونکه عالمک نوع انساندن خالی اولماسی ایچون نکاح، ولد ایچون موضوعدر. شهوت، تحصیل ولده شوق ومیل ایچوندر حکمت ازلیه الهیه، اسباب اوزرینه ترتیب مسیباتی اقتضا ایتسیله ولد، ازدواج ایله مقدردر. تحصیل ولده وجوه مختلفه ایله خیر کثیر وارددر.

(فائده ثانیه)، شیطاندن تحصن و کسر توقان [۲] ودفع غوائل شهوت وغض البصر [۳] و حفظ الفرجدر.

(فائده ثالثه)، وجه زوجهیه نظر وزوجه ایله ملاعبه مشروعهدرکه بونده قلب ایچون راحت و عبادت ایچون تقویت وارددر. چونکه اکثر امور، طبعک خلاقی اوزرینه جاری و واقع اولسیله نفس انسانی اکثر امورد ملول اولوب دوام ملالت ایسه امر عبادتده کسلانه باعث اولدیغندن نفس انسانی بعض اوقاتده لذات مباحه ایله اراحه اولندقدده کسب قوت ونشاط ایدر، وعبادتده شوق کثیر حاصل اولور.

[۱] (وطئ)، چیکنه مک، باصمق و جماع ایلک معناسنه در.

[۲] توقان، تا و او وقاف حرفرینک فحی ایله عدم تزوج حالنده زنا وقوعندن خوف اولنمق حیثیتی ایله شدت اشتیاق معناسنه در،

[۳] غض، غین حرفک فحی ایله کوزی نظردن منع و کف ایتک معناسنه در.

## { باب الحج عن الغير }

(عبادت ماليه)، زكاة کي مکلفدن مطلقا عند القدره والعجز نيابتي قبول ايدر .

(عبادت بدنيه)، صلوٰۃ وصوم کي مکلفدن مطلقا نيابتي قبول ايتمز .

عبادت ماليه ايله عبادت بدنيه دن مرکب اولان عبادت، انجق عند العجز نيابتي قبول ايدر. فرض اولان حج کي .

حج شريفک نيابة اجراسنه تعلق ايدن شروط ومسائل واحکام شرعيه کتب فقهيه نك باب مخصوصنده محرر در .

## { باب الهدى }

(هدى)، هديه لفظندن مأخوذ در. نعمدن حرم شريفه اهدا اولنان شيء در. ابل،

بقر، غنم کي که تفصيلي کتب فقهيه نك باب مخصوصنده محرر در .



### { باب الولی }

(ولی)، لغتده خلاف عدوّ دیمکدر. ولی، فعیل وزننده فاعل معناسنه در. اهل اصول الدین اصطلاحنده «العارف بالله تعالی باسمائه وصفاته حسباً یمكن المواظب على الطاعات المجتنب عن المعاصی الغير المنهمک فی الشهوات واللذات» تعریفی ایله معرف در. یعنی ولی، جناب حق اسماء شریفه وصفات جلیله سی ایله ممکن اولدینی قدر عارف و طاعاته مواظب و معاصیدن مجتنب و شهوات و لذاته غیر منهمک اولان ذات در. شرعده «هو البالغ العاقل الوارث» تعریفی ایله معرف در.

باب مذکور، ولییه متعلق مسائل و احکام شرعییه حاوی در.

### { باب الکفائه فی النکاح }

(کفائه)، «کفو» لفظندن اولوب بومجئده مساوات مخصوصه معناسنه در. کفائه، نسباً و دیانةً و مالاً و حرفهً و حريةً و اسلاماً معتبر در.

(نظم)

|                              |                        |
|------------------------------|------------------------|
| ان الکفائة فی النکاح تكون فی | ست لها بیت بدیع قد ضبط |
| نسب و اسلام كذلك حرفة        | حرية و دیانة مال فقط   |

باب مذکور، کفائهیه متعلق مسائل و احکام شرعییه حاوی در.

### { باب المهر }

(مهر)، نهر وزننده اولوب خاتونک تزوجنده تعیین اولنان بدل نکاح در. جمعی (مهور) کلور. (مهر) ک اقل مقداری (۱۰) درهم فضّه در.

باب مذکور، مهره متعلق مسائل و احکام شرعییه حاوی در.



(فائدهٔ رابعه)، تدبیر منزلدن تفریغ قلب در. زیرا جمیع اشغال منزلی تکفل ایتمک اوقاتک تضييعنه سبب وعلم وعمله مانع در.

(فائدهٔ خامسه)، مجاهدهٔ نفس در. مجاهدهٔ نفس، حقوق اهل و عیاله رعایت وانلرک اذاسنه تحمل و اصلاح و ارشاد و تربیه لرینه وانلر ایچون کسب حلاله و امثالی امور مشروعه یه سعی و اقدام ایله حاصل اولور.

### {آفات نکاح}

- (آفات نکاح)، اوچ آفت در.
- (آفت اولی) که آفاتک اقواسی در، طلب حلالدن عجز در.
- (آفت ثانیه)، ازواجک حقوقه رعایتده و اذالرینه تحمیده قصور در.
- (آفت ثالثه)، اهل و عیالک زوجی جناب حقدن شاغل و طلب دنیا یه جاذب اولمسیدر.

### {شروط عقد نکاح}

- (شروط عقد نکاح) شروط اربعه دن عبارتدر.
  - (شرط اول)، اذن ولی در. اگر ولی اولمز ایسه اذن سلطان در.
  - (شرط ثانی)، رضاء مرأه در.
  - (شرط ثالث)، ایکی شاهد در.
  - (شرط رابع)، ایجاب و قبول در.
- علمای کرام حضراتی جانبندن نکاحه متعلق مسائل و احکام شرعیه بروجه آتی ابواب عدیده اوزرینه جمع و ترتیب بیورلمشدر. ابواب مذکوره (باب الولی) (باب الکفاه فی النکاح) (باب المهر) (باب نکاح الرقیق) (باب نکاح الکافر) (باب القسم) (باب الرضاع) در.

## § — ۷

## [ کتاب الطلاق ]

( طلاق ) ، لغتده « رفع القید » معناسنه در. لکن خاتونده طلاق و غیریسنه اطلاق تعبیر اولنور. شرعده « رفع قید النکاح فی الحال او المال بلفظ مخصوص » تعریفی ایله معرف در .

علمای کرام حضراتی جانبندن « طلاق » متعلق مسائل و احکام شرعیه بوجه آتی ابواب عدیده اوزرینه جمع و ترتیب بیورلمشدر .

ابواب مذکورہ ، ( باب الصریح ) ( باب طلاق غیر المدخول بها ) ( باب الکنایات ) ( باب تفویض الطلاق ) ( باب الامر بالید ) ( باب التعليق ) ( باب طلاق المریض ) ( باب الرجعة ) ( باب الایلا ) ( باب الحُلْع ) ( باب الظهار ) ( باب الکفاره ) ( باب اللعان ) ( باب العنین وغیره ) ( باب العده ) ( باب الحضانه ) ( باب النفقه ) در.

## { باب الصریح }

( طلاق صریح ) ، انحق طلاقده استعمال اولنان الفاظ در . « طلقک وانت طالق ومطلقة » کبی .

باب مذکور، طلاق صریحه متعلق احکام و مسائل شرعیه بی حاوی در .

## { باب طلاق غیر المدخول بها }

باب مذکور، غیرمدخول بهانک طلاقه تعلق ایدن مسائل و احکام شرعیه بی حاوی در .

## { باب الکنایات }

( کنایه ) ، عند الفقها یاکنز طلاق ایچون وضع اولنیموب طلاقه و طلاقک غیریه دلالته احتمالی اولان لفظ در .

باب مذکور، طلاقده کنایاته تعلق ایدن مسائل و احکام شرعیه بی حاوی در .

### { باب نکاح الرقيق }

(رقيق)، صاحب «صحاح» ك بیانہ كوره مملوك ادعى معانسه اولوب واحد وجعنه اطلاق اولنور.

باب مذکور نکاح ارقه‌یه متعلق مسائل واحكام شرعیہی حاوی در.

### { باب نکاح الكافر }

«كتاب النكاح» ك ابواب سابقه سی مسلیندن احرار وارقه‌نك احكام نكاحه متعلق اولدینی كی باب مذکور دخی نكاح الكافر مسائلنی حاوی در.

### { باب القسم }

(قسم)، قاف حرفك فتحی ایله مصدر اولوب قسمت معانسه در. حرف مذکور ك كسری ایله نصیب معانسه در.

اهل وعیال بینده سکناده و ملبوسات ایله مأ کولاته عدالت واجب اولسیله باب مذکور، اكا متعلق احكام ومسائل شرعیہی حاوی در.

### { باب الرضاع }

(رضاع)، را حرفك فتحی ویا كسری جائز اولوق اوزره لغتده «مص الثدي» معانسه در. شرعده «مصّ من ثدی [۱] ادیمه فی وقت مخصوص» تعریفی ایله معرف دركه وقت مخصوصه ثدی آدمیدن مص ایتمك معانسه در.

(مسترضع)، اجرت ایله سود آنا طوتان کیسه در.

باب مذکور، رضاعه متعلق مسائل واحكام شرعیہی حاوی در.



[۱] ثدی، ثانك فتحی و دالك سكونی ایله پستان یعنی مه دیمكدر.

## { باب الخُلَع }

«خُلَع»، خاء معجمه نك ضمی ایله ازاله زوجیت معناسنه دركه علم فقه شریفده  
«ازالة ملك النكاح المتوقفة على قبولها بلفظ الخُلَع او ما فی معناه» تعریفی ایله معرف  
اولوب باب مذکور اكا متعلق احكام ومسائل شرعیه بی حاوی در.

## { باب الظهار }

«ظهار»، لغتده «ظاهر من امراة» ترکیبنده اولان «ظاهر» کله سندن مصدر دركه  
زوج طرفندن زوجیه «انت علی کظهر امی» قوی ایله خطاب ایتکدر. شرعه  
«تشیه المسلم زوجته او جزء شائع منها بمحرّم علیه تأبیداً» تعریفی ایله معرف اولوب  
بوکا دائر احكام ومسائل شرعیه باب مذکورده مسطور در.

## { باب الکفاره }

«کفارت»، کفر لفظندن مأخوذ اولوب لغتده تغطیه و ستر معناسنه در. شرعه  
تحریر رقبه در. رکبی، اعتاق و صیام و اطعامدن فعل مخصوص اولوب باب مذکور، بوکا  
متعلق مسائل واحكام شرعیه بی حاوی در.

## { باب اللعان }

«لعان»، لغتده «لاعن» کله سنك مصدری در. قاتل کبی. لفظ مذکور، لعن کله سندن  
مأخوذ اولوب طرد و ابعاد معناسنه در. شرعه «شهادات مؤکدات بالایمان مقرونة باللعن  
قائمة فی حقه ومقام حد الزنا فی حقها» تعریفی ایله معرف دركه بوکا متعلق احكام ومسائل  
شرعیه باب مذکورده محرر در.

## { باب العنین وغیره }

«عنین»، لغتده جماعه قادر اولیان کیمسه دیمکدر. فعل بمعنی مفعول معناسنده اولوب  
جمعی عین حرفنك ونون اولانك ضمی ایله «عنین» لفظی در. شرعه «من لا یقدر  
علی جماع فرج زوجته» تعریفی ایله معرف اولوب بوکا متعلق مسائل واحكام شرعیه  
باب مذکورده محرر در.

### { باب تفویض الطلاق }

باب مذکور، زوجه و یا غیره به طلاق تفویضه تعلق ایدن مسائل و احکام شرعیہی حاوی در.

### { باب الامر بالید }

باب مذکور، امر بالید صورتندہ اولان طلاقه متعلق مسائل و احکام شرعیہی حاوی در.

### { باب التعلیق }

(تعلیق)، تفعیل بایندن مصدر اولوب لغتده برشیئی معلق قیلق معناسنه در. اصطلاحده «ربط حصول مضمون جمله بحصول مضمون جمله اخرى» تعریفی ايله معرف در. باب مذکور، تعلیق صورتندہ طلاقه متعلق مسائل شرعیہی حاوی در.

### { باب طلاق المریض }

باب مذکور، طلاق مریضه متعلق مسائل و احکام شرعیہی حاوی در.

### { باب الرجعه }

(رجعه)، را حرفنك فتحی و یا کسری جائز اولق اوزره رجوع معناسنه در. فقهده، «هی استدامة الملك القائم فی العدة» تعریفی ايله معرف در.

### { باب الایلاء }

(ایلاء)، لغتده یمین معناسنه در. شرعده «الحلف علی ترك قربانها» تعریفی ايله معرف در یعنی زوجه نك قربانی [۱] ترك اوزرینه حلف [۲] ایله کدر. باب مذکور، ایلاءیه متعلق احکام و مسائل شرعیہی حاوی در.

[۱] قربان، زوجه به قریب اولق معناسنه در.

[۲] حلف، یمین معناسنه در.

## § — ۸

## [ کتاب العتق ]

(عتق)، لغتده «الخروج عن المملوکیة» معناسنه در. شرعده «عبارة عن اسقاط المولی حقّه عن مملوکه بوجه یصیربه المملوک عن الاحرار» تعریفی ایله معرف در.

علمای کرام حضراتی جانبندن «عتق»ه متعلق مسائل و احکام شرعیه بوجه آتی ابواب عدیده اوزرینه جمع و ترتیب بیورلمشدر. ابواب مذکوره (باب عتق البعض) (باب الحلف بالعتق) (باب العتق علی جعل) (باب التذیر) (باب الاستیلا) در.

## { باب عتق البعض }

(عتق البعض)، «عبارة عن زوال الملك عن البعض لاعن زوال الرق» تعریفی ایله معرف اولوب بوکا دائر مسائل و احکام شرعیه باب مذکوره محرردر.

## { باب الحلف بالعتق }

باب مذکور عتق ایله حلفه یعنی یمینه متعلق احکام و مسائل شرعیه بی حاوی در.

## { باب العتق علی جعل }

جعل، لغتده جیم حرفک فتحی ویا ضمی ایله «ما يجعل للعامل علی عمله» تعریفی ایله معرف اولوب باب مذکور، اکا متعلق احکام و مسائل شرعیه بی حاوی در.

## { باب العدة }

(عدة)، عین حرفتک کسری ایله لغتده احصا معناسنه در. عین حرفتک ضمی ایله «الاستعداد للامر» معناسنه در. اصطلاحده «تربص يلزم المرأة عند زوال النكاح او شبهته» تعریفی ایله معرف اولوب بوکا دائر احکام و مسائل شرعیه. باب مذکورده محرر در.

## { باب الحضانه }

(حضانة)، حا حرفتک فتحی و کسری ایله «تربية الولد» معناسنه اولوب بوکا دائر احکام و مسائل شرعیه، باب مذکورده محرر در.

## { باب النفقة }

(نفقة)، لغتده انسانک عیالی اوزرینه اتفاق ایلدیکی شیئه اطلاق اولنور. شرعده طعام، کسوه، سکنا در. عرفده «طعام» در.

باب مذکور، نفقهیه متعلق احکام و مسائل شرعیه بی حاوی در.



## § — ۹

## { کتاب الایمان }

(ایمان)، یمین لفظنک جمعی در. یمین، لغتده «جارحه» و «قوّه» و «قسم» بیننده مشترک در. شرعده «عبارة عن عقد قوی به عزم الحالف علی الفعل او الترك» تعریفی ایله معرف در. علمای کرام حضراتی جانبندن «ایمان» متعلق مسائل واحکام شرعیه، بوجه آتی ابواب عدیده اوزرینه جمع و ترتیب بیورلمشدر. ابواب مذکوره، (باب الیمین فی الدخول والخروج) (باب الیمین فی الاکل والشرب واللبس والكلام) (باب الیمین فی الطلاق والعقاق) (باب الیمین فی البیع و الشراء والصوم والصلاة وغيرها) (باب الیمین فی الضرب و القتل و غیر ذلك) در.

{ باب الیمین فی الدخول والخروج  
و السكنی و الاتیان  
و الركوب و غیر ذلك }

باب مذکور، دخول و خروجده و سکننا و اتیان و رکوب و سائرده یمینه متعلق احکام و مسائل شرعیه بی حاوی در.

{ باب الیمین فی الاکل والشرب واللبس والكلام }

باب مذکور، اکل و شربده و لباس و کلامده یمینه متعلق مسائل واحکام شرعیه بی حاوی در.

{ باب الیمین فی الطلاق والعقاق }

باب مذکور، طلاق و عقاقد یمینه متعلق مسائل واحکام شرعیه بی حاوی در.



## { باب التذییر }

(تذیر)، تفعلیل و زننده عاقبت اندیشی که ایله انجام کاره نظر و صرف بصر ایلمک معناسنه در. بر خصوصک تمشیقی ضمیمه سعی و ترتیب اسباب ایلمک معناسی بوندن مأخوذ در. كذلك تذیر، بر کیسه دن بر کلام و خبر نقل و روایت ایتمک معناسنه در. شرعه تذیر، «تعليق العتق بمطلق موته» تعریفی ایله معرف در یعنی بر آدم کندوسنک موته کوله سنک و جاریه سنک عتقی تعلیق ایلمک معناسنه در که موتندن صکره انلرک آزاد اولملرینی وصیت ایلمکدن عبارت در. او کوله یه «مدبر» و جاریه یه «مدبره» دینور. باب مذکور، عتق تذیری یه متعلق احکام و مسائل شرعی یی حاویدر.

## { باب استیلاذ }

استیلاذ، لغته «طلب الولد من زوجة او امة» معناسنه در. فقهای کرام حضراتی کلمه مذکورینی «طلب الولد من امة» معناسنه حصر و تخصیص بیوردیلر. بوکا متعلق مسائل و احکام شرعی باب مذکورده محرر در.



## § — ۱۰

## [ کتاب الحدود ]

(جدود)، حد لفظنك جمعى در .

(حدّ)، لغتده منع معناسنه در. شرعهده «عقوبة مقدّرة وجبت حقا لله تعالى» تعريفى ايله معرف در .

(عقوبت)، ضرب يا خود قطع يا خود رجم يا خود قتل كى جزادن عبارتدر .

(عقوبت مقدّره)، كتاب يا خود سنت و يا خود اجماع ايله مفروض و مقدّر اولان جزادن عبارتدر .

علمای كرام حضراتى جانبندن عقوبت مقدّريه متعلق مسائل واحكام شرعيه بوجه آتى ابواب عديده اوزرينه جمع و ترتيب بيورلمش در .

ابواب مذكوره، (باب الوطء الذى يوجب الحد والذى لا يوجب) (باب الشهادة على الزنا والرجوع عنها) (باب حد الشرب) (باب حد القذف) (باب التعزير) در .

{ باب الوطء الذى يوجب الحد  
والذى لا يوجب }

باب مذكور، حد شرعىي موجب وغير موجب اولان و طئه متعلق مسائل واحكام شرعيه يي حاوى در .

{ باب الشهادة على الزنا والرجوع عنها }

باب مذكور، زنا اوزرينه شهادته و آندن رجوعه متعلق مسائل واحكام شرعيه يي حاوى در .

{ باب اليمين في البيع والشرا والصوم والصلاة وغيرها }

باب مذکور، بیع وشرایع و صوم و صلاته و سایر امورده یمینه متعلق احکام و مسائل شرعیہ پی حاوی در.

{ باب اليمين في الضرب والقتل وغير ذلك }

باب مذکور، ضرب و قتل و سایر فعلده یمینه متعلق مسائل و احکام شرعیہ پی حاوی در.



## § — ۱۱

## [ کتاب السرقة ]

(سرقت) ، لغتده « اخذ الشيء من الغير خفية » ديمکدر . مسروق اولان شيئه سرقت تسميه سي مجازه مبنی در . شرعده « اخذ مکلف ناطق يصير عشرة دراهم جياذ او مقدارها مقصودة ظاهرة الاخراج خفية من صاحب يد صحيحة » تعريفی ايله معرف در .

علمای کرام حضراتی جانبندن سرقت متعلق مسائل واحکام شرعيه بوجه آتی ابواب اوزرينه جمع وترتيب بيولمشدر . ابواب مذکوره (باب كيفية القطع واثباته) (باب قطع الطريق) در .

## { باب كيفية القطع واثباته }

باب مذکور، سارقك قطع يدينه متعلق مسائل واحكام شرعيه بي حاوی در .

## { باب قطع الطريق }

(قطع طريق) ، سرقت كبرادن اولوب بوكا متعلق مسائل واحكام شرعيه باب مذکورده محرردر .



## { باب حد الشرب }

باب مذکور، شرب خمر ایدن مسلم ناطق مکلف اوزرینه ترتب ایدن حدّه متعلق مسائل و احکام شرعیّه بی حاوی در .

## { باب حد القذف }

(قذف) ، لغتده رمی معناسنه در . شرعده « الرمی بالزنا » تعریفی ایله معرف در . باب مذکور، بالاجماع کبائر دن اولان حد زنایه متعلق مسائل و احکام شرعیّه بیاننده در .

## { باب التعزیر }

(تعزیر) ، لغتده مطلقا تأدیب معناسنه در . شرعده « تأدیب دون الحد » تعریفی ایله معرف اولوب بوکا متعلق مسائل و احکام شرعیّه باب مذکورده محرر در .



## { باب الغنم }

وقسمته

باب مذکور، جهاداً النان مال غنیه ایلہ انک تقسیمه متعلق مسائل واحکام شرعیہ بی حاوی در.

## { باب استیلاء الکفار }

باب مذکور، استیلائیہ متعلق مسائل واحکام شرعیہ بی حاوی در.

## { باب المستأمن }

(مستأمن)، لغتده «طالب الامان» معناسنه اولوب بوکا متعلق مسائل واحکام شرعیہ، باب مذکورده محرر در.

## { باب العشر والخراج والجزیه }

باب مذکور، عشر وخراج ایلہ جزیه متعلق مسائل واحکام شرعیہ بی حاوی در.

## { باب المرتد }

(مرتد)، لغتده مطلقاً راجع معناسنه در. شرعده العیاذ بالله تعالی دین اسلامدن راجع اولوق معناسنه اولوب بوکا متعلق مسائل واحکام شرعیہ، باب مذکورده محرر در.

## { باب البغاة }

(بغاة)، باغی لفظنک جمعی در. باغی لغتده طلب معناسنه در. عرفده «طلب ما لایحل من جور وظلم» تعریفی ایلہ معرفدر. باغی، شرعده «هو الخارج علی امام الحق بغیر حق» تعریفی ایلہ معرف اولوب بوکا دائر مسائل واحکام شرعیہ، باب مذکورده محرر در.



## § - ۱۲

## [ کتاب الجهاد ]

(جهاد) لغتہ «جہاد فی سبیل اللہ» کلامندہ کی «جہاد» لفظندن مصدر در. شرعہ  
«الدعا الی الدین الحق وقتال من لم یقبلہ» تعریفی ایلہ معرفت اولدینی کبی «بذل الوسع  
فی القتال فی سبیل اللہ مباشرة او معاونة بمال او رأى او تکثیر سواد او غیر ذلک»  
تعریفی ایلہ معرفت در.

جهاد ایلہ امثالی افعال خیرہ نیک بعد الموت مثوباتی باقی اولدینی ثابت اولوب اولبابده  
الشیخ المحدث عبد الباقي الحنبلي حضرتلرینک انشاد بیوردقلری نظم، تبرکاً اشبو محله  
درج ایلہ تزیین صحیفه بیان اولندی.

( نظم )

|                          |                          |
|--------------------------|--------------------------|
| اذا مات ابن آدم جاء یجری | علیه الاجر عد ثلاث عشر   |
| علوم بها ودعاء نجمل      | وغرس النخل والصدقات تجری |
| ورائة مصحف ورباط ثغر     | وحفر البئر او اجراء نهر  |
| وبیت للغریب بناء یاوی    | الیه او بناء محل ذکر     |
| وتعلیم لقرآن کریم        | شهید للقتال لاجل بر      |
| کذا من سنّ صالحة لیقفی   | فخذها من احادیث بشعر     |

علمای کرام حضراتی جانبندن جهاده متعلق مسائل واحکام شرعیہ بروجہ آتی  
ابواب عدیده اوزرینہ جمع وترتیب بیورلشدر. ابواب مذکورہ، (باب المغنم وقسمته)  
(باب استیلاء الکفار) (باب المستامن) (باب العشر والحراج والجزية) (باب المرتد)  
(باب البغاة) در.

## § — ۱۴

## [ کتاب اللقطه ]

(لقطه) ، لامك ضمی وقافك فتحی ایله ویاخود هر ایکی حرفك فتحی ایله مال ملتقطه موضوع اولان اسم در.

(لقطه) ، شرعه «هو مال يوجد على الارض ولا يعرف له مالك» تعریفی ایله معرف در. یعنی لقطه، ارضه بولنان ومالکی بیلنمیان مال دیمکدر. برکیسه لقطه بی صاحبیه ردایتمک نیی ایله اخذ ایدر ایسه لقطه نك یردن رفی اوکیسه ایچون حلال اولور. اگر اوکیسه لقطه بی کندوسنه مال اولق نیی ایله اخذ ایدر ایسه اوکیسه غاصب واثم اولور.

(لقیط) لفظی بنی آدمه و (لقطه) لفظی بنی آدمك غیریسنه مخصوصدر.

(التقاط) ، افتعال وزننده فی الاصل یره دوشمش نسنه بی قالدیروب المق معناسنه در.

(تلقط) ، تفعل وزننده برنسنه بی شورادن بورادن طوپلایوب دیوشیرمك معناسنه در.

کتاب مذکور ، لقطه به متعلق احکام ومسائل شرعیه بی حاوی در.





## § — ۱۳

## [کتاب اللقیط]

(لقیط)، فعلیل وزننده مفعول اوله رق لغتده «ملقوط» [۱] معناسنه در. صکره مأل اعتباری ایله ولد منبوذ [۲] معناسنده استتمالی غالب در. شرعده «اسم لحنی مولود طرحه اهله خوفا من العیلة [۳] او فرارا من تهمة [۴] الریبه» [۵] تعریفی ایله معرف در. یعنی لقیط، فقیرلکدن خوفاً یاخود شک وشبهدن اجتناباً طرح [۶] اولنان حی مولودک اسمی درکه انک طارح وتارکی آثم ومحرزى غانم در.

لقیطه متعلق مسائل واحکام شرعیه، کتاب مذکورده محرردر.

- 
- [۱] ملقوط، ارضدن مأخوذ دیمکدر.  
 [۲] منبوذ، حرام زاده دیمکدر.  
 [۳] عیله، عین حرفنک قحی ایله فقیرلک معناسنه در.  
 [۴] تهمة، ها حرفنک قحی ویا سکونی ایله شک معناسنه در.  
 [۵] طرح، جرح وزننده برنسنه بی یره براقق والندن آتمق معناسنه در.  
 [۶] ریبه، ظن وشک معناسنه در. لکن بومبجئده ریبهدن مراد، خلاف شرع قربان در.



## § - ۱۶

## [کتاب المفقود]

(مفقود)، فقد لفظندن مأخوذ اولوب لغتده معدوم معناسنه درکه غائب اولان شیئه دینور. شرعه اول برغالبه اطلاق اولنور که حیات ویا ممتی معلوم دکدر. (فقید) دخی او معنایه در.

(فقد)، فانك فتحی وقافك سکونی ایله و (فقدان) فانك کسری ایله و (فقود)، قعود وزنده موجود نسنه یی غائب ایلک معناسنه در.

(افقاد)، همزه نك کسری ایله برکسنه یه برنسنه سنی غائب ایتدیرمک معناسنه در.

(فاقد)، زوجی یا خود ولدی وفات ایلش اولان خاتونه اطلاق اولنور. برروایت کوره زوجی وفات ایلدکن صکره بشقه اره وارمش اولان خاتونه اطلاق اولنور. كذلك یاورینسی یرتیجی جانور پاره لمش اولان اینکه دخی اطلاق اولنور.

(افتقاد)، افتعال وزنده و (تفقّد)، تفعل وزنده بر آدم غائب ایلدیکی نسنه یی آراشدیرمق معناسنه در.

مفقوده متعلق احکام و مسائل شرعیه کتاب مذکورده محرر در.



## § — ۱۵

## [ کتاب الآبق ]

(آبق)، همزه نك فتحی و يانك سكونی و فحتین ايله و (آباق) كتاب وزننده كوله ،  
افنديسندن خوف و اندیشه سی یا خود اعمال شاقه دردی اولیه رق هوا سنه تبعیته قاچق  
معنا سنه در. بر قوله كوره كیزلنوب بعده بر ستمه قاچوب كیتك معنا سنه در .

(آبق)، صاحب وزننده و (آبوق)، صبور وزننده اسم فاعل لر در . مولا سندن فرار  
ایدن كوله یه اطلاق اولنور. (آبق) لفظنك جمعی كفّار و ركع وزنلرنده (آباق) و (آبق)  
كلور. لكن مقتضای ماده (آبوق) لفظی قاچان كوله یه اطلاق اولنمقدردر .

(تآبق)، تفعّل وزننده كیزلنك و بر قوله كوره بر یرده اویالنوب قالمق معنا سنه در .  
كناه ارتكاب ایلک معنا سنه دخی مستعملدر .

كتاب مذکور، (آبق)ه متعلق احكام و مسائل شرعیه یی حاوی در .



## § - ۱۸

## [کتاب الوقف]

(وقف)، واولك فتحی وفاقك سکونی ایله لغتده حبس معناسنه در. شرعده «حبس العین علی ملک الوقف والتصدق بالمنفعة» تعریفی ایله معرف در یعنی برملکی بیع وشرادن علی وجه التأبید [۱] آلیقومق معناسنه درکه مالی وقف ایلک تعبیر اولنور. وقفه متعلق مسائل واحکام شرعیه، کتاب مذکورده محرردر.

[۱] تأبید، تفعیل وزننده، ابد لفظندن مصدر اولوب باقی و مخلد قیلق معناسنه در. «یقال فلان وقف ارضه وقفا مؤبدا اذا جعلها بحیث لا تباع ولا تورث».

(ابد)، همزه نك وبای موحده نك فتحی یله دهر معناسنه درکه زمان طویل وامد ممدوددن عبارتدر. همزه نك مدی ایله جمعی (آباد) کلور و همزه نك ضمی ایله جمعی (ابود) کلور. بعض علمای کرام حضراتنک بیانه کوره ابد، متجزی اولیان زمان ممتدک مدتندن عبارتدر زمان، متجزی اولور ابد، متجزی اولمز مثلاً «وقع فی زمان کذا» دینور «فی ابد کذا» دینمز. بو حاله کوره ابد، آخرک انضمامی قابل اولماقله تشیه و جعلنسی کرچه ممکن اولیوب لکن اسم جنسی بعض افرادینه تخصیص ایتدکلی کبی بونی دخی بعض مشمولاتنه تخصیص ایله جمع و تشیه سسنه مساغ بولدیلر. بعض علمای کرم حضراتنک بیانه کوره ابد، ظرف زمان در وقت بیغایه مستقیله مستعملدر ضدی اولان لفظ ازل، ماضیده مستعملدر. ابد، دهر معناسنه استعمال اولنورکه زمان مدیددن عبارتدر و بونلر جعلینه مضاف اولوب (ابد الآباد) و (ازل الآزال) دینور ایکی معنای سرمدی جامع کله لر در و ابد لفظندن بعض مشتقات تصریف ایدوب انلره تأکید ایچون مضاف ایدرلر. (ابد)، همیشه ودائم معناسنده دخی استعمال اولنور. (ابدی)، دائمی دیمکدر. (ابد)، قدیم ازلی معناسنه درکه صفات الهیه دن در.



## § — ۱۷

## [کتاب الشرکه]

(شرکت)، شینک کسری و ضمی ایلہ لغتده خلط معناسنه در. شرعده «عبارة عن عقد بین المتشاکرین فی الاصل و الربح» تعریفی ایلہ معرف درکه فی الاصل بردن زیاده کیمسه لره برشینک اختصاصی وانلرک اول شی ایلہ امتیازی در. فقط اویلہ بر اختصاصه سبب اولان عقد، شرکت معناسنده دخی عرف واصطلاح اوله رق مستعملدر . بناءً علیه مطلقاً شرکت، ایکی قسمه تقسیم اولنوب بریسی (شرکت ملک) و دیگری (شرکت عقد) در. (شرکت ملک)، اسباب تملکدن اولان اشترا و اتماب و قبول وصیت و توارث کبی بر سبب ایلہ و یاخود خلط و اختلاط اموال ایلہ یعنی ماللری یکدیگره قابل تمیز و تفریق اولیه حق صورته قارشیدیرمق و یاخود ماللر اول صورته یکدیگره قارشمق ایلہ برشینک بردن زیاده کیمسه لره بیننده مشترک یعنی اول شینک انلره مخصوص اولمیسدر. (شرکت عقد)، ایکی یاخود زیاده کیمسه لره بیننده سرمایہ و فائده سی مشترک اولمق اوزره عقد شرکندن عبارت اولوب شریکلر بیننده ایجاب و قبول ایلہ حاصل اولور. بونلردن بشقه برده (شرکت اباحه) واردرکه مباح اولان صوکی فی الاصل کمسنه نک ملکی اولمیان شیلری اخذ و احراز ایلہ تملکه صلاحیتده عامته نک متشارک اولمیسدر.

(اشتراک)، افتعال وزننده اورتاق اولمق معناسنه در.

(تشارک) دخی او معناده در.

(مشارکت) دخی عین معناده مستعملدر.

(شریک)، امیر وزننده اورتاغک هر برینه دینور . جمعی (اشراک) کلور شهید و اشهاد کبی. كذلك جمعی شرکاء دخی کلور کرماء کبی. مؤثی شریکه اولوب جمعی شرانک در.

معاملات شرکته متعلق احکام و مسائل شرعیه، کتاب مذکورده محرر در.



### { باب البيع الفاسد }

(بیع فاسد)، اصلاً صحیح اولوبده و صفأً صحیح اولیان یعنی ذاتاً منعقد اولوبده بعض اوصاف خارجیه سی اعتباری ایله مشروع اولیان بیعدرکه بوکا متعلق احکام و مسائل شرعیه باب مذکورده محرردر.

### { باب الاقاله }

(اقاله)، لغتده رفع معناسه در. شرعده عقد بیعی رفع و ازاله ایتمک معناسه اولوب بوکا متعلق احکام و مسائل شرعیه باب مذکورده ذکر و ایراد اولنمشدر.

### { باب المراجعة والتولية }

(مراجعة)، ربح کله سندن مصدردر. شرعده «بیع ماملکه من العروض [۱] بما قام علیه وبفضل» تعریفی ایله معرف در. تویه، «ولی غیره جعله والیا» ترکیبده کی ولی لفظندن مصدردر. شرعده «بیعه بئمه الاول» تعریفی ایله معرف درکه بونلره متعلق مسائل شرعیه باب مذکورده محرردر.

### { باب الربا }

(ربا) لغتده مطلق زیاده معناسه در شرعده «فضل خال عن عوض بمعیار شرعی مشروط لاحد المتعاقدين فی المعاوضة» تعریفی ایله معرف اولوب بوکا متعلق احکام و مسائل شرعیه باب مذکورده محرردر.

### { باب الحقوق }

(حقوق)، حق لفظنک جمعی در. (حق) باطلک خلاقی در. میعه تابع اولان حقوقه متعلق مسائل شرعیه باب مذکورده محرردر.

[۱] عروض، «عرض» ک جمعی اولوب تقود و حیواناتدن و مکیمات و موزوناتدن بشقه اولان متاع و قاش و امثالی شیلره اطلاق اولنور.

## § - ۱۹

## [کتاب البیوع]

(بیوع)، بیع لفظک جمع در. بیع «مقابله شیء مرغوب فيه بمثل علی وجه مخصوص»  
تعریفی ایله معرف در.

علمای کرام حضراتی جانبندن بیوعه متعلق احکام و مسائل شرعیه بوجه آتی  
ابواب عدیده اوزرینه جمع و ترتیب بیورلمشدر. ابواب مذکوره، (باب خيار الشرط)  
(باب خيار الرؤية) (باب خيار العيب) (باب البيع الفاسد) (باب الاقالة) (باب المراجعة والتولية)  
(باب الربا) (باب الحقوق) (باب الاستحقاق) (باب السلم) (باب الصرف) در.

## {باب خيار الشرط}

(خيار)، مخيرك ديمكدر.

(خيار شرط)، بايع ويا مشترى وياخود ايکسی بردن مدت معلومه ايچنده بيعی فسخ  
ایتمک وياخود اجازت ايله انفاذ ايتک خصوصنده مخير اولمق اوزره بيعده شرطدن  
عبارت اولوب بوكا متعلق احکام و مسائل شرعیه باب مذکوره محرردر.

## {باب خيار الرؤية}

(خيار رؤية) برکيسه برمالی کورمدين اشترای ايتسه کورنجهيه دك مخير اولوب کوردکده  
ديلرسه فسخ ايتمک وديلرسه قبول ايتسکدن عبارتدر که بوكا متعلق احکام و مسائل شرعیه  
باب مذکوره محرردر.

## {باب خيار العيب}

(بيع مطلق)، مبيعك عيدين سالم اولمسنی اقتضا ايدر. بيع مطلق ايله صاتيلاں برمالده  
عيب قديمی تبين ايتدکده مشترى مخيردر. ديلرسه رد ايدر وديلرسه ثمن ايله قبول ايلر.  
يوقسه مالی اليقويويوده عيبی ايچون بهاسنی تنقيص ايده من. ايشته بوكا خيار عيب دينور.  
عيب ديو اهل واربایی بيننده مالک بهاسنه ايراث نقصان ايدن قصوره دينور.  
خيار عيه متعلق احکام و مسائل شرعیه باب مذکوره محرردر.

## § — ۲۰

## [کتاب الکفالة]

(کفالت)، لغتده ضم معناسنه در. شرعده بر شئک مطالبه سی حقنده ذمتی ذمته ضم ایتکدر. یعنی بر کیسه ذاتی دیگرک ذاته ضم ایدوب وانک حقنده لازم کلان مطالبه بی کندو دخی التزام ایلکدر.

(کفالت بالنفس)، بر ادمک شخصنه کفیل اولمقدر.

(کفالت بالمال)، بر مالک اداسنه کفیل اولمقدر.

(کفالت بالتسلیم)، بر مالک تسلیمه کفیل اولمقدر.

(کفالت بالدرك)، مبيع بالاستحقاق ضبط اولدینی تقدیرده اچه سنی ادا و تسلیمه ویاخود بایعک نفسه کفیل اولمقدر.

(کفالت منجزه)، شرطه معلق وزمان مستقبله مضاف اولیان کفالت در.

(کفیل)، کندو ذمتی اخرک ذمتنه ضم ایدن یعنی اخرک متعهد اولدینی شیئه کندو دخی متعهد اولان کیسه درکه اول آخره (اصیل) و (مکفول عنه) دینور.

(مکفول له)، کفالت خصوصنده طالب وداین اولان کیسه در.

(مکفول به)، کفیلک تسلیمه یا اداسنه متعهد اولدینی شیدرکه کفالت بالنفسده مکفول عنه ایله مکفول به برشی در.

کفالتله متعلق مسائل واحکام شرعیه، کتب فقهیه نک کتاب الکفاله قسمده محرر در.





## { باب الاستحقاق }

(استحقاق)، طلب حق معنای در.

(استحقاق)، ایکی نوعدر. بریسی ملکی مبطلدر عتق و امثالی کی. ایکنجیسی ملکی بر شخصدن اخره نقلدر ملکه استحقاق کی.

باب مذکور، استحقاقه متعلق مسائل واحکام شرعیه بی حاوی در.

## { باب السلم }

(سلم)، لغتده وزناً و معناً سلف کی در. شرعده «بیع آجل بعاجل» تعریفی ایله معرف در که مؤجلی معجله صاتمق یعنی پشین پاره ایله ویره سی یه مال المقدر.

باب مذکور، سلمه متعلق مسائل واحکام شرعیه بی حاوی در.

## { باب الصرف }

(صرف)، لغتده زیاده معنای در. شرعده «بیع الثمن بالثمن جنسا بجنس او بغیر جنس کذهب بفضة» تعریفی ایله معرف اولوب بوکا متعلق مسائل واحکام شرعیه باب مذکورده محرردر.



## § — ۲۲

## [کتاب القضا]

(قضا). مدّ وقصر ايله لغته حکم معناسه در.

شرعه «فصل الخصومات وقطع المنازعات» تعریفی ايله معرف اولوب حکم و حاکمک مغالینه کلور.

(حاکم)، بین الناس وقوعبولان دعوا وخصمه یی احکام مشروعه سنه توفیقاً فصل وحسم ایچون طرف سلطانیدن نصب و تعیین بیوریلان ذات در.

(حکم)، حاکمک مخاصمه یی قطع وحسم ایلسیدرکه ایکی قسمه منقسیدر.

قسم اول، حاکمک حکم ایتدم ادعا اولنان شیئی ویر دیمک کبی سوزلر ايله محکوم بهی محکوم علیه الزام ایتسی یعنی لازم قیلسی در. ایشته بوکا (قضاء الزام) و (قضاء استحقاق) دینور.

قسم ثانی، حاکمک حقک یوقدر، منازعه دن ممنوعسک دیمک کبی سوزلر ايله مدعی یی منازعه دن منع ایتسیدر. بوکاده (قضاء ترك) دینور.

(محکوم به)، حاکمک محکوم علیه الزام ایلدیکی شیدرکه قضاء الزامده مدعینک حققی ایفا ایتسی وقضاء ترکه مدعینک منازعه دن واز کچمسیدر.

(محکوم علیه)، علیه حکم اولنان کیسه در.

(محکوم له)، لینه حکم اولنان کیسه در.

قضایه متعلق مسائل شرعیه کتاب مذکورده محرردر.

## {باب التحکیم}

(تحکیم)، خصمینک خصومت ودعوالرینی فصل ایچون رضالری ايله اخر کیسه یی حاکم اتخاذ ایتلرندن عبارتدر. اول کیسه یه فحختین ايله «حکم» ومیمک ضعی وحانک قحی وکاف مشدده مفتوحه ايله محکم دینور.

باب مذکور تحکیکه متعلق احکام ومسائل شرعیه یی حاوی در.

## § — ۲۱

## [کتاب الحواله]

(حواله)، لغتده نقل معناسنه اولوب احاله لفظندن استدر . شرعه دینی برذمتدن دیگر ذمه [۱] نقل ایلکدر .

(محیل)، حواله ایدن کیسه درکه مدیون در .

(محال له)، داین اولان کیسه در .

(محال علیه)، کندو اوزرینه حواله یی قبول ایدن کیسه در .

(محال به)، حواله اولنان مال در .

(حواله مقیده)، محیلک محال علیه ذمتده یا خود یدنده اولان مالندن ویرمک اوزره دیو مقید اولان حواله در .

(حواله مطلقه)، محیلک محال علیده اولان مالندن ویرمک اوزره دیو مقید اولیان حواله در .

حواله یه متعلق احکام و مسائل شرعی کتب فقهیه نك «کتاب الحواله» قسمنده محرردر .



[۱] ذمت، ذلک کسری ایله عهد و امان معناسنه درکه نقضی موجب ذم اولور .  
(ذمت)، کفالت معناسنده دخی مستعملدر . کندولری ایله عهد و پیمان اولنمش جماعته دخی دینورکه محل ذمتلدر . فقهای کرام حضراتنک «ثبت فی ذمتی کذا» قولی عهد معناسنه اولوب محل التزام عهده استعمال ایلدکری علمای کرام حضراتی جانبندن بیان بیورلشدر .

(مشاهده)، مفاعله وزنده برنسنه یی رو برو کورمک معناسنه در.

(تشهد)، تفعل وزنده نمازده یعنی قعده ده کله شهادتی مشتمل اولان تحیاتی اوقومق معناسنه درکه وضع شرعی در.

(مشهود)، جمعه کونی و بر قوله کوره قیامت کونی و یا خود عرفه کونی درکه مراد، «و شاهد و مشهود» آیت کریمه سنده شرفواقع اولان «مشهود» کله جلیله سی اوله جقدر.

(اشهاد)، همزه نك کسری ایله برنسنه یی حضوره کتورمک معناسنه در.

(مشهد)، مکرم وزنده اشهاد لفظندن اسم مفعول در. معرکده شهید اولان آدمه دینور.

(مشهد)، مقعد وزند و (مشهد) ها ایله و (مشهد) هانك ضعی ایله ناسك حاضر اوله جق یرلینه دینور.

(استشهاد)، بر آدمدن بر ماده یه شاهدك ایلسنی ایسته مک معناسنه در. كذلك شهید [۱] اولوق یعنی فی سبیل الله قتل اولنق معناسنه دخی استعمال اولنور.

شهادته متعلق مسائل واحکام شرعی، کتاب مذکورده محرردر.



[۱] (شهید)، کثیر وزنده شاهد و کواه معناسنه در. شهید، شهادت خصوصنده امین و موثوق به اولان کسنه یه دخی دینور. (شهید)، اسماء حسنادندر. علندن اصلا برنسنه غائب اولوب مجموع اشیا علنده حاضر اولان ذات اجل و اعلانك اسم شریفی در. شهید عرف شرعه فی سبیل الله مقتول اولان ذاته اطلاق اولنور که فعل وزنی مفعول و فاعل معارینه در. اوزاته شهید اطلاق، غسلنه یا خود نقلنه ملائکه رحمت حاضر اولدقلرینه مبنی در. یا خود حق جل و علا و ملائکه لری انك جنت ایله منم اولسی خصوصنده شاهد اولدقلرینه مبنی در. یا خود یوم قیامتده امم خالیه سالفه حقنده استشهاد اولنان ذواتدن اولدینی ایچون در. یا خود شاهده اوزره یعنی متأثراً ارض اوزرنده ساقط اولدینی ایچون در. یا خود کویا که وفات ایتیموب حضور الهیده حاضر وزنده اولدینی ایچون در. یا خود عالم ملک و ملکوتی مشاهده ایلدیکنه مبنی در. (شهید)ك جمعی، کرماء وزنده (شهدا) کلور، (شاهده)، ها ایله ارضه اطلاق اولنور.

(شهید)، زیر وزنده اسامیدن در. «الشیخ الزاهد عمر بن سعد بن شهید» امیر حص ایدی و «احمد بن عبد الملك بن شهید» ادیب مشهور و قرطبی الاصل اولوب «حانوت العطار» اسمی ایله مسمی اولان کتابك مؤلفی در.

## § — ۲۳

## [کتاب الشهادات]

(شهادات)، شهادت لفظنك جمعی در

(شهادت) سعادت وزنده اولوب لغتده خبر قاطع معناسنه در. اصطلاح فقهاده «اخبار صدق لاثبات حق بلفظ الشهادة فی مجلس القاضی» تعریفی ایله معرف در. یعنی شهادت، برکیسه نك اخر کمسنده اولان حقنی اثبات ایچون حضور حاکمه و خصمینک مواجهه لرنده شهادت لفظی ایله یعنی شهادت ایدرم دیو خبر ویرمکدر. اشبو مخبره (شاهد) [۱] واول کیسه یه (مشهود له) واول کمسنه یه (مشهود علیه) واول حقه (مشهود به) دینور.

بعض علمای کرام حضراتنك بیاننه کوره (شهود) و (شهاد)، حضور مع المشاهده معناسنه موضوعدر. اوده بصر و بصیرت ایله اولورکه علم اوله جقدر. بعضاً حضور مجردده استعمال اولنور. لکن حضور مجردده (شهود) و حضور مع المشاهده ده (شهادت) لفظنك استعمالی اولی در. (شهادت) که شاهدك دیمکدر بصر ویا بصیرت ایله مشاهده سببی ایله حاصل اولان علم واطلاعدن ناشی صدور ایدن قولدن عبارتدر. کاه اولورکه قسم مجراسنده اجرا اولنور «اشهد بالله انه کذا» دینورکه «اشهد» لفظی «احلف» معناسنه در. «بالله» لفظندن مجرد اولدینی حالده دخی استعمال اولنور.

(شهادت)، اسم اولوب فی سبیل الله قتل اولتمغه دخی دینور.

[۱] (شاهد)، شهود لفظندن اسم فاعل اولوب حاضر معناسنه دز. جمعی (شهود) کلور و(شهد) کلور رکع کبی. شاهد، (شهادت) دن دخی اسم فاعلدرکه فارسیده کواه و ترکیده طائق دینور بونک جمعی صحب وزنده شهد کلور وجع الجمعی (شهود) و(اشهاد) لفظلری در.

(شاهد)، اسماء جلیلة نبویه دن در علیه الصلاة والسلام. (شاهد) لفظی لسانه و ملائکه یه یعنی ملائکه حفظیه و جمعه کونه و بیلدیزه و ولدک حین تولدنده بر ارجه ظهور ایدن غلیظ صویه و سدرتله بجریلان امر و مصطلحه دخی اطلاق اولنور. (صلاة الشاهد)، صلاة مغربك دخی اسمی اولوب علت تسمیه، شاهد اسمنده برنجمک طلوعنده صلاة مغربك ادا اولغسی مناسبته مبنی در.

## § — ۲۵

## [کتاب الدعوی]

(دعوی) بر یکسہ دیگر کسہدن حضور حا کمدہ حقنی طلب ایتکدر . اول یکسہیہ (مدعی) و اول کسہیہ (مدعا علیہ) دینور .

(مدعا)، مدعینک دعوی ایلدیکی شیدرکه اکا (مدعاہ) دخی دینور .

دعوانک شروط صحته و دفع دعواہ [۱] و خصه و تناقضه [۲] و متفرعاته متعلق احکام و مسائل شرعیہ، کتاب مذکورده محرر در .

[۱] (دفع دعوی)، مدعا علیہ طرفدن مدعینک دعواسنی دفع ایدہجک بر دعوی در میان اولمقدر . مثلاً بر یکسہ جهت قرضدن طولانی شو قدر غروش دعوی ایتدکده مدعا علیہ بنانی ادا ایتشیدم یاخود سن بنی اندن ابرا ایلشیدک یاخود بز صلح اولمش ایدک یاخود بو مبلغ قرض دکدر، بلکه سکا صاتمش اولدیغم فلان مالک نمیدر و یاخود فلان کسہده الہجیم اولان اولمقدار غروشی سکا حواله ایتکله سن دخی بکا اول مبلغی ویرمشیدک دیسه مدعینک دعواسنی دفع ایتمش اولور .

کذا بر یکسہ دیگر کسہدن فلانک ذمتنده الہجیم اولان شو قدر غروشه سن کفیل اولمشیدک دیو دعوی ایتدکده اول کسہ مدیونک مبلغ مزبوری ادا ایلش ایدوکنی ادا ایتسه مدعینک دعواسنی دفع ایتمش اولور .

کذا بر یکسہ دیگر کسہنک یدنده بولنان بر مالی بخدر دیو دعوی ایتدکده اول کسہ اکا بوندن مقدم فلان ادم اول مالی بندن دعوی ایتدکده سن انک دعواسنه شہادت ایتشیدک دیو ادا ایلسه مدعینک دعواسنی دفع ایتمش اولور .

کذاک بر یکسہ بر متوفانک ترکه سندن شو قدر غروش الہجی دعوی و وارثک انکاری اوزرینہ بودعواسنی اثبات ایتدن صکره متوفانک حال حیاتنده اول دینی ادا ایلش اولدیغنی وارثی ادا ایلسه مدعینک دعواسنی دفع ایتمش اولور .

[۲] (تناقض)، مدعیدن کندی دعواسنه مناقض یعنی دعواسنک بطلاننی موجب برسوز سبقت ایلش اولمقدر .



## § — ۲۴

## [کتاب الوکاله]

(وکالت)، وَاوَك فُتْحَى وَكسرى ايله بر کيسه ايشنى بشقه سنه تفويض ايتمک واول ايشده انى کندو يرينه اقامه ايلکدر. اول کيسه يه (مؤکل) و يرينه اقامه ايلديکي کيسه يه (وکیل) و اول ايشه (موکل به) دينور.

(توکیل)، تفعیل وزننده بر آدمی وکیل قیللق معناسه در.  
وکیل، وکل لفظندن اسم در.

(وکل)، اکل وزننده هر خصوصه حضرت خدای متعاله اعتماد و انقياد ايلک معناسه در.

(وکول)، وصول وزننده بر ايشی بالکليه بر آدمه سپارش ايدوب اصم رلق معناسه در.  
(توکل)، تفعیل وزننده بو دخی ايشده خدای متعال حضرتلرينه اطاعت و انقياد ايلک معناسه در.

(ايکال)، همزه نك کسرى ايله و(اتکال) افتعال وزننده خدای متعال حضرتلرينه تسليم امور ايله انقياد و اعتماد ايلک معناسه در.

(وکل)، فتختين ايله و(وکه)، همزه وزننده و(تکه) كذلك همزه وزننده و(مواکل) مسافر وزننده کندی امور و مصالحنده عاجز اولغله امورینی دائماً غيره سپارش و تفويض ایدن آدمه دينور.

(تواکل)، بر آدمی ناس بالکليه ترك و فراموش ايدوب اندن بی قيد اولق معناسه در.  
(تکلان)، تانک ضمی ايله اسم اولوب توکل معناسه در. اظهار عجز ايله غيره اعتماد ايلک دينور. تکلان کلمه سنده تا حرفی و اودن منقلب در. (متوکل)، توکل ايدیچی ديمکدر. وکالت متعلق احکام و مسائل شرعيه، کتاب مذکورک ابواب متعلقه سنده محرر در.



## § — ۲۷

## [کتاب الصلح]

(صلح)، لغتده صادق قحی ایله مصالحه لفظندن اسم در. شرعهه بالتراضی نزاعی رفع ایدن عقددرکه [۱] ایجاب [۲] وقبول [۳] ایله منعقد اولور.

(مصالح)، عقد صلح ایدن کمسنه در.

(مصالح علیه)، بدل صلح دیمکدر.

(مصالح عنه) مدعا به اولان شیء در.

صلح، اوچ قسمدر.

(قسم اول) عن اقرار صلحدرکه مدعی علیه اقراری اوزرینه واقع اولان صلحدر.

(قسم ثانی) عن انکار صلحدرکه مدعی علیه انکاری اوزرینه واقع اولان صلحدر.

(قسم ثالث) عن سکوت صلحدرکه مدعی علیه اقرار وانکار ایتیموب سکوتی اوزرینه

واقع اولان صلحدر.

(ابرا)، ایکی قسم اولوب بریسی ابراء اسقاط و دیگری ابرای استيفادر.

[۱] عقد، اصطلاحده ایجاب وقبول ایله اجزای تصرف ربطندن عبارتدر. دیگر برتعریفه کوره عقد، طرفینک برخصوصی التزام وتعهد ایتلمی درکه ایجاب وقبولک ارتباطندن عبارتدر.

[۲] ایجاب، اصطلاحده انشای تصرف ایچون ابتدا سویلنیلان سوزدرکه تصرف، انکله اثبات اولنور.

[۳] قبول، انشای تصرف ایچون ثانی سویلنیلان سوزدرکه انکله عقد تمام اولور. ایجاب وقبول ایچون اکثریا ماضی صیفه سی استعمال اولنور مثلاً بایع شو متاعی سکا یوز غروشه صاتمدم ومشتري دخی الدم ویاخود مشتري الدم وبعده بایع صاتمدم دیسه بیع منعقد اولوب اولکی صورتده (صاتمدم) لفظی ایجاب و (الدم) لفظی قبول وایکینجی صورتده (الدم) لفظی ایجاب و (صاتمدم) لفظی قبول در. کذا بایع صاتمدم یرنده ویردم ویاخود تملیک ایتدم دیوب مشتري دخی الدم یرنده راضی اولدم ویاخود قبول ایلدم دیسه بیع منعقد اولور.



## § - ۲۶

## [ کتاب الاقرار ]

(اقرار)، همزه نك كسرى ايله لغتده اثبات [۱] ايتك وپايدار قيلق معناسنه در .  
 شرعه بر كيمسه ديكر كمسنه نك كندوسنده اولان حقى اعتراف [۲] ايتكدر . اول كيمسه  
 (مقر) واول كمسنه يه (مقرله) واول حقه (مقره) دينور .  
 . اقراره متعلق مسائل واحكام شرعيه ، كتاب مذكوره محرر در .

[۱] اثبات، همزه نك كسرى ايله ثابت وپايدار ايتك معناسنه در . كذلك برنسنه يه كنه حقيقى  
 اوزره مطلع اولوب اونسنه يي بيلك معناسنده دخى استعمال اولنور . بر كيمسه يي حر كته بي مجال ايتك  
 وجهله ضرب وجر ايتك معناسنده دخى مستعملدر .

اثبات، همزه نك فتحى ايله ثقات معناسنه در كه موثوق به ومعتمد عليه اولان كيمسه لر در . بونك  
 مفردى «ثبت» لفظى در . فتحين ايله اصل ثبت ثبات فى الحرب معناسنه اسم در . بعده دليل وحجته  
 اطلاق اولمشدر بعده مجاز بمرتبتين علاقه سيله ثقه ومعتمد عليه آدمه اطلاق اولمشدر . عرف محدثينده  
 ثبت سند ، سلسله لرى قيد واثبات اولمش سلسله نامه يه اطلاق اولنور .

[۲] اعتراف، افتعال وزننده بيلك ايچون خبر صورمى معناسنه در . اقرار ايتك معناسنده دخى  
 مستعملدر . صبر و ثبات ايتك معناسنه دخى كلور . بر كيمسه اسم و رسمى ايله خبر و پرمك معناسنده دخى  
 استعمال اولنور . برنسنه يه دلالت ايتك معناسنه دخى كلور .



## § — ۲۸

## [کتاب المضاربه]

(مضاربه) ، بر طرفدن سرمایه و دیگر طرفدن سعی و عمل اولمق اوزره برنوع شرکتدر. سرمایه صاحبه (رب المال) و عامله (مضارب) دینور .

مضاربه نك ركنی ایجاب و قبولدر.

مثلا رب المال ، مضاربه شو سرمایه یی آل ربھی ینغزده یاری یاریه یاخود ایکلی برلی تقسیم اولمق اوزره مضاربه سعی و عمل ایت دیسه یاخود شو پاره لری آل و سرمایه ایت ربھی ینغزده شو نسبت اوزره مشترک. اولسون دیمك کبی مضاربه معناسنی افاده ایدر برسوز سویلسه و مضارب دخی قبول ایلسه مضاربه منعقد اولور.

مضاربه ایکی قسمدر . بریسی (مضاربه مطلقه) و دیگری (مضاربه مقیده) در .

(مضاربه مطلقه) زمان و مکان و برنوع تجارت ایله و بایع و مشتری یی تعیینله مقید اولیان مضاربهدر .

(مضاربه مقیده) ، زمان و مکان و برنوع تجارت ایله و بایع و مشتری یی تعیینله تقید اولنان مضاربهدر . مثلا فلان وقت یا فلان یرده یاخود فلان جنس مال آل صات و یاخود فلان کیسه لر ایله یاخود فلان بلده اهالیسی ایله آتش و یرش ایت دیسه مضاربه مقیده اولور . مضاربه یه متعلق مسائل و احکام شرعیه ، کتاب مذکورده محرردر .



(إبراء إسقاط)، برکیمسه دیگر کمسنده اولان حقنک تمامی اسقاط یاخود برمقدارینی حط و تنزیل ایله اول کمسنه یی بری قیلقدرد.

(إبراء استیفا)، برکیمسه دیگر کمسنه دن حقنی قبض واستیفا ایلش اولدیغنی اعتراف ایلکدن عبارت اوله رق برنوع اقراردر.

(إبراء خاص) برخانه یاخود برچقنک و یاخود برجهتدن طولای الهجق دعواسی کبی برخصوصه متعلق دعوادن برکسنه یی ابرا ایتکدر.

(إبراء عام)، کافه دعاویدن برکسنه یی ابرا ایتکدر.

صلح و ابرایه متعلق مسائل و احکام شرعیه کتاب مذکورده محرردر.



## § - ۳۰

## [ کتاب العاریة ]

(عاریت)، لغتده اعارة الشی معناسنه در. شرعده مجاناً یعنی بلا بدل منفعتی تملیک اولنان مالدرکه (معار) و (مستعار) دخی دینور.

(اعاره)، عاریت ویرمکدرکه ویرن کیسهیه (معیر) دینور.

(استعاره)، عاریت المقدرکه الان کیسهیه (مستیر) دینور.

(اعاره)، ایجاب و قبول ایله و تعاطی ایله منعقد اولور. مثلاً برکیسه برینه شو مالی سکا اعاره ایتدم یاخود عاریت ویردم دیوب اودخی قبول ایلدم دیسه یاخود برشی سویلیهرك قبض ایتسه ویاخود بری دیگرینه شو مان بکا عاریت ویر دیوب اودخی ویرسه اعاره منعقد اولور.

معيرك سکوتی قبول صایلاز. بناءً علیه برکیسه برندن برشی عاریت ایستیوبده صاحبی سکوت ایلتش اولدینی حالده السه غاصب اولور.

عاریته متعلق مسائل و احکام شرعیه، کتاب مذکورده محرردر.



## § — ۲۹

## [کتاب الایداع]

(ایداع)، ودیع لفظانیدن مأخوذ اولوب لغتده ترك مغناسنه در. شرعهده کندو مالک محافظه سنی دیگره احاله ایتکدرکه احاله ایدن کیسه یه دال حرفنک کسری ایله (مودع) وقبول ایدن کیسه یه (ودیع) ودالک قحی ایله (مستودع) دینور.

(ودیع) حفظ ایچون برکیسه یه ایداع اولنان مال در.

صراحة یاخود دلالة اثبات وقبول ایله ایداع منعقد اولور.

مثلا صاحب ودیعه شو مالی سکا ایداع ایتدم یاخود امانت ایلدم دیوب مستودع دخی قبول ایتدم دیسه صراحة ایداع منعقد اولور.

کذا برکیسه خانه داخل اوله رق خانجی یه حیوانی نزمیه باغلیهم دیدکده خانجی بریر کوستروب او دخی اورایه باغلسه دلالة ایداع منعقد اولور.

کذلك برکیسه مالی بردکانشینک یانه براغوب کیتسه و او دخی کوروب سکوت ایتسه اول مال اول دکان صاحبی نزدنده ودیعه اولور و اگر دکان صاحبی قبول ایتم دیهرک رد ایتسه ایداع منعقد اولماز.

کذلك برکیسه مالی ودیعه اولمق اوزره برقاچ کشینک یانه براغوب کیتسه وانلر دخی کوروب سکوت ایتسه لر اول مال جمله سنک نزدنده ودیعه اولور فقط برر برر اول محلدن قالقوب کیتسه لر اک صکره قالان کیسه حفظه تعین ایتکله انک نزدنده ودیعه اولمش اولور.

ایداعه و ضمان ودیعه یه متعلق مسائل واحکام شرعیه، کتاب مذکورده محرردر.



## § - ۳۲

## [کتاب الاجاره]

(اجاره)، لغتده اجرتك اسمی در. فقط ایجار معناسنده دخی مستعملدر. اصطلاح فقهاده منفعت معلومی عوض معلوم مقابله سنده بیع ایتمك در.

(اجرت)، کرا یعنی بدل منفعت در.

(ایجار) کرایه ویرمك در.

(استیجار) کرا ایله طوتمق در.

(آجر)، اجاره یه ویرن کیسه در. میك ضمی ایله مکاری و کسر جیم ایله موجر دخی دینور.

(مستأجر) کسر جیم ایله استیجار ایدن کیسه در.

(مأجور) کرایه ویریلان شی در. جملرك قحی ایله (موجر) و (مستأجر) دخی دینور.

(مستأجر فیه) اجيرك عهد اجاره ایله التزام ایلدیکی عملی ایفا ایچون مستأجر طرفدن کندوسنه تسلیم اولنان مالدر.

(اجیر) نفسنی کرایه ویرن کیسه در.

(اجر مثل)، بیغرض اهل وقوفك تقدیر ایتدکری اجرتدر.

(اجر مسمی) حین عقدہ ذکر و تعیین اولنان اجرتدر.

معاملات اجاره یه و اجاره فاسده یه و ضمان اجیر ایله فسخ اجاره یه متعلق مسائل واحکام شرعی، «کتاب الاجاره» نك ابواب مخصوصه سنده مذکوردر.



## § — ۳۱

## [کتاب الهبه]

(هبه)، بلا عوض بر مالی اخره تمليك ايتمكدر .

(واهب) هبه ايدن كيسهيه اطلاق اولنور .

(موهوب) هبه اولتمش ماله دينور .

(موهوبله) هبه ي قبول ايدن كيسهيه دينور .

(اتهاب) دخي هبه ي قبول ايتمكدر .

هبنك ركن [۱] وقبضنه وشرائطنه وهبه دن رجوعه وهبه مريضه متعلق مسائل واحكام شرعيه، كتاب مذكورك فصول متعلقه سنده محرردر .

[۱] ركن، رانك ضمي ايله بر نسنه نك پاك قوی و محكم اولان جانبته وكوشه و ضلعنه دينور . امر عظيم معناسنه دخي كلور . مدار قوت اولان نسنه يه دخي اطلاق اولنور ملك و مال وعسكر ومتعلقات كي . چشم وشوكته دخي اطلاق اولنور .

اصطلاحده (ركن الشيء) «مايقوم به ذلك الشيء من التقويم اذ قوام الشيء بركنه لا من القيام والا يلزم ان يكون الفاعل ركنًا للفعل والجسم ركنًا للمرض والموصوف للصفة وقيل ركن الشيء ما يمتبه وهو داخل فيه بخلاف شرطه وهو خارج عنه»

يعني شيئك ركني اولدر كه شي، اوركن ايله تقوم ايدر . زيرا شيئك قوامي ركن ايله در قيام ايله دكلدر . اكر قيام ايله اولسه فاعل ، فعل ايچون وجسم ، عرض ايچون و موصوف ، صفت ايچون ركن اولق لازم كلور . وبرقوله كوره شيئك ركني اولدر كه شي انكله تمام اولور و ركن ، اوشيئك شرطي خلافيه ملايس اولديغي حالده او شیده داخلدر او شيئك شرطي اوشیدن خارجدر .

(تركن)، تفعل وزننده بر آدم قوت وشدت بولق معناسنه در . وقار و تمكين پيدا ايلك معناسنه دخي كلور .

(ركين)، امير وزننده هر جانبي عالي وسربلند اولان طاغه دينور . وقار و تمكين صاحبي آدمه دخي اطلاق اولنور .

(ركانه)، سلامه وزننده و(ركانيه) رفاهيه وزننده و(ركونه) عمومه وزننده وقار و تمكين صاحبي اولق معناسنه در .

## § - ۳۴

## [کتاب الاولاء]

(ولاء)، ولی [۱] لفظن دن مشتق اولوب ملك و مالکیت معناسنه در. یقینلق معناسنه دخی کلور. بعض علمای کرام حضراتک بیاننه کوره (ولاء عتق) بونلردن مأخوذدر.

(ولاء) شرعهده «عبارة عن التناصر بولاء العتاقة او بولاء الموالاة» تعریفی ایله معرفف اولوب بوکا متعلق مسائل واحکام شرعیه، کتاب مذکورده محرردر.

[۱] (ولی) واوک فحی ولامک سکونی ایله برنسنه یه بك یقین اوللق معناسنه در. كذلك ولی، برشیته قریب اولان نسنه یه دینورکه وصف بالمصدردر.

(ولی)، غنی وزننده بر آدمک دوستنه یار وصدیقنه دینور. معین ونصیر معناسنه دخی مستعملدر. بعض علمای کرام حضراتک بیاننه کوره اشبو ولی مادهسی ایکی یاخود زیاده نسنه تک بینلرینه اجنبی تحلل ایتیه رک متعاقباً حصوللرینه موضوعدر، واستعاره وجهی ایله حصول مذکور، من حیث المكان ومن حیث النسبة ومن حیث الدين ومن حیث الصداقة ومن حیث النصرة ومن حیث الاعتقاد قریبته استعمال اولنور.

(ولایه) واوک کسری ایله و (ولایه) واوک فحی ایله بر نسنه یه قدرت جهتی ایله برأسه ضابط و متصرف اوللق معناسنه در وعند البعض واوک فحی ایله مصدردر ذکر اولنان ولی مادهلرندن که دوست وصدیق و برآدمه معین ونصیر اوللق معناسنه در.

(مولی)، میمک فحی والفک قصری ایله مالک معناسنه در. قول آزاد ایدن آدمه، آزاد اولمش قوله، برآدمک یارینه وهمد و صاحبنه، برکیمسه نک یقین خصمنه، قومشویه دخی دینور. برآدمک همعهینه و خلیف و معاهدینه، دخی دینورکه فرائضده «مولی الموالاة» بوندن در. برآدمک اوغلنه، عموچه سنه، مهمان و تزیلنه، شریک و اورتاغنه، قز قزنداخی اوغلنه دخی اطلاق اولنور و برکیمسه نک و لیسنه دخی دینورکه امورنده و لاتی اولان کسنه دن عبارتدر. ولی نکاح ولی یتیم کی. برآدمک مر بیسنه دخی دینور معین و ناصر معناسنه در. انعام ایدن آدمه دینور. برآدمک دوستنه و محبته دینور. سید و ذیشان آدمه دخی دینور. مولی لفظنک جمی موالی در.





§ — ۳۳

[کتاب المسکات]

[۱]

(مکاتب)، مکاتبه لفظندن اسم مفعول در.

(مکاتبه)، مفاعله وزننده لغته یازو یازشقی و مکتوبلشکم معناسنه در. شرعه قول جنسی کندوسنی کتابته کسدرمک معناسنه در. یعنی کندو نفسی اوزره افدیسنه بهاسنی یازدیرمق در تا که نه زمان ادا ایدر ایسه ازاد اوله. پس یازمق، ایکی طرفدن حاصل در که افدیسی شرط مزبور وجودنده وفاء و قول دخی بهاسنی قزانوب ادا ایلک اوزره یازملرندن عبارتدر. بعض علمای کرام حضراتنک بیانه کوره قوله، اسم فاعل یعنی مکاتب و اسم مفعول یعنی مکاتب عنوانی دخی صحیح اولور. لکن ابتدا کتابه افدیدن ظهور ایلکه اسم فاعل یعنی مکاتب عنوانی آنده انصب و اوفق در، کتاب دخی بومعنایه در که مفاعله دن مصدر ثانیدر و معنای مزبورده متداول اولان کتابه، ثلاثیدن مصدر در.

[۱] (کتاب)، کافک کسری ایله و (کتب) کافک فحی و تانک سکونی ایله یازمق معناسنه در. بعض اهل تدقیقک بیانه کوره اصل کتب و کتاب، ایکی میشین و سختیان مقوله سنی ایکی صرم ایله بری برینه چاتمق معناسنه موضوع اولوب بعده عرفده یازو ایله حروفی بری برینه ضم و جمع الملک معناسنده استعمال اولندی. کذلک کتاب الفاظ و کلماتی نظم و الصاق ایلکده استعمال اولندی و تقدیر و ایجاب و فرض معنالرنده دخی مستعمل در. نته کیم آیات قرآنیهدده (۱۱) معنایه شرف ورودی بعض مفسرین کرام حضراتی طرفندن منقول در. بر نسنه به ابتدا اراده، بعده قول، بعده کتابت تعلق ایلکه اراده مبدأ و کتابت منتهی اولور. بعده مبدأ اولان مرادک توکیدی قصد اولندقدده اندن منتهی اولان کتابت ایله تعبیر اولنور. بومبجنده اهل لغت بیننده بعض مباحثه جریان ایلشدر. حاصل کلام، کتاب کله سی خطاب وزننده مصدر اولوب انکه مکتوب تسمیه سی مبالغه ایچون در. ضرب الامیر، مضروب الامیر معناسنه اولدینی کبی یاخود معنای مزبورده کتاب اسم در. لباس، ملبوسک اسمی اولدینی کبی. و کتاب بالفعل مکتوب اولتی لازم دکلددر. علاقه اولیه ایله قبل النظم کلامه ده اطلاق اولنور. کتاب، «مایکتب فیه» یعنی کندوسنه یازو یازیله حق شیئه دخی دینور کاغد و دری ولوجه کبی. کذلک یازو یازمق دواته و حقه به اطلاق اولنور که آلت کتابت در. خاصه حضرت موسی علیه الصلوة والسلام حضرتلرنه شرف نازل اولان تورات شریفه دخی کتاب اطلاق اولنور. یازو یازلمش صحیفه دخی دینور که مکتوب تعبیر اولنور فارسیده نامه دینور.



## § — ۳۶

## [کتاب الحجر]

(حجر)، [۱] حانك حرکات ثلاثی و جيك سکونی ایله و (حجران) حانك ضعی و کسری ایله لغتده مطلقاً منع ایلك معناسنه در. شرعه بر شخص مخصوصی تصرف قولیسندن منعدرکه بعد الحجر اول شخصه (محجور) دینور.

حجره متعلق مسائل و احکام شرعی، کتاب مذکورده محرر در.

[۱] حجر، حانك فتحی ایله بیاض و پاکیزه قوملغه دخی دینور. چشمك خانه سنده اطلاق اولنورکه «محجر العین» معناسنه در.

محجر، مصدر وزننده حرام معناسنه در.

حجر، عقل و هوش معناسنه دخی کاور بومعنا ناسزا اموردن صاحبی منع ایلدیکی ایچون در.

حجر، حانك فتحی و کسری ایله انسانك قوجاغنه دینور کنار و آغوش معنارینه در. کدلك حرام معناسنه دخی اسمدرکه شرعاً محرم اولان نسنه دن عبارتدر.

(حجر الکعبه)، بیت شریفك جانب شمالیسنده واقع حطیم ایله مدار اولان موضعدن عبارتدرکه بیت شریفدن در کویا که بیت شریفك قوجاغیدر یا خود حجر ایله محاط اولدینی ملاحظه سنه مبنی در.

حجر، قصراق آتّه دخی اطلاق اولنور. ارکك وقادینك نامحرم یرلینه دخی اطلاق اولنورکه «حجر الرجل» و «حجر المرأة» تعبیر اولنور.

(حجر)، فتحین ایله طاشه اطلاق اولنور. بو اطلاق، طاشك آلت منع اولدینی ایچون در.

جمعی احجاردر. حجر، معدندن چیقوب هنوز ذوب و صیافت اولنماش کومشه والتونه اطلاق اولنور.

(حجران)، التون ایله کومشدر.

(حجر)، آفت و داهیه یه دخی اطلاق اولنور،



## § - ۳۵

## [کتاب الاکراه]

(اکراه) کره [۱] لفظندن مأخوذ اولوب برکسنه یی اخافه ایله رضاسی اولقسزین برایش ایشله مک اوزره بغیر حق اجبار ایتمکدرکه اولکسنه یه را حرفتک قحی ایله (مکره) واجبار ایدن کیسه یه (مجر) و اول ایشه (مکره علیه) و خوفی موجب اولان شیئه (مکره به) دینور.

اکراه، ایکی قسمدر. قسم اول (اکراه ملجی) و قسم ثانی (اکراه غیر ملجی) در، (اکراه ملجی) که اتلاف نفس یا قطع عضو یا خود بونلردن برینه مؤدی اولور ضرب شدید ایله اولان اکراهدر.

(اکراه غیر ملجی) که یالکز غم والی موجب اولور ضرب و حبس کبی شیر ایله اولان اکراهدر.

اکراعه متعلق مسائل و احکام شرعیه، کتاب مذکورده محرردر.

[۱] کره، کافک قحی ایله اباء و مشقت معناسنه درکه نفسه اباء و امتناع ایله یکی یعنی ایستیه رک خوشلیمه رق خارجدن عارض اولان رنج و مشقتدن عبارتدر زوراکی تعبیر اولنور. بعضیلر عندنده کافک قحی ایله برکسه کندی نفسنی جبر و اکراه ایله خوشلیمه رق متحمل اولدیغی نسنه یه دینور. کافک قحی ایله غیرک تکلیف و جبری ایله متحمل اولدیغی نسنه یه دخی دینور.

(کره)، کذا کافک قحی و ضمی ایله و (کراهه) کراهه و زننده و (کراهیه) کافک قحی ایله و (مکره) مرحله و مکره و زننده لغت اولوب برنسنه طبعه ناخوش و نامالیم اولمغه خوشلیمه یوب ایکنمک معناسنه در.

(کره)، حیل و زننده و (کریه) امیر و زننده مکروه معناسنه در.



## § - ۳۹

## [کتاب الشفعة]

## [۱]

(شفعه)، غرضه وزنده بر مطلوبی، عندند اولان نسته یه ضم و زیاده ایلمکه دینورکه واحد ایکن چفت ایلمکدن عبارت اولور. عند الفقهاء متجدد الملك اولان شریک اوزره عوض مقابلی ایله قهراً ثابت اولان حق تملك نصیدن عبارتدرکه بوحق، عقارده جاری اولور عروضده جاری اولمز. مثلاً زید و عمروک ملک منزله رینک قبولری مقابلاً بر طریق خاصده اولوب حق مرورده خلیط و شریک اولسه لر زید منزلی بکره ثمن معلوم مقابلنده بیع و تسلیم ایدوب عمروک منزل مزبورده حق تملکی اولغله استماع ایلدیکی آنده کتب فتاواده مبسوط اولان شروطه رعایت ایلدکده منزل مذکور بالشفعه بکردن اخذ ایدر. بعض علمای کرام حضراتنک بیاننه کوره اصل شفعه زیاده معناسنده در. بوملابسه ایله عرف شرعیده وجه مذکور اوزره اولان ملک مشفوعه اطلاق اولندی لقمه، شیء ملقومه اطلاق اولندیکی کبی و ملک مذکور، تملك معناسنده استعمال اولنور و بوندن فعل تصرفی معلوم دکلدرد و امام شعبی علیه رحمة الباری حضرتلرینک بوبابده کی قوی شودر «الشفعة علی رؤس الرجال ای اذا كانت الدار بین جماعة مختلفی السهام فباع واحد نصیبه فیکون ما باع لشركائه بينهم لا علی سهامهم» یعنی شفعه، قدر ملک اوزره دکلدرد بلکه عدد رؤس اوزره ثابت اولور. مثلاً بر منزل اوچ کیسه بیننده مشترک اولوب بریسنک نصف و بریسنک سدس و دیگر بریسنک دخی ثلث حصه لری اولسه صاحب نصف اولان کندی حصه سنی شخص آخره ثمن معلومه بیع ایلدکدن صکره دیگر حصه دارلر ایشدکلری آنده حق شفعه ایله ادعایه و ثوب [۲] ایلسه لر قاضی اول نصیب میعی انلره نصفین اوله رق حکم و تسلیم ایدر. لکن امام شافعی عندنده مزبوران بیننده حصه لری قدر یعنی اثلاثاً تقسیم اولنور اگر صاحب سدس بیع ایلمش ایسه بیع مزبور اختاسا و اگر صاحب ثلث بیع

[۱] (شفعة الضحی)، قوشلق وقتی ادا اولنان ایکی رکعت صلاة نافله یه اطلاق اولنور حنفیه کوره مندوب اولان درت رکعت و زیاده در. شافعیه عندنده نوافل، ایکیشر رکعت ادا اولنق افضل در. بومعناده شینک فحی ایله دخی جائزدر.

[۲] (و ثوب) صحرا مقی اتلامق معناسنه در.

## § — ۳۷

## [کتاب المأذون]

(مأذون) کله‌سی عنوان کتابده مصدر اولوب اذن معناسنه‌در. (اذن) [۱] لغتده منع معناسنه اولان حجر لفظنک ضدی اوله‌رق اطلاق معناسنه‌در. کلمه مذکورہ‌نک لغتده اعلام معناسنه استعمالی دخی مروی‌در. دستور واجازت معناسنه دخی مستعمل‌در. شرعده حجرى فك ایتک وحق منعی اسقاط ایتکدرکه اذن ویریلان شخصه مأذون دینور. بوکا متعلق مسائل واحکام شرعیه، کتاب مذکورده محرردر.



## § — ۳۸

## [کتاب الغصب]

(غصب)، برکسه‌نک اذنی اولقسنزین مالی اخذ و ضبط ایتکدرکه اخذ ایدن کیسه‌یه (غاصب) و اول ماله (مغضوب) وضاجنه (مغضوب منه) دینور.

غصبه ومباشرة اتلافه [۱] وتسببا اتلافه [۲] ومتفرعاته متعلق مسائل واحکام شرعیه، کتاب مذکورده محرردر.

[۱] مباشرة اتلاف، برشیئی بالذات تلف ایتکدرکه ایدن کیسه‌یه فاعل مباشر دینور.

[۲] تسببا اتلاف، برشیئی تلفنه سبب اولقدر. یعنی برشیده دیگر شیئی علی جزى العاده تلفنه مفضی اولان برایش احداث ایتکدرکه ایدن کیسه‌یه متسبب دینور. نته‌کیم بر معلق قندیلیک ایپنی کیمک قندیلیک یره دوشوبده قیرلسنه سبب مفضی اولقله ایچ کسن کیسه مباشرة ایچ تلف ایتش وتسببا قندیلی قیرمش اولور. کذلک برکیسه بر طولوی شق ایدوبده ایچنده‌کی یاغ اقوب تلف اولسه اول کیسه مباشرة طولوی وتسببا یاغی اتلاف ایتش اولور.



## § — ۴۰

## [کتاب القسمه]

(قسمت)، لغتده اقسام لفظندن اسم در. شرعه حصه شایعه بی تعیین ایتکدر یعنی کیل و وزن و ذراع کی بر مقیاس ایله حصه لری یکدیگردن تمیز و افراز ایتکدر.

قسمت ایکی وجهله اولور شویله که یا اعیان مشترکه یعنی متعدد و مشترک شیلر قسملره بولنه رک هر فردنده شایع اولان حصه لر برر قسمنده جمع ایدلش اولور اوج کشی بیننده مشترک اولان اوتوز رأس قیونی اوزر اوزر اوج قسیم کی. بوکا «قسمت جمع» دینور یا خود بر عین مشترک تقسیم اولوب هر جزئنده شایع اولان حصه لر برر قسمنده تعیین ایدر بر عرصه نك ایکی به تقسیمی کی. بوکا (قسمت تفریق) و (قسمت فرد) دینور.

قسمت، برجه تله افراز و برجه تله مبادله در.

مثلا ایکی کیسه بیننده مناصفه مشترک اولان برکیله بغدادیک هرجه سنده هر برینک نصف حصه سی اولدینی حالدده مجموعی قسمت جمع قیلندن اوله رق ایکی قسمه تقسیم ایله بر قسمی برینه و دیگر قسمی دیگرینه ویرلدکده هربری کندوسنک نصف حصه سنی افراز و نصف دیگرینی آخرک نصف حصه سی ایله مبادله ایتش اولور.

کذلک ایکی کشی بیننده مناصفه مشترک اولان بر عرصه نك هر جزئنده هر برینک نصف حصه سی اولدینی حالدده قسمت تفریق ایله ایکی به تقسیم اوله رق هر برینه برر قسمی ویرلدکده هربری کندو نصف حصه سنی افراز و نصف دیگرینی آخرک نصف حصه سی ایله مبادله ایلش اولور.

قسمته متعلق مسائل و احکام شرعیه، کتاب مذکورده محرردر.



ایش ایسه ارباعا تقسیم اولنور . اما حنفیه عندنده وجه مذکور اوزره صورتلرک  
مجموعده تنصیف اولنور .

(شفیع)، حق شفعه سی اولان کیسه در.

(مشفوع)، حق شفعه نك تعلق ایلدیکی عقاردر.

(مشفوع به) شفیعك مابه الشفعه اولان ملکی در.

شفعه یه متعلق مسائل و احکام شرعی، کتاب مذکورده محرر در.



## § — ۴۲

## [ کتاب المساقاة ]

(مساقات)، سقی [۱] کله سندن مأخوذدر. شرعه بر طرفدن اشجار و دیگر طرفدن تربیه اولمق و حاصل اولان میوه بینلرنده تقسیم اولمق اوزره بر نوع شرکتدر. مساقاتک رکنی ایجاب و قبولدر.

شویله که اشجار صاحبی میوه سندن شوقدر حصه المق اوزره مساقات وجهله شو اشجاری سکا ویردم دیوب عامل یعنی اول اشجاری تربیه ایده جک اولان کیسه دخی قبول ایته مساقات منعقد اولور.

مساقاته متعلق احکام و مسائل شرعی، کتاب مذکورده محرردر.

[۱] سقی، سینک فتحی و قافک سکونی ایله و (تسقیه) تأدیه وزننده و (اسقاء) همزه نک کسری ایله صوارمق و صوایچورمک معناسهدر. بعضی علمای کرام حضراتنک بیاننه کوره (سقی) و (تسقیه) صوایچورمکه و (اسقا) صویه دلالت ایتمکه مخصوصدر و بعضی علمای کرام حضراتنک بیاننه کوره دخی (اسقاء) صوارمق معناسهدر و عندالبض (سقی) و (اسقاء) برکیسه یه تناول ایچون صو تعیین ایلک معناسهدر.

(ساق)، صوایچی کیسه یه اطلاق اولنور.





## § — ۴۱

## [کتاب المزارعه]

(مزارعه)، مفاعله وزننده اکینجیک و جهيله معامله ایلک معناسنه درکه برطرفدن اراضی و دیگر طرفدن عمل یعنی زراعت اوله رق حاصلات بینلرنده تقسیم اولنق اوزره برنوع شرکتدر.

مزارعه نك ركنی ایجاب و قبولدر.

شویله که اراضی صاحبی عامله یعنی چفتجی به بو یری حاصلاتدن شوقدر حصه آلق اوزره سکا مزارعه وجهله ویردم دیوبده چفتجی دخی قبول ایتدم یا اراضی اولدم دیسه یاخود رضاسنه دلالت ایدر برسوز سویلسه ویاخود چفتجی یر صاحبنه بن سنک یرکده مزارعه وجهله عمل ایدیم دیوبده اودخی راضی اولسه مزارعه منعقد اولور.

مزارعه به متعلق مسائل واحکام شرعیه، کتاب مذکورده محرردر.

[۱] مزارعه، زرع لفظندن مأخوذدر.

(زرع) فرع وزننده ترلایه تخم صاچق معناسنه درکه اکین اکک تعبیر اولنور. نبات بتورمک معناسنه دخی کلور. ولده دخی اطلاق اولنور. مزروع معناسنه اکلمش اکینه دخی دینورکه جمعی «زروع» در.

(مزارعه)، میک قعی ورائک حرکات ثلاثی ایله و (مزروع) میک ضمی و دالک قیمی ایله ترلایه دینور.

(زریعه)، سفینه وزننده اککش تخمه دینور.

(زریع)، سکیت وزننده اکینی بچرکن دوکیلن دانه لردن سنه آیه ده بتن اکینه دینور.

(زرعه)، غرقه وزننده اکیله جاک تخمه دینور.



## § — ۴۴

## [کتاب الاضحية]

(اضحیه)، ایام اضحاده ذبح اولنان شینک اسمی در. شرعده «ذبح حیوان مخصوص بنیة القربة فی وقت مخصوص» تعریفی ایله معرف در.

اضحیه [۱] متعلق مسائل واحکام شرعیه، کتاب مذکورده محرر در.

[۱] اضحیه، همزه نك ضمی وكسری ایله ویا نك تشدیدى ایله و (ضحیه) غنیه وزننده قوشلق وقتی ذبح اولنان حیوانه اطلاق اولنور. اضحیه نك جمعی اضاحی کلور. وضحیه نك جمعی ضحایا کلور. (اضحا) ارطاة وزننده بو دخی اضحیه معناسنه در. جمعی اضحی کلور. قربان بیرامی کوننه یوم اضحی اطلاق بو معنایه در. زیرا اکثر قوشلق وقتی ذبح قرابین ایدرلر. (مضاحاة)، مباحاة وزننده برادمه یا بر محله قوشلق وقتنده کلك معناسنه در. (تضحیه)، تفعله وزننده برادمه قوشلق طعام یدرمك معناسنه در. کدلك قوشلق وقتی قربان کسمك معناسنه در.

(ضحو)، (ضحوه) ضادلرك قحی و حارك سكونی ایله و (ضحیه) عشیه وزننده ارتفاع نهار معناسنه در. بعده حاول وظرفیت علاقہ سیله اولوقته اطلاق اولندی که کنج قوشلق تعبیر اولنور شمسك هنوز افقدن قالقوب یکجه یالیدیغی وقتدر که صلوة اشراق هنکامیدر. اندن صکره (ضحی) اطلاق اولنور ضادك ضمی والفك قصری ایله که قبا قوشلق تعبیر اولنور و اندن صکره ضحاء اطلاق اولنور ضادك قحی والفك مدی ایله که نصف نهاره قریب وقتدن عبارتدر اصطلاح ترکیده قوجه قوشلق تعبیر اولنور.



§ — ۴۳

## [کتاب الذبائح]

(ذبائح)، ذبیحه لفظنک جمعی در .

(ذبیحه)، ذبح اولنان شیئک اسمی در . حیوان مذبوح معناسنه در .

ذبح، ذالک فتحی و بانک سکونی ایله و (ذباح) ذالک فتحی ایله یازمق معناسنه در . اصل معنای موضوعی بودر . بر نسنه یی یاروب آرمق معناسنه دخی استعمال اولنور . بوغازلامق معناسنه دخی کلور . ذبح، بوغمق معناسنه دخی استعمال اولنور .

(ذبح)، ذالک کسری ایله بوغازلنه جق حیوانه دینور قربانلق قیون کی . حج شریفده و قربان پیرامنده قربان ایلمکه صلاحیتی اولان حیوانه دینور که پچاغه کلور حیوان تعبیر اولنور .

(اذباح)، همزه نك و ذال مشدده نك کسری ایله قربانلق قیون ایدنمک معناسنه در . و بو افتعال بابندن در . تاء افتعال، ذاله قلب و ادغام اولنمشدر .

(مذبح)، منبر و زننده بوغازلیه جق پچاغه دینور .

ذبائح متعلق مسائل و احکام شرعیه، کتاب مذکورده محرردر .



## § — ۴۶

## [کتاب احیاء الموات]

اراضی موات، اول یرلردرکه کسنه نك ملكی و برقصه و قریه نك مرعاسی یا محتطی یعنی بالطه لئی اولمدینی حالده اقصای عمراندن بعید اوله . یعنی قصبه و یا قریه نك اك كنارنده کی خانه لرندن جهیر الصوت [۱] اولان کیسه نك صداسی استماع اولنجه .

عمرانه قریب اولان یرلر اهالییه مرعی و خرمن یری و محتطب اولق اوزره ترك اولنور و بویرلره اراضی متروکه دینور .

احیاء مواته متعلق مسائل واحکام شرعیه، کتاب مذکورده محرردر .

[۱] جهیر، جهیر لفظندن مأخوذدر .

(جهیر)، قهر وزننده و (جهار)، کتاب وزننده برنسنه عیان و آشکار اولق معناسنه درکه «جهیر الامر جهرا و جهارا» دینور .

(جهیر)، بر سوزی آشکار اوله رق سويلك معناسنه دخی مستعملدر بنفسه و با حرفی ايله متعدی اولورکه «جهیر الکلام و بالکلام اذا اعلن» دینور .

(جهیر)، رفع صوت ائلك معناسنه دخی استعمال اولنورکه «جهیر الصوت اذا اعلاه» دینور .

(جهیر)، عسکری چوغا لئق معناسنه دخی مستعملدرکه «جهیر الجیش اذا استکثرهم» دینور .

(جهیر) بر آدمی بی حائل اشکاره جه کورمك و بر قوله کوره بر آدمه نظر ایلدکده کوزینه بیوک کورنمك معناسنه در «جهیر الرجل اذا اراه بلا حجاب او نظر علیه و عظم فی عینه» دینور .

(جهیر)، خوب چهره و خوش لقا انسانك و سائر نسنه نك هیئت زیبا و جمال دلاراسی خاطره بدیع و عجیب کلك معناسنه دخی مستعملدر «جهیر الشی اذا راعه جماله و هیئته» دینور .

(جهیر)، یاغ چیتمق ایچون یایی چالقماق معناسنه دخی کلور «جهیر السقاء اذا مخضه» دینور .

(جهیر)، قوبی بی آیقلیوب پاك ائلك و بر قوله کوره مجموع صوبنی جكمك یاخود قوبی قازارکن صوبه یشمك معناسنه در «جهیر البرء اذا نقاها او نزحها و بلغ الماء» دینور .

(جهیر)، بر نسنه بی کشف ایدوب ظاهره چیقارمق معناسنه دخی مستعملدر «جهیر الشی اذا کشفه» دینور .

(جهیر)، کونش بر آدمك کوزینی قاشدیرمق معناسنه دخی مستعملدر «جهیر الشمس المسافر اذا اسدرت عینه» دینور .

(جهیر)، بر کیسه یه تعظیم معناسنه دخی استعمال اولنور «جهیر فلانا اذا عظمه» دینور .

(جهیر)، برنسنه بی تقدیر و تخمین ائلك معناسنه دخی مستعملدر «جهیر الشی اذا جزره» دینور .

(جهیر)، طپراغی غلیظ و درشت اولان تیه یه و یوکسك یره دینور .

(جهیر)، امیر وزننده بلند اواز ايله سويلن سوزمه دینور .

§ — ۴۵

## [کتاب الحظر والاباحه]

[۱]

(حظر)، حانك فتحی و نای معجمه نك سكونی ایله لغتده برنسنه یی برکیسه یه ویرمیوب منع و حجر ایلك معناسه در .

شرعه ده، شرعاً استعمالی ممنوع اولان نسنه در .

(محظور)، مباحك ضدی در .

(مباح)، فعل و ترکنده مکلفك خیر اولدیغی شی در .

حظر و اباحیه متعلق مسائل و احکام شرعیه، کتاب مذکورده محرر در .

[۱] اباحه، افاده وزنده برنسنه یی برکیسه به حلال قلیق یعنی تناول واستعمالنده مرخص و خیر ایلك معناسه در . پس بونك مرجعی بر آدم کندی ملکی اولان نسنه یی اخذه اذن و دستور و برمك اولورکه حظر و منع مقابلیدر . زیرا احلال و تحریم، شارع طرفنه متعلقدر و بو اظهار معناسندن مأخوذدر نته کیم حلال، حل عقده دن مأخوذدر .

(اباحه)، اظهار ایلك معناسه دخی کلورکه «اباح سره اذا اظهره» دینور .

(بوح)، بانك فتحی و واوك سكونی ایله کیزلو نسنه عیان اولق معناسه در .



## § — ۴۹

## [کتاب الرهن]

(رهن)، لغتده حبس الشئ مغاسنه در .

شرعده، (رهن) برمالی اندن استیفاسی ممکن اولان برحق مقابلنده محبوس وموقوف قیلق در . اول ماله (مرهون) دینلدیکی کبی (رهن) دخی دینور .

(ارتهان) رهن المق در .

(راهن) رهن ویرن کیسه در .

(مرتهن) رهن آلان کیسه در .

(عدل) راهن ومرتھنك امنیت ایدوبده رهنی تودیع وتسليم ایتدکلری کیسه در .  
راهن ومرتھنك ایجاب وقبولی ایله رهن منعقد اولور . فقط قبض بولندقجه تمام  
ولازم اولمز . بناءً علیه راهن قبل التسليم رهندن رجوع ایده بیلور . رهنك ایجاب وقبولی  
راهن بوشیئی سکا دینم مقابلنده رهن ایتدم دیوب یاخود بومآلده دیگر برسوز سویلیوب  
مرتھن دخی قبول ایتدم و یاخود راضی اولدم دیمك کبی رضایه دلالت ایدر برسوز  
سویلكدر . رهن لفظنك سویلنشی شرط دکلدرد .

مثلا برکیسه شوقدر غروشه برشی اشترا ایله بایعه برمال ویروبده پارهیی ویرنجیه  
قدر بونی القوی دیسه اول مالی رهن ایتمش اولور .

ارتھانی جائز و یاغیر جائز اولان شی ایله رهنك ید عدله وضعنه ورهنك تصرفه  
ورهنه متعلق مسائل واحکام شرعیه، کتاب مذکورك ابواب مخصوصه صنده محرردر .



## § — ۴۷

## [ کتاب الاشربه ]

(اشربه) ، شراب لفظنك جمعى در .

(شراب) کتاب وزننده ایچلمك شانندن اولوب ایچلمكه صالح اولان هر مائعدن عبارتدر .

(شرب) ، شینك حرکات ثلاثی و رائك سکونی ایله و (تشراب) تذکار وزننده ایچمك معناسنه در .



## § — ۴۸

## [ کتاب الصيد ]

[ ۱ ]

علم فقهه ملحق اولان کتاب مذکور، صیده متعلق مسائل واحکام شرعیه بی حاوی در .

[ ۱ ] (صید) ، قید وزننده آو آولامق معناسنه در .

(صید) مصید معناسنه در که صید و شکار اولمش نسنه در و بر قوله کوره ممتنع و بی مالک اولاننه اطلاق اولنور که مراد وحشی و حلال اولان شکار در و بوفعل، بمعنی مفعول در یا خود تسمیه بالمصدر در . کذلک صید، مصدر اولور . بر آدمی و یا خود بر حیوانی اصید قیلقی معناسنه در .

(مصید)، منبر وزننده و (مصیده) معیشه وزننده آغه و دوزاغه دینور که انکه شکار طوتیلور . (صیود)، قبول وزننده بغایت آوجیه دینور «کلب صیود و صقر صیود ای صیاد» دینور .



## § — ۵۳

## [کتاب الحثی]

(خثی)، جنلی وزننده اسم مفرد اولوب جمعی خثائی کلور جبالی کبی و خثات کلور اناث کبی.

(خثی)، لغتده لین معاسنده اولان خث لفظندن در. شریعتده «ذو فرج و ذکر او من عری عن الاثنین جمیعا فان بال من الذکر فغلام وان بال من الفرج فاثی وان بال منهما فالحکم للاسبق وان استويا فشکل ولا تعتبر الکثرة قبل البلوغ فان بلغ وخرجت لحیته او وصل الی امرأه او احتمل فرجل وان ظهر له ثدی او لبن او حاض او جبل او امکن وطؤه فامرأه وان لم تظهر له علامة اصلا او تعارضت العلامات فشکل» تعریفی ایله معرفدر. بوتعریفک مآلی شودر که خثی، آلت ذکور و آلت انوخی اولان یاخود ذکر اولنان ایکی آلتدن عاری اولان کیسه در. اگر او کیسه آلت ذکور تدن تبوّل ایدر ایسه غلام در. اگر آلت انوختدن تبوّل ایدر ایسه اثی در. اگر ایکی طرفدن دخی تبوّل ایدر ایسه حکم، اسبق ایچون در. اگر مساوات اوزره اولور ایسه مشکل در. قبل البلوغ کثرت معتبر دکلدرد. اگر بالغ اولدینی وقت لحیه سی خروج ایدر ایسه یاخود قالدینه واصل یاخود احتلام اولور ایسه رجل در. اگر ممه یاخود سود یاخود حیض حالی ظاهر اولورسه یاخود که و یاخود وطنی ممکن اولور ایسه قالدین در. اگر اصلا بر علامت ظاهر اولمز ایسه یاخود علامات تعارض ایدر ایسه خثای مشکل در.

خثایه متعلق مسائل و احکام شرعیه، کتاب مذکوردهده محرردر.

## § — ۵۴

## [کتاب الفرائض]

کتاب مذکور تقسیم میراثه و ذوی الارحامک توریتنه و مخارجنه متعلق مسائل و احکام شرعیه بی حاوی در.



## § - ۵۰

## [کتاب الجنایات]

جنایت، لغتده بگردن اکتساب اولنان شیئک اسمی در. شرعده فعل محرمک اسمی در. قتل کبی.

جنایاته و قتله شهادته و سائر مه متعلق مسائل واحکام شرعیه، کتاب مذکورک ابواب مخصوصه سنده محرر در.



## § - ۵۱

## [کتاب الديات]

(ديات)، دیت لفظنک جمعی در.

(دیت)، شرعده «اسم للمال الذی هو بدل النفس» تعریفی ایله معرف در. دیاته متعلق مسائل واحکام شرعیه، کتاب مذکورک ابواب مخصوصه سنده مسطور در.



## § - ۵۲

## [کتاب الوصایا]

(وصایا)، وصیت لفظنک جمعی در.

(وصیت)، «تملیک مضاف الی بعد الموت» تعریفی ایله معرف در. وصایا و ثلث مال ایله وصیته و مرصده عتقه و اقارب و غیر ایچون وصیته و وصییه متعلق مسائل واحکام شرعیه، کتاب مذکورک ابواب مخصوصه سنده محرر در.



## { علم جدل }

(علم جدل)، ابرام و نقض اوزرینه قدرت بخش اولان طرق و قواعددن باحث در .  
 علم مذکور، «علم نظر» ك جمله فروغندن معدود اولوب «علم خلاف» ك مبناسی در .  
 علم جدل، مباحث منطقك اجزاسندن بر جزء در . لكن علم جدل، علوم دینییه  
 مختص اولمشدر .  
 علم جدلك مبادیسندن بعضیسی علم نظر ده تبیین اولمشدر . بعضیسی خطابییه در .  
 و بعضیسی امور عادییه در .

علم جدل، آداب بحث شهرتی ایله مشهور اولان علم مناظره دن استمداد ایدر .  
 (موضوع)، علم مذکورك موضوعی طرق ابرام و نقض در .  
 (غرض)، علم مذکورك غرضی تحصیل ملكه نقض و ابرام در .  
 (فائده)، علم مذکورك فائده سی مخالفین اوزرینه الزام جهتندن احكام علیه و عملیه ده  
 کثیر در .

(علم جدل) ك علم مناظره دن عبارت اولسی قولى بعید دكلدر چونكه ایکیسیده بر مآلده در .  
 لكن جدل، مناظره دن اخص در . مؤرخ ذوفنون «ابن خلدون» ك بیانی دخی (علم جدل) ك  
 علم مناظره دن عبارت اولق صورتی مؤید در . مشارالیهك بیانیه كوره جدل، اهل مذاهب  
 فقهیه و غیرسی بیننده جریان ایدن آداب مناظره یه معرفتدن عبارتدر . وقتا كه ردّ و قبولده  
 دائره مناظره متسع اولوب صواب و خطا اولان شیرك استدلالدن معدود اولسی كبی حائل  
 كورلدكده حال مستدل و مجیب یلنك ایچون آداب و قواعد وضعنه احتیاج جاصل اولدی . بواجلدن  
 علم جدل، استدلالده آداب حدوددن باحث اولان قواعد معرفتدر دینلدى . قواعد  
 مذكوره ایله كرك فقهده و كرك غیرى اموره اولان رأیك حفظنه و یا خود هدمنه توصل  
 اولنور . قواعد مذكوره ایچون ایکی طریق وارددر . برسی (طریقت بزدوی) دركه  
 «استدلال» و «اجماع» و «نص» دن ادله شرعییه خاص در . دیکری (طریقت  
 ركن الدین عمیدی) دركه قنئ علمده اولورایسه اولسون استدلال اولنان هر دلیلده عموم در .  
 «ركن الدین عمیدی» علیه رحمة الباری حضرتلری طریقت مذكوره ده واضع اول اولوب

## { علم الشروط والسجلات }

علم مذکور «شهود الحال» ك انقضا سنده احتجاجه صالح اوله جق صورتده احكام ثابته نك عند القاضى كتب وسجلاته كيفيت ثبت وتحريرندن باحث در .

(موضوع)، علم مذکورك موضوعى من حيث الكتابه احكام ثابته در .

(مبادى)، علم مذکورك مباديسندن بعضيى علم فقهدن وبعضيى علم انشادن وبعضيى دخی امور وعادات استحسانيه دن مأخوذ در .

علم مذکور، معانيسنك قوانين شرع شريفه موافق صورتده ترتيب اولئسى حيثى ايله علم فقهك جمله فروغندن معدود در . تحسين الفاظ اعتبارى ايله علم ادبك فروغندن عد و شمار اولئشدر .

علمای کرام حضراتى طرفندن علم مذکورہ متعلق کتابلر تألیف بیورلمشدر . بوعلمده تألیف کتاب بیورمش اولان ذوات ستوده صفات حضراتنك اولی «هلال بن یحیى البصرى الحنفی» حضرتلری اولوب تاریخ هجرتك (۲۴۵) نجی سنه سنده عازم کلشنسرای جنان اولمشدر .



## { علم حیل شرعیه }

علم مذکور، ابواب فقهدن بر باب و بلکه فرائض کبی بر فنّ مخصوص در . علمای کرام حضراتى طرفندن علم مذکورہ متعلق کتابلر تألیف وتصنیف بیورلمشدر . کتب مؤلفه نك اشهری «الشیخ الامام ابوبکر احمد بن عمر المعروف بالخصاف الحنفی» حضرتلرینك تألیف بیورمش اولدینی «کتاب الحیل» در . کتاب مذکور اوزرینه اعلام علمای کرام حضراتى جانبندن شروح کثیره تحریرینه صرف لطف و عنایت بیورلمشدر . امام مشارالیه حضرتلری تاریخ هجرتك (۲۶۱) نجی سنه سنده ارتحال دارنیم بیورلمشدر .



## { علم فرائض }

(فرائض)، فريضه لفظنك جمعی اولوب لغتده تقدیر ویا قطع معناسنه در .

فريضه، مكلف اوزرينه مفروض اولان تكليفدن عبارتدر . بعدذا مسائل میراثه علم فرائض اطلاق اولندی .

علم مذکورى عالم اولان ذاته « فرضى » و « فرض » و « فرائض » اطلاق اولنور .

علم فرائض « هو علم بقواعد وجزئیات تعرف بها كيفية صرف التركة الى الوارث بعد معرفته » تعریفی ايله معرف در یعنی علم فرائض، برطاقم قواعد وجزئیاته علمدرکه وارث مشروع بیلندکن صکره او قواعد وجزئیات ايله تركهك وارثه کیفیت صرفی بیلنور .

(موضوع)، علم فرائضك موضوعی « تركات » در . تركه لفظنك جمعی در . تركه اصطلاح شرعده « ما تركه الميت من الاموال صافيا عن تعلق حق الغير بعین من الاموال » تعریفی ايله معرف درکه عین ماله حق غيرك تعلقندن صافی اوله رق میتك اموال دن ترك ایلدیكى شی در دیمکدر .

عین ماله حق غيرك تعلقندن خالی اولان تركه میت ، « تجهيز وتكفين » و « قضاء دیون » و « تنفيذ وصايا » دن صکره علی مافرض الله تعالى بین الورثه تقسیم اولنور .

(غایت)، علم فرائضك غایتی حقوقی اربابنه ایصال در .

علم فرائضك ارکانی اوچدر . بریسی « وارث » و دیگرى « مورث » و دیگر بریسی « موروث » در .

علم مذکورك شروطی اوچدر . (شرط اوّل) مورثك حقيقة ویا حکماً ویا تقدیراً

«ارشاد» اسمی ایله مسمی اولان کتابی مختصر صورتده کتب و تحریر بیورمشدر .  
مشارالیهدن صکره علمای متأخریندن «امام نسفی» حضرتلری ایله سائر ذوات کرام حضراتی  
دخی مشارالیه حضرتلرینه تبعیت ایدرک طریقت مذکورهده تألیفات، تکرر ایتمشدر .

علمای کرامدن «المولی ابوالخیر» علیه الرحمه حضرتلرینک بیاننه کوره ناس ایچون  
علم جدلده طرق کثیره اولوب طرق مذکورهک احسنی طریق «رکن الدین عمیدی» در .

فقههای کرامدن علم جدلده مصنف اولان ذات عالقدر «الامام ابو بکر محمد بن علی  
بن اسمعیل الففال الشاشی الشافعی» حضرتلری در . مشارالیه ، تاریخ هجرتک (۳۳۶) نجی  
سنه سنده ارتحال دار جنان بیورمشدر .

اکابر علمانک انقراضندن صکره ظهور ایدن جدال ایله اشتغال اولنسی بعض علمای کرام  
حضراتی جانبندن منع اولنیش و او مثللو «جدل» ک تحصیل فقه شریفه مانع و عمر انسانی  
اضاعیه سبب اولمقله برابر بین الناس وحشت و عداوت ایراث ایلدیکی و علم حدیث شریفده  
وارد اولدینی اوزره اشراط ساعادن عد اولندینی بیان بیورلمشدر

(نظم)

اری فقهاء العصر طرّا اضاعو العلم واشتغلوا بلم لم  
اذا ناظرتمهم لم تلق منهم سوی حرفین لم لم لا نسلم

بعض علمای کرام حضرتانک بیاننه کوره جناب حقک «و جادلهم یالقی هی احسن»  
قول شریفی مقتضاسی اوزره اظهار صواب ایچون «جدل» ده باس یوقدر . تشحید  
اذهانده جدل ایله اکثریا انتفاع اولنور . ممنوع اولان جدل ، اول برجدرکه اوقاتی  
اضاعه ایدوب اندن بر فائده حاصل اولمز .



## { علم حکم الشرائع }

[۱]

معلوم اولدینی اوزره فقهای کرام حضراتی احکام شرعیه‌نک تعلیلنی « کتاب » و « سنت » و « اجماع » ایله « قیاس » اوزرینه اقتصار بیوردیلر . شوصورتک اختیاری یا مقاصد فقهایه کفایش یاخود معرفت حکم شرائعدن عبادک عجزی ایچون اولدینی بدیهیدر . بوکا نظم آتی دلالت ایدر .

(نظم)

لم یخلق العقل ذرا کا حکمته      لكن لیقبل ما یأتیه من حکم

لکن بعض فضلائی کرام حضراتی احکام شرعیه‌نک قبولنده قلوب عبادہ الطمئنان حصولی و عبادک تنشیط اذهانی مقصدیله بعض حکم احکامک استخراج واستنباطنه بذل مجهود ایدرک حکم شرائعی ومحاسنی طاقت بشریه مقدارنجه تدوین بیورمشلردر .

[۱] (حکم)، حا حرفنک کسری ایله حکمت لفظنک جمعی در .  
(حکمت)، سبب و علت و قول صحیح معنارینه در .

علمای کرام حضراتی حکمت لفظنی تعاریف متعدده ایله تعریف بیورمشلردر . اکثر صفات آلهیه‌دن اولان حکمتی « علم الاشیا و ایجادها علی غایة الاحکام والاتقان » عنوانی ایله و حکمت انسانییه‌نی « معرفة الموجودات وفعل الخیرات » عباره‌سی ایله تعریف بیورمشلردر . تنزیل مبینده مذکور اولان حکمت، وجه مذکور اوزره عدل و علم وحلم و نبوت و قرآن معنارینه وارد در . طاعت باری و فقه و دین و عمل بالدين و خشیت و فهم و ورع و تقوی و عقل و قول و فعلده اصابت و تفکر فی امرالله تعالی و اتباع امر معنارینه دخی مستعملدر .



موتی در. (حقیقۂ موت)، معلومدر. (حکماً موت)، مورثک مفقود اولسی در. (تقدیراً موت)، کندوسنده غره [۱] اولان جنین کی در.

(شرط ثانی)، میتک موتنده وارثک کرک حقیقی اولسون و کرک تقدیری اولسون حیا وجودی در. وارثک تقدیراً موجود اولسی حمل کی در.

(شرط ثالث) جهت ارثه واسباب وموانعه علمدر.

علم فرائضک اصولی اوچ در. بریسی «کتاب» دیکری «سنت» ودیکر بریسی «اجماع» در.

علم فرائض، معقول ومنقول بیننی جامع وحقوق ورثهیه وجوه صحیحۂ یقینیه ایله وصوله باعث اولسیله فن مخصوص حالته وضع ایله مذاهب اربعه مشاهیر علمایی طرفلرندن کتب کثیره نفیسه تألیف اولنه رف کافه مسائل فرائضک مکمللاً وتماماً حل وایضاحنه صرف لطف و عنایت بیورلمشدر. رحمهم الله

[۱] (غره)، غینک ضمی وراثتک تشدیددی ایله لغتده آت جنسکک جبهه سنده اولان بیاضه دینورکک صباح الخیر تعبیر اولنور. کوله وجاریه ده دخی دینور. عند الفقها ثمنی نصف عشر دیته بالغ اولان عبد وامه در. «نهایه» اسمی ایله مسمی اولان کتاب مستطابده شو وجهله بیان بیورلمشدر. «انه علیه الصلوة والسلام جعل فی الجنین غرة عبدا وامة»

(غرة الشهر) آیك ليلة استهلانله یعنی ابتدا کیچه سنه وكونته اطلاق اولنور.

(غرة الهلال) یکی آیك طلعتندن عبارتدر.

(غرة الاسنان) دیشلرک ابتدا پارلیان بیاض یری درکه آغز آچلدقده ابتدا نمایان اولور.

(غرة المتاع) امتعتهك خیارینه یعنی کریده سنه وفاخرینه اطلاق اولنور.

(غرة القوم) برجامتک عزیز وشریف وذیشانندن عبارتدر.

(غرة الرجل) کشینک وجهندن عبارتدر.

(غره). مطلقاً برشینک الاول نمایان اولان یرینه اطلاق اولنور. (غرة الصبح) صباحك ابتدا

ظاهر اولان روشنلکندن عبارتدر.

(غرة الاسلام) صدر اسلامدن عبارتدر.

(غره) مدینه منوره ده بنی عمرو بن عوف جماعتنه مخصوص برقلهك اسمی در. یرینه مسجد قبا

بنا اولنمشدر.



## { علم الفتاوی }

علم مذکور، قاصرینه تسهیل امور [۱] ایچون وقائع جزئیہ فقہای کرامدن صادر اولان احکام شرعیہ بی حاوی در.

علم مذکورہ متعلق تألیف بیوریلان کتابلر حد احصادن خارجدر.

کتب مؤلفہ نك بعضیسی مذهب حنفی و بعضیسی مذهب شافعی و بعضیسی مذهب حنبلی اوزره مرتبدر.

[۱] امور، فعلدن عبارت اولان یعنی حال و شان و حادثه معناسنه اولان امر لفظنك جمعی در. قولدن عبارت اولان یعنی بیورمق معناسنه اولان امرك جمعی (اوامر) كلور.

## تم الجلد الاول

فی ۱۲ ربیع الاول سنه ۱۳۰۹

و فی ۵ ایلول سنه ۱۳۰۷





## { علم القضاء }

[۱]

علم مذکور قضایه مختص اولان آدابدن باحث اولوب علمای کرام حضراتی طرفندن  
شان قضایه اعتنا بیوریلهرق آداب قضایه متعلق کتابلر تألیف بیورلمشدر.

[۱] قضا، سخا وعصا وزنلرنده حکم معناسنه درکه اسمدر. بعض علمای کرام حضراتنک بیاننه  
کوره قضا لفظنک جمعی اقصیه در و اصل قضا، قطع و فصل معناسنه اولوب معانی سائره اندن  
متفرعدر.

(قضى)، قافک قحی وضادک سکونیه و (قضا)، سخا وزننده و (قضیه)، عطیه وزننده مصدر  
اولوب حکم ایلک معنایینه در.

(قضیه)، اسم اولوب حکومت معناسنه در بونک جمعی فعالی وزننده قضایا کلورکه مقصوددر.  
بونک اصلی (فعال) اولوب قلب مکانله (فعال) اولمشدر.

(قضا)، صنع و کار معناسنه در «یقال قضی الشی اذا صنع»

(قضا)، برنسنه بی برادمه لازم قیلق و حتم و ایجاب معناسنه در «یقال قضا علیه اذا حتمه علیه و اوجبه»

(قضا)، بیان ایلک معناسنه در.

(قضا)، موت معناسنه دخی مستعملدر «یقال قضی الرجل اذامات» کویاکه امر دیاسنی فصل  
و قطع ایلدی. كذلك «یقال قضی نجه اذامات» بوراده «نحب» نذر معناسنه اخذ اولنور ایسه  
عهده سنده نذر کی لازم اولان موتی ادا ایلدی دیمک اولور و «علی» لفظی ایله صله لنور ایسه قتل  
معناسنه اولور «یقال ضربه قضی علیه اذا قتله» کویاکه ایشنی فصل و قطع ایدوب فارغ اولمش اولور.  
(قضا)، بر مأموله دلخواه اوزره نائل اولوب انی کاله یتشدیرمک معناسنه در «یقال قضی وطره  
اذا اتمه و بلغه»

(قضا)، عهد و پیمانی متضمن وصیت ایلک معناسنه دخی مستعملدر «یقال قضی علیه عهداً اذا اوصاه»

(قضا)، انفاذ ایلک معناسنه دخی کلور. «یقال قضی علیه عهدا اذا انفذه».

(قضا)، بر امر و خبری محلنه ایرشدرمک معناسنه دخی کلور. «اذا یقال قضی الیه اذا انهاء».

(قضا)، اوده مک و ادا معناسنه دخی مستعملدر «یقال قضی غریمه دینه اذا ادا»

اداء معناسنده عند البعض حقیقت و عند البعض مجازدر. عند البعض قضا، ماده سی فصل الامر  
معناسنه موضوع درکه برنسنه بی فصل و قطع ایلکدن عبارتدر کرک قولاً و کرک فعلاً اولسون. و بونلرک  
هر بری الهی و بشری اولور. قضا و قدر بحثنده (قضا)، قدردن اخصدر. زیرا قدر، تقدیر ایتکدر  
قضا، تفصیل و قطع ایلکدر. قدر کیل ایچون تهیه و اعداد اولنان نسنده دن و قضا انی اولچمکدن  
عبارتدر بو مبحثک تفصیلی کتب کلامیه ده مسطوردر.



UNIVERSITY OF CHICAGO



13 489 873

BP 161 Orpelian, Sarkis.  
.074 Mahzen el-ulum  
v.1

BP 161 Orpelian, Sarkis.  
.074 Mahzen el-ulum  
v.1

THE UNIVERSITY OF CHICAGO LIBRARY



UNIVERSITY OF CHICAGO



13 489 873

BP 161 Orpelian, Sarkis.  
.074 Mahzen el-ulum  
v.1

BP 161 Orpelian, Sarkis.  
.074 Mahzen el-ulum  
v.1







